

McBain Collection

246

Broadside

7565

in ble.

vied.

LXXXVIII

out ga

3. 1.

Johannes. -
Billing

Ranifera est haec Mantiana collectio
ipsi Sauberto, ex Libra W. Epistolar
Metzachth. edet - neodum usq; alii
etiam invisa - teste ipso in didicat. pr
fice. et Voiglio p. 454. seq. Haec Salther
in Cat. Bibl. p. 489. ad. 2460.

XXII. 2. 30.

EPISTO- LARVM D. PHI- LIPPI MELANCHTHONIS Farrago,in Partes tres distribu- ta: Quarum

Prima, uarias materias Theologicas continet.

Secunda, familiares Epistolas habet, quib. plures cùm
domestice, tum publice res exponuntur.

Tertia, ex dñeris doctorum ac præstantium virorum
Epistolis constat, quib. non solum priuata, sed etiam Ec-
clesiastica & Politica negotia tractantur:

A IOANNĒ M A N L I O passim collecta,
& in communem studiosorum atq; piorum usum
nunc primum publicata.



BASILEAE, PER PAVLVM
Quackum: M. D. LXV.

J. G. Seidler.
Vinarie. 17 Decembris.



2311581

MAGNIFICIS ET AMPLISSIS
mū viris, eruditione et omni virtutum choro prae-
stantib. D. CHRISTOPHORO IONAE,
Iuris utriusq; doctori, D. THOMAE MAT-
THIAE, D. CHRISTOPHORO ME-
IENBURGERO, consiliarijs illustrissimorū
Principum, Electoris Brandenburgensis, & Du-
cum Borruſie, Marchionū Brandenburgen-
ſium, &c. fidelissimis, fautoribus
& patronis suis perpetuò
colendis, S. D.



Tsī de multis circum-
stantijs, magnifici & do-
ctissimi viri, quas breui-
tatis causa hoc in loco
omittimus, lectorē hu-
ius sequentis nostri instituti com-
mone faciēdum putamus: tamen ne
illud à quibusdā aliter atq; uolumus
accipiatur, pauca quædā de his præ-
mittenda censemus. Si qui uero plu-
ra cognoscere desiderāt, remittimus
eos ad posteriorem partem, in qua
reliqua satis abundē & copiosē de-
clarabuntur.

P R A E F A T I O.

Sciat igitur Lector, nos quasdam
Epistolas à diuersis manibus, inter-
dum quoq; ex autographis subitò
scriptas mutilatè & mendosè inuenis-
se, quæ propter eruditas ac utiles iu-
nioribus adhortationes, aut alias in-
signes doctrinas in illis comprehen-
sas, non omnino abijciendæ fuerūt.
Huic etiam nostro iudicio adstipu-
lantur plurimi honesti & docti viri,
quibus idem consultum uidetur, ne
mutilata uel uitiosa loca, ubi ambi-
guitas maius tædium quam utilita-
tem aliquam legentib. adferret, hīc
insereremus. Idq; in paucis à nobis
obseruatum esse, ipsi autographorū
possessores testabuntur. Si qui ue-
rò hac in parte, alijsq; sequentibus,
plura videbunt & intelligent quam
nos:hos amanter rogatos uolumus,
ne nobis suo fidelissimo consilio de-
esse uelint. Sed hoc tempore, proh
dolor, multo plures reprehensores,
quam fideles adiutores aut fautores
cùm

P R A E F A T I O .

cùm publicorum , tum priuatorum laborum inueniri & existere experimur , qui meliorem partem semper uincere student , sibiçꝫ tantū prodesse uolunt . Deinde huic libello adiecimus multas epistolas clarorum & doctorum uirorum , ubi certa eorum dem nomina curioſe inquirere non licuit . At si quidam ſe offerrent , qui hæc aliaçꝫ similia à nobis bono animo & studio collecta , & ab honestis simis ac optimis uiris recepta improbarent , ac uarijs artib . nos oppugnare pergerent (quia nullus eft cauillationum finis) horum consilijs (ſi nos prius docuerint ; quid correctione in his materijs indigeat , idçꝫ qua ratione commodissime corrigendum ſit , ne ipſorum consilium à quoquā euertatur & reiſciatur) obtēperare decreuimus : non aliter quam ut milites tubā & conſilia ducū , iuxta que acies oppugnationesçꝫ instruuntur atçꝫ diriguntur , ſequi confueuerunt .

* ; De

P R A E F A T I O.

De meis autē studijs in hoc Opusculo susceptis, nihil aliud dicere uolo, quām quod mihi à multis præclaris uiris persuasum sit, qui hactenus gustum harum materiarum perceperunt, & nunc propter iuuentutis commodum & utilitatem euulgari exoptarunt, meam operam non inutiliter collocatum iri.

In corū numero, magnifici & doctissimi uiri, uos quoq; esse, & mirū in modum uobis priores meos labores placuisse, & hunc non minus placitum, à quibusdam honestis & eruditis uiris mihi significatur.

Quapropter, magnifici patroni, fretus uestra beneuolentia, & singulari erga me adfectu, has sequentes materias sub uestro nomine publicare constitui, cùm maximis & fere innumerabilib. beneficijs à uobis sim adfectus, postquam in harum materiarum collectione apud uos uersarer. Hinc enim si qui emolumēta aut fructus

P R A E F A T I O N

fructus perceperint , meritò uobis
gratias dignas absque dubio agent,
summisq; laudibus piam , Deoq; &
Ecclesiæ gratam uoluntatem uestrā
in promouēdis studijs extollent , ne
illa quæ hactenus à multis desidera-
ta sunt interirent , aut unus atq; alter
tantū neglecto Ecclesiæ & Reipub-
licæ commodo uteretur . Postre-
mò , ut M. V. hūc libellum eo animo ,
quo priorem solet , amplecti non de-
dignetur , suaq; autoritate aduersus
maleuolorum morsus defendere &
tueri uelit , & me meosq; commenda-
tum habeat , maximopere precor .
Bene & fœliciter ualete . Datae Ly-
psię , anno Salutis humanę 1564 . quar-
to nonis Augusti : quo die , ante an-
nos triginta septem , serenissimus &
potentissimus princeps ac dominus
D. Maximilianus secundus , Roma-
norum , Hungarorum & Bohemorū
Rex , &c. Viennæ nascitur . Eodem
etiam die , ante annos quadraginta

P R A E F A T I O.

quatuor, natus est serenissimus &
potentissimus Princeps ac dominus
D. Sigismundus Augustus, Rex
Poloniae, &c. Quorum, ut & aliorū
bonorum magistratum gubernatio,
felix sit, tranquilla & salutaris; id
quod omnes p̄ij mecum preca-
ri uelint ex animo, De-
um precor,

HENRICVS CLAVIGER OBER-
gebricensis, Ioanni Manlio
S. D. P.

LIteras tuas, humanissime Manli, tā-
quā frater honorandissime, ad me
missas, suavitatis & officij plenas, acce-
pi, easq; summa cum uoluptate perlegi:
quibus me de tuo ad exteris nationes
itinere & labore suscepto in colligendis
doctorum, præsertim D. Philippi episto-
lis, reddis certiorem. Quod mihi uehe-
menter fuit gratum. Et Deum assiduis
meis uotis & ardentibus gemitibus pre-
cor, non desistam, ut te præsidio & excu-
bijs castorum Angelorum septū & mu-
nitum, in tam diffīcili, longa, æstuosa &
puluerulenta uia clementer protegat, et
ab omnibus malis defendat & custodi-
at, iuxta Psalmi dictū: Angelis suis man-
dauit de te, ut custodiant te in omnibus
uijs tuis. Deinde à te maxim opere pro
nostra summa coniunctione, tuaq; sin-
gulari humanitate etiam atque etiā pe-
to & quæso, ut tuum opus inchoatum,
plurimis utile & necessarium profutu-
rum, absoluas, ad optatumq; finem per-
ducas, ac nobis animo libentiss. quam-

EPISTOLA

primum communices. Sunt enim non pauci præstantissimi uiri, multarum rerum usu & experientia ualentes, à quibus tua Collectanea superiori anno in lucem edita, audiē emuntur & arripiuntur: modò si plura exemplaria aduehentur. Quæ ergo promittis, eodem desiderio & cupiditate expectamus & desideramus. Nec maleuolorum sycophantij & obtrectationibus, quibus tuam candidam famam denigrare conantur, summaq; animi uirium contentionestudent, moueare. Optimè enim nōsti, Socratem nec Aristophanis illusionē, nec Anyti proditionē, nec Meliti accusatio-ne, nec iudicū pereemptione, postremò nec inuidorum omnium conflata cālumnia absorptum: sed multo magis sua morte immortale esse factū. Sic aut̄ ait: ἀποστέιναι μὲ διναύται, βλάψαι γέ διναύται. Viuit igitur Socrates, & triūphat magna cum gloria: quando aduersariorū suorum memoria uel extincta est funditus, uel scintilla in cinere cum ignominia ia-cet. Idem uerè de te dici posse, mihi omnino persuadeo: quia semper no-menque tuum, laudesque, etiam inui-tis

D E D I C A T O R I A.

tis Zoilis, manebunt. Scipissimum & epigramma, quod à me haec tenus multis precibus flagitasti, nisi multis & ferè innumerabilibus negocijs, quæ meum animum diuersè trahūt, de quibus iam non est tempus scribendi, fuisse impeditus. Sed tamen uolui amico ueteri & singulari gratificari, moremque gerere. Composui igitur breue carmen, quod ad te curo perferti. Et spero te pro tua in me benevolentia, studium meū esse approbaturū, quantūuis nulla sit meorū carminū uel gratia, uel elegātia. Plura litteris cōmittenda hoc periculosisimo tempore non putaui, pr̄fertim cum nusquam fides, pietasque sit. Sed tu, quod desiderio & petitioni tuae nūc quidē satisfacere non potui, ut par erat, mihi da ueniam: ac tuum Henricum Clauigerum, non alio erga te animo esse, quam semper fuerit, tibi persuade. Bene & feliciter in Christo uale: & me, quod facis, amare perge. Datæ in arce Mansfeld, festinanter, idibus Iunij: quo die ante annos 14 clarissimus vir, Ioannes Spangenbergius, piæ & sanctæ memoriae, Ecclesiæ Dei in inclyto comitatu Mansfeldensi

EPISTOLA.

feldensi fidelissimus superintendens,
deq; alijs Ecclesijs optimè meritus, Isle
biæ ex hac ærumnosa uitæ est euo-
catus: Anno salutis nostræ

M. D. LXIII.

HENRICI CLAVIGERI OBERGE.
bricensis, in libellum Ioannis Manlij, ad
Lectorem Carmen.

Extent scripta licet, multo congesta labore,
Manlius ingenio quæ dedit amè suo:
Sed tamen haud renuit reliquos uulgare libellos,
Quos tua composuit docte Philippe manus.
Huc ades ergò cohers, lepidum studiosa libellum
Præsentem assidua ex uolue reuolute manu:
Plenius Ausoniam si mens est nosse loqueland,
Qua sine uix fragilis uita manere potest.
Est nec quod lingua Momii moueare dicaci,
Quæ pudet haud summos carpere sepe deos.
Iam si Mæonides, Vatum pater, ipse rediret,
Tutus ab insidijs non tamen esse queat.
Ad te sed redeo tandem doctissime Manli,
Et moneo studium continuare uelis.
Id bene cum præstes, merito celebraris honore,
Et summa pietas est tua grata Deo.
Inde tibi nomen longos durabit in annos,
Hinc potes à sera posteritate cani.
Quod superest, ueris precor optima numina uotis
Ut uiuas Pylij secula longa senis.

Vale.

PAVLI CHERLERI E L S T E R B U R G E N
sis, studiosi, Carmen: in epistolas D. Philippi Melancthonis p̄ix & sanctæ memorię, ab industrio
& diligentí uiro I O A N. Manlio, amico
suo, collectas, & in lucem editas.

Qui tibi nuper, studiosa turba,
Utili pulchrum studio uolumen
Condidit, duri patiens laboris
Sedulus auctor:

Iam nouum fautor tibi fidus idem
Edidit librum: bene qui uocari
Aureus possit, quia dona portat

Aurea nobis.

Namq; cūm Virtus semel incalescit,
Quæ bonis gaudet nituisse factis:
Non latet, pulchra neq; conquiescit
Laudis amore.

Grata sed cūm sint docili iuuentæ,
Et uiris doctis, tenerisq; Musis,
Cuncta quæ magnus peperit Melanchthon,

Aurea scripta:

Queso quis Lector dubitet benignè,
Quim opus præsens sit et hoc futurum
Omnibus gratum, sua qui dederunt
Nomina Musis:

Cumq; per se se niteat uenustis
Floribus, prægnetaq; alijs opimis

Fruſib;.

*Fructibus, porrò uaga quid iuuabit
Fundere uerba?*

*Huc Apis quare studiosa quæuis
Aduola, pingues age suge flores:
Mellis hinc uena liquidi perenni
Copia currit.*

*Vnde pinguesces animo beato,
Vnde desuges bona uera sano
Corpori: floret generosa uirtus
Vnde triumphis.*

*Interim grates tibi docte Manli,
Quem meos inter numerosodales
Intimos, debet studiosa Phœbi,*

Læta iuuentus.

*In sinum cuius modò delicatum
Munus effundis: uirides in hortos
Cuius & nunc alueolos reponis
Melle fluentes.*


*Forte si crabro tibi, siue mollis
Obstrepet fucus. quid enim ferendum est.
Namq; Virtutis comes est perennis,*

Pallidis osor.

*Perge, cœpisti pede quo secundo,
Progredi semper: modò quod negabit
Mundus ingratus tibi, grata reddent*

Sidera coeli.

*Basileæ, ex ædibus D.D. Simonis
Sulceri, Anno 1565.*



PHILIPPI MELANCHTHONIS EPISTOLA
rum à Ioanne Manlio collecta-
rum Pars Prima.

REVERENDISS. ET IL-
lustriss. Principi ac Domino, D. Geor-
gio, Præposito Maideburgensi,
&c. Philippus Melanch-
thon S. D.



LLVSTRISSIME Princeps.
In aditu Bauariae, dextra mihi, cum
cuerteretur currus, quo utebar, adeò
duriter quassata est, ut cessa in nec-
pit, ut medici loquuntur, luxata sint.

Ideo ne nunc quidem sine cruciatu literas pingere
possum. Sed tamē quoquo modo significandum V.
C. duxi, Ratisbonæ mihi redditum esse munus ue-
strum argenteum, quod in mensa uos quotidie de-
egregijs uirtutibus uestris admonet. Mores mei uo-
bis noti sunt, et (ut spero) etiā probati. Certè par-
simoniam ita amo, ut etiam alios non libenter one-
rem sumptu. Filius Dei inter se deuinctos uult esse
omnes qui ipsum agnoscūt, et Deum uerè colunt.
Iurè igitur amo C.V. quæ toto pectore amplectitur
Christi doctrinam, et amat Ecclesias suæ ditionis
magna sedulitate. Sunt et ceteræ uirtutes: iusti-

cia in gubernatione, cōstantia animi, castitas in mō
ribus, eruditio eximia, digna amore & laude. Pro-
pter has causas simplici animo colo C. V. non pro-
pter munera: sed tamen benevolentia uestra ualde
delector, & pro munere gratias ago. Historiā con-
uentus adieci in alia pagella, nec aliud adhuc actū
est: certo consilio summam breuiter ita narramus,
quæ inter amicos sine periculo spargi possunt. No-
stri omnes ostendunt se mansuros esse in sententia
confessionis: sed tamen quidam languidores, uiden-
tur non abhorrere à fucosis cōciliationibus. Illos co-
thurnos metuo, de quibus & fratres uestri scribēt.
Elector Marchio sperat aduersarios non refragati-
ros doctrinæ, si nos episcopis tribuamus usitatum
rēgīwūæ. Sed Contarenus cardinalis multò est du-
rior: nulla in re discedi uult à consuetudine Roma-
na. Ideo impedire has deliberationes de concordia
sedulò conātur. Imperatoris uoluntatē iudico pro-
pensam esse ad moderatissima consilia. Quid spei
esse posse, cùm adeò dissimiles sint uoluntates, non
difficile est iudicare. Deum patrem Domini nostri
Iesu Christi oremus, ut Ecclesiam sanguine filij re-
demptam & sanctificatā seruet, & nos gu-
bernet. Bene ualete, 25. Martij, Ra-
tibonæ, 1541.

HISTO-

3

HISTORIA CONVENTVS
Ratisbonensis, Anno 1541. mense
Martio.

INITIO conuentus postquam Imperator Carolus exposuit, se deliberationes instituere uelle de controuersijs Ecclesiasticis dirimendis: cōiuncti Augustanæ confessioni petierunt, pertexi disputacionem Vuormaciensem, ut ex ea explicatione Imperator & Principes cognoscere possent, & quæ res ueniant in controuersiam, & qui sint fontes. Quo modo enim eligi uerae sententiæ à principibus posse sunt, nisi res hoc modo collate, & disertè explicatae eis proponantur? Sed hoc consilio repudiato, ostendit Imperator, se paucos quosdam delecturum esse, non ut sententiæ inter se pugnantes defendenterunt, sed ut quæreretur quæ dogmata cōciliari possint. Ac ne quid periculi esset ex hac deliberatione partibus, præfatus est, uelle se, non teneri quenquā his deliberatis, nec ea uim præiudicij habere, sed omnia rursus ad consilia Principum referenda esse. Postulauit item, ut sibi permitteretur, ut suo iudicio, quos uellet, deligeret. Nihil enim mirū esse, in re tanta dissimiles esse hominum uoluntates, dissimilia studia & iudicia. Sed erant quidam, qui ab hoc toto consilio cōciliationum abhorrebat, propter magnitudinem periculi. Multa enim sunt et uetera & recentia exempla, quæ admonent, in talibus con-

ciliationibus plerunq; decurri ad ambiguos, flexilos
 quos, fucosos & fallaces articulos, quibus ueritas
 obruitur, & non sanantur Ecclesiæ, sed dissipatur.
 Alij contrà disputabant, hanc uiam etiam profutu-
 ram esse ad declarandas sententias quas profiteren-
 tur Ecclesiæ, quæ amplexæ sunt Augustanam con-
 fessionem: præsertim si interfuturi essent boni uiiri,
 qui Imperatori recitarent, ut res posceret, disputa-
 tionū summas. Et Imperator dixerat, uelle se inqui-
 rere ueritatem. Futurum autem animum Imperato-
 ris mitiorem, si intelligeret nō tam absurdâ esse do-
 gmata nostrarum Ecclesiarum, ut à Pontificibus,
 monachis, & alijs sycophantis traducuntur. Ad-
 debat item, si colloquij huius deliberata referren-
 tur ad Principes quosdam, dicturos esse liberas &
 honestas sententias. Tandem igitur eò decur-
 ritur: assentimur Imperatori, ut hoc loco collo-
 quium instituatur: sed ita, ut ne condantur flexilo-
 qui articuli, sed ut simplex ueritas patefiat. Et testa-
 tus est Imperator, uelle se inquiri ueritatem: ac in-
 delectu usus est hac æquitate. Ex pontificijs tres de-
 legit, Iulium, Eccium, & Gropperum. His addidit
 ex altera parte Philippum, Bucerum, & Nidanum
 pastorem. Petitum est, ut addatur principes seu gu-
 bernatores colloquij, & aliqui auditores seu testes,
 ut acta cùm Imperatori, tum alijs principibus fi-
 delius recitari possint. Delecti sunt gubernatores,

9

Dux Fridericus Palatinus, & Granuellus. Adiuncti auditores, Comes de Manderscheit, Eberhardus Ruede, consiliarius Moguntini: cancellarius Palatini Electoris, Saxonius cancellarius, cancellarius Hassicus, Jacobus Sturmius Argentiniensis.

Initio congressus Dux Fridericus rursus adhortatur delectos, ut sedatos ac pios animos ad tantam deliberationem adferant, & dirimere controvrsias studeant. Narrat, ipsi Imperatori tot iam annos eam rem maximè curæ fuisse, eoq; multorum doctorum & honorum explorasse sententias. Cum igitur quidam exhibuerint ipsi scriptum, quod propter aliorum * concilijs durioribus antetulerint: uelle Imperatorem, ut delectis liber ille proponatur, qui quasi uiam monstret ad dirimendas controvrsias. Liber est exhibitus æquissima conditione, ut que non probarentur nobis, dicere licet: & censuram adderemus. Etsi autem tutius uidebatur nonnullis ex delectis, percurrere Augustanam cōfessionem: tamen cum alijs librum anteferrent, & inciuale uideretur, nolle inspicere scriptum propositum ab Imperatore sine inquis conditionibus: conuenit, ut liber lege retur, & ordine dicerentur sententiæ. Initia non habebant controvrsias, de conditione hominis, de la-
psu, de libero arbitrio, de caussa peccati, de uitio originis. De his locis tunc quidem rixæ nullæ fuerūt.
Secutus est locus de reconciliatione hominis, scu in
a s ftificatio-

stificatione, de quo farrago illa neutri parti satisfaciebat, & quia nouas quasdā sentētias cōtimebat, & pleraq; erant obscura, impropria et flexiloqua: ut aliās uidetur rectē dicere, Fide propter Christum iusti sumus: aliās contrā, propter donatas uirtutes sumus iusti: ut Thomas, seu ut Plato loquitur.

Se deposito igitur libro, de summa rei liberè dispūtatum est: & tandem ad formulā reuersum, in qua recepta et explicata sentētia est, Fide propter Christum gratis iustificamur, non propter uirtutes nostras. Cum de hoc loco conuenisset, redire ad librum iusſi sumus. Lectus est locus sequens de Ecclesia, ut facilius obtineri sequentia possent: insidiose addita est hypothesis, communem consensum & synodos legitimas non errare. Hic magnum certamē ortum est. Cumq; per aliquot dies de hoc loco diligenter disputassemus, iusſi sumus reiijcere hanc partem in aliud tempus. Lectus est locus de Sacramenis, in quo cum uentum esset ad Cœnam Domini, oratione sunt rixæ de conuersione substantiæ panis. Reiecta est et hæc disputatio in aliud tempus. Postea acerima contentio de re non magna secuta est, An in confessione, ut uocant, sit necessaria delictorum enumeratio. Defendebatur regnū cōfessionis à non nullis, uel propter autoritatē ordinis sacerdotum, uel propter culinas monachorum. Sed ab alijs exhibita est contraria sentētia, explicata copiose. Agitata

tata est et quæstio de Satisfactionibus, de quibus
formula proposita est à pontificijs breuis: et ut mo-
derata uideretur, ambigua. Sed cōcessum est, ut et
altera pars suam exhiberet sententiā. Ventum est
ad locum de gradibus et potestate Episcoporum,
ubi aliquid de potestate Romani pontificis signifi-
catum fuit. Adiecta erant et alia quæ uocabantur
in quæstionem. Tribuebat enim scriptum autori-
tatem Episcopis, ceremonias diuinitus institutas mu-
tandi. Id quidem interpretabantur de parte Cœnæ
Domini, adempta populo. Secuta sunt certamina
de invocatione Diuorum qui ex uita discesserunt,
de applicatione Missæ, de priuata Missa, de usu in-
tegræ cœnæ Domini. In his materijs cum iij qui Au-
gustanam cōfessionem amplectuntur, dissererent à
libro illo, et à Pontificijs: concessum est ut contra-
riæ sententiæ exhiberentur. Reliqua erat in libro
longa recitatio ueterum Canonum, de coniugio sa-
cerdotum. Etsi autem liber eam causam reiiciebat
ad deliberationem summorum gubernatorum: ta-
men significabat, cōiugium sacerdotibus conceden-
dum esse iuxta normam ueterum Canonum. Hic
adiecta est liberior sententia à nobis. Tandem igitur
percurso libro, iussi sumus acta referre Imperato-
ri: ac reddito libro ostendere, de quibus locis conue-
nerit, et quæ controversie non sint diremptæ. Etsi
suimus delecti ut inquisita ueritate, disidia tollere-

mus:tamen ut studium concordie ostenderet hi qui Augustanam confessionem amplectuntur, de libro no acerbam censuram egerunt, multa impropriè dicta disimularunt: quædam donarunt aduersarijs, quæ tamen digna erant reprehensione. Sed semper ita sensimus, non propter leues causas alenda esse disidia: tantum de magnis & necessarijs rebus pugnandum esse duximus. Postquam Imperatori liber redditus est, tentato sunt per Marchionem Ioachimum & compositiones reliquarum controuerstrarum, de quibus articuli à nobis exhibiti erant. Cumq; cætera communia de utilitate concordie & pacis, de ingentibus malis quæ ciuile bellum comitaretur, longa oratione commemorata essent: illud tandem adiectum est, moliri Imperatorem nouam Ecclesiæ reformationem, & doctrinam de iusticia fidei propagaturum etiam esse in cæteras regiones. Hæc tanta bona impediri, si cæteros articulos mordicus retineremus, nec regredieremur aliquātulum cessuri, non hostium improbitati, sed piorum in alijs regionibus utilitati. Multi hac ratione mouebantur: bellum ciuile, quo nihil iniustius in hac uita cogitari potest, non stultè formidantes: nonnulli ex altera parte orationis moueri se significabant, & censebant nostra moderatione inuitādam & confirmandam esse uoluntatem Imperatoris, uniuerso orbi consulere cupiētis, & quasi quoddam

aureum

aureum seculum promittentis. Ac disputabant, cum
singuli quædam dissimulemus amicorum uitia, unà
cum celebratiss. autoribus Augustino & alijs, alio
rum errores quos cōdonemus: posse etiam hoc tem
pore aliqua seu remitti, seu inuolui ac tegi, cū pro
pter nostras ciuitates & Ecclesias, in quibus uasti
tas futura esset: tum propter gentium, quæ tanquā
infirme inuitandæ essent, utilitatem. Nec leue fuit,
cum de re tanta sententia decernerentur. Nam alijs
contrā: Etsi propria Ecclesiarum & scholarum ex
cidia metuerent, ipsi tamen doctrinæ corruptelas
fugiendas esse sentiebant. Nec hi tantum eo moue
bantur, quod omnibus periculis anteferenda sit ue
ritas: sed etiam hoc considerabant. Primum modera
tores pacem, quam ostendebant, non impetraturos
esse, nisi totum puræ doctrinæ genus abiijceremus.
Deinde domesticum consensum tenendum esse, cum
constet plerosq; domi pacificationē hanc, uel cum
paucorum articulorum corruptelis cōiunctam a
sperrimè reprehensuros & improbaturos esse. Po
stremò, secuturas esse magnas in nostris Ecclesijs di
scordias. Illa uero promissa de aureo seculo, & de
reformatione, non magnificiebant: quod uideretur
esse, ut inquit Thucydides, σχῆμα τε ποίματνα ου
λόγια. Tandem igitur Marchioni respondetur ue
recundè, has de reliquis controversijs deliberatio
nes differendas esse, donec à Principibus in utraq;

10

parte sententiae de prioribus articulis dictae essent,
de quibus fortassis collocutorum iudicium neutri sa-
tisfaciat. Etsi autem tot cōtrouersiae reliquæ non
erant direntæ, tamen Cæsar iubet in senatu Princi-
pum sententias dici de libro. Hic dux Bauariae Gui-
lelmus, recitat de scripto longam criminationem
eorum qui amplexi sunt Augustanam confessionem.
Deinde & hunc librum à Cæsare oblatum prorsus
reijcit. Censet nullam ullius opinionis correctionē
aut moderationē, nullam legum pontificiarum mi-
tigationem admittendam esse: nihil concedendū ad-
uersarijs, quod discrepet ab usitatis opinionibus,
aut cæmonijs cæterarum nationum. Hæc summa
fuit orationis domini Guilelmi, cui assentiebantur
pleriq; Episcoporum. Hos ut confirmaret Eccius,
misit ad senatum Principum breuem epistolam, in
qua improbat librum: ac testabatur, nunquam sibi
placuisse, propterea quod errores nō ferēdos con-
tineret: nec in loquendo sequeretur Theologorum
phrasin & consuetudinē. Dicuntur sententiae mo-
derationes à legatis Coloniensis episcopi, à legatis
Palatini, & à Marchione Brandenburg. Electorez
ut conciliati articuli comprobentur, cæteri reijcian
tcr ad synodum aut alium cōuentum. Hi enim dispu-
tabant, paulatim coituras in concordiam Ecclesias,
si æquitas adhiberetur: & cōscientijs piorum, quæ
desiderent quorundam rituum uitiosorum emenda-
tionem,

11

tionem, consulendum esse. Tertia fuit sententia nostrorum, Non reprehendi articulos cōciliatos, si tamen in his quædam ambigua disertè explicaretur. Addebat et de controversijs non diremtis: se iudicare articulos à nostris in colloquio exhibitos, ueros: et ita moderate scriptos esse, ut sperent sanis iudicijs satisfacturos esse. Et quia iussuerat Imperator exhiberi deliberationem de reformatione Ecclesiæ, adiecti sunt libelli de gubernatione Ecclesiarum. Cùm uero Principū sententiæ inter se non congruerent, Imperator, ne de summa rei ipse statuere uideatur, cardinalem Contarenū ipse adhibet. Hic ut honesto prætextu certamina finirentur, proponit scriptā sententiam, in qua iubet totam uel integrā causam seruari Romano pontifici, ac ueritatē in conuentu de his rebus iterum disputari. Et quia fuerat contentio de cōciliatis articulis recipiendis, quos uisus est antea Contarenus nō improbare: ad ductus est importunitate Eccij, ut alterum scriptū proponeret, in quo disertè inquit, se de cōciliacione non pronūciare, nec probare eos, sed relinquerre iudiciū Romano pontifici. Mirabatur multi Contarenū, cum et doctrinæ Christianæ peritiſsimus esse diceretur, et singulari grauitate et uirtute proditus, non liberè profiteri quod sentiret. Nam cùm omnes Christiani et intelligere communem Evangelij doctrinam debent: tum uero maximè illis qui

primat

primas in Ecclesia tenent, et gubernatores doctrinæ esse uolunt, conuenit aperte suam sententiam ostendere. Nec continent articuli conciliati inanes argumentias, sed res magnas, et Ecclesiæ necessarias: ut de morbo originis, de libertate uoluntatis humanæ, et fide iustificante propter Christum, de retinēdis officijs Episcoporum et aliorum graduum Ecclesiastū corum. Sed quo consilio suam sententiam Contare nus occultarit, nihil ad nos attinet: sed euētus satis ostendit, eos qui sperarunt initio aduersarios nostros aliquam moderationem aut emendationē suarum opinionū admissuros, non satis prospexit se eorum uoluntates: tentādos putarūt animos nostros, ut seu inclinatio quædam, seu distractio fieret, posteaq; suum odium declararent: alij meliores, qui se rīo moderationem aliquam expetunt, cum uideret nec animorum concordiam uerè coituram esse, nec semina eorum tolli, et si receptæ essent hæ moderationes, minus succensabant nobis quòd repugnaueramus. Audio et * cū uideret frustra tentatas esse has conciliationes, dixisse, Deum fortassis hos conatus impediuisse, qui arcāno et mirabili consilio regit Ecclesiam: quòd his moderationibus receptis, mala quædam confirmata fuissent: et eorum stabilita potētia, qui errores præcipue defendūt. Deum uero orandum esse, ut ipse Ecclesiæ opem ferat, et p̄s cultus ac ueram doctrinam restituat.

Oratio

Oratio Philippi Melanchthonis ad Ca-
rolum V. Imperatorem, Anno 1541,
mense Martio, Ratis-
bonæ.

Inuictissime Imperator Auguste; Domine cle-
mentissime: Audiuius narrationem eorum qui ex
nostris ad colloquium delecti fuerunt. ex qua intel-
leximus, quæ controuersiæ agitatae sint, quæ in Li-
bro mutata, quæ comprobata, & quæ non recepta
sint. Et animaduertimus, in quibusdā articulis adi-
tum ad concordiam factum esse. Quare & C.M.V.
gratias agimus, quod doctorum collatione, & ciui-
li modo, qui decet Ecclesiam, dirimi controuerfias
Ecclesiasticas mauult: & precamur Deum, ut has
actiones ita gubernet, ut ueritas & doctrina saluta-
ris Ecclesiæ Christi magis illustretur. Dolendum
est autem, tantam esse temporum infelicitatem, ut
non potuerit de omnibus articulis rectè conueniri.
Loci quidam relicti sunt ambigui, quorum explica-
tio tamen necessaria est Ecclesijs. Hæc fortassis eò
acciderunt, quia difficile est uetus abusus tolle-
re, quos alij propter diuturnitatem temporis & e-
xempla, alij propter alias causas defendunt. Neq; e-
nim negari potest, ante aliquot secula irrepisse in
Ecclesiam multos abusus: si nostrum testimonium
opponeretur pijs rectè sentientibus, etiam ad poste-
ritatem. Quale uinculum iniiceretur Ecclesiæ, si fa-
ceremur

ceterum prorsus nullum ullius synodi lapsum reprehendi posse? Ita ex reliqua materie ad uniuersam Ecclesiam pertinent, cui omnia membra hoc debent officium præcipuum: curam uidelicet conservandæ ueritatis. Ut Paulus lætari se dicit, quod immoletur, hanc ob causam, ut alij Deum uera fide colant. Quid in Ecclesijs nostrarum gentium ex urbium, in modo domesticis? quam piae mentes imbutæ priore doctrina sauciarentur, si nunc ad approbando abusus retraheretur? Quam multi pij iuste nos increparent hac ipsa Pauli uoce: Cur nos à gratia Christi abducitis ad aliud doctrinæ genus? Postremo, nostrorum articuli ita moderatè scripti sunt, ut cum proferentur, saniores ubique intellecturi sint; nostras sententiæ nec absurdas, nec immoderatas esse. Quanquam enim Liber, ut uideatur moderationis, quedam nimis horridè proponit, ex alicubi manifesta uitia iubet tolli: tamen interim in plerisque articulis abusuum semina retinet, de quibus admoneri Ecclesiæ necesse est. Ceterum de articulis conciliatis maximè quidem optamus, ut hi propagentur in omnibus Ecclesijs, modò ut rectè et uerè intelligentur. Videmus autem collocutores nostræ partis, sive ex studio concordia quedam breuius et in propriè dicta præteriisse, quosdam etiam articulos non prætexuisse, et quedam ambigua reliquise. Nam cum constet, ambiguis et flexiloquis articulis

non sedari, sed potius accendi certamina, sicut quo
rundam ueterū synodoru[m] euentus ostendunt, opus
erit in his iusta, propria & perspicua explicatio-
ne. Nos enim sic intelligimus eos, ut in nostra Con-
fessione & Apologia res eadem traduntur. Sed si
aliam diuersam interpretationem adderent, recla-
mare ne esse esset. Nec sunt obscuræ aut intricate,
aut perplexæ, aut absurdæ nostræ sententiæ. Totum
enim hoc genus doctrinæ, quod in Ecclesijs nostris
proponitur, & quod extat in cōfessione nostra &
Apologia, doctrina est tradita in Euāgelio, & con-
sensus Catholicæ Ecclesie Christi, habetq[ue] erudi-
torum patrum uera testima[n]tia, nec ab ea cōfessio-
ne discedimus. Quare si qui astutè hos breues arti-
culos in libro transformaret in falsas opiniones, &
à nobis taxatas, cum his non esset concordia. De-
nique indignissimum est Ecclesiæ, ludere ambiguè
dictis, & condere articulos, qui opus habeant no-
nis articulis cōdientibus priores: sicut pisces sale o-
pus habent, ut de legibus ambiguis Aristoteles di-
xit. Iuſsimus igitur nostros concionatores, qui ad-
sunt, addere huic nostræ respōsioni eas particulas,
in cōciliatis, quæ præcipue opus habet explicatio-
ne. Oramus autem cum debita reuerētia C. M. V. ut
hanc nostram respōsitionē, profectam bona conscienc-
ia, & optimo studio erga Ecclesiā Christi & com-
munem tranquillitatem, clementer accipiat. Dixi-
mus.

mus bona fide, ut in re tanta fieri decet, quod sentimus. Magna res est Ecclesias gubernare, in qua cōscientiarum ratio habenda est. Quæ cum autoritate humana sine ueris rationibus coguntur, ijs non tolluntur, sed augentur certamina. Ideo Deum oramus, ut ueris modis aliquādo cōcordia perficiatur.

Serenissimo Regi Angliæ Philippus
Melanchthon S. D.

Serenissime rex, & domine clementissime. Etsi me quædam grauissimæ causæ hortabantur, ut literas ad R. M. T. darem, & nota mihi esset publica omnium doctorum opinio de tua bonitate atq; clementia: tamē me à scribēdo pudor meus deterruisset, nisi me confirmasset D. Antonius doctor, amicus meus: qui me eti sp̄cietem heroicas uirtutes tuas, tamen ita nunc accedit commemoratione laudata tuarū, ut in sp̄m uenerim, R. M. T. pro excellenti sapientia atq; humanitate tua literas boni conſulturā esse, præsertim in quibus non solum de meo officio, sed nonnihil de Republica scripturus essem. At de me quidem dicam breuius. Quid in hac mea & ingenij tenuitate & fortuna præstare possum, quo meum studium erga R. M. T. declarare queam? Cæterum ita semper iudicavi: Cum bono & salutari principe nihil sit amabilius, nihil diuinius: R. M. T. ab omnib. bonis uiris propter excellētē in summa potestate moderationē ac iusticiam merito aman-

dam esse. Plurimum uero deberi R.M.T. à nostro ordine, & à literarum studiosis, quod in ornandis excitandisq; honestis disciplinis R.M.T. longè regum aliorum ac principū huius ætatis studium uicerit. Quia in re ex facilitatem ex sapientiam tuam admirari soleo. Quod enim R.M.T. iudicauit curā literarum dignam esse magno Principe uidit profecto, quantum Republicæ decus sit, quantum afferant momenti ad societates religionum, studia. Felicitas uero magna fuit, quod eodem tempore iam multa egregia lumina ingeniorum tulit Anglia tua: ut numerare in his multos possumus, cōserendos cum summis uiris, qui unquā doctrinæ laude floruerūt.

Ac sēpe cogitanti mihi de R.M.T. uenit in mentem, tale nunc aureū seculū esse tuæ Britanniae, qualem fuit olim Aegypti, regnante Ptolemæo Philadelpho: qui et si opibus antecelluit omnes nō solum suæ etatis reges, & res gesit bello egregias, tamen omnium gentium ac posteritatis etiam amore hoc nomine præcipue meruit, quod literarum studia sicut ac prouexit. Itaq; ut Ptolemæo & ceteris regibus, quorum beneficio cōseruatæ sunt honestæ artes: ita R.M.T. hoc nomine plurimum debebit uniuersum genus humanum. Hec sunt eruditoru omnium in Germania iudicia. Cum igitur erga studiosos sit tanta benevolentia R.M.T. non dubitaui ad R.M.T. scribere, ut ostenderem, quantum cupiam tali re

b gi



gi commendatus esse. Scio R. M. T. fide ac studijs homines metiri, non fortuna. Ideo me commendo R. M. T. tanquam præcipuo ac penè unico literarum patrono: & omne meum studiū atq; operam quantum quidem in hac ingenij mediocritate præstare possum, ad R. M. T. defero. Sed non tam meam causam agere institui, quam publicam literarum: quarum ut hoc tempore periculum R. M. T. cōsideret, uehemēter oro. Non solum enim in cæteris regnis, sed etiam in ipsa Germania literæ contemptæ sunt, inquis hominum iudicijs: & uocantur in odium, propter religionis controuersias. Erit igitur sapientiæ tuæ, eo maiore benignitate istis recta studia excitare, & pulsis Musis hospitiū præbere. Scimus, & olim cum propter arma Gotthica penè extinctæ essent in Europa literæ, ex insula tua rursus in totum orbem propagatas esse. Hac de re, de uniuerſa posteritate, de Ecclesia mereri R. M. T. poterit. Nec uero dubito, quin & ipſæ religionum controuersiæ mitigarentur, si R. M. T. authoritatem suam conferret cum ad Reges cæteros ad moderationem flectendos, tum uero cum doctis hominibus de genere doctrinæ deliberaret. Nam & illud minimè obscurum est, in Ecclesia abusus quosdam non disimulando irrepsisse: neq; tamen operam dare Reges ut extet aliqua simplex & certa doctrinæ forma. Discordia publica præbet locū interdum etiam indocilis

indoctis & malis, qui regū iracundiam accendunt.
Sed tamen erat adhibenda diligentia, ne interim si-
mul bonae res & utiles Ecclesiæ opprimerentur: né
ue in bonos exerceceretur crudelitas. Grauiſſimè Poe-
ta inquit, cum de ſedādis populi motibus loquitur:
Tum pietate graue, ac meritis ſi forte uirum quem
Confexere, ſilent, arrectisq; auribus aſtant:
Ille regit aictis animos, ac pectora mulcet.

Virum enim pietate grauem, ac meritis, ad com-
ponendā diſſidia uult accedere: qualis est R. M. T.
quæ cum ætate, ſapiētia, doctrina antecellat cete-
ris regibus: tantum adferet ad hanc causam authori-
tatis, quantum aliud nemo.

Illa autem oratione apud R. M. T. non est opus,
quām glorioſum fit regi, de uniuersa Ecclesia, de to-
to genere humanae bene mereri. Intelligit enim R.
M. T. pro ſua excellenti ſapiētia, & hanc curam di-
uinitus eſſe regibus mandatam, quodq; aeternam ac
ueram gloriam apud omnes gentes hoc beneficium
parituruſit. Quare R. M. T. propter Christum o-
ro, ut hanc cogitationem fuſcipere uelit, ex curant
de regum uoluntatibus flectendis ad moderationē,
ne pariter boni & mali ſine discriminē trucidētur:
& de Dei gloria ornanda. Poſtremo oro, ut R. M.
T. meas haſce literas, ſimplici animo ac bono studio
scriptas, boni consulat. D. Antonius, ſumma fide
& diligentia, de certis articulis nobiscum diſputa-

uit, de quibus meum iudicium ipsi perscriptum dedi. De quo hoc testatū uolo, me non ita amare meū iudicium, quin si quid reprehenderent aliquot boni uiri & docti, re communiter deliberata, ipsorum sententiam meā anteferre uelim. Christus seruet R.M. T. in columnem, ad salutem plurimarū gentium. Ex nostra Academia Vitebergensi, die 13 Martij, Anno 1535.

Eidem.

Inclyte & clementissime Rex. Quod Regia Majestas tua non solum amplissimo munere, sed etiam literis, in quibus illustre testimonium est benevolentiae R.M.T. erga me, declarat, sibi officium meum in dedicando placuisse: multis de causis laetor. Primum enim, quid mihi priuatim accidere potest honorificentius, quam quod grauissimo iudicio sapientissimi regis ornatus sum? Deinde hoc nomine gaudeo, R.M.T. non abhorrere a meis scriptis: quod spero, postquam intellexerit, ea que docemus, Ecclesiae necessaria esse, magnum momentum allatum esse ad ornandam gloriam Christi: & allestandos ad moderationem ceteros reges, quorum iracundia sine modo aduersus studiosos pure doctrinae exarsit. Atque hanc spem meam ualde confirmarunt literae R.M.T. in quibus planè testatur R.M.T. se nunquam defuturam ijs consilijs, que ad gloriam Christi illustrandam suscipimus. Quæ uerba cum legeremus

legeremus ego & pleriq; alij, hunc animum R.M.
 T. maximis de causis gratulati sumus uniuersæ Ec-
 clesiæ Christi. Scio R.M.T. pro sua excellēti sapien-
 tia intelligere, quām gloriosum sit, & dignum sum-
 mis heroibus, ueram religionem propagare, & pu-
 blicis uitijs mederi. Ideo nō puto hac in re mea ad-
 hortatione opus esse. Tantum agam gratias R.M.
 T. & quòd meum officium probat, & significatio-
 nem ostendit minimè obscuram singularis beneuo-
 lentiæ erga me: quam tanti facio, ut libenter profi-
 tear me uicissim R.M.T. debere omnia studia mea,
 & (si quæ sunt) ingenij uires omnes. Vtinam ue-
 rò mihi tantum ingenij & doctrinæ esset, ut aliquo
 officio amorem erga R.M.T. & gratitudinē meam
 declarare possem. illud certè efficiam, ut intelligi
 possit, non deesse mihi uoluntatē ac studium decla-
 randæ gratitudinis R.M.T. tanquā optimo princi-
 pi, & cupido iuuādæ uniuersæ Ecclesiæ. De cæteris
 rebus scripsi ad clarissimum D. secretarium supre-
 mum. Alexandrū Aleſium R.M.T. propter egre-
 giam ipsius fidem & doctrinam, & in omni offi-
 cio diligētiam commendo. Bene & fideliter ualeat
 R.M.T. Ex secessu scholæ Vuitebergenſis, Calend.
 Decembris, Anno 1535.

Eidem.

Inclyte et serenissime Rex. Clementer acceperūt
 aliquot Romani Imperatores, Adrianus Pius, &

b s deinde

deinde fratres Verus & Marcus, apologias Christianorū: quæ quidē tantum apud illos moderatos principes ualuerunt, ut eorum iracundiam aduersus Christianos lenirent, & atrocium delictorū mitigationem impetrarēt. Itaq; postquam est lis contra piam doctrinā & Ecclesiæ necessariam, quam profitemur, rogo ut R. M. T. benignè hanc nostrā querelā & legat & consideret: præsertim cūm non solum nostra causa, sed multo magis propter publicam Ecclesiæ salutem, hoc ad te scriptum instituerim. Cūm enim illi Ethnici principes defensiones nostrorum & admiserunt, & approbauerunt regi Christiano & uersato in studijs sacrarum literarum: decorum est & te audire piorum in Ecclesia querelas & admonitiones. Scribo autem eo ad te libenterius, quia antea cum singulari benevolentiae significatione meas literas accepisti. Et in hac cauſa spem aliquam mihi facit, te non grauatum hæc leteturum esse, quod phrasis ostendit, Episcopos haud dubiè authores esse articulorum istic editorum, nō te. Etsi, ut ſepe accidit laudatiſsimis principibus ut suffragia accederent: ut Darium sapientem & iustum, impulerunt tamē Satrapæ ut Danielē leonibus obijceret. Nunquam autem indecorū fuit bonis principibus, corrigere iniustumasperitatem, & (ut dicitur) habere deutep̄as φgortid̄as, hoc est, secundas deliberationes. Sapientissima ciuitas Atti-

ea decretum fecerat, recuperata Mitylenda, quæ de-
fecerat, ut ciuib⁹ omnibus interfactis, omnis urbs
deleretur. Nauis missa est, quæ ad exercitum hæc
mandata adferebat. Postridie iterum relicto nego-
cio, ab iisdem iudicibus fit cōtrarium decretum, ne
pœna uagaretur per omnes: sed prius authores de-
ſertionis pleſterentur, & ciuitas feruaretur. Missa
est igitur altera nauis, quæ properare iussa est, ut
priorem anteuerteret: sicut accidit. Nec puduit ci-
uitatem tunc quidem latè regentem, publicè corri-
gere prius decretum. Multa huius generis exem-
pla extant, quorum pleraq; nota eſſe tibi non dubi-
to. Ac de Ecclesia ſepiſſimè correxerunt edicta:
ut Nabuchodonosor, Darius. Assueri nomine edi-
ctum fuerat decretum de interficiendis Iudæis: id
poſtea retractatū est. Ita ſua edicta Adrianus et An-
toninus correxerunt. Quanquam igitur extat
edictum in Anglia factum, quod supplicium mina-
tur alienum à consuetudine ueræ Ecclesiae, & alie-
num à Canonibus: tamen existimauit adhuc licere
nobis deprecari hancasperitatem. Eaq; in re non
tantum periculo eorum qui nobiscum ſentiunt mo-
ueor: sed doleo, te alienæ ſententiæ atq; impietatis
ministrum fieri. Doleo à te Christi doctrinam arce-
ri, ſtabiliri uitiosos ritus, cōfirmari libidines. Au-
dio uiros excellenti doctrina & pietate præditos,
Latimerum, Saxionum, Cramerū, & alios teneri

In custodijs: quibus opto animum ac robur dignum
 Christianis. Etsi autem ipsis quidem nihil melius ac
 cidere, aut gloriostius potest, quam ut in manifesta
 veritatis confessione mortem oppetant: tamen nol-
 lem R. M. T. sanguine talium uirorum respurgi, nol-
 lem haec Ecclesiæ uestre lumina extingui, nollem
 impietati et uirulentis ac pharisaicis odijs inimico-
 rum Christi te morem gerere. Nollem preberi uo-
 luptatem Antichristo, qui gaudet in suum finum, te
 iam aduersus nos pro ipso arma gerere: ac sperat
 Episcoporum opera se facile professionem, ex qua
 honestis et pijs consilijs deturbatus est, aliquando
 recuperaturum esse. Videt Episcopos ad tempus a-
 morem gerere uoluntati tuæ, sed aeterno et perpe-
 tuo foedere cum Romano pontifice coniunctos es-
 se. Norunt has artes pontifices: ex multis saeuissi-
 mis tempestatibus eluctati sunt, ante haec secula, con-
 tando. Meminerunt uim, rem maximam, temporū:
 cogitant illud,
Multa dies, uanusq; labor mortalibus æni
Rettulit in melius. —

Multi boni et docti viri in Germania spem con-
 ceperunt, fore ut autoritas tua etiam cæteros reges
 mutaret, ut tandem indignam crudelitatem princi-
 pes Germaniae deponerent, et de emendandis erro-
 ribus deliberarent. Huius sanctissimi et pulcherri-
 mi consilij ducem atq; authorem te fore statuebant.
 Sed

Sed nunc præiudicio tuo nos non leue uulnus accipimus. Confirmatur cæterorum regum iracundia: augetur pertinacia impiorum: stabiliuntur ueteres errores ingentes. Sed illud haud dubie contendunt Episcopi, se non errores, sed ueras sententias et ius diuinum tueri. Et quanquam non ignorant, te eo ipso cum iure diuino et Apostolica ecclesia pugnare: tamen homines astuti possunt inuenire bellas interpretationes, et ut uocat Euripides, σοφαὶ φάραγγες, quæ in speciem excusare errores et abusus uidentur. Hæc sophistica nūc nō tantum in Anglia habet admirationem sapientiæ, sed Romæ dominatur: ubi cardinalis Contarenus et * Soletus N. nouis fucis tingunt abusus. In Germania etiam multorum nobilium animos hec sophistica deprauauit. Itaq; nihil moror, his præstigijs istic moueri plurimos. Et quanquam tibi nec eruditioñis iudicium deficit: tamen et sapiëtes speciosis persuasionibus à ueritate abducuntur. Laudatur illud Simonidis, qui summis uiris sue etatis, Themisto cli et alijs, familiis fuit: Opinio saepe uim adfert ueritati. Sæpe magis speciosa est falsa opinio, quam ueritas. Idq; maximè in religionis controversijs accidit, ubi diabolus se in angelū lucis transformat: ornat quibus potest fucis falsas opiniones. Quam concinna est Samosateni cauillatio de dicto Iohannis, In principio erat uerbum? Et tamen plena est impietatis. Sed

omitto aliena exempla. In ipso decreto, quam multa
ta sophisticè & insidiose posita sunt? Confessio (in
quit articulus) necessaria est, & retinenda. Cur non
disertè dicit, necessaria iure diuino enumeratio de-
lictorum? Sciebant Episcopi hanc sententiā falsam
esse: ideo generaliter uerba posita sunt, ut offunda-
tur caligo plebi. Cum audit necessariā esse cōfessio-
nem, intelligit enumerationē iure diuino necessariā
esse. Similes præstigia sunt in articulo de priuatis
missis. Etsi initium planè falsum est, Necesse est rete-
nere priuatas missas: quis sic sensit annis amplius
quadrinğıtis post Apostolos, cū nullae essent pri-
uatæ missæ? Sed postea sequuntur sophismata, Ut po-
pulus per eas recipiat diuinæ cōsolationes & bene-
ficia. Cur nō addunt, quas cōsolationes, quæ benefi-
cia? Non nominat Episcopi applicationē et meri-
tum, quia sciunt defensum non posse. Indicit verbis, ut
elabi possint, si applicatio uituperaretur. Et tamē à
populo applicationē intelligi uolunt. Volunt cōfir-
mari persuasionē idololatricā meriti: hoc sacrificiū
alijs remissionē culpæ, alijs leuationē omniū calami-
tatū, deniq; lucra in negocijs conferre, & quicquid
adfinxit hominū sollicitudo. Similis est sophisti-
ca, cum dicūt, coniugiū sacerdotū pugnare cum iu-
re diuino. Non ignorant Pauli locum: Oportet Epi-
scopū esse unius uxoris virū. Quare sciunt, sacerdo-
tibus cōcedi coniugiū iure diuino. Sed quia nō aiunt
acceſſo

accessisse uotum, ludunt uerbis, nō dicunt uoto impediti coniugium sacerdotū in iure diuino. Deinde quantum impudentiae addunt, cūm iubent dis-solui coniugia: cūm tamen uotum sacerdotum, & si quid esset, aut si ualeret, tantum eatenus eos obligaret, ne in ministerio manerent, si ducerent uxores. Hanc esse Synodorum ex Canonum sententiā, manifestum est. O' sceleratos Episcopos, o' impudentiam Vintoniensis, qui his fucis arbitratur se ocu-los Christi & omnium piorum iudicia in toto orbe terrarum fallere. Hæc recitauī, ut deprehēsa sophistica, iudices de uoluntate & consilio Episco-porum. Nam si candidè & ex animo ueritatem quærerent, non his fucis & imposturis uterentur. Est autem cūm in cæteris negocijs, illiberalis & di-gna odio sophistica: tum uero maximè fugienda in religionibus, in quibus impietas est summa, corrum pere & contaminare coelestia dicta. Itaq; ab hoc ar-tificio diabolus nomē habet: cauillationib. & præ-stigj excutit hominibus uerbum Dei. Cur Episco-pi non ingenuè fatentur, se doctrinæ & cultuum e-mendationem nullam permisuros? quia sit labefāctura ipsorum dignitatem, opes & uoluptates. Cur cæteri, qui sunt suffragantes, non aperte dicunt se retinere præsentem formam Ecclesiæ, propter utilitatem, tranquillitatē & splendorem? Hæc fateri, esset ingenuitas. Nunc dum dissimulant studium ue-ritatio

ritatis & pietatis, adfingunt inepta sophismata: & tamen uoluntatem produnt, nec sophismata illa tegunt errores. Sunt enim falsi & impij articuli in illo edicto, quātumuis speciose propositi. Quare optandum erat, Episcopos meminisse cœlestem combinationem apud Esaiam: *Vae uobis qui leges ini-
quas cōditis. Quid facietis in die uisitationis & ca-
lamitatis uenturæ? &c.* Væ qui dicitis malū bonū,
& bonū malum. Accedo igitur ad res ipsas. Negari non potest, diuturnas et horribiles tenebras in Ecclesia fuisse. Traditiones humanae nō tantum fuerunt carnificina piarum mentium: sed (quod est indignius) fuerunt cultus multipliciter uitiosi. Erant uota, donaria templorū, uestitus, ciborum delectus, battologiae precum, indulgentie, honos statuarum: colebantur sancti manifesta idololatria: ignorabantur ueri cultus Dei, et uera opera. Deniq; magna si militudo erat ethnicarum religionū, & Romæ adhuc est. Erat ignota doctrina uera de pœnitētia, de remissione peccatorum, quæ fide in Christum contingit: de iusticia fidei, de discrimine legis & Evangelij, de usu sacramētorum. Claves translatæ erant ad tyrannidem pontificum constituendā, longè anteferebantur politicis officijs ceremoniæ humanae. Ad hos errores accedebant uitia contaminata libidinibus, propter legē de cœlibatu. Ex his tenebris Deus nonnihil euoluit Ecclesiam, repurgata doctri-

na. Fatendum est enim, non humana diligentia deprehēsos esse tam inueteratos errores: sed Dei donum est hæc Euangeli lux, quæ Ecclesiæ rursus ostensa est. Nam S. Paulus uaticinatur, postremis temporibus certamina uehementiora plijs fore cum Antichristo: & Antichristum stipatum satellitio ingenii episcoporum, hypocitarum, principum, aduersaturum esse ueritati, & imperfecturum pios. Hæc fieri nunc, res loquitur ipsa Romani episcopi tyrannis partim inuexit errores in Ecclesiam, partem confirmavit: & nunc tuetur uirilius, ut prædictit Daniel. Gaudemus autem te ab illo seunctum esse: ac sperabamus fore, ut Anglica ecclesia refloresceret. Sed Episcopi tui non sunt auulsi à Romano pontifice. illius enim idolatriæ, errores, uitia tueruntur. Nam articuli editi astutè delecti sunt: cōfirmat omnes humanas traditiones, cum stabiliant præcipue uota, cœlibatum & cōfessionem. Muniunt non solum autoritatem, sed omnes errores, cum retinent priuatam missam. Ita arte cauerūt, nulla ut emendatio institui poscit. Hoc egisse episcopos, res ostendit ipsa. Quis autem non doleat, sic opprimi gloriam Christi? Etenim, ut dixi, nō solum de his articulis, quorum ibi mentio, agitur. Opprimuntur articuli cæteri purioris doctrinæ omnes, si cultus humani necessarij & retinendi sunt. Cur inquit Christus, Frustra colunt me mandatis boni num? Cur te

ties detestatur Paulus humanas traditiones? Non enim certè peccatum est, instituere cultus sine mandato Dei, aut tales culius defendere. Hanc audaciam Deus horribiliter detestatur, qui uult agnoscere in uerbo suo, non uult fingi religiones humano arbitrio: alioqui omnes omnium gentium religiones essent probandæ. Non innitaris, inquit textus, prudentiæ tue. Sed Christū misit: hunc iubet audire, non hominum astitorum inuēta, qui religiones attemperant suis utilitatibus. Enumeratio delictorum in confessione, ut constat, sunt cultus ab hominibus instituti. Etsi enim Cœna Domini à Christo instituta est: tamen priuata missa est impia prophanatio cœnæ Domini. Nam in Canone quantum est sceleris? qui inquit, hic offerri Christum, ex hoc opus sacrificium esse pro alijs: id quod nullo modo esse potest. sed idolatria manifesta est, et opprimit doctrinam de fide, de uero usu sacramenti. Fide in Christum iustificamur, non opere sacrificuli. Ex Cœna instituta est, ut minister alijs porrigat, qui agētes pœnitentiam admoneātur, ut credant uerè ad se pertinere promissiones Euangeliij. cum hic proponatur testimoniu[m], nos fieri membra Christi, ex ablutos esse sanguine Christi. Ab hoc usu, qui institutus est in Euangelio, ex obseruatus in ueteri Ecclesia annis amplius trecentis, non licet discedere. Impietas enim est trāsferre ritum diuinum ad alios usus, iuxta secundum

tundum præceptū Decalogi. Quare cùm missæ pri
uatæ cum multis modis, oblatione, sacrificio, appli
catione, denique alijs modis longissime discesserint
ab instituto Christi, nō retinendæ, sed abolēdæ sunt.
Fugite, inquit Paulus, idololatriā. Est autem multi
plex idololatria in priuatis missis, quam quidē pon
tifices tueri postremis temporibus non mirū est.
Quia ait Scriptura, insignē idololatriā regnaturā
esse in loco Ecclesiae, sicut Christus significat, in
quien s: Cum uidebitis abominationē desolationis,
quæ dicta est à Daniele propheta, stantē in loco san
cto, qui legit intelligat. Et Daniel cap. ii. Et Deum
in loco suo uenerabitur: & Deum, quem nesciuie
runt patres eius, colet auro, argēto, lapidib. precio
sis. Vterq; locus de missa cōcionatur. Hunc cultum,
hanc tetrā prophanationē sacramenti, abominabi
tur Deus. Sunt enim manifesta flagitia in hoc ritu.
Cōfertur ad quæstū, cogūtur indigni sumere, uel si
nolint. Applicant uiuis et mortuis: promittunt alijs
faustā nauigationē, alijs alia. Hęc sunt aperta flagi
tia. Sed nō minus reprehēdenda sunt, quæ imperiti
non cernūt. Non sunt humano arbitrio instituēdi ri
tus sine mandato Dei. Quare errāt homines, cū of
ferūt sine mādato Dei, cū ex hoc opere faciūt sacri
ficiū: imaginātur priuatas missas faciēdas esse, quia
hoc ritu Deus coli uelit. Et uidemus auro et argēto,
apparatu, sumptu ingēti missas seruari, sacramētū
circum-

circumferri, adorandum in auro & argento: cum
 ad hunc usum non sit institutum sacramentum. Quare
 cum mandatum Dei iubeat fugere idololatriam,
 non erunt retinenda priuatae missæ. Ac miror cur
 dixerint, necessariò esse retinendas: cum constet, o-
 lim nullas fuisse. An deerat puriori Ecclesiæ annis
 trecētis post Apostolos, res necessaria in cultu Dei?
 Quid potest dici absurdius? Videmus acerrimis stu-
 dijs defendi priuatas missas. Quod fit magis ab a-
 lijs, qui seruiunt uulgi affectibus, quod egrè sibi
 præripi hoc præsidium, ut existimo, patitur, quam
 uera aliqua ratione. Sed tamē firma ac perspicua
 causa est cur abrogari debeant. Primum enim ap-
 plicatio haud dubie est impia: non meretur alteri
 gratiam opus sacrificuli, sed sua quisque fide iustus
 est. Nec uult Deus quenquam confidere suæ siue iu-
 sticie, siue ceremoniæ ulli. Applicatio pro mortuis
 est plena erroris, & frustra hic finguntur sophis-
 mata ad excusandam applicationem. Nemo ex po-
 pulo aliter sentit, quam hoc opus prodesse uniuer-
 se Ecclesiæ. Ipsæ etiam missæ hoc profitentur, quod
 ludunt uerbis quidam astuti, qui negant se applica-
 re causas, cum sciant suo facto cōfirmari populi er-
 rores, etiam si ipsi aliter sentiant. Quanquam quo-
 tus quisq; aliter sentit? Absit dissimilitudo à diuinis
 ritibus: ut amur eis, ut docet Sacrae literæ, & ut mos
 fuit prime Ecclesiæ aliquot seculis. Cur hominum
 audacia

35

audacia discessit à ueteri more? Cur nunc defendi-
tur aliorum erratum, qui mutauerūt Christi institu-
tum? Iam etiamsi singat aliquis se non applicare: ta-
men ita cæteroniā seorsim facit, ut existimet hanc
oblationē esse cultum, quē Deus requirat. Id quoq;
improbandum est: Quia non sunt instituēdi cultus
humano arbitrio, sine mandato Dei. Quare ob-
secro per gloriam Christi, ut in Missa non defendas
articulum illius decreti: sed finas rem diligentius &
pijs ex doctrinis deliberari. Nostris habent euidentis ex-
firmum testimonium prime Ecclesie, quod non du-
bito omnī postorum iudicijs opponere, qui ue-
terem doctrinā, ueteres ritus multis erroribus con-
taminauerunt. Reliquis articulis non opus est
longa disputatione. Vota impia, ficticia, impossibi-
lia non sunt seruanda: Non dubium est, omnium de-
uotis hanc esse persuasionem. Nec opera ab homi-
nibus instituta esse cultus Dei. Sic sentiūt etiam, qui
modestissimè loquuntur. Alij plus eorum addūt, hæc
opera esse perfectiones, mereri uitā æternam. Por-
rò has opiniones taxant diuinæ literæ. Christus in-
quit: Frustra colunt me mandatis hominū. Et Pau-
lus ait, has ipsas obseruationes esse doctrinas dæmo-
niorum: quia tribuunt humanis artibus falsum ho-
norem, quod sint cultus: obscurant fidem, ex ueros
cultus. Item ad Colossenses ait: Nemo uos decipiatur
simulata humilitate. Quare decreta facitis? Ergo

34

hæ ipsæ humanae traditiones sunt re ipsa impij cubitus. Accedunt deinde alia multa uitia. Totum genus uitæ monasticæ, quæcumque habet superstitionum, profanationes missarum, invocationes sanctorum, uestitus, ciborum delectus, superstitiones preces sine modo. Hæ causæ singulæ sufficiunt, quare uota sint irrita. Quid quod maxima pars inuitatur ad hoc genus, propter culinas? Præterea uotum coelibatus non est omnibus possibile, ut Christus ipse inquit: Non omnes capiunt hoc. Rescindenda autem sunt uota, quæ sine peccato præstari non possunt. Sed hæc satis explicata à nobis alibi sunt. Valde autem miratus sum, uotum sacerdotū in Anglico decreto articulus etiā astringi, quam uotū monachorū: cum Canoness ipsi tantum eatenus uoluerint obligatum esse presbyterum, si sit in ministerio. Planè cohorrui legens hunc articulū. Prohibet matrimonia, & contracta dissoluit, & addit poenam capitalē. Etsi autem aliqui interficti sunt sacerdotes pīj propter cōiugium: tamen legem hanc adhuc nemo scribere ausus est. Videbant enim pleriq; omnes sanos & moderatos hanc crudelitatem detestaturos esse: uerbantur etiā iudicia posteritatis. Quis credat in Ecclesia, in qua lenitas præcipua erga pios esse debet, tantam posse existere saeuitiam, ut capitales poene constituantur in homines pios, propter cōiugium?

At uiolant uotum, Id enim allegatueros opinor
episcopos.

episcopos. Primum id uotum (ut dixi) irritum est, cum sit falsus cultus, & sit impossibile. Deinde etiam si ualeret, tamen non obligantur discedentes à ministerio. Postremò, si hic uellent consultum conscientijs Episcopi, deinde ordinarer presbiteros sine uotis. Sicut constat ex ueteribus canonibus olim multos sine uotis ordinatos esse: & hos, cum postea ducerent uxores, mansisse in ministerio, ut testatur c. diaconi, dist. 28. Profectò, quid queratur, dubito. Non enim articulo hoc iusticiam accusare possum. Nemo ignorat mandatum Dei: Propter fornicationem habeat quisq; uxorem suam. Nemo nō uidet qualis sit uita cœlibum. Bonorū querela nostra sunt: malorum turpitudo maxima est. Sed fortassis Episcopi illic Epicureas opiniones habent: iudicat Deum non offendit libidinibus. Quod si sentiunt, difficilem nos quidem causam agimus apud tales iudices. Scia cœlibatum aptiorem esse ad splendorem Episcoporum & collegiorum conseruandum, & ad opes tuendas. Et hanc opinionē quibusdam esse causam, cur tantum perhorreant à coniugio sacerdotum. Sed ô misera Ecclesia, si seruire leges non ueritati, non uoluntati Dei, sed iniustis libidinibus coguntur. Errant, qui putant sibi licere leges condere, pugnates cum mandato Dei, cum iure naturæ, modò sint utiles ad opes tuendas. Et dolco profectò ex animo & tuam uicem, Rex incly

te, & uicem Ecclesiae Christi. Ostendis te Romani episcopi tyrannidem improbare, & uerè cum uocas Antichristum: interea eas leges Romani Antichristi, quæ sunt nerui potentie ipsius, defendis: ut sunt priuatæ missæ, cœlibatus, & ceteræ superstitiones. Minaris atrocissima supplicia uiris bonis, & membris Christi: opprimis illecentem in Ecclesijs tuis ueritatem Euangelijs. Hoc non est Antichristum tolere, sed confirmare.

Obtestor igitur te propter Dominum nostrum
I E S U M C H R I S T U M, ne conscientiam tuam horum articulorum defensione polluas, quos Episcopi de priuatis missis, de confessione, de uotis, de cœlibatu sacerdotum, de prohibitiōne integri sacramenti ediderunt. Non est leue peccatum, idolatriam, errores, crudelitatem, libidines Antichristi stabilire. Si nunc haberet Romanus episcopus synodum, quos articulos præcipue conderet, uel orbi terrarum imponeret, nisi illos ipsos quos recensent Episcopi tu: ? Agnosce, quæso, diaboli insidias, qui quidem in primis gubernatores adoriri ac tentare solet. Et cum sit hostis Christi ab initio mundi, præcipue hoc molitur omni uafricie, ut Christum contumelias adficiat, sparsis impijs opinionibus, & excitata idolatria. Deinde ut iniustis cædibus & libidinibus polluatur humanum genus, & potētum uiribus: ut historiæ omnium temporum ostendunt,

magna

magna imperia sœuisse in Ecclesiam. Sed tamen alii
quos principes ab illo gigantum exercitu adduxit
ad Ecclesiam, & agnoscere ueram doctrinam: &
ucros cultus uoluit. Ut Abraham erudit Abime-
lech, Ioseph Aegyptios reges: postea David, Iosa-
phat, Ezechias, Iosias excelluerunt pietate: Daniel
flexit ad agnitionem Dei reges Chaldaeos & Persi-
cos. Dedit & Britannia pium principem orbi ter-
rarum Constantimum. In hoc te cœtu potius opta-
rim, quam inter hostes Christi, contaminatos idolo-
latria, & respersos sanguine piorū: de quibus Deus
poenas sumit, ut sepe cōcionantur & ostendūt mul-
ta exempla. Rursus igitur te propter Domi-
num nostrum I E S U M C H R I S T U M obtestor, ut
decretem Episcoporum lenias & emendas: eaq; in
re Dei gloriæ seruias: & consulas tuæ & Ecclesia-
rum tuarum saluti. Moueāre uotibus multorū pio-
rum in toto orbe terrarum existentiū, qui optant
ut aliqui reges conferant autoritatem suam ad ue-
re Ecclesiæ emendationem, & ad tollēdos impios
cultus, ac propagandum Euangelium, qui sunt ue-
ra Christi membra. Et si non mutabitur decretum,
sine fine gr̄assabitur in Ecclesia sœvitia Episcopo-
rum. Hos enim habet diabolus odij sui aduersus
Christum & furoris ministros, hos impellit ad
Christi membra trucidanda. Horum impias & cru-
deles sententias & sophisticas cauillationes, miseri-

cordic ueræ & iustissimæ depreciationi ut non au-
toferas, omnes p̄ij orant, & obtestātur. Quod si im-
petrabunt, Deus haud dubie ingentia præmia tibi
pro pietate reddet, & piorum literis & uoce uir-
tus tua celebrabitur. Christus enim iudicaturus est
bene & male meritos de Ecclesia. Et cūm uincent
literæ, extabit ad posteritatem memoria rerum tan-
tarum: & cūm Christi gloriæ seruiemus, ut Eccle-
siae nostræ sint Christi Ecclesiae, non deerūt qui pie
cause patrscinari, bene meritos debita laude orna-
re, & crudelitatem uituperare poterunt. Circumi-
uit Christus esuriens, sitiens, nudus, conquerens de-
pontificū rabie, & multorū regum iniustissima se-
curia, petens ne lacerentur corporis sui membra,
sed ui defendantur uere Ecclesie, ornatur Euange-
lium. hunc agnoscere, ex corde fauere, p̄ij regis est
officiū, & cultus Deo gratissimus. Bene uale, i. No-
uenbris, Anno 1529.

Franciscus Dei gratia Francorum Rex,
lecto nostro Philippo Melan-
chthoni s. d.

Singulare tuum ad sedandas eas que in doctri-
nā Christianam inuestigare sunt altercationes, stu-
dium intellexeram antea quidem ex Guilelmo Be-
laio Langio, cubiculario atque consiliario nostro,
quo ego præcipue sum usus ad eam rem admini-
stratore atque interprete. Nunc uero ex literis ad
cūm

eum tuis, & sermone redeuntis à te Barnabæ Vor-
cumfossæ Voræ intellexi, te etiā hoc laboris per-
libenti animo suscepturnum, ut ad nos primo quoq;
tempore te cōferas, deq; unione doctrinarum cum
aliquot nostratibus Doctoribus hīc apud nos co-
rām differas: atque rationes meas, * quò resarciri
poshit pulcherrima illa Ecclesiastice politiæ harmo-
nia, qua una * & cum ego mihi nihil unquam quic
quam maiori cura, studio & sollicitudine animi cō-
pleteendum esse duxerim, committere nolui, quin
hunc statim Voræum Fosam ad te dimiterem, cum
his uelut publicæ fidei obsidibus literis: obtestarer
etiam, abduci te ullius persuasione ut ne finas, ab
hoc pio sanctoq; instituto. Venies omnino mihi gra-
tissimus, seu priuato tuo, seu publico uestrorum no-
mine adueneris: meq; re ipsa experieris, ut priua-
tim uestræ Germaniæ dignitatis, & publicæ in u-
niuersum quietis, ante omnia esse, ut adhuc semper
fui, studiosissimū. Vale. Ex oppido Brukeo, die 23.
Iunij, Anno 1535.

Christianissimo & potentissimo
Regi Galliæ P. M.

Christianissime & potentissime Rex. Cūm alijs
multis ornamenti pulcherinnum Franciæ regnum
longè antecellit omnibus regnis totius orbis terra-
rum: tum hæc laus inter præcipuas ducenda est,
quòd doctrinæ studijs cæteras nationes semper ui-

cit, et pro religionis Christianæ defensione præcipue uelut in statione perpetuo fuit. Quas ob causas meritò titulu habet auspiciatissimum Christianissimum, quo nullum in terris præconium maius, aut acutius dici potest. Quare gratulor R. M. T. quod etiā hoc tempore suscipit curā sanadæ doctrinæ Ecclesiæ: nō tamen uiolentis remedij, sed uera ratione, et digna Rege optimo et Christianissimo. Et in his dissensionib. utriusq; partis impetus ita moderari studet, ut explicata doctrina Christiana, et repurgata simul gloria Christi, dignitati ordinis Ecclesiastici et tranquillitati Reipub. consulatur. Profectò hac uoluntate et his consilijs nihil gloriosius, nihil hac re dignius excogitari potest. Itaq; R.M.T. oro, ut non desinat in hanc curam cogitationemq; incumbere. Etsi enim publica dissensio alibi immoderatis, uel etiam malis doctoribus locum tribuit: tamen à bonis uiris pleraq; patefacta sunt, que extare in Ecclesia plurimum refert. Quanquam igitur cohæcenda est in malis petulantia: tamen oro Deum, ne R. M. T. asperioribus iudicijs aut scriptis quorundam sinat se abduci, ut etiam res bonas et Ecclesiæ utiles deleri patiatur. Mihi quidē nulla immoderatae opinione, aut quae labefactarunt pulcherrimum et sanctissimum Ecclesiæ ordinem, unquam placuerunt. Nihil clarior, nihil antiquius esse debet. Atq; ita scio apud nos affectos omnes bonos viros,

piros, qui in hoc ipso doctrinæ genere uersantur,
 in quo & ego ueror. Itaq; cum accepissem literas
 R.M.T. Deum testor, me, quantū potui, conatū es-
 se & contendisse, ut statim ad R.M.T. accurrerem.
 Nam mihi nihil optatius est, quam ut pro mea te-
 nuitate aliquid opis adferre possim Ecclesie: ac in
 spem optimam ueni, postquam cognoui eam pietate
 tem ac moderationem esse R.M.T. ut in commune
 gloria Christi consultū cupiat. Sed quācē me dif-
 ficultates paulisper adhuc remoren tur, intelliget
 R.M.T. ex Vorœo: quācē quidem licet moram attule-
 rint huic itineri, tamen animum meum neq; à profe-
 ctione, neque à consilijs aut studio tantarum con-
 trouersiarum auerterunt. Sed hæc exponet omnia
 copiosius Vorœus. Postremò me R.M.T. com-
 mendo: ac polliceor me iudicium meum perpetuō
 ad doctorum & honorum virorum in Ecclesia sen-
 tētiam aggregaturum esse. Christus seruet R.M.T.
 florentem & incolumem, & gubernet ad com-
 munem orbis terrarum salutem, & illustrādam ac
 ornandam gloriam Dei. Datae in Saxonie,

V. Calendas Septembris, anno

Domini 1535.

C s Conf-

Consilium D. Philippi Melanchthonis,
scriptū ad Marchiacas ecclesias, in quo
exponitur, quos ritus, salua tamen do-
ctrina, Ecclesiæ recipere & ser-
uare possint.

In tanta Ecclesiārū mœsticia & dissipatiōne o-
ptarū, quām minimum fieri mutationum: semper
enīm tranquillis temporibus aliqūd est in mutatio-
ne incommodi. Nunc multo magis, dolore afficiunt
tur bone mentes, cūm uident tales mutationes insti-
tui, que significant inclinationem ad inimicos ne-
strōs, quos certum est defendere uitiosos cultus.
Propter hanc inclinationis opinionem triumphant
& confirmātur inimici, & inter nos multi pīj lan-
guescunt, & in dubitationē adducuntur. Quare
suisores mutationum grauer accusantur, & iudi-
cantur scandalorum insignium authores esse, uideli-
cet languefactionis in ea parte que rectē sentit, &
confermatiōnis errantium, denique & obscuratio-
nis ueritatis & gloriæ Dci. Hæc non sunt exigua
mala, de quib⁹ postea rursus dicēdum est, cūm col-
latio fiet scandalorum, que ex durioribus & mol-
lioribus sentētijs sequuntur. Prius autem discernen-
da est confessio priuata à consilio, quod alijs infir-
mis & dissimilibus datur. Laurentius rectē fecit,
quod mortem prætulit edicto Decij de pecunia.
Euit enim in ea occasione confessio eius illūstrior,
& talis.

Et talis celsitudo animi singulari motu spiritus sancti iuuabatur. Alius timidior censuisset pecuniam potius amittendam esse, quam uitam: et fuisse hu-ius infirmitas excusabilis. Nihil igitur hic præscri-
bam fortibus, qui etiam leui occasione cōfessionem illustrem suo periculo edere uolunt. Sed uideant an ueras sententias profiteantur, et earum fontes no-
rint, et nō sint θραύσαι λόγοι, id est audaces ante pu-
gnam, et postea in pugna dubitare, trepidare et
deficere incipient: quales uidimus multos usque ad
ancillæ uocem fortes, ut in Petri historia exemplū
positum est.

Non autem de priuata confessione dispu-to: sed de consilio dando alijs * dissimilibus et infirmis: ut hoc tempore multi gubernatores petunt, ut pasto-
res restituant aliquos ritus adiaphoros: eamq; mo-
derationem sperant profuturam, ut plus nō postu-
letur, ne turbentur Ecclesiæ propter alias res ma-
iores.

Hic tamen sentio, petentibus talem moderationē gratificandum esse. Nec ignoro multa horridē et Stoicē dici, * quam hanc sentētiam seu timidiorem seu æquiorem, cū initia mutationis cōfirment aduersarios, ne quidem parua ducenta esse adiapho-
ra. Hanc duriorem opinionem si qui amplectūtur, suo, non alieno periculo amplectantur. Cū Pe-
trus dicit, patiendum esse ubi opus est: præcipit, ut
confessio

confessio sit de rebus scripsis & necessarijs, et occasio
sit honesta adeundi periculum: ut cum magistratus
interrogarit de doctrina, uel præcipit ut facto ipso
adjudicamus doctrinam: sicut ethnici præcipiebant,
ut milites idolis sacrificarent.

Itaq; non solum docti & fortes, sed etiam popu-
lus amiserre debet ueritatis confessionem, uite &
paci in rebus ueris, quarum cognitio omnibus ne-
cessaria est: ut cum præcipitur de corruptelis doctri-
nae recipiendis, aut de manifesto abusu missarum,
aut de invocatione mortuorum, est erudiendus po-
pulus ut discriminem intelligat inter necessaria & no
necessaria. Sed cum petitur ut seruetur ordo uete-
rum cantionum, feriarum & uestitus, hic non iudi-
co populum onerandū esse periculis: cum Petri re-
guia dicat, Patientes ubi opus est. Meminimus, in
loco uicino Basileæ crematum esse quendam pro-
pter esum carniū. Et si crudelitatem iudicum iustis-
simè execramur, & constantiam boni hominis in
confessione laudamus: tamē & ipse nequaquam ma-
le fecisset, si hoc periculum uitasset: ex certè alios
onerare nemo debet, ut tali occasione sibi pericu-
lum accersant.

Secundò, non tantum metu moueor, ut piis, ele-
gantes & similes cæmonias opte in Ecclesijs no-
stris esse. Sæpe ante multos annos, non ego tantum,
sed etiam alijs multi gubernatores Ecclesiarum, hor-
tatores

tatores fuerunt, ut in Ecclesia pia et similis forma
rituum institueretur. Nec propterea doctrinam de
libertate Euangelica abolemus, quae de rebus mul-
to grauioribus concionatur. Sed omnes sani intelli-
gunt, naturae hominum conuenire ordinis elegan-
tiam in publicis cōgressibus: sicut et Paulus dicit,
Omnia fiant decorē et bono ordine. Ac dole-
mus, in multis locis etiam utiles cæteronias, ut ab-
solutionis et canticorum, abolitas esse. Sed scanda-
lum est, cōfirmare aduersarios hac spe inclinatiōis

Ad hoc respondeo, si constantia erit confessio-
nis in rebus necessarijs, ut esse debet, non poterit de-
fectio nobis obijci. Volo enim et deinceps semper
eandem uocē doctrine, et nullos recipi impios abu-
sus. In ceteris autem rebus ostendamus modestiam,
et tolerantiam nostram in serutute. Hæc ipsa sub-
missio cum fieret retinendi Euangelij causa, hone-
stior esset, quam superbior in deserendis Ecclesijs
pertinacia. Præterea maius est scandalū, deserere
Ecclesijs propter causas nō maximas, aut præbe-
re causam iudicij populi, qui diceret nos propter
paruas respertinacia nostra attrahere bella, quam
præbere aduersarijs qualemcumq; occasione calum-
niandi nostram moderationē. Et cogita uter ma-
lē faciat: an ille durus et horridus, qui ut retineat
laudem constantie, manuit Ecclesiā deserere, quam
uestem mutare: aut uero hic patientior scrututis,
qui

qui ut profit Ecclesie, sustinet onera quamvis ingrata, sed sine impietate, ut interea maneat in principiis in eodem statu, et non tollatur ministerium Euangeli, et non turbetur invocatio in populo. Sæpe fit etiam, ut illi ipsi duri et vehementes negligant, immo etiam impedian, et interea de rebus minutis tumultuentur: sicut dictum est de colantibus culicem, et deuorantibus camelos. Pugnant aliqui de ueste, et interea prorsus tacent de disciplina: immo magis eam laxant, de excommunicatione, et alijs neruis uitiosorum cultuum. Sed confirmas, inquiunt, aduersarios? Non: sed declaramus modestiam nostram, et studium iuuandæ Ecclesie, quod uidelicet seruitutem duriorem toleramus: et quidem ideo toleramus, ne Ecclesie deserantur. Item, ut omnes intelligent, nos non de nostra libertate, sed de necessarijs articulis dimicare: ac seruitutem eo modestius feramus, quia praetextu libertatis nos abusi sumus omnes. Fatendum est, non uulgarem petulantiam fuisse multorum, in conturbanda doctrina: nec populus tantum, sed etiam gubernatores et seniores nimium neglexerunt exercitia temperantiae, utilia invocationi.

Magna fuit in discendo, in inquisitione et explicatione ueritatis, negligētia: nemo curauit inspicere Ecclesias, et rudiores pastores erudiri. Multi doctores affectibus suis nimium indulserunt: aliqui etiam

etiam intempeſiuē miscuerunt causam Eccleſie &
aliam negocia. Hæc noſtra peccata, & alia multa, cō
moneſacti iam præſentibus ærumnis deploremus:
et ita feramus ſcrututē, ut donec poſſumus Eccleſiis
prodeſſe, non diſcedamus. Nec propterea amit
titur Christiana libertas, ſi recte docebiſimus. nam
cordatiōres ſcient tales ritus nō eſſe cultus Dei: ſed
aliam maiora opera, fidem, ueram iuocationem, di-
lectionem, ſpem, patientiam, ueritatem, confeſſio-
nem, caſtitatem, iuſticiam erga proximos, & aliac
uirtutes, ueros cultus Dei eſſe. Sine hac doctrina, et
ſine hiſ uirtutibus, doctrina extera in cibo, uerſitū
& ſimilibus adiaphoris, nō eſt Christiana libertas:
ſed noua politia, fortaſſis gratior populo, quia* pa-
tentiora uincula habet.

Obiſciūt autem aliqui dictum Pauli: Si que de-
ſtruxi, ea reſtituo, præuaricator ſio. Non errauit
Paulus in deſtruendo. At in hac noſtra infirmita-
te, cūm priuatum ueteres ritus aboliti ſunt, magna
fuit & docentium & opinionum & locorum diſſi-
militudo. Aliqui priuatam abſolutionem prorsus
aboleuerunt: quod cūm non fit recte factum, etiam
ante hoc tempus eam reſtitui optauit. Fateamur
noſ homines eſſe, & potuisse quædā temere & in-
circumſpecte dicere & facere: talia, ſi que ſunt, non
grauiatim emendemus. Nec reſtitutio aliorum ri-
tuum meliorum præuaricatio eſt, cūm doctrinæ pa-
ritas

ritas retinetur. Nam qui Paulo obijciebant resti-
tutionem illam, uolebant eum doctrinæ genus mu-
tare, & alijs præponere legem Mosaicam tanquam
necessariam. Alibi in usu attemperat se ad mores eo-
rum cum quibus conuersatur, & propter Ecclesiæ
utilitatem sua libertate non utitur.

Etsi nunc scio multos de hac quæfione duriore
sententiam magis probare: tamē si profutura est ser-
uitus ad hoc, ne amittant Ecclesiæ uocem ueræ do-
ctrinæ, nec onerentur uitiosis cultibus: pia & gra-
uiss causa est, car seruitutem q̄amuis duram anie-
feramus alijs consilijs, in qua tamen nec conscienc-
iae uulnerentur, nec inuocati piorum turbetur.
Et quia non leuiter antea dissidia nostra nobis no-
cuerunt, non moueamus nunc inter nos ipsos certa
mina nō necessaria: sed singuli in alijs quædam bo-
ni consulamus, & communi tranquillitati condonemus: &
leniamus Ecclesijs modestiam nostra æ-
quitate, quantū possumus: & filium Dei Dominū
nostrum Iesum Christum oremus, ne finat extin-
gui lucem ueræ doctrinæ, & ueram inuoca-
tionem. Anno 1549.

Nobili, eruditione & uirtute præstanti ui-
ro, D.N. consiliario ducis Saxoniæ
Electoris, &c. P.M.

S. D. Cùm de beneficio illustrissimi principis
Electoris, ac de tuo studio in causa Ione ante aman-
ter

ter scripscris: et adiunxeris adhortationē, ut consiliū instituta de concordia Ecclesiarū, et meo loco adiuvē: de utroq; negocio necessariō respondendū esse censui. Teq; oro, ut hanc epistolam, longiorēm quam quales ad occupatos scribere soleo, non graduatim legas. Totum me tibi aperio.

Frimū autem hoc tibi cōfirmo, me optare, ut illustrissimus Princeps de sua et consilijs sententia statuat, quod videatur maximē salutare fore et ipsi, et Reipublicæ. Ego, cūm decreuerit Princeps, etiam si quid non probabo, tamē nihil seditione faciam: sed uel tacebo, uel discedā, uel feram quicquid accidet. Tuli et antea seruitutem penē deformē, cūm saepe N. magis suæ naturæ, in qua p̄ilōrū erat non exigua, quam uel persone, uel utilitati communi seruiret. Et scio omnibus atatibus, ut rem pestatum incommoda, ita aliqua in gubernatione uitia, modestis arte serenda et dissimulanda esse. Sed non modò silentium à me flagitari dicas, uerū etiam suffragationem. Non dubito te uirum sapientem, et hominum naturas inspicere, et sagaciter de ingenij et uoluntatibus iudicare. Non sum natura p̄ilōrū: et si quis alius, consociationem hominum ualde amo: nec moui has cōtrouertias, quæ distracterunt rem publicam, sed incidi in motas quæ cūm multæ essent et inexplicatae, quodam studio querendæ ueritatis, p̄ejurium cūm multi docti et

d sapien-

sapientes applauderent, considerare eis coepi. Et
 quanquam materias quasdam lucidiores autor ini-
 tio miscerat: tamen alia uera & necessaria non pu-
 taui reijcienda esse. Hec cum excerpta completerer,
 paulatim aliquas absurdas opiniones uel sustuli, uel
 leni. Cumque multa tribunitia passim in tota Ger-
 mania plebs in conuiuijs, & indocti concionatores
 in templis adderent, primum in inspectione Eccle-
 siarum multa correxi: quo tempore alij accederunt
 aduersus me aulam, propter studium moderatio-
 nis. Ac postea ferè annis uiginti, alij me frigus &
 glaciem nominauerunt, alij me assentire aduersariis
 dixerunt. Memini quendam mihi obijcere, me am-
 bire galerum Cardinalium. Hac iniuitate iudi-
 ciorū nihil motus, cum in his operis scholasticis di-
 ei de Ecclesiæ doctrina necesse esset, res necessarias
 quanta potui proprietate exposui, præcidi inutiles
 questiones: quosdā scrupulos præteri, ne accederent
 tur maiora dissidia. Et profuisse hanc propriā ex-
 plicationē ad consensum Ecclesiarū in multis regio-
 nibus, non est obscurum. Sed quidam mihi eō ira-
 scuntur, quod inuitasse iuuentutis studia ad doctri-
 nae nostræ genus existimat, & confirmasse multo-
 rum uoluntates. His respondeo, quod mota repu-
 blica Attica, et translata gubernatione ad quadri-
 gentos, respondit Pisandro Sophocles, interrogan-
 ti cur statum Quadrungentorū admisissent? Quia,
 inquit,

Inquit, nihil video in Repub. melius fieri potuſaſe. Non ſlectere me ad aduersarios uolui: (et me hortabantur multi potentes uiri) quia iudicauit reſtius, et his regionibus nunc quidem conuenientius eſſe, harum Ecclesiarum ſtatutum ſi quibus officijs poſſem tueri, et ornare. Quanquam et hic ſtatus non meo, ſed aliorum conſilio conſtitutus erat: in quo et ſi multis quædam diſplicebant, ut in omni gubernatione aliqua ſunt uitia: tamē in hoc agmine, in quo ſtudium erat querendæ ueritatis, eſſe malui, quam apud hostes, qui iniuictam ſæuitiam exercebant. et deinceps tranquillitati Ecclesiarum lienter ſeruitur ſum: ſed turbare eas uel mutato genere doctri-
næ, uel pellendis honestis uiris, nequaquam uelim:
deq; earum noua diſipatione cum cogito, ingenti
dolore iam quoq; adſuctor. Nihil tam tenerum eſt,
nihil facilius turbatur, quam innovatio in metibus
hominum: nec maius ullum malum eſt, nec acrior
ullus dolor, quam innovationis Languefactio.
Adſentior, inquies, nec mutabitur genus doctrinæ:
tanta eſt N.N. pietas, ut ſanare et coniungere Ec-
clesias uelit. Credo Imperatoris uoluntatem bo-
nam eſſe, et video mediocres conditiones proponi:
ſed tamē pauca quædā mitigari uelim. Multa ſpon-
te et liberaliter largior, de quibus acerrimè pugna-
uerunt alij. Politiam Ecclesiasticam conſeruari o-
pto. Fortassis ſum ingenio ſeruili: ſed tamē uerè mo-
d 2 destiant

destiam esse conuenientem bonis mentibus, gradu gubernationis non labefacit, existimo.

Forma uetus collegiorum magno consilio constituta est ad exemplum Ecclesiae, quæ in populo Israël fuerat, ut ibi doctrinæ custodes & testes essent, & sint in collegijs aliqui docti uiri. Nec existimandum est, ad diuturnitatem aulas Principum illiteratorum futuras esse in custodienda doctrina diligētores. Libēter & cæremonias, quas Liber præcipit, accipio. Scio enim disciplinæ partē esse cæremonias. Et opinor uitam meam testari, me disciplinæ & ordinis amantem esse: & constat, meis scriptis qualibuscunq; iuitari iuuentutem ad intelligendam & amandam disciplinam. Puer etiam in tēplis singulari uoluptate ritus omnes obseruauit: & natura mea alienissima est ab illa Cyclopica uita, quæ ignorat ordinem actionū, & odit ritus communes uelut carcerem. Nec tantum amplector hæc quæ recēsi, sed etiam persuadere alijs eandem sententiam studebo.

De fide autem fuit admonitio necessaria, quam ad uos misi, & obtineri posse emendationem arbitror. In ea enim causa melior est Imperatoris uoluntas, quam aduersariorum: qui gloriosum sibi dicunt, nos tanquam pueros præstigijs ludificari.

De invocatione mortuorum, & in alijs mutatio nibus, tetra exempla uidistis: ipse talia nequaquam stabiliam

stabiliam mea suffragatione. De cæteris articulis
nunc non pugnabo. Illud autem in hac delibera-
tione considerandum est, quid mediocribus pasto-
ribus persuaderi possit. Vellem igitur uos & præ-
cipuis ex senioribus pastoribus consilium uestrum
plane exponere, & ostendere cur hanc conciliatio-
nem Ecclesijs profuturam existimetis. Harum apud
uicinas gentes autoritas etiam ualeret: quarum uol-
luntates si non adiungentur ad uestras, noua diſsi-
dia erunt. Si quis autem uel stultam uel iniustum
pertinaciam esse iudicabit, no[n] assentiri libro in om-
nibus articulis, & abuti nos lenitate Imperatoris di-
cat: huic respondeo, me non tantum publicæ pacis
causa, sed etiam ne inuocatio in rudioribus turbe-
tur, multa largiri & diſsimulare: nec ignorare me
illud Pindaricum, τὸ στρατὸν τολλάχεις ἐστὶ σοφῶτες
τοῦ αὐθεόποιος. Sed modus est quidam eius rei.
Si autem hac moderatione placari potentes non
possunt, & uideor Ecclesiæ esse αἰλαῖς: aut ui-
deor apud nostros amēs fuisse, uelut Melanthius a-
pud procos Penelopes, qutor pecoris edendi, ut O-
uidij uerbis utar, uel monstrator armorum: feram
Deo uolente, quæ accident, non ut illi Melanthio,
sed ut alijs multis, qui in bonis causis, ctiam leuiori-
bus, ueritatem uitæ antetulerunt. Nec impedio,
quo minus constituant Rempublicam suo arbitrio
gubernantes.

d , Et

Etsi autem scio, hanc meam moderationem non satisfacuram esse ijs qui summā potentiam tenent: tamen te oro, ut cum hæc certamina non mouerim, & sine petulantia ueritatem quæsierim, & mæ explicationes multis bonis rebus aliquid lucis attulerint, mihi ut ueniam des, uel studio nostrarum Ecclesiarum cupienti, ne earum tranquillitas turbetur, uel alioqui minus uideti quid expediat. Consilijs de bello nunquam adhibitus sum: cumq; Ducum naturas nossem, dolui eos arma capere. Sciebam & illud, nihil esse simile Pelopidæ & Epaminundæ. Non unquā iudicium & dolorē ante bellum ijs ostendi, quorum * apud principum uolebat autoritas. Nec ad Stoicum fatum refero hanc calamitatē, sed multis magnis delictis homines poenas attraxisse agnosco. At Deum oro, ut in ira misericordia sue recordetur, & seruet Ecclesias & politias, que sunt hospitia piorum studiorum. Bene uale, 4. Calend. Maij.

Ioanni Obernburgero Cancellario
Caroli Cæsarisi, S. D.

Etsi exempla moderationis & clementiae in uictoria, recitari ex historijs ueterib. multa possunt: tamen ingratissimum, si aliorum potius quam Caroli mansuetudinem & lenitatem commemoraremus, qui cum captis regibus & principibus magna cum laude pepercit: tum uero iam insigni exemplo uictoriam

victoriā moderatus est, collocatis captiui ducis fīlijs in amissam hæreditatem. Hæc bonitas Deo grata est, maximè conueniens summo fastigio. Existimo autem præcipuos uiros in aula intueri domini exēpla, & consilia generis humani referre. Te certe & natura placidum & beneficū esse animaduerti, & sapiētiae doctrināq; studijs ita confirmatum, ut ad iustum normam omnia cōsilia dirigas, et hanc lenire & equitate & misericordia studeas, ut serues homines non malos, quorum in Republica usus esse potest. Quare ad te scribere ausus sum, mansuetudine & sapientia tua fretus. Etsi enim in Academia oppidi Saxonici, quod oppugnasti, fuisse me confitcor: tamen cum arma non gesserim, et doctrinam uitæ necessariam, quæcunq; erunt * imperiorum cōuersiones, iuuētuti bona fide tradiderim, aliqua me spē ueniae sustēto. Ac minus mihi irasperētur boni & sapiētes, si nossent, qui dolores, qui sensus, quæ uoluntas mihi semper fuerit & initio belli, et multo antē cūm semina belli spargi uidere. Nunquam opes aut potētiam ullam sperauī, uel captavi. Nunc igitur supplex ad te uenio, teq; propter religionem & ius supplicum, quod quale fuerit (sicut scriptum est,

Μηδέτας αἰδίνειν, οὐδέ τι ιεροῖ τε οὐδὲ αἴγανοι) non ignoras, oro, ut bonis & doctis uiris, qui semper alieni fuerunt ab omnibus cōtentionibus publi-

eis, & artes uitæ utiles docuerunt, opem feras, ut redire eos in oppidū, unde initio belli exire iussi sunt, & suas cedes tenere cōcedatur. Aequissimum est, horū causam sciungi à cæteris, qui in odio sunt propter dogmatum certamina: non enim opinor uos gerere arma cū artibus. Rex Demetrius cum Rhodium obſideret, murumq; in eo loco ubi erat tabula Protagonis magna arte picta, quassurus effet: cū rogaretur à Rhodijs, ut monumento illi Protagonis parceret, reuocauit inde milites, inquiēs, se non gerere bellum cum artibus. Eaq; initia fuerunt facienda pacis cum Rhodijs. Quanto erit glorioſius Imperatori nostro, seruare bonos & doctos viros, quorum eruditio Reipub. usui esse poterit: quam Demetrio fuit, seruasse mutā tabulam? De me nō audeo scribere: et si sapientibus & non duris iudicibus de mea uoluntate, ac de meis actionibus satisfacere me posse arbitror. Sed amicorum causam tibi commendo, quorum eruditio & uirtus tanta est, ut non dubitem ultrò te defensurum esse, si tibi noti essent. Scripsi breuius, propter tuas occupations: teq; oro, ut meam epistolam boni consulas, ac mihi per hunc integerrimum conterraneum tuum significes, quid ſpeii in amicis nostris esse poſſit.

24 Maij, anno 1547.

Episcopo Augustano S. D.

Multo antè intellecti, R.P.T. in deliberationibus

de

de controuersijs moderatisimè loqui. **Q**uianquam autem cupiebam R.P.T. causam nostram commendare, & meam de tota re sententiā exponere, ut me lius intelligi posset, me in primis cupidum esse pacis: tamen habeo certas causas, cur nō ambierim colloquium R.P.T. quòd fama nostri consensus uideatur aliquid incommodi habitura: & hic statuebam magnos & sapientes uiros, inter quos meritò R.P. V. numeramus, sua sponte ad beneficiendum accensos esse. Nunc tamen duxi scribendum esse ad R.P. T. primum ut intelligeret beneficiū suum apud homines gratos collocari: deinde ut cognitis nostris uoluntatibus, negocium hoc facilius expediret, præsertim cùm iam quasi in extremo agone maximè sit laborandū bonis uiris, ut exitū habeat tranquillū.

Principiò autem habeo gratias R.P.T. quantum animo concipere possum, maximas, quòd hactenus in dicenda sententia uiolenta consilia repudiasti. Et hac uoce mea existimabis tibi gratias agere omnes bonos uiros in his partibus. Non enim sunt omnes perditī aut improbi iudicandi, qui amplexi sunt hoc doctrinæ genus, in quo nos uersamur. Deinde uelim hoē sibi persuadeat R.P.T. de me, deq; multis alijs, nos optare, ut pace constituta Episcoporum potestas sit incolumis: & hanc plurimum prodeſſe Ecclesiæ iudicamus. Erit igitur clementiæ episcopalis, ut nos qui parere non recusamus, seruemur: ac

d s paucis

paucis rebus relaxatis, quæ neque fidem nec bonos mores lœdunt, & quas iam natura rerum non patitur mutari, nostri nō grauatum parebunt. Ac prouidendum est, ne hi qui sunt sanabiles, coniungantur cū deterioribus, si res ad arma dederatur: quod si accidat, non solum bellum infinitū erit, sed etiam oriētur nouæ hærejes: quæ si excitatae fuerint, nunquam ad omnem posteritatem coire Ecclesie concordia poterit. Ego scio, quas opiniones, quām perniciosa dogmata nōnulli intra parietes contineāt, ut per occasionem proferant: & multum* improbis belli tempore, præsertim si dux audax contingat, & furioso ingenio præditus. Memini scriptū esse: Obdurans aurem suam à clamore pauperū, etiam ipse clamabit, & non exaudietur. Hæc res meritò bonos uiros mouere debet, ne hominum miserrorum preces in tali causa aspernentur. Vobis uero Christus uestre pietati & clementiae haud dubiè præmia amplissima reddet, quemadmodum pollicitus est: Qui dederit potum aquæ uni ex minimis meis, &c.

Hæc mala trāquillis temporibus caueri possunt, præsertim si Episcoporum autoritas ualeat, & Ecclesiasticarū rerum curam suscepient. Quod si pacem impetrabimus: ego de me, deq; multis alijs uiris policeor, nos omne studium nostrum ad illustrandam doctrinam Christianam collatueros esse. Ta-

le seculum impendet, ut nisi transmittatur doctrina religionis, diligenter & prudenter collecta, magior confusio secutura videatur. Neq; leues habeo causas cur hoc metuam. & cura haec decet Episcopos, puram doctrinam propagandi ad posteros. Oro igitur propter Deum, qui uobis commisit hoc officium summum in terris erudiendi, ut, quod facitis, à violentis consilijs dehortari pergatis. Valete.

D. Theophilo oratori S. D.

Reuerende Domine. Cum prædicatione multorum uirorum cognouerim, R.D.V. in amplissimis honoribus, in rerum fastigio summa uti moderatione: adductus sum in spem, fore ut R.D.V. literas nostras æquo animo legeret. Verissimum est quod Plato scribit: Nihil optabilius, nihil melius, nihil diuinius posse accidere hominibus, quam si sit in imperio cum potentia coniuncta sapientia. Quare initio cum huc adserretur, R.D.V. missam esse ad hunc conuentum, ut arbiter ac disceptator esset controversiarum religionis: multi uiri hanc gratulati sunt felicitatem Germaniae, quod tali uiro cognitio maximarum rerum commendata esset, qui non solum dignitate, sed multo magis sapientia antecelleret alijs hominibus. Iam olim enim fama sapientiae tuae per uniuersam Germaniam peruagata est. Ego igitur cum existimarem, R.D.V. in ista sapientia, quam maxime à violentis consilijs abhorrere: du-

xi ad R.D.V.scribendum esse, ut et nos intelligeret unicè cupidos esse pacis atq; concordiae, neque detrectare ullam tolerabilem seruandæ pacis conditionem, dogma nullum diuersum à Romana ecclesia. Multos etiam reprehēmus, quòd perniciosa dogmata serere conati essent. Cuius rei extant publica testimonia. Parati sumus etiā obedire Romanæ ecclesiæ, modò (ut illa pro sua clementia, qua semper erga omnes gentes usa est) pauca quædam uel dissimulet, uei relaxet, quæ iam mutare, ne qui-dem si uelimus, queamus: neque fidem habeat R.D. V. maleuolis nostris, qui nostra scripta sceleratè deprauant, et affingunt quicquid uidetur ad inflammandæ publica odia quoquo modo conducere. Ad hæc, Romani pontificis autoritatē et uniuersam politiam Ecclesiasticam reuerenter colimus, modò nos non abijciat Romanus pontifex.

Cum autem concordia facile posset constitui, si æquitas uestra paucis in rebus cōniueat: et nos bona fide obedientiam reddemus: quorsum opus est supplices ferro persequi? Mihi nō dubium est, quin R.D.V.nullo modo probatura sit illa uiolenta consilia, si causam nostram et uoluntates penitus norit. Nullam etiā aliam ob rem plus odij sustinemus in Germania, quam quia ecclesiæ Romanæ dogma sa summa constantia defendimus. Hanc fidem probabimus Christo et Romanæ ecclesiæ ad extremū spiritum,

spiritum, Deo uolente. Leuis quædam dissimilitudo rituum est, quæ uidetur obſistere concordiae. Sed ipsi Canones fatentur, concordiam Ecclesiæ in huiusmodi rituum dissimilitudine retineri posse. Quia de re non decet me plura disputare apud uirum doctissimum, tot iam annis in ſummo cōſilio orbis terrarum uersatum. Hæc tantum ſcripsi, ut intelligeret R.D.V. nos petere pacem: ac rogare R.D.V. ut ſapientiam atq; authoritatem magis ad nos feruandos quam perdēdos cōferat. Verebar etiam, ne prolixitas offendere R.D.V., ideo ſcripsi breuius: ex propter Deum oro, ne hanc nostram deprecationem R.D.V.aspernetur. Bene ualeat R.D.V.

Reuerendis uiris, D. Leonardo Beiero, & D. Christophoro Eringio, pastoribus Ecclesiæ Dei in urbe Cygnea, amicis suis, S. D.

Reuerendi uiri. Magna leuatio eſt animorum in omnibus doloribus publicis et priuatis, uidere Ecclesiam ſui oppidi tranquillam. Quia præcipue acquiescūt animi in invocatione Dei: que, cum diſcordie ſunt in cōſpectu, ualde turbatur et impeditur. Cumq; hoc tempore multi propter publicas calamitates magno in moerore ſint, maximè curandū eſt ſingulis docētibus, ut ſua Ecclesia ſit uelut portus, in quem mœſti ciues confugientes, invocatione Dei erigātur. Audimus autem, de re nō maxima iſthie
inter

inter uos dissensionē ortam esse periculosam, propter quam magna facta est auersio, ad grauiſſimos dolores, quos alioqui propter multas calamitates publicas sustinemus. Eſi autem nihil authoritatis nobis ſumimus aduersus uos, nec imperare uobis quicquam uolumus aut poſſumus: tamen ex dolore nostrū uobis ſignificamus: ex uos oramus propter Deum, et propter ingentes omium dolores, ut quod nos in hac ſenecta et grauitate et in diuino ministerio maximē decet, hoc certamen omittatis. Et quanquā uterq; iure ſe cōtendere existimat: tamen iuri uero utilitatē Ecclesiæ anteferatis: et pastor definat plus oneris imponere collegæ, et collega ultro ſe offerat propter Ecclesiam ſubitum esse plus laboris. Aut ſi non cedat uterque, cedat alter: nec existimetis turpe eſſe uinci. Nulla uictoria, nulli triumphi ſunt magis digni laude in Ecclesia, quam in talibus certaminibus anteferre publicam concordiam priuato adfectui: quod cum nobis no-tiſſimum ſit, non eſt opus longa commemoratione. Existimamus uos ipſos ſepiſſimē cogitare de filio Dei, qui adeò ſe abiecit infra omnes homines, ut coram eterno Patre iacuerit proſtratus ac ſupplex pro nobis, deriuata in ſeſe uera et horribili ira aduersus noſtra peccata: perinde ac ſi ipſe ſeſe noſtris ſceleribus polluifſet. Hinc totam humilitatem in filio Dei cogitātes, nos quidem expauescimus: ac dolemus,

63

lēmus, uos & alios interdū uehemētius pugnare de
autoritate uestra. Cedamus potius de iure nostro, ut
cessit filius Dei de suo: & ut ipsi propter Ecclesiam
aliena onera in nos deriuemus: nō existimemus pro
brum esse, uideri inferiores, cūm se filius Dei infra
nos abiecerit. Hac imagine moueri omnium piorū
pectorā, non dubitamus. Deinde & tempora co
gitate: obruat publica mœsticia omnes paruarum
rērum contentiones. nec dolores alijs augeamus,
nec impediāmus nostram aut aliorum uocationem
bis rixis, quæ uarie uulnerant animos. Postremo
& hoc cogitate, ne quaquam offendendam esse uo
luntatē illustrissimi Electoris Ducis Saxoniae, &c.
talibus contentionebus, qui non uult ciuitates in fa
ctiones distrahi. Nostro etiam dolori ut parcatis,
uos etiā atq; etiam oramus: qui cūm etiam alijs tem
poribus de nulla re nisi de doctrina pugnandū es
se iudicauerimus, nunc in hac mœsticia omnium pio
rum multo magis ita sentimus, ne in tantis uulneri
bus Reipublicæ plus mali oriatur. Quare uos ite
rum propter Deum pacis authorem, & cuius hæc
uox est (Beati pacifici, quia filij Dei uocabuntur)
obtestamur, ut toto hoc certamine omisso, tranqui
litatem Ecclesiæ uestræ tucamini. Bene ualete. Dic
22. Januarij, Anno 1548.

Iohannes Bugenhagius D. Casparus Crt
cigerus D. Philippus Melanchthon.
Clariss.

Clariss. & opt. uiro Martino Luthero, Dōctori Theologiæ, instauratori puræ doctrinæ Euangelij, patri suo charissimo, P. M.

S. D. Deus pater liberatoris nostri I E S V C H R I S T I, qui pro nobis factus est uictima, dedit Ecclesiæ, tibi & familiæ tuæ, annum felicem. Hic nondum sunt inchoatæ publicæ disputationes. In mora nobis sunt aduersarij, qui habent inter se priuatos congressus institutos, ut uel explorèt suorum animos, ac suffragia percipiant: uel ut articulos cudent nobis postea proponendos, qui uideantur controvierias moderari. De his articulis cùm ferè totū mensem deliberassent, altercāte Scoto cum Pelagio monacho & Mensingero (nam hi sunt antesignani) tandem Eccius formulam compositu de duobus locis, de peccato Originis, & de iustificatione, glorians non posse ex India aptiore formulam ad concordiam adferri: eamq; proposuit suis, ac iubet ire in suffragia, quæ conatur extorquere. Sed tamen Deus aliquorum mentes rexit & cōfirmauit, ne sophisticis illis articulis assentirentur. Repudiata est formula Eccij à trium principum legatis, Palatini, Marchionis, & Iuliacensis. Hi modestè, sed rectè tam professi sunt, se probare nostram sententiam, quæ in Confessione & Apologia cōtinetur & declaratur. Fremunt reliqui, & de excludendis illis trium

trium Principum legatis deliberant. Sed tamē cum id facere non audeant, decurritur eō, ut Eccius & * N. exhibeant suam sententiam scriptam præsidentibus. Item ut reliqui tres etiam sententiā exhibeant scriptam, quam dixissent. Id heri, hoc est, 15 die Decembris factum est. Sunt igitur ab aduersariis trium principum legati aliquo modo se iuncti: qui an postea interfuturi sint eorum colloquijs, nondum scio. Nobis pugnā tum est, ut ex publica disputatione constituantur, ne fiat suffragatio, ante quam res explicatae sint. Virinq; miris technis aduersarij uel impedire disputationem, uel irretire nobiscum sententias conantur. Sed nos articulos ab aduersariis non accipimus. Congrediamur palam, ut collatis sententijs iudicem faciat filium Dei, de quo Pater cœlestis inquit: Hunc audite. Etsi hactenus occulauerint illas suas sophisticas formulas, tamen eas uidi. Est omnino puerilis ludus: in eruditis amphibolijs offundit re nebulas rudibus conantur. Sum ex ego invitatus, ut formulā aliquā componerem. Sed respondi, me publicè dicturum esse, quid uideatur. Intelligo ex aliorum tentari uoluntates. Sperabamus Colonenses etiam probaturos esse ueram sententiam de iustificatione, ex repudiaturos formulam Eccianam. Sed hi non modò se fellerunt nos, sed etiam augent periculum trium illorum qui disserunt. Reformationis Coloniensis auctor uoluit

initio ualde æquus uideri: & uult ita conciliari repugnantes sententias, ut existimentur hactenus tantum λογομαχία fuisse. Hás ineptias cum liberius refutassem, dixit mirari se meam uehementiam: me remouendū esse à disputatione. Rogauit, ut hoc mihi impetraret: daturū me ipsi pro tanto beneficio non contemnendum munus. Legatus pontificius habuit oratiunculam satis tolerabilem. Dixit se ab Imperatore uocatum esse. De sua potestate in hac synodo nihil dixit. Eram tamen stans responsurus: sed impedij Granuellus. Cui cum diceret Franciscus, me modestè responsurum esse, respondit: Scio modestum esse, cum uult. Cum esset contentio cum Scoto de fide & de dubitatione, inquit monachus Pelargus, Rectum esse dubitare. & citauit dictum Pauli: Nihil mihi conscient sum, sed in hoc non iustificatus sum. Sic uolebat dubitationi patrocinari. Tales Sphingas aduersarij delegerunt, ut audirentur se abhorrire à cōcordia. Imperatorem regensem esse in Brabantiam aiunt, propter Gallicam legationem. Sed has fabulas nec inquiero, nec moror.

Coruimum uiuere speramus. Etsi constat fuisse insidiatores ad eum interficiendū missos. Sed Deus excubat pro nobis. Bene & feliciter uale. Deus pater Domini nostri Iesu Christi seruet te, & honestissimam coniugē tuam, & dulcissimos liberos, & totam familiam. Dic i7, Vuormaciæ. Habes ue-

ram & integrām historiam, quam etiā D. Pontē
no Cancellario exhibebis: cui reuerenter salutem dī-
cas meis uerbis.

Nobilitate & virtute præstanti uiro,
domino à Richabim Gallo,

S. D.

Nullum est humanius officium, quām alieno li-
etu adfici, uel consolatione uel societate doloris alie-
nam mœstatiā lenire. Quare etiā si tibi ignotus
sum, tamē cum essem hīc apud Caluinū, & de mor-
te filij tui iodoci, quē sciebā fuisse adolescentē egre-
gia in dole, uirtute & eruditione præditū, ad te da-
rentur literæ, meas quoq; adiungendas esse putauit:
præsertim cū et mihi immatura mors talis adolescē-
tis magnum dolorem attulerit. Doleo enim Eccle-
siam orbatam esse tam felici ingenio, cuius erat ma-
gnus usus futurus in propagādīs & illustrandis o-
ptimis artibus, que sunt utiles uitæ. Tua etiā cau-
sa doleo, ereptum tibi esse filium, in cuius suavitate
& uirtute acquiescere senectus tua debebat. Et e-
rat ipse propter optimos mores uita longiore di-
gnus. Fateamur & nos nostro commōdo moueri,
quod amicum & optimum studiorum socium ami-
simus. Itaq; non possumus non lugere interitum fi-
lij tui: & cum optima quæq; natura maximè sit φι-
λότροφος, non possumus tibi tam duram legem im-
ponere ne doleas. Ne Paulus quidem lugere uetat:

c 2 sed

sed ne lugeamus ut gentes ignaræ propositæ immortalitatis. Ut igitur humani animi est affici suorum interitu: ita rursus pietas est moderari mœstiam, & auocare animum ad cogitationem de Dei uoluntate, de communibus ærumnis generis humani, de immortalitate, denique de filij uoluntate iam fruentis dulcissima Dei & Ecclesiæ purioris consuetudine in cœlo. Nam sic cogitabis nos nec nasci nec occidere casu, sed Dei consilio, sicut inquit Psalmus: Ipse fecit nos, & non ipsi nos. Statuas non repugnandum uoluntati Dei, qui filium euocatum ex hoc carcere, ad aliud melius uitæ genus traduxit. Sit igitur modus aliquis tristicie, nec mere aduersus uoluntatem Dei incipiat. Deinde quisquis præsertim horum temporum calamitatibus in Ecclesia & Republica proprius considerat, uideatur non difficulter obtemperatus Deo, si ex hac uita euocetur. Publica enim morū corruptio, etiam bona ingenia inflectit ad eas artes, quæ etiam si sunt indignæ bonis: tamen quia ad potentiam & opes aditum faciunt, à pluribus coluntur. Iam in Ecclesia, quæ debebat esse gratissimus receptus ac ueluti portus bonis & studiosis: quantum est priuatarū superstitionum, quanta Apostolicæ disciplinæ perturbatio? Et summi ordines, ad quorum officium pertinebat mederi his malis, noua asperitate ea confirmant. Quid igitur loci bonis & doctis in Eccle-

sijs esse potest, ubi eis exilia, carcer & atrociissima
 supplicia proposita sunt? Non igitur recusemus ad
 eam Ecclesiam discedere, in qua summa cum tranquili-
 tate, pulsa omni caligine Deum intuebimur, cum
 summis uiris Prophetis & Apostolis. Horum con-
 suetudinem quoties cogito, et ad gubernationem re-
 rum in hac uita comparo: Quid dicam quod sen-
 tio: Incendor melioris uitæ desiderio. Vidi funera &
 domestica & aliorum coniunctissimorum hominum
 pleraque magno cum dolore. Sed cum temporum ui-
 tia intueor, saepe iudico impendentibus calamitati-
 bus orbis terrarum, eos qui iam moriuntur, diuini-
 tis eripi. ut Esaias inquit, Iustos mori, ne publicis
 paenit unam cum ceteris plectantur: scilicet, ut in cu-
 bile suum ingressi, placide quiescant. Ita existi-
 mes & filium tuum secuturis calamitatibus ereptum
 esse. nam aliquato post, orbis terrarum magnis mu-
 tationibus concutietur. Nec te amisisse filium arbi-
 treris. Viuit ille, & te tranquillo animo esse iubet,
 & letus te expectat in illa meliori uita, ubi rursus
 te complectetur: ubi rursus ipsius consuetudo mul-
 to tibi ducior erit, quam cum infantem gestabas in
 sinu, docebas uerba fingere, aut cum postea uolupta-
 tem ex eius ingenio & studio capiebas. Aliquanto
 post ipsum audies de Deo, & de filio Dei, de mira-
 bili conditione rerum, denique de ijs rebus omnibus
 differentem, ad quarum cognitionem mens huma-

na propriè condita est. Videbis cum in cœtu Prophetařū & Apostolorū, & cum his philosophantem. Hæc te uera gaudia iam animo concipere conuenit: neq; existimes ea magis à me rhetorico more colligi, quam uerè dici. Ego uero cum audio mores ipsius pios & honestos fuisse, & ardenter uera fide & agnitione filij Dei, coluisse & inuocasse Deum: hiac discedētem, se commendasse filio Dei, qui nobis aeternum patrem cœlestem placauit, & ab aeterna morte pios ipsum inuocates redemit: nō dubito, eum in cœlum beatorum à Christo traductum esse. Non enim dubitandum est de diuinis promissis, & illa salutaris uox intus infixa hæreat in animis nostris: Beati mortui, qui in Domino moriuntur. Hoc argumentum ad consolandum efficacissimum est: idq; si sepe repeatas animo, non solum lenietur dolor, sed etiam desiderium illius futuræ consuetudinis cum filio in animo accendetur. Ac spero eadem tibi à Caluino copiosius & melius prescribi, non solum quia eruditione & facundia superat; sed etiam, quia cum filium tuum norit familiarius, plura de eius uirtute & pietate commemorare potest. Deum precor, qui est autor consolationis (ut Paulus inquit) ut ipse erigat animum tuum, & te & reliquos seruet & gubernet. Bene uale: mens Aprili, ex conuentu Ratisbonensi,

1541.

Ad

Ad quendam amicum, de modo loquendi secundum rationem idiomatum.

S. D. Ego uero, reuerende uir et charissime frater, uel quotidie tecum colloqui me posse optarem, non de populi fabulis, sed de rebus maximis ad doctrinæ explicationem pertinetibus. Nam et diligo te, et studium probo, et opto inter nos prius consensum, ac in omnibus hys Ecclesijs et Academijs perpetuum esse. Quare silentij mei causam non putas iudicij uel voluntatis mutationem: sed exilia et aliæ ærumpere sepe haec officia impediunt. Quod uero scribis te a me reprehēsum esse, et quidem in scriptis publicè propositis: id non esse factū, scripta ipsa ostendunt, quæ tibi mitto: quorum alterum a Stancaro reprehensum est. Legi et propositiones tuas de duabus naturis in Christo, et de idiomatum communicatione, ante annum mense Maio editas, easq; palam dixi me approbare. Sed cum ad me inclitus Elector Marchio controuersiam misisset, scripsi ei de modis loquendi, me optare, ut illas et uos et nos sequamur, et constanter retineamus ueterem loquendi formam, approbatam in synodo Ephesina, et a doctis deinceps. Questiōnem uero de mediatore, iudicari posse ex epistolis ad Hebreos. Ac prorsus affirmo, me inuocare filium Dei, Deum et hominem, et hanc personam

72

agnoscere mediatorē, sicut inquit: Venite ad me omnes qui laboratis & onerati estis, & ego reficiam uos. De hac tota re longiorem tibi explicationē mittam. Illud autem non disimulo displicuisse mihi, quod in libro Berlinensi scriptum erat, Christum secundum utramq; naturam mortuum esse. Non sic loquitur uetus. Etiamsi uera est propositio iuxta communicationem idiomatum: Deus est mortuus. Nec tamen mouet rixas, sed cogitabā alios mortuos esse: nec te existimabam architectum libri esse, sed alium, qui suas quasdam delicias in loquendo amat, nec proprietatem, nec antiquitatis consuetudinem retinere studet, ut ipse iudicare potes. Spero te lecta nostra responſione, quam mittam inclito Electori, non pugnaturum esse nobiscum. Et te propter Filium Dei & Ecclesiæ salutem oro, ut uocem & auoritatē tuam ad tuendum pium consensum in his Ecclesijs & Academijs cōferas. Vagātur paſſim multi, qui & diſidia ſerere conantur, & piorum inuocationem turbant: ut nuper & Tamerū fanaticas opiniones ſpargere cœpit. Aduersus tales tueamur coniunctionem nostram. Res magnae sunt, de quibus iam differimus: de Mediatoris inuocatione, de proprietatibus personarum diuinarum, & de alijs quibusdam doctrinæ membris, de quibus certamina mota sunt & in Gallico littore, & ali bi. De quibus & tecum corām colloqui uellem, & aliquando

aliquando colloquar. Bene & feliciter uale. Dic 12,
Aprilis, anno 1553.

Consilium de articulo, Descendit ad in-
ferna, Theologorum quorundam,
ad ciuitatem Hambur-
gensem.

S. D. Honestissimi uiri, prudentia & uirtute
præstantes. Etsi multæ alie ærumnæ nos non leui-
ter excruciant: tamen auget dolorem & dissensio
in uestra Ecclesia, quam ualde diligimus & uenera-
mur. Oramus igitur Filium Dei, custodem Ec-
clesiae suæ, ut nos omnes regat: & ut Samaritanus
uiatori opem tulit, ita ipse quoq; languidum cor-
pus Ecclesiae suæ soueat, sanet, & seruet. Intelle-
ximus autem tria membra esse uestrarum literarū,
an probemus inchoatam formam procedēdi in pro-
ponendis articulis. Deinde quæ sit nostra sententia
de ipsa cōtrouersia. Tertiò, si institutam inquisitio
nem aliqui defugiunt, quid contra eos statuendum
sit, aut quid aliud agendum uideatur. Primum
autem uerissimum est, pertinere ad curam Senatus,
ut Ecclesia rectè doceatur, & ne diſsidia serantur.
Ideo, quod instituta est deliberatio de restituenda
concordia, Senatus piè & rectè facit: sed optare-
mus non tam multos articulos propositos esse, quo
rum aliqui magnas & difficiles disputationes páre-
rent, si agitarentur. Quod deinde flagitatur nostra
senten-

sententia, et si sepe hac de re & reverendum D. Lutherum loqui audiuimus, & legimus aliorum scripta, & in qua sententia acquiescendum sit cogitauimus: tamen nunc mota cōtrouersia scripsimus ad alios quoq; quorum expectamus sententias, ut collatis iudicijs inter plures, unam consentientem sententiam mitteremus, ne postea diuersitate hoc dissidium inflammaretur, & spargeretur in alia loca. Et non solum quid sentiamus ostendendum est, sed etiam addenda testimonia & argumēta: quod nunc subito fieri nō potuit. Quām cōtanter autē accedat ad hunc articulū reverēdus D. Lutherus in enarratione Geneseos, & in cōcione Torgēsi, cōsiderasse uos existimauimus. Tantū ad uictoriam Filij Dei accommodati: cetera dicit non inquirenda esse. Vicit omnino Filius Dei dolores inferorum: sed Psalmi ostendunt, dolores inferorum non restringēdas esse ad tempus tantū post animæ separationem. Horrendam illam consternationem & sensum ire Dei etiam in hac uita multi experiuntur, ut scitis: in qua lucta spiritus interpellat pro nobis gemibus inenarrabilibus. Retineri autem debere hunc articulum de descensu, iudicat reverēdus D. Lutherus, etiam si ad uictoriam tantū referatur. Quia confitemur destructam esse tyrannidem diaboli & inferorum: hoc est, liberatos omnes qui credunt in Christū, à potentia diaboli & ab inferis, iuxta hac dictum:

dictum: Nemo rapiet oves meas ex manibus meis. Et hanc uictoriā Filius Dei certo modo diabolis ostendit: & non dubium est, diabolos sensisse suā potentiam ab hoc uictore fractam esse, & uerè caput serpentis à semine mulieris contritum esse, & quidem à Christo Deo & homine: & inter signa uictoriæ fuit resuscitatio multorum mortuorum. Hac interpretatione ipse contentus fuit: sed alias de ipsa controuersia scribemus copiosius. Nunc de tertio membro. Cum constet tantum esse cōtrouersiam de cruciatibus animæ Christi post separationem, oramus deinceps non urgeri inquisitionē particularem ad articulos illos, nec quæri inde occasiōne alteruīros ejiciendi. Sed hoc damus consilium: Cūn̄ ipse reuerendus D. Lutherus hanc quæstionem de poenis animæ Christi post separationem, non dixerit mouendam esse: mandetur utriq; parti, ut expectent aliorum iudicia: ac interea in scholis, in concionibus, aut alijs publicis congressibus omittant mentionem huius quæstionis. Non interea aboletur articulus, sed retinetur, ut suprà dictum est: tantum inquisitio eius particulæ omittitur, de tempore cruciatum, cuius partis inquisitionem nec D. Lutherus necessariam esse iudicauit.

Hanc nostram responsionē simpliciter & optimo studio scriptam, ut boni cōsulatis, uos etiam atque etiā rogamus. Verè enim affirmare possumus,
ualde

malde diligi à nobis & Ecclesiam uestram, & ciuitatem, & ipsos pastores Ecclesiarum uestrarum, quos omnes scimus esse viros honestos, eruditos, Deum uera pietate colentes. Nulla nobis cum quam similitas est, sed sincera erga omnes benevolentia: nec in his tantis miserijs nostris indulgere ullis priuatis affectibus uelimus. Quare nihil odio cuiusquam, nihil in ullius gratiam scriptum est. Neminem laedere aut damnare uoluimus: sed simplicissime & candidissime exposuimus: quid ex uestræ Ecclesiæ & alijs Ecclesijs profuturum esse uideatur. Mense Septembri, 1550.

Explicatio propositionis: Omnes homines natos ex uicili semine, esse obnoxios peccatis.

Dei beneficio in his regionib mediocris concordia de toto corpore doctrinæ Euāgelicæ longo tempore fuit: inò & Ecclesiarum & docentium amicitia fuit grata omnibus p̄ijs. Ac nos quidem consensum retinere de doctrina fideliter studemus: nec mutaturi sumus unquam doctrinæ uocem, quam adhuc sonant hæ Ecclesiæ. Quia scimus eam uerè esse decretum æternum & immotum Dei. Deinde scimus inuocationem maximè turbari & impediri omnibus disiidijs, magnis & paruis: & turbata inuocatione aliquos dolere, & desperatione opprimi, alios prophanos fieri, ac prorsus ab̄iss. Itaque propter multas

multas grauiissimas causas optamus summo studio
cōcordiā et tranquillitatē Ecclesiarū retimeri: quā
si qui petulanter turbant motis non necessarijs cer-
taminibus, grauiter Deum offendunt, cōtristant spē
ritum sanctum in pijs, et poenas accersunt. Quare
ne ledatur gloria Dei, ne ue turbetur inuocatio in
pijs, et ut scandala et poena uitentur, oramus et
uos isthic, ut consensum de doctrina tueamini.

Nos semper ita sensimus, et nō dubitamus hanc
omnium ueterum eruditorum scriptorum senten-
tiam esse, omnes homines natos esse ex uirili semi-
ne, in utero reos et inquinatos peccato originis
fuisse et esse, sicut Paulus expressè inquit: Et sic
mors peruersit in omnes, eo quod omnes rei sunt.
Item: Vnius delicto in omnes condemnatio uenit.
Cum autem dicimus de conceptis ex uirili semine,
manifestè dicitur, filium Dei Dominum nostrum Iesu
sum Christum, qui missus est ut fieret uictima, et sit
saluator generis humani, nequaquam esse reum. Hic
enim non est conceptus ut ceteri homines: sed ut in
uerbis Iacob patriarchæ, Genesis 49 significatum
est in uocabulo Siloh, id est foetus virginis, in uirgi-
ne conceptus est, mirabiliter diuinitate uniente na-
turam humanam filio imagini æterni Patris. Sic Filius
Dei fuit sine omni peccato originali et actua-
li: quia cum ordine diuino in recipiendo genere hu-
mano satisfieri oporteret, oportuit hunc redēpto-
rem,

rem, ut aequivalens premium esset pro alijs, & ab
egor, ut ipse Dominus nominat, sine peccato esse.

Hæc arcana cōsilia, quo modo simul iusticiæ or
dinē in misericordia seruare oportuerit, in uita æ-
terna discemus. Nunc tamē initia huius doctrinæ di-
scenda sunt: quòd Deus uerè & horribiliter irasca-
tur peccatis: & quo iusticiæ eius satisficeret, opor-
tuit uictimā sine peccato esse. Nulla enim alia crea-
tura neq; in cœlo neq; in terra, nisi solus filius Dei,
est sine peccato, per quem omnes electi sunt redem-
pti. Ideo & Anselmus inquit de filio: Per quem &
mater ex qua natus est, & alij mundati sunt. Et Io-
hannes inquit: Ex plenitudine eius omnes accepi-
mus. Voluit quidem Deus, ut conficeretur testimo-
nia mirandæ suæ sapientiæ & bonitatis: dissimilia
esse exempla electorū, & alios in gubernatione col-
locatos donis excellētibus, alios mediocribus orna-
uit. propter quæ & Deo gratiæ agende sunt: & de
ipsis sanctis reuerenter sentiendum est, qui sue-
runt talia Dei organa, & Dei donis piè usi sunt. ta-
men tenenda est regula, solum redemptorē sine pec-
cato fuisse: & cæteros nō nisi per filium Dei redem-
ptos esse. Harum maximarum rerum doctrinā ob-
scurari, aut corrumpi nollemus. Ideo rogamus col-
legas eiusdem ministerij, ne moueant alias questio-
nes, quæ obscurant lucem ueræ doctrinæ: nec dīsi-
dijs occasionem præbeant. Hæc controuersia, quæ
multis

Multis uidetur exigua, maximas questio[n]es deinde
paritura esset si agitaretur. ut uerissima admonitio
de discordia tradita est: Parua scintilla totam syluā
uno incendio perdere potest. Obtestamur ergo col-
legas uestrros, ut malint tueri tranquillitatem Eccle-
siae, quām mouere questio[n]es non necessarias, qui-
bus disſidia accenduntur. 1549.

Ioannes Bugenhagen Pomeranus D.
Philippus Melanchthon.

DE VSV PARTICVLAE
Sola.

Reuerēdo uiro, eruditione et pietate pre-
stanti, domino Georgio Buchholzer, Pre-
posito Ecclesiæ Dei in urbe Arctoa,
amico suo colendo.

Venerande uir, & amice charissime: Multi bo-
ni & prudentes iudicare possunt, mediocre meum
studium fuisse, ut cum ab alijs controuersiæ multæ
& magnæ, in quibus multa indistinctè dicebantur,
motæ essent, explicatio extaret proprio genere fer-
monis, necessaria iunioribus, & paci utilis. Quia
ambiguitas semper gignit discordias. Spero etiam
ad consensum Ecclesiarum in multis locis, profuisse
illam propriam loquendi formam. Neque nunc ge-
nus doctrinæ mutabo, neque curam propriè & rea-
ctè loquendi deponam. Sed s[ecundu]s ex aula uestra in-
fuanez

suaves reprehēsiones audio quas publicāe tranquilitatis causa dīssimulo. Retineo exclusiūam: & si-
 cut antea plerūque usus sum particula Gratia, que
 minus habet ambiguitatis, & à Paulo usurpatur,
 qui, ut artifex, rectè loqui uoluit, ita adhuc ea par-
 ticula utor. Cito etiā in ipsa refutatione, quam mi-
 si, dictum: Non iustificabitur in conspectu tuo om-
 nis uiuens. sic Prophetæ exclusiūam expreſſerunt.
 Sed de particula Sola, perpetua est hæc aduersario-
 rum cauillatio, Fidem non esse solam. Quod ueris-
 simum est, de ea præsertim fide, de qua loquuntur
 Ecclesiæ nostræ, cùm Euangeliū propriā uocem re-
 petunt, Fide iustificamur. Vitandæ igitur ambigui-
 tatis causa dico, me hic non litigare de particula So-
 la. Et scitis quām multi flagitiose intelligunt parti-
 culam Sola. Iam uero in refutatione quam misi, pu-
 gno cum illis qui dicunt, hominem dilectione iustū
 esse: item, dilectionem esse iusticiam inherentem: &
 prorsus omittunt fidem, quia cogitat fidem tantum
 noticiam esse. Hic pugno, ne fides prorsus omitta-
 tur, cùm uirtutes in nobis recensentur. Existimo au-
 tem illam meam refutationem ita firmam & perspi-
 cuam esse, ut dextrè iudicantibus sine calumnia, sa-
 tisfactura sit. Et declarationem continet conscienc-
 iūs utilem. Mitto pagellas & illustrissimo principi
 Friderico, & eius magistro & filijs uestris exhibe-
 das. Iam accepi literas, in quibus scriptum est, Argē-
 torati

torati ciues nolle Hispanicas copias in urbē intro-
mittere. Bene uale, die 6 Iunij.

DE MODO CORAM DEO
iustificandi.

Cuidam amico.

Tuam epistolam longiusculam accepi, que fuit
luculentissima: teq; oro, ut saepe & multis scribas.
De fide teneo, quid te exerceat. Tu adhuc hæres in
Augustini imaginatione, qui eò peruenit, ut neget
rationis iusticiam: & rectè sentit. Deinde imagina-
tur, nos iustos reputari propter hanc impletionem
legis, quam efficit in nobis spiritus sanctus. Sic tu
imaginaris fide iustificari homines: quia fide acci-
piamus spiritum sanctum, ut postea iusti esse possi-
mus: uidelicet impletione legis, quam efficit spiritus
sanctus. Hæc imaginatio collocat iusticiam in no-
stra impletione, in nostra mundicie seu perfectio-
ne: etiam si fidem debet hæc renouatio sequi. Sed tu
reijce oculos ab ipsa renouatione ad totum, reijce
inquam ad promissionem & Christum: & sentias,
quod propter Christū iusti, hoc est, accepti coram
Deo sumus, & pacem conscientie inueniamus, &
non propter illam renouationē. Nam hæc ipsa no-
uitas non solum sufficit. Ideo sola fide sumus iusti,
non quia sit radix, ut tu scribis: sed quia apprehen-
dit Christum, propter quem sumus accepti, qualis-

f cunq;

cūnque sit illa nouitas, et si necessariò sequi debet, sed non pacificat conscientiā. Ideo nō dilectio, que est impletio legis, iustificat, sed sola fides: non quia est perfectio quædam in nobis, sed quid apprehendit Christum. Iusti sumus nō propter dilectionem, non propter legis impletionem, non propter nouitatē nostrā (et si bona sunt Spiritus sancti) sed propter Christum, & hunc tamē fide apprehendimus.

Augustinus non satis facit Pauli sententiae, et si proprius accedit quam Scholastici. Et ego cito Augustinū, propter publicā de eo persuasionem: cum tamen nō satis explicet fidei iusticiam. Crede mihi, mi amice, magna & obscura controuersia est de iusticia fidei: quam ita recte intelliges, si in totum remoueris oculos à lege, & imaginatione Augustini de impletione legis: & defixeris animum prorsus in gratuitam promissionē, ut sentias, quod propter promissionem seu propter Christum iusti, hoc est accepti sumus, & pacem inuenimus. Hæc sententia est uera, & illustrat gloriam Christi, & mirificè erigit conscientias. Ego conatus sum eam in Apologia explicare: sed ibi propter aduersariorū calumnias non sic loqui licuit, ut nunc tecum loquor: et si re ipsa idem dico. Sic dicas in tua epistola: Quando haberet conscientia pacem & certam spem, sic deberet sentire, quod tum demū iusti reputemur, cum illa nouitas in nobis perfecta esset. Quid est hoc aliud

aliud dicere, quam ex lege, non promissione gratul
e nos iustificari? In disputatione illa dixi, quod tri
buere iustificationem dilectioni, sit tribuere iustifi
cationem nostro operi. ibi intelligo opus factum à
spiritu sancto in nobis. Fides enim iustificat, non
quia est nouum opus spiritus sancti: sed quia appre
hendit Christum, propter quem sumus accepti, nō
propter dona spiritus sancti in nobis. Si cogita
bis animum reuocandum esse ab Augustini imagi
natione, facile intelliges causam. Et spero te ex A
pologia nostra aliquo modo adiuuari: et si de tantis
rebus timidè loquor, quæ tamen non intelliguntur
nisi in certaminibus conscientie. Populo omnino de
bet proponi prædicatio legis & pœnitentie: sed in
terim hæc uera Euangelijs sententia non est prætereñ
da. Quæso igitur, ut rescribas & de hac epistola,
& de Apologia iudicium signifiques, an nunc tibi sa
tisfactum sit in hac epistola, de tua quæstione.

Sequitur appendix D. M. Lutheri
ad hanc D. Philippi episto
lam.

Et ego soleo, mi amice, ut hanc rem melius ca
piā, sic imaginari, quasi nulla sit in corde meo qua
litas, quæ fides uel charitas uocetur: sed in locum i
psorum pono ipsum Christum. Et dico: Hæc iusti
cia mea, id est ipse Christus, est qualitas et formalis

(ut uocant) iusticia mea, ut sic me liberem ex expediā ab intuitu legis & operum: inō ab intuitu obiecti, nimirum Christi, qui uel doctor uel donator intelligitur. Sed uolo mihi ipsum esse donum & doctrinā per se, ut omnia in ipso habeam: sicut Iohannes dicit, Ego sum uia, ueritas, & uita. Non dicit, Ego do tibi uiam, ueritatem, & uitam: quasi extra me positus, operetur in me talia: in me debet esse, manere, uiuere, loqui mecum. Item ad Corinthios: ut essemus iusticia Dei in illo. Non enim id in dilectione aut donis sequentibus fit.

DE CONVERSIONE SEV IV- stificatione hominis coram Deo.

De controuersia Matthiae Lauter- uualdt, Elbingensis Prut- teni.

Ita iudicauimus de cōtrouersia Epiriensi, ut non defugiamus iudicia omnīū piorum in omnibus Ecclesijs instauratis in tota Germania, Pannonia, & Dania: & speramus Matthiam ita memorē esse benevolentiae nostrae erga ipsum, ut ne ipse quidem queri possit, odio nos moueri in hac dijicatione. Si dicet nos nimium amare nostra scripta, aut hebetiores esse quam ut subtilitates suas intelligamus: permittimus hanc nostram responſionem etiam a liarum Ecclesiarum iudicijs, ut antea diximus. Cer

tē uult Deus aliqua esse Ecclesiæ iudicia, et seruat aliquos doctrinæ testes. Primum autem filium Dei, Dominum nostrum IESVM CHRISTVM oro, qui in agone utrumq; petiuit, et ut sanctificet eternus Pater Ecclesiā ueritate sua, et ut faciat ut unū simus in ipso: ut et nostra iudicia regat, et fletat nostra pectora, et Matthiam ad piam concordiam. Ac scit Matthias, sepe nos ualde orasse ipsum, ut se ad consensum Ecclesiarum in Pannonia adiūgeret. Sed natura est nimis amans argutiarum, eo plus periculi est iudicantibus: quia homines arguti sine fine petunt disputationum prætigias. Sed simplici et candido animo et piè respōdemus, probare nos sententiam Barthenis ecclesiæ, quæ retinet natuum intellectum propositionis, Fide iustificamur: sicut tota Prophetica et Apostolica scriptura affirmat, sola misericordia propter Mediatorem nos recipi, reconciliari, et uiuiscari Spiritu sancto uerè credentes, id est, fiducia filij sese consolantes. sicut Paulus inquit: Iustificati fide pacem habemus. Etsi autem hæc fides seu fiducia non est in his qui securè perseverant in sceleribus, et sunt sine contritione: tamen contritio et noua obedientia non sunt res applicantes, ut dicit Matthias. et satis commode respondit Radachinus, contritionem esse quidam necessariò antecedens. Cumq; interrogat Matthias, utrum antecedat ut causa, an ut medium?

f 3 Respon-

Respondemus, nequaquam antecedere cōtritionem, ut causam remissionis seu meritum, nec ut medium applicans remissionem: sed sicut uulnus, aut uulnaris sensus antecedit curationē. Totum genus humānum reūm est horrendae irae Dei, et sensu iudicij uini per ministerium uocis diuinæ arguitur de peccato per poenas, et alias aliter commonefit. In his terroribus multi pereunt irascentes Deo, aut Epicureo contemptu magis ruentes contra Deum. Alij non repugnantes Deo, sed querentes consolatiōnem in uoce Euangeliū, accipiunt remissionē peccatorum, reconciliationem ac iustificationē et uiuificationem per Spiritum sanctum. ac fit apprehensio promissionis et applicatio sola fide, id est, fiducia mediatoris, non propter contritionē, neq; propter sequentes uirtutes: sed nititur fides solo Mediatore, seu misericordia propter Mediatorē promissa: et acquiescit cor, quia scit promissionem ratam esse propter Mediatorem. Hanc esse doctrinam simplicem et incorruptam, et traditam in Prophetiis et Apostolicis scriptis, manifestum est, ut in Psalmo dicitur: Saluum me fac propter misericordiam tuā. Et Daniel inquit: Non in iusticia nostra, sed in misericordia tua propter Dominum exaudi nos. Et Paulus inquit: Ideo ex fide gratis, ut sit firma promissio. Haec ut intelligantur, non ociosas speculationes, sed ueros paupores, et ueram cōsolatiōnem.

tionem in cōuerſione, & in quotidiana inuocatio-
ne consideremus. Docemus non inaneſ λεπτολο-
γιαſ: ſed uocem diuinam & res in uita maximè ne-
ceſſariās, & quæ à pijs intelligi poſſunt. Dicimus
uoce diuina argui peccatum, & omnes homines de-
bere expauſcere agnitione iræ Dei, & expauſcē-
tes fide ad Mediatorem cōfugere. Eaq; fide gratis,
non propter antecedentia aut ſequentia opera, ac-
cipi remiſſionem peccatorum, reconciliationem &
iustificationem, ac uiuificari per filium Dei, dicen-
tem consolationem in corde, ac liberantem cor ex
doloribus inferorum, dato Spiritu sancto, atque ita
inchoari nouam obedientiam. Hæc ſic fieri in ue-
ra conuerſione omnes pij experiuntur. Nunquam
dicet Dauid, ſe habere remiſſionē propter ſua bo-
na opera in præſenti facta partialiter aut totaliter.
Remoueamus has corruptelas, nec ſinamus uerare
consolationem pijs mentibus eripi: in ueris dolori-
bus experiemur nullam eſſe firmam consolationem
niſi hanc, de qua Paulus inquit: Ideo ex fide gratis,
ut ſit firma promiſſio. Quia igitur Matthias
damnat doctrinam Ecclesiæ noſtræ, & contendit
non ſola fide, ſed contritione & alijs bonis fieri ap-
plicationem remiſſionis peccatorum, & iuſtifica-
tionis: iudicamus eum docere corruptelas ueræ do-
ctrinæ. Nec re ipsa diſſert hæc corruptela à ſy-
neſdochē monachorum, qui dixerunt: Fide iuſtifi-

camur, quia inchoat dilectionem atq; alia bona opera. Verbum seu promissio sola fide apprehenditur. Nam hac re differunt fides & cætera bona opera, quod fides apprehendit promissionem, & accipit nō ut meritum: cætera uero opera Deo aliquid offerunt. nec applicatio per opera alia intelligi potest, nisi ratione meriti. Nomen igitur meriti abiicit Matthias, rem retinet, & sibi blanditur suis ociosis speculationibus. Quod autem clamat, toti pœnitentiae promitti gratiam: id si ita intelligit, ut non seruet distinctionem partium, & juam cuiusq; proprietatem, non recipimus ipsius dictum. Contritioni promittitur ut uulneri curatio, deinde fit applicatio remedij: & nullo modo potest dici, quod propter sequentia opera detur remissio. Etiam cum sic dicitur, Conuertimini ad me, & ego conuertar ad uos: tamē partibus suæ proprietates tribuendæ sunt.

Veterem, inquiet, cantilenam repetitis. Verum est, nos eandem sententiam repetere: quia hæc unica sententia in hac quæstione est. Et existimamus totam causam alibi sëpe & perspicuè declaratam esse non à nobis tantum, sed etiam ab alijs, qui hoc ipso quadriennio refutarunt Interim. Cognouimus autem ex eius disputatione plenius, dissentire eum à toto genere doctrinæ. Fidem intelligit de noticia historiæ & legis. Deinde addit, fidem posse esse sine dilectione: dicit falso nos docere, has propositiones

tiones æquipollentes esse, Sola gratia iustificamur et Sola fide iustificamur. aliter igitur intelligit gratiam quam nos. Cum igitur iudicemus Matthiam corruptelas ueræ doctrinæ in illa sua disputatione proponere : hac nostra cōmonefactione hortamur eum, ne se à consensu piè docentium in Ecclesijs Germanicis et Pannonicis disiungat. Ac si hoc nostro iudicio non est contentus, placet nobis ipsius disputationem et alia istic scripta et hanc nostram responsionē mitti ad plures Ecclesijs instauratas. Nihil in hac tota refit à nobis priuato affectu ullo. Scit ipse Matthias, fuisse nobis dulcem cum eo amicitia, quam nunc distrahi dolemus: sed magis dolamus Ecclesijs turbari. Audimus etiam eum contumeliose loqui de propositione usitata, Sola fide iustificamur: et nuncupari eam ab ipso cloacam Antichristi. Extant nostræ declarationes, ideo nunc breuius respondemus. Sed si nec nostro iudicio, nec aliarum Ecclesiarū sententijs flecti uellet ad communem consensum, hortamur senatum Epperiensem, ut eum à ministerio Euāgelico remoueat. Anno 1554.

DE PROPOSITIONE,

An bona opera sint necessaria.

Reuerēdo uiro, D. Georgio Buchholzer,
pastori Ecclesiæ Dei in oppido Ar-

ctoa, fratri suo charissimo,

S. D. Reuerende uir, et charissime frater: Mit

f s to

to pagellas, in quibus recitatur conciliatio facta in-
ter Lutherum & alios, qui adfuerunt ex Ecclesijs
Rhenanis & Rheticis, quorum adscripta sunt no-
mina de propositione, An bona opera sint necessa-
ria. Hodie legi præfationem Ambsdorffij, additam
nouæ editioni Ienensi Der haus postillen / ubi sunt,
hæc uerba: Ich hab alle zeit geleret/ das man gütte
werck zu thun pflichtig vnd schuldig ist, &c.
Hic refutat ipse Ambsdorffius scurrilitatē illorum,
qui negat hanc propositionē: Noua obedientia est
necessaria. Est autem barbaries, intelligere ne-
cessarium coactione extortum. Significat enim, or-
dinatū à Deo immutabiliter. Et magna inscitia est,
locum Pauli ad Corinthios citare ad obedientiam
præceptis debitam: qui loquitur de donatione ele-
mosyne, cuius adfirmsat modum nemini præceptū
esse. Vult enim docere, se nō tollere distinctionē do-
miniorū, sed uelle esse liberā contributionē. Nec ua-
let cōsequentia ab operibus non præceptis ad pre-
cepta. Bene ualete. Et scribā aliās plura: & Deo Ec-
clesiam et me commendo. Dic 19 Iulij, anno 1559.

AN SACRAMENTVM IN POM pa adorari debeat.

Reuerēdo uiro, D. Iacobo Stratnero, præ-
dicatori Berlinensi, amico suo cha-
rissimo, S. D.

Mibi cum Vuicelio priuata discordia nulla
unquam

unquam fuit: amanter etiam rogati aliquando, meā familiaritatē ne aspernaretur. Sed uide quām crudeliter, quām calumniōse scripscerit contra nos, & scribit multa contra suam conscientiā. Ideo cum non probō, & existimo istic arte impediri bona & pia consilia. Oremus igitur Deum, ut Achitophelis consilia impeditat: mihi non dubium est, quin Vincelius ipse improbet illam adorationem sacramenti in pompa. Nolui autem cum principe de ea re disputare, cū ipse nō interrogaret. Scriptura docet nos, sacramenta in usu certo esse: extra usum est incertitudo. De aqua consecrata nihil dico: res levicula per se casura est: & ideo aliquando disimilentur hæc. Sed de Missa siue cōmunione, scribam ad eum accurate, cum primum habebo aliquid temporis. Magna res est abusus sacramenti: & Vincelium uereor confirmare abusum in Missa siue communione. Sacrificuli eandem impietatem retinens nunc, cū has Missas celebrant, qua utebantur antea. Vides quales sint, & quantum current doctrinā Christi. Dominus noster I E S U S C H R I S T U S gubernet animū principis, ut recta instituat: & ne suo exemplo impios confirmet. Bene uale mi Iacob, 23 Nouembris, anno 39.

Amico cuidam.

S. D. Velut in sentinam, ita in loca uenarum metallicarum semper ex uarijs gentibus homines confluunt,

confluunt, imbuti diuersis opinionibus, et magnorum
 ingeniorum et iudiciorum persuasione praediti: quorum multi etiam curiosi et fallaces sunt. In
 tali coetu tamen est aliqua Ecclesia: huic coetui ser-
 uiendum est. Et tamen interim cauendum, quantum
 fieri potest, ne curiosis ac malevolis præbeamus oc-
 casionem subsannædoctrinæ. Primum igitur ui-
 dendum tibi censeo, an collegas habeas consentien-
 tes de mutando ritu in coena Domini: si unus aut
 plures dissentiant, non censeo tentandam esse mu-
 tationem. Prorsus etiam in concionibus huius nego-
 cij nullam mentionem fieri uelim, in ullam partem.
 Scio esse magnas et grauiissimas rationes abrogan-
 dae eleuationis: sed consensu collegarum tibi opus est.
 Nam alij alias causas dicent, suspicabuntur, fingent:
 ut est haec ætas suspicax, et amans calumniarum.
 Nec facile credas collegis, nisi bene explorata ipso
 rum uoluntate. sum ipse similia expertus. Multi e-
 nem, cum uident iudicia uulgi non respondere ijs con-
 filijs que instituuntur: postea simulant se in uitios
 pertractos esse, et odia in alios deriuant. Quare
 censeo, prius explorandas esse uoluntates collega-
 rum. Causæ uero allegari in familiaribus colloquijs
 haec duæ possunt: nam in concionibus nolo quicquam
 de hac re dici. Primum, cum fingunt monachi ob-
 lationem fieri pro uiuis et mortuis, hoc ritu eleua-
 tionis eos moueri. Ut igitur tollatur error, ne putet
 populus

populus sacerdotis eleuationē ualere pro alijs, mandum esse morē dices. Secundō, eleuatione confirmatur circumgestatio, quae sine ulla dubitatione est idolomania. Nam Deus non est ad ullam rem al ligandus, ubi se non suo uerbo alligat: ut non est al ligandus ad statuas. Non autem alligatur Christus ad panem, sed ad actionem in usu sacramenti: nec adeſt propter panem, sed propter ſumentē. O hor rēdas tenebras, quas pōtifices, reges, principes, monachi in Eccleſia defendunt: quas utinam Christus aduentu ſuo citō depellat. Turcica arma puniunt hanc prophanationem cœnæ Domini, tot iam ſecūlis harentem in Eccleſijs. Bene uale, 1548.

DE ADORATIONE ET ELE- uatione Sacramenti.

Nobilitate generis, sapientia & uirtute præſtati domino, Eustachio à Schlieben, cōſiliario incliti principis Electoris, domino patrono ſuo colendo, Phil.

Mel. S. D.

Præſtantissime uir, nobilitate generis, sapientia & uirtute excellens: Si pastor ille ideo prohibet adorationem, quia negat præſentiam ueram & realem Christi in uero uisu sacramenti, remouendus est à gubernatione Eccleſiae. Displacet mihi mouere certamina, nō inquisitis fontibus: sed magis

zis mihi displaceat, quod dissimilitudo est in Ecclesijs etiam harum regionum. Alibi reteta est eleuatio, alibi abolita: & haec nulla communi deliberatione facta sunt. Haec nunc breuiter respondeo. De tota causa cum eruditis non recuso colloqui. 1554.

Scriptum D. Philippi, ad prædicatores in Francia, de eleuatione Sacramenti.

Anno 1542 Lutherus suo iudicio, non relata *ad aliorū deliberationē*, iussit omitti ritum leuandi Sacramentum. Cum autem sequerentur uenenatae reprehēsiones, & uenirent ad eum hospites multi, quorū aliquos nominare possem, etiam insuauiter sciscitātes causam, ait se his tribus causis motū esse.

Primum dicebat, cū tollenda sit ex Ecclesia persuasio impia, fingens sacrificulos offerre Christum pro uiuis & mortuis, & hac oblātione eis mereri remissionem peccatorum: sitq; hic ritus leuandi neruus illius persuasionis. ideo se etiam hunc ritum uelle abolitū esse: quia solius Christi est ingredi in sancta sanctorum, & seipsum offerre, cū uidit et sustinuit iram aeterni patris effusam in ipsum propter nos. Ideo dictum est, Una oblatione consumauit sanctos suos. Græci dissimiles canones habent: in uerustiore non fit mentio huius oblationis. Sed recentior sic loquitur, offerri ibi Christum: & tamen

namē mitigat, Tu es qui offerrs, & ēs ē προσφέρων
nisi o προσφερόμενος.

Secundā causam esse dicebat: Cū nihil habeat
rationem extra usum institutum, nolle se confirmare
circumgestationem, in qua adoratur panis, cū
ibi nequaquam habeat rationem Sacramenti: sed in
sumptione uerè adesse Christum, & uera eius nos
sibi membra facere, & liberè adesse. Ac uolebat Lu
therus abominandas quæstiones tolli: qualis est,
Quid rodat mus, rodens panem consecratum?

Tertiam causam addebat, taxandam esse popu
li persuasionem, quæ singat bonum opus esse ui
dere illum ritum leuandi: & eo uiso concipitur
falsa fiducia, & negligitur pœnitentia & uera in
uocatio.

De his causis eruditi & pīj cogitent: quæ quidē
postea multas Ecclesiās mouerūt, ut Lutheri exem
plum imitarentur. Abolitus est hic ritus leuandi in
omnibus Ecclesijs Electoratus Saxonici, in plu
ribus Ecclesijs Misniæ & Silesiæ, in tota Turingia,
in omnibus Ecclesijs Saxoniciis instauratis: Ham
burgæ, Lubecæ, Luneburgæ, Brunswigæ, in tota Po
merania, in ducatu Meagelburgensi, in regno Danie
co. Bene & feliciter ualete. Pridie calend.

Februarij, 1554.

Duo

Duo iudicia de cœna Domini, per D. Philippum Melanchthonem Vuormaciæ scripta.

Nihil dubium adorationem Papisticam in circumgestatione panis, & repositione, & oblatione, idololatriam esse. Nihil habet rationem sacramenti, extra usum à Deo institutum. Creatura enim sacramenta facere non potest. Instituta autem est sumptio, in qua cum pane & uino uerè & substantia-liter adest filius Dei: & testificatur hac externa sumptione, quod uerè faciat nos sibi membra: & se & sua bona nobis communicet. sicut Hilarius inquit: Hæc sumpta & hausta faciunt ut Christus sit in nobis, & nos in Christo. Nec sit conuersio substantiæ panis. Cùm autem facta sumptione descendit panis in uentrem, alteratur: estq; iam cibus corporalis, desistit ratio sacramenti. & ideo omittatur hæc absurdæ phrasis: Corpus Christi uel Christum descendere in uentrem. Nec Lutherus ponit conuersione substantiæ panis, sed ponit synecdochen: uidelicet sumpto pane & uino uerè sumi corpus et sanguinem. Ad hanc synecdochen congruunt & Pauli uerba, quæ tantum de usu instituto loquuntur, Panis est ueruæ corporis: id est, quo nobis cōmunicatur corpus Christi. Post hunc usum, cùm panis alteratur in uentre, nō alijs usus est panis. Videntur sermones prophani, & doceantur homines

de ratione sacramenti, uidelicet de testificatione;
quod sumus membra Christi. Deinde de uera conso-
latione, quae est manducatio spiritualis.

Secundum iudicium.

Non dubium est, Papisticam adorationem in cir-
cumgestatione, repositione, et oblatione, simplici-
ter idololatricam esse: quia nihil habet ratione sa-
cramenti extra usum institutum, cum nulla creatu-
ra possit sacramentum facere. Institutio autem diui-
na tantum de sumptione loquitur, ut scriptum est: Ac
cipite, manducate. Item, Panis est nō *ivwvia σώμα-*
τος. Hæc uerba expressè de sumptione loquuntur.
Sie et Hilarius de sumptione loquitur: Hæc sumpta
et hausta faciunt ut Christus sit in nobis, et nos in
Christo. Etsi autem uerè et substantialiter adest fi-
lius Dei, et in sumptione facies nos membra, et te-
stificans nos esse sua membra, et nos consolans: ta-
men non ponatur conuersio panis uel inclusio lo-
calis, ut Papistæ docent. Et quidem expressè inquit
Theodoreetus, doctus et antiquus scriptor, φύσιν
μεταβάλλων. Et Epiphanius inquit: βρῶσις μὴν ὁ
ἄγτος ἐστι, οὐδὲ δίναμις τὸ ἔγγιόν ἐστι τὸ αὐτῷ εἰς
σώμα δύνασιν.* Nequaquam igitur dicendum est, de-
scendere corpus Christi in uentrem, aut dentibus
atteri, sicut in Papistico decreto dicitur. Lutherus
autem etiam synecdochen expressè probat,
et sæpe eam repetit.

DE CANONE.

Reuerēdo uiro, eruditione & uirtute præstanti, D. Georgio Buchholtzero,
præposito in urbe Arctoa, ami-
co suo,

S. D. Reuerende uir, oro filium Dei Dominū nostrum Iesum Christum, ut gubernet conuentum uestrum, & tueatur pium consensum in his Ecclesijs. Scio magnos tumultus futuros esse: ideo principes optarim non turbare Ecclesijs, quæ alioqui magno in mœrore sunt & erunt. Si præcipietur uobis ut Canonē legatis, arbitror multos discessuros esse ex uestris Ecclesijs. Et profectò sophisticū est, excusare canonem. Si filius Dei offertur, cur orā tamquam pro filio Dei? Sed omitto disputationē. Optarim piè & grauiter precationem ibi recitari, in qua hæc membra quinq; cōtinerentur: Gratiarum actio pro uniuersis beneficijs Dei: deinde precatio idonea: tertio uerba precationis: quartò professio fidei, quod hanc sumptionem credamus uerè testimoniū esse, quod efficiamur membra filij Dei, & accipiamus beneficia Euangelij: quintò precatio pro gubernatoribus & alijs. At in canone usitato longè alia dicuntur. Bene uale.

7 Februarij.

Claris-

Clarissimo & optimo viro D. Iohanni
Bugenhagio Pomerano, pastori Eccle-
siae Vuitebergensis, amico suo cha-
rissimo, S. D.

*Integrali historiam eorum quæ hic hactenus in
conuentu acta sunt, petes à D. Doctore Martino.
Animaduertimus esse crebras & uarias aduersario-
rum deliberationes. Sed spero Deum eorum con-
silia dissipaturū esse. Nondum inchoarunt publicam
disputationem. Illud coguntur, ut nobis articulos di-
lutos & sophisticos proponant. Sed iam dissentient
ab Eccianis etiam principum legati, Palatini, Mar-
chionis Electoris, et Iuliacēsis. hi repudiarūt articu-
los ab Eccianis compositos. nam ad nos nondū al-
lati sunt, sed uidi descriptos. Inter omnes Dei benefi-
cio consensus est. Certatum est acrociter his diebus
de disputationis exemplis. Nam præsidentes signifi-
carunt, se non concessuros esse, ut principes nostri
exempla haberent disputationum. Ita necuntur ca-
tenæ, ut interim alias fraudes struant. Sed orabitis
Deum, ut Ecclesias nostras & nos seruet & guber-
net propter filium suum Iesum Christum liberato-
rem, qui pro nobis uictima factus est. Bene & feli-
citer uale, & pro nobis ora. Die 17. Decem-
bris, Vuormacie.*

g 2 Paulus

**Paulus i Timoth. 4. Προσέχε τῷ αὐτῷ
οὐ, τῇ παρανήσει, τῇ διδα-
σκαλίᾳ.**

Multa continentur in hoc breui dicto. Primum
præcipit de studio: quare sciamus cogi nos manda-
to diuino, ut discamus doctrinā à Deo patefactā.
Deinde magna consolatio est pijs, cūm propter ue-
ritatis studium sustinent ærumnas, scire ideo se im-
piorum scēnitiam subire, quia mandato Dei obedie-
rint, ac discere doctrinam à Deo traditā uoluerint.
Id autem mandatum maximè faciendum, & maxi-
mè necessarium esse, inde existimari potest. Quia
cūm singulare & ingens beneficium Dei sit, quod
prodiens ex arcana sede patefecit sese, & mirandum
decretum de reconciliatione: ingratitude horribi-
lis est, negligere tantum beneficium, & nolle Deum
nos alloquentem audire. Distribuit autem Paulus
eruditissimè genera doctrinarum in Ecclesia.

Primum uocat lectionē, & præcipit ut legamus
monumēta tradita diuinitū. Geometria & aliae ar-
tes, quae ex demonstrationibus extruuntur, non di-
scuntur primum lectione: sed in nostra mente prin-
cipia quærimus, & inde demonstrationes texuntur.
At promissio reconciliationis & uitæ æternæ non
nascitur nobiscum: sed est mirandum decretum, fa-
ctum in consilio æterni patris, filij & spiritus san-
cti, & postea promulgatum & traditum patribus



& prophetis, ut literis mandaretur.

Dissimilis est igitur haec doctrina humanis artibus & alijs religionibus. Artes & leges sine literis natura cerni possunt. Sed promissio aliunde tradita est, & mandata literis. Ideo legi necesse est: et Ecclesia opus est literis, libris, & studijs literarum. Ecce cum nominat Paulus lectionem, alligat Ecclesiam ad hos libros diuinitus traditos. Sequitur consolatio. Postquam ex lectione cognita est promissio, proximum est ut eam nobis ipsis applicemus: agnoscamus Deum, sicut se patefecit: couertamur ad eum, & intueamur filium nobis missum, & promissionem reconciliationis amplectamur. Hac eterne consolatione, inuocemus Deum: & confirmati seramus aerumnas, quibus Ecclesia onerata est: nec fratni mole miseriarii deficiamus a Deo, sed leniamus nobis dolores agnitione praesentiae & auxiliij Dei, & inuocatione & expectatione liberationis.

Hoc secundum membrum, scilicet consolatio, praecipue ad promissionem, & ad applicationem promissionis referatur: & latè patet in tota uita, in omnibus periculis & doloribus.

Tertium membrum nominat doctrinam. Lectio continet non tantum promissionem reconciliationis, et si ea pars præcipua est: sed etiam legem, exempla, promissiones rerum necessiarum in praesenti uita, articulos de presentia Dei, de tribus perso-

ñls, de uoluntate Dei, de filio Dei nato ex uirgine, de Ecclesia, de peccato, de sacramentis, de resurrectione, de uita æterna, de præmijs ac pœnis æternis. De his rebus, quæ in lectione recitata sunt, redigat pius lector in ordinem, ut artifex, sed ut Dialecticus. Et rectè distributa primum ipse mente comprehendat, postea alijs proponat & illustret, ac præcipue hanc normam semper in conspectu habeat, uidelicet discrimen legis & promissionis: ac uideat ubi lectio de lege, ubi de promissione concionetur. Ita paucis uerbis Paulus modum discendi tradidit.

Philippus Melanchthon
in exilio, 1547.

In causis matrimonialibus iudicandum
& pronunciandū esse ex scriptis legibus
Iurisconsultorum: ad Georgium
Spalatinum.

Ego & Ionas pronunciauimus de matrimoniali negocio, & secuti sumus iura recepta (nam iurisconsulti discedunt à suis legibus) & putamus hi quoq; nos debere parere: quia potestatem condendi leges non habemus: & ut haberemus, nondum esse approbatas, usq; receptas, nos censeremus. Lutherus editurus est libellum, in quo suam sententiam aperiet de clandestinis desponsationibus. No-

temen

tamen nō leues rationes mouerunt, cur non uoluerimus à Iurisconsultis dissentire. Primum est ius, quod qualecunq; est, usus comprobat: namò vñ nē
uocorū m̄ nivntéou. Deinde N. conscientiae tutissimum est, ut ducat. Postremò ad exemplū pertinet, astringi uincula talium promissionum. Nihil nunc uulgarius est, quām hoc pretextu decipere pueras, cūm placet alia rescindere, & alligare autoritatem parentum. Ad hæc puella non uidetur admodū grauata, si nō ducet N.N. ipsa statim se sine ullo incommodo ex hac re expedierit: & suspicor N. non facturum esse, qui autoritate magistratuū nihil mouetur. Id si fiet, libera erit puella. N. certè de sententia nostra queri non poterit: quia ipsius confessio testatur, eum dedisse fidem. Sed si erunt causæ, cur nō putas nostram sententiam sequendam esse, significabis. Fortassis disputari in hoc loco casus possit, de iure sponsalium, quæ rescindi possunt, ut sentiunt nonnulli, cūm contracta sunt per futura uerba. Nec uelim hanc etiā adhiberi, nisi magnæ causæ sint. Omnino ad exemplum pertinet, hec uincula non nimium laxare. Vale,

Die tertio Decembris.

Casus de quadam muliere, quæ quindecim annos à marito absuerat, petere ut alteri nubere posset. Vir autem alterā coniugem, cum qua octo annos cohabitaerat, duxerat, & pater octo liberorū factus erat. Ad D. Georgium Spalatinum.

S. D. Doctor Ionas misit mihi literas tuas, mi Spalatine, ad se scriptas, in quib. est casus matrimonialis, de quo statim cum Luthero colloctus sum: Et utriq; uisum est, non esse cōcedendum isti trans fugae mulieri, ut iterum nubat, præsertim si non habet testimonium honestè ætæ uite. Interim miramur te nihil scribere: neq; satis clare scribere, utrū accuset uirum adulterij commissi, antequam deseruit eū. Sed nisi clarissimas causas suæ discessioneis, et grauiissimas attulerit mulier, non est dissoluendum coniugium uiri postea contractum. Ego recuro ad meū dictum, namē p. ē. n. ē. uero. p. ū. n. v. n. t. ē. op. Etiā si mulier habeat causam, et autoritate iudiciorum separari posset: tamen quia mulier sine autoritate magistratus separata est, nullo modo uelim præsens coniugium dissoluere: neq; uelim concede. re, ut desertrix mulier iterum nubat, postquam tot annis absuit, nec ius suum, si quod habuit, repetiuū. non debet ei prodeſſe persidia. Bene uale, Domini. ea Esto mihi, anno 1531.

Idem

Idem uisum est Lutherō, qui sua manu hēc adscriptis. Salutat te Doctor Martinus Lutherus, etiam inuito & fugiente nuncio.

**Iudicium Philippi Melanchthonis,
de alio casu matrimoniali.**

De N. negocio sic pronunciamus, mulierem de more citandam esse, secundum consuetudinem Ecclesie. quod si apparuerit, dicat causam, cur mari- tum deseruerit, & accuset eum. Si autem non ap- paruerit, cum uir habeat bonum testimonium, pro- nuncietur liber ab illa desertrice: & ipsius conscien- tiæ permittatur, utrum rursum uelit cōtrahere ma- trimonium. Causa non habet difficilem controuer- siam. Die lunæ post Ioannem baptistam, 1531.

D. Ioanni Mathesio,

S. D. Non est nouum, abuti homines bonis le- gibus: quod tamen ne fieret, magistratuū sapientia & seueritate prohiberi debebat. Vides autem infe- licitatem huius temporis. Nos pronunciamus de controuersijs matrimoniorum, sine auxilio politici magistratus: nec possumus punire contumaces. Sed hēc mala, quantum fieri potest, consilio modere- mur: quod certè facere studeo. Placet mihi, ut sit lex, ne ualeant defensiones reclamātibus paren- tibus. Sed in politica consuetudine ploræq; leges è- timentia moderanda sunt. Ante annum de casu in

Friesia pronūcīauī, ubi quidam, cuius ætas matura,
 & non sine consilio despōndit sibi pueram in fami-
 lia non honesta, quæ existimabat insignem sibi con-
 tumeliā fieri, si facta esset distractio: & causa con-
 tradicendi nulla honesta erat, et iuuenis in senten-
 tia constanter manebat. Ibi contra parentes pronū-
 cīauī, presertim cūm in illis locis magistratus etiam
 sententiam libentius defensurus esset. Sed ubi uo-
 luntas mutata est in sposo aut in sponsa, libenter
 obtemporo parentibus reclamantibus, siue causam
 afferant, siue non. Omnino prudentia adhibenda
 est, ut in longum cōsulatur, ne iungantur tales, quo-
 rum animi abhorrent à consuetudine perpetua: si
 mediocris causa est cur fiat disiūctio, cūm nulla spō-
 salia publicè facta sunt, nec accessit concubitus, re-
 gulas præscribere non possum: quia cōsiderandum
 est iudici, quid sine scandalo fieri posset. Nimis duri
 sunt parentes, si filius, cuius ætas matura est, coniu-
 gio despōndit sibi aliquā honestam, ubi mutuus est
 amor, & est uoluntatum constantia, tamen recla-
 mant. Læditur enim altera pars in re non leui. Ibi
 magistratus autoritas opem ferre sposo & spon-
 se debebat. Sed negligit eam rē magistratus. Quid
 potest uox pastoris? Si requires, plura de hac re scri-
 bam. Sed comprehendi regulis res non po-
 test. Bene uale.

Venerando

Venerando uiro, domino Gregorio pa-
stori Ecclesiae Dei in Gebersdorf, a-
mico suo, S. D.

Venerande Domine Gregori: Tua narratio
congruit cum recitatione Nohæ, quam mitto, si-
cūt scripsit. Et in tergo picturam addidi, unde iudi-
care potestis, an rectè intellexerim narrationē. Iu-
re diuino tali gradu non est facta prohibitio coniu-
gij. Et concedere cōiugium his hominibus potestis,
si expetunt, & sunt honesti homines, præsertim si
iam spōsiones factae sunt. Bene & feliciter uale, die
25 Iunij, anno 1550.

Venerādo uiro eruditione & uirtute pre-
stanti, Georgio Prætorio, pastori Eccle-
siæ Dei in Gebersdorf, amico suo,
S. D.

Valde dolendum est, tantam negligentiam &
populi & gubernatorum esse, ut gradus cognatio-
num non considerent in coniugijs cōtrahendis, aut
permittendis. Et irasci Deum incestæ consuetudini,
manifestum est. Narratio tu. hæc est: An licebit ui-
ro ducere uxoris sororis filiam. Respōdeo, nequa-
quam licere: quia lex diuina Leuitici 18 prohibet
hunc gradum, ducere uxorē patrui mortui. In tuo
casu gradus idem est. Ibi enim uult nubere uiro ma-
terteræ. Rectius autem erat uos uenire, & corām
sciscitari,

sciscitari, ut negotia melius inquire possent. Utinam diligentia & disciplina maior esset. Mitto tibi pægulas. De tuo negocio mihi scribito, quale sit, & quid, & unde petas. Significa etiam, an has literas acceperis. Bene uale. Non allocutus est me uir de quo scribis. Die 19 Maij, 1553.

Hanc sequentem adhortationem, & declarationem, præcedentis epistolæ narrationi uenerandus uir D. Georgius Buchholzer, præpositus & fidelissimus uerbi Dei propagator in Ecclesia Berlinen si, deq; tota cohorte scholasticorum bene meritus, adiecit, his sequentibus uerbis:

Quidam pastor contemnens hoc scriptum D. Philippi, duxit in uxorem filiam sororis suæ coniugis mortuæ. Sed Deus executor suæ legis, hunc contemptum puniuit. Prima nocte cùm ei pro more solito sponsam adducerent, paralysi in dextero latere laborare incœpit. Quo deniq; morbo adeò debilitatus est, ut septimo die computando à nuptijs moreretur: Hoc exemplum omnibus sit propositum, ne spredo mandato diuino, temere ducant uxores contra gradus diuinitus prohibitas.

Casus.

De quæstione, quam proposuisti, cùm persona innocens

innocens, propter alterius personæ adulterium aut desertionem pronūciatur libera, concedendum est innocentι personæ coniugium. Hæc regula certa est, & sine scandalo in nostri cōsistorij legibus scribi potuit. De persona condemnata tantum hoc publicè scribi potuit sine scandalo, quòd magistratus eam punire debeat. Lex Moysi eam occidit. Ideo nostri libri nihil postea de nouo cōiugio ei concedendo loquuntur, quia relinquent eam tanquam mortuam. Et persona condemnata ius petendi noui coniugij amisit.

Cum autem Magistratus paucos occidit, sæpe in terrogati sumus, quid consilij sit dandum lapsis?

Deliberata res est à Luthero et Pomerano, et sæpe sic responsum: Hortanda est persona rea, ut serio poenitentiam agat, & siue sit vir, siue mulier, si etas est grandior, suadendum ut in uiduitate maneat, tanquam lugētes, & poenam sustinentes. Si autem aut etas adhuc ualidior est, aut queruntur ipsi se sine periculo non posse in uiduitate esse, si ostendunt signa poenitentiæ, cōcedendum est eis coniugii: sed nō in eo loco, ubi uiuit persona innocēs.

Hic casus est similis Mosaico diuortio. Intelligat autem iudex sapiens, in quibus casibus probabili ratione exēpla ēπεινέας à politia Mosi sumere possit, quam politiam certè Deus probauit. Respondi in pagella, quid Lutherus & Pomeranus sæpe iudicauerint

dicauerint: ac spero te horum sententiam probatum esse, teq; oro ut rescribas, & an has literas accepteris, & an tibi satisfactum sit de quæstione. Bene uale charissime frater, & rescribe. Die 9 Februa-
rij, anno 1560.

Scriptum de eleuatione Sacramenti, D.
Philippi Melanchthonis, ad M. Melchio-
rem Iungium, pastorem Calensem
in Lusatia, anno 1553.

S. D. Venerande uir, & amice charissime: Scis scriptum esse, Fundamētum aliud ponere nemo potest, præter id quod positum est, quod est IESVS CHRISTVS. Hanc primam fundamenti doctrinam scis initio propositam esse, & assidue repetendam: quæ quidem tantam sapientiam complectitur, ut in hac uita tantum exordia disci possint: postea in æternitate consideratio erit illustrior. Interea nostram magnam caliginem agnoscamus & deploremus, nec dubito te in fundamenti declaracione assiduum esse.

Quales autem ritus sint Ecclesiarū uestrarū, non satis scio. Sed si congruunt cum Misnicis aut Marchicis, si quid mutaturus esses, deliberare te optarim cum ijs, quibus inspectio uestrarū Ecclesiarum commēdata est, præsertim cum recens istuc ueneris. Multorū in nos oculi intenti sunt, & multi patulas aures habent, quæ audie calumnias arripiunt.

piunt. Egò quidem nihil sumo iuris in aliena gubernatione, ut scis me alioqui oneratum esse. Sed postquam fecisti in illo ritu eleuandi mutationem, reetius erit, te non restituere morem abolitum. Lutherus hic suo iudicio aboleuit eleuationem, nec retulit rem ad deliberationem communem. Postea uero cum auctoritate reprehendi se a vicinis, et spargi uarias calumnias, dixit se præcipue his causis motum esse.

Prior, quia cum opinionem de oblatione Papistica necessariò damnaret, ritum etiam se tollere debebat, qui stabiliret oblationem. Magnam est arcanam esse oblationem Filij Dei, quæ ab ipso solo facta esset, ingrediente in sanctum sanctorum, et cernente ac sustinente ingentem iram æterni Patris.

Hæc oblatio non fit per alios. Græci duos canones liturgie habent, in quibus cum alia sint dissimilia: tamè hoc quoque illis inest, quod alter non loquitur de oblatione, alter quasi correctionem addit, εβδομάδη προσφέρων, non δὲ προσφεγόμενος.

Altera Lutheri ratio erat, quod nollebat confirmare circumgestationem, in qua fit adoratio extra usum sacramenti. Certiissimum est, ritus extra usum institutum non habere rationem sacramenti. De his rationibus potes cogitare. Sed te ualde oro, ne finas hanc rem in certamen deduci, sed potius discedas. Si autem te tolerabunt, omissa mentione huius ritus, doceto populum de fundamento, et de uera adoratione:

adoratione: quarum maximarū rerum cogitatio-
nē singuli nos assidue exercemus. Quod autem Fi-
lius Dei orat aeternū Patrem, ut faciat, ut unum si-
mus in ipso: idem nunc petit, ut nos quoq; ad huius
summi sacerdotis preicationem nostros gemitus &
uota adiungamus. Sit etiam in nobis concordiae stu-
dium. Ego me ab Ecclesijs harum regionum, qua-
rum extat confessio, exhibita Carolo imperatori in
conuentu Augustano, anno 1530, nec disiunxi un-
quam, nec disiungam. Bene uale, 1553.

DE TRADITIONIBVS ET CE- REMONIJS HUMANIS QUÆDAM SCRIPTA.

Venerando viro, &c. D.N.N. docenti E-
uangelium fideliter in urbe Ar-
to a, amico suo,

S. D. Venerande vir, & amice charissime. Etsi
quidam, qui se ad populum uendant tanquam li-
bertatis defensores, clamāt, nos iniuste facere, quod
onerari Ecclesijs seruitute sinimus: tamen propte:
hæc tribunitia iudicia sentio non relinquendas esse
Ecclesijs: teq; & alios multos doctos & bonos ui-
ros statuo rectè facere, quod in statione uestra ma-
netis, et Ecclesijs nō deseritis. Heri ex Suetia et Ar-
gentorato literas accepimus, in quibus significatur,
in multis locis reuocari iam pastores & pios, qui di-
scesserant, ut restaurent plas conciones: & cæremo-
niae

nias in Ecclesijs, in quibus aliquādiu solitudo fuit, restitui. Quia certē mediocres homines tetrā illam & tristem solitudinem diu ferre non possunt. Imperator etiam Moguntino mandasse feriur, ut differat illas Ecclesiarū mutationes quas inchoauerat, pulsis in vicinia pijs & storibus. Bucerus uenit in Angliam, ac scribit initia emendationis Ecclesiarum mediocria esse. Nos tucamur consensum Ecclesiarum in his regionibus, quem spero salutarem fore posteritati. Bene & feliciter uale, 20 Iunij. Mitto tibi propositiones, quarum lectionem spero tibi non ingratam fore. Missem & alijs, & illustrissimo principi, si plura exempla habuissem. Reuerenter salutem dicio domino Cancellario, & domino Licentiato, & collegae tuo domino Georgio, & D. Thomae Matthiae. Iterum uale.

Eidem.

S. D. Venerande uir, & amice charissime. Etsi non scio penitus deliberata principū in Iuterbock: tamen quantum audiui, optandum esset, Ecclesias non magis onerari, quam ibi deliberatum est. Nolunt corrumpi doctrinam de iusticia fidei, nolunt etiam onerari Ecclesias receptione Canonis, aut alienarum rerum, quae sine impietate recipi non possunt. Et consensum harum Ecclesiarum retineri cūpiunt. De adiaphoris ego quidem seruitutem tollere non recuso, & pleraq; in usu sunt in nostris

Uestrīs Ecclesijs. Euentus autem ostendet, quō
uel N. P:incipum consilia spectarint, uel quid obti-
nere possint. T. M. B. poterit tibi plura narrare de
hoc negocio: nam literis omnia complecti non pos-
sum. Ad Rhenum horribilis confusio est, sicut meus
frater n:ih:i scribit: multi pastores pelluntur in exi-
lium cum familijs: alij coniuges dimitunt, et con-
iugium negant metu, cōtra conscientiā. Hęc fūnt:
quia liber quem isti laudant, armat Episcoporum
furores. Oremus autem filium Dei, ut his tantis mi-
sirij medeatur. Salutem opto reuerendo D. Geor-
gio, & ceteris amicis. Bene uale. s Januarij.

Reuerendo uiro, N. N. pastori Ecclesie
Dei in oppido N. amico suo cha-
rissimo,

S. D. Venerande uir, & amice charissime: O-
ro filium Dei, Dominum Iesum Christum: pro no-
bis resuscitatū, & sedentem ad dextram eterni pa-
tris, ut det dona hominibus, ac regat Euangeliū mi-
nistros consilio. Fuit nobiscum pastor Ecclesie B. S.
qui exposuit historiam conuentus uestri. Recte fa-
ctum est, quod diserte protestati estis, uos nō adsen-
tiri libro Augustano. Nam etiamsi illa ordinatio,
quae fuit addita, recipetur, & mansuri essetis in
Ecclesijs uestris: tamē nō potest approbari liber Au-
gustanus. Nunc de altera parte dicam. Multa pos-

funt

sunt dici contra iocularium rituum instauratione;
 sed cum non oriatur a nobis, et sit tanta in poten-
 tibus pertinacia, ut uelint imponere talem seruitu-
 tem Ecclesijs: ego hoc do consiliū, ne deserantur Ec-
 clesiae: ut sit ad Rhenum, et alibi, ubi iam aut pror-
 sus solitudo est in templis, aut lupi in ea grassan-
 tur. Tulumus et antea regnum et clamores in docto-
 rum: nunc feramus sapienter hanc nouam seruitu-
 tem, si tamen absit impietas. Maxima mihi certami-
 na de Canone fuerunt: et Deo gratias ago, si obti-
 neo, ne imperent illa impia pastoribus. Si de adia-
 phoris etiam uchementer contenderem, prorsus nul-
 la ea de re audiremur. Iam hic expecto Sncfū et
 Bucerum. Nam et tua patria decretum fecit, ut re-
 stituantur Ecclesiae ad normam libri Augustani. O
 rem miseram, quoties quam paucis annis mutata
 sunt in tua patria Ecclesiae? Ideo si potes manere,
 non temere discedas: ioculares ille ceremoniae per
 diaconum possent confici. Iam rescribo Bucero. Be-
 ne uale, et rursus scribito quam primum. Dic Mat-
 thie, 1549.

Venerando uiro, eruditione & uirtute pre-
 stanti, D. Hieronymo Schellio, docenti
 Euangelium fideliter, amico suo
 charissimo.

Venerande uir, et amice charissime: Video ui-
 ros sapientes statum, ut uocant, Ecclesiae constitue-
 b z re

re uelle, quem iudicant esse imperij suis accommo-
datum: & aliquorum uoluntatem existimo non ma-
lam esse: & multi clamitant pacem anteferendam
esse nostris disputationibus. Sed cum manifestum
sit, quasdam doctrinæ partes corrumpi, quasdam
obscursi: ego meam conscientiam comprobatio-
ne libri onerare nolo. Constituant alijs imperia &
Ecclesiam, ut uolunt, & ut poterunt: Regnum meum,
ait Christus, non est de hoc mundo. Sed si uiuo, di-
cam moderatè quod sentio, ubiunque ero: si uobis
cōceditur sine approbatione expressa libri, docere
Euangelium, sicut hactenus: & non postulatur, utri-
cum Coenæ Domini multelis, non enerantur uestre
conscientiae, etiam si alijs librum approbant. Nec o-
pinor iūlīstrijum principem conscientijs uestris
hoc onus imponere, ut etiam libri defensores sua-
quem quidam dicunt etiam non intelligi à uobis.
Deum æternum patrem Domini nostri Iesu Chri-
sti oro, ut uos regat, & seruet Ecclesie reliquias.
Bene ualete. Die 19 Augusti.

Venerando uiro, &c. domino N.N. Eccle-
siæ in N. præposito, & alijs prædicatori-
bus Christi, dominis & fratribus
nostris,

S. D. Venerādi uiri. Sicut ipse filius Dei ante a-
gonē orauit, ut Ecclesia sit unū in Deo: ita maximē
erasmus

oramus ipsum, ut cōsensum harū Ecclesiarū in quibus sonat uox Euangeliū incorrupta, & in quibus uera sit iuuocatio Dei, tueatur. Principes etiam Electores, cūm unā essent, longa commemoratione, qualis sit dissipatio in alijs regionibus, hortatus est Anhaltinus, ne sinant distrahi harum regionū Ecclesiās, iūm rectē sentientes. Ac nos sanē doctrinam in Ecclesia nost̄a sonantē, quæ quidē cum Electoris Marchionis scripto congruit, quod ante annos octo Ecclesijs suis proposuit, non mutabimus: nec restituemus uitiosos cultus, quos hactenus improbauimus. Quod uero de articulis in N. factis interrogatis: scitote nos non interfuisse illi arcanæ delibrationi, in qua principū facta est subscriptio. Nec exemplar illorum articulorum habemus: nec consecrationes oleorum aut salis inter adiaphora recentemus, ac semper improbauimus illas oleorum consecrationes & similes, & adhuc improbabimus. Si qua in illis articulis mentio facta est unctionis, illud etiam additum fuit, restare articulos non conciliatos: de quibus necesse sit Episcopis significare, quid desideretur. Postremo, quod interrogatis, si liber Augustanus uobis simul cum articulis proponeretur, quid sit respondendum: simplex est ueritatis oratio. Respōdete, uos normam doctrinæ, quam Elector ante aliquot annos publico scripto Ecclesijs Marchiacis commendauit, fideliter seruaturos,

nec eam normam mutaturos esse. Si autem princeps sic interpretetur, librum Augustanū aut alios articulos cōgruere cum hac doctrina sui scripti, agnelis ita respondere Imperatori: de ea interpretatione aut respōsione ad imperatorē uos ipsi principi nihil præscribere debetis: sed uos testari, quod normam hactenus seruatam secuturi sitis. Hac respōsione fortassis Elector cōtentus erit. Scimus fieri solitudines in multis Ecclesijs: pulsū sunt pastores plures quadringentis in Suevia et ad Rhenum. Tübinger, ubi Academia est, pulsū pastorib. et connicatoribus, tantum ibi nūc senex sacrificulus est: qui ut libro Augustano satisfiat, oblationem restituit. Mirum est igitur, cur etatem auream promittat N. cūn manifestè uideat uastaritam multas Ecclesijs, pios et doctos uiros exulare cum totis familijs. Tantæ uastationes cūn aliis i flunt, nos etiam duram seruitutem (modò sit sine impietate) tolerandim esse potius existimamus, quam discedendū ab Ecclesijs. Date ii Ianuarij, anno 49 Vuitebergæ.

Ioannes Bugenhagius D. pastor Ecclesiæ Vuitebergensis: Philippus Melanchthon:

Reuerendo uiro, &c. D. Martino Lutherο, &c. patri suo charissimo,

S. D.

H̄eri dimisimus Vuelerū, bene oneratū literis:

fi

si recte ratiocinor, non animaduertit hunc numerum. Scripsi tibi quæstionem non de efficiente causa traditionum, sed de finali, Vtrum possint eiusmodi obseruationes uel opera à sanctis electa sine certe mandato Dei, cultus esse, scu ut Scholæ loquuntur, latria. Exempli gratia, si Bernhardus iam recte sentiens eligat sibi certum ieiunium uel ordinem hac opinione, ut per hoc opus agat gratias Deo, an recte iudicet. Ego sentio eum falli. Igitur quinta causa traditionum, quam ego posui in charta, non ualeat. Mitto quæstiones, quas hodie proposui sororis Imperatoris concionatori, ita ut ad te perferrètur: de quibus expectatur tuum iudicium. Is enim uix summo candore praeditus nobis uisus est. Domina uidetur in omnibus esse ualde pia. Respondebis igitur, ac te ore ut boni consulas nostras quæstiones: de quibus enim rebus alijs ad te scribamus, ignoro. noui nihil habemus. Vale.

Clarissimo viro, &c. D. Andreæ Musculo, docenti Ecclesiam Dei in Academia Francofordiana, amico
suo, S. D.

Cum ante duos menses illustrissimus Princeps Marchio Elector peteret à uenerando sene Cordato, ut gradu doctoris ornaret te, et pastorem Ecclesie uestræ: dubitantem Cordatum præcipue hoc ar
b 4 gumento

gumento confirmavi, ut promitteret hoc officium
 Principi & uobis: quod scirem te & pastorem ui-
 ros bonos, eruditos & candidos esse, & recte sen-
 tire de doctrina Ecclesie Dei. Ex ijs meis literis
 ad Cordatum apparet, me de utroq; bene & aman-
 ter sentire, de te & de pastore: quod cum uerissimū
 sit, magnum accepi dolorem: postquam ex tuis lite-
 ris intellexi uos & sententijs & uoluntatibus diſsi-
 dere. Cumq; in propositionibus tuis tam atrociter
 reprehendas totum cœtum cōcionantium in Ecclē-
 sijs nostris, quod non dicant de iejunio cāremonia-
 li, sed tantum de temperantia: cumq; de baptismo
 Ioannis dissentire te ostendas à mea qualicunq; ex-
 plicatione, nihil rescripturus erā, nisi id petiſſes,
 ne uiderer aut iracundia aut amore mearū opinio-
 num rixari. Sed quoniam à me petis respōſionem,
 primum de meo negocio dicam. Etsi iudico uera es-
 se quae scripsi: tamen tecum litigare nunc quidem
 non uolo. Nolo enim augere publicas discordias: &
 pijs lectoribus permitto iudicium, ubiunque sunt.
 Quanquam enim citas Ambrosium & Augustinū:
 tamen certum est, prædicationem pœnitentiae in Ec-
 clesia Dei non tantum arguere peccata, sed simul
 annuciare remissionē. Verū nolo copiosius per-
 sequi meam disputationem. Non sum adeò morosus
 aut pharao, neminem ut à me dissentire uelim.
 Ego quae collegi de tota doctrina, tunc cum magna

C.

et multæ controuersiæ motæ essent, et multa am-
biguè et nimis confuse dicerentur, simplici et pio
studio collegi, ac iudiciū Ecclesiæ permitto. Te ue-
rò etiam hactenus dilexi, et adhuc diligo. Nam om-
nes in hoc docendi munere coniunctos, qui de sum-
ma doctrinæ consentiunt, amicos inter se esse opon-
tere statuo, etiamsi in explicatione alcuius rei nō
præcipue, aliis alio dexterius aut incōmodius ali-
quid dicit. Et bona fide, et quadam philosophica
moderatione, amicitias multorum colui, et colo, ne
à me Ecclesiarum nostrarum concordia turbetur.

Quòd uero attinet ad questionem de ieunio cæ-
remoniali, ne hanc quidem causam satis iustum aut
dignum esse iudico, ut propter eam bellum infereno-
dum putas toti agmini docētiū in nostris Ecclesijs.
Non iam de re ipsa dicam, sed de parergis, quæ ad-
mises: quæ cui theatro grata sint, non est obscurū.
Plaudit in sinū uicinus uester Libusianus, cum au-
dit te' penè uniuersum agmen concionatorū huius
etatis tam atrociter reprehendere. Non docent, in
quis, de poenitentia. Credo esse aliquos, qui nec de
poenitentia, nec de fide satis diligēter et eruditè do-
cent. Nam pauci doctrinam de fide et uera inuo-
catione intelligunt, quæ multo est obscurior quam
doctrina de ieunio. Sed scis tamen præcipuos et
plurimos in scriptis et concionibus complecti in-
tegram doctrinam: nec de fide tantum, sed etiam de

omnibus necessariis uirtutibus dicere: quos si tu omnes damnas, & uocas deteriores idolorum cultoribus, quia non dicunt de iejunio cœrimoniali, nimis duriter pronuncias: ut nihil aliud dicā. Illud in qua stione est, an per biduum aut triduum, ut dicas, ne cessē sit à cibo abstinere. Ne te quidem hoc puto facere. Ut secedere ex turba precādi causa interdum commodum est: sic iudico illa ieunia, uel illam in diaria alicuius diei suscipi posse, ut ad precationem uel cogitationem magis idonei simus, sed non necessariam rem esse. Cæterū temperatia omni tempore necessaria est. Aut igitur explicato, an ducas illam in diaria, hoc est, in uniuersum à cibo & potu abstinere, rem necessariam esse: aut placidius tu nobiscum agito. Poteras omnino totam rem agere uerbis mitioribus. Citas ex Augustino laudes ieunij, in quibus uides esse hyperbolas prudenter intelligendas. Nec tamen Augustinus de tua illa inedia loquitur, sed tantum de temperantia. Hec scripsi bono et simplici studio: teq[ue] oro, ut si has Ecclesiæ, in quibus sonat doctrina quā profitemur, amas, te nobis potius adiungas, quam inimicis: & quadam animi moderatione communem cōcordiam tucaris. Satis multos hostes habemus foris: nec parua res est, confirmare mentes ueris sententijs aduersus illos. Filius Dei præcepit, ut concordiam amemus. orat etiam eternū patrem in illo ultimo agone, ut flectat men tes

tes docentium & auditorū ad concordiam, dicens:
 Ut unum sint in nobis. Quare te iterum atque iterum
 oro & obtestor propter filium Dei, & propter Ecclesiam, ut communem doctrinæ consen-
 sum tuearis: aut certè ut leniter, & communicato-
 cum amicis cōfilio disputes. Fauebat studijs tuis Lu-
 therus, & ego illi ingenium tuum laudaui, cùm una
 legeremus propositiones de duabus naturis in Chri-
 sto Mediatore: quas maximè probo. Nunc te arma-
 sumus aduersus nos nō uelim. Mitto tibi pagellas,
 testes meæ erga te benevolentias. Bene uale, mense
 Aprili. 1546.

Venerando uiro D. Magistro Sebastiano
 Stiglich, docenti Euangelium in Ec-
 clesia in Spandano, amico
 suo,

S. D. Venerande domine Sebastiane: Etsi scio
 de meis literis & de me parum amanter, nec iuria-
 nōs iudicari apud aliquos in urbe Arftoa: tamen
 scribam simpliciter quod sentio. Et tibi & domino
 Georgio preposito hortator sum, ne nouam doctri-
 nae aut cæremoniarum formam componatis: & li-
 brum Electoris Marchionis iudico in articulis do-
 ctrinæ piè & rectè scriptum esse. uidi etiam illum
 ante editionem. Nec offendunt me additæ quædam
 cæremoniarum obseruationes: nec Princeps ubiq;

acerbè cas exigit. Matri inclytæ certè non feret
leges.

De bello scias, Dei beneficio, Lantgrauium cum
exercitu in Bauaria esse, & occupata esse aliqua
oppida. In ditione Palatini ad Rhenum est exerci-
tus Imperatoris, quē dicit Martinus de Rossa Gel-
drensis. Sed Deus defendet Ecclesias in his & alijs
regionibus inuocantes ipsum, & reprimet crudeli-
tatem eorum qui interficere pios sacerdotes in no-
stris Ecclesijs conantur. Bene uale. Vuitebergæ, 19
Augusti, anno 1546.

Reuerendo uiro, &c. Ioanni Sigefrido, pa-
stori Ecclesiæ Dei in oppido N. ami-
co & affini suo charissimo,

S. D. Reuerende uir, & amice ac affini char-
rissime. Initio uos hac cōsolatione confirmate, quā
Filius Dei proponit, inquiēs: Non sitis solliciti, quo
modo aut quid dicturi sitis: dabitur enim uobis in il-
la hora, &c. Et ut uobis adsit Filius Dei, toto pecto-
re cum ore. Videmus Ecclesiam tristi seruitu-
te oppressam esse, hanc sapienter feramus, ne dese-
rantur Ecclesiæ propter ineptos ritus, si modò ab-
sist impietas. Nescio qualis propositio in conuentu
futur. i. sit. Sed uos respondere poteritis, uos in do-
ctrina & Missa nihil mutaturos esse. In ceteris re-
bus adiaphoris seruilitatem ego quoq; tolerari non
recusabo.

recusabo. De Canone nō est obscura deliberatio: ego eum nunquam approbo: si glossas Sydonij purant sufficere, errat. Nam & glossæ illæ confirmat falsam opinionem de applicatione operis sacerdotis pro Ecclesia. Magna causa est. & optarim te & alios pios & eruditos & amantes ueritatem, posse colloqui cū de alijs articulis, tum præcipue de Missa. Gregorius prepositus in urbe Arcloa petuit, ut gratiarum actionem, precationem & confessionem, recitandam loco Canonis, componerem. quod faciam: sed iudicio piorum subiçiam. Bene u& lc. 3. die Februarij.

Reuerendo viro, D. Georgio Buchholz,
pastori Ecclesiæ Dei in urbe Ar-
cloa, amico suo charissimo,

S. D.

Reuerende uir, & amice charissime. Nec fama
nec suspicio est apud nos de pellēda Academia. Sed
tamen scimus humana omnia fragilia esse: & nobis
accidere posse, quod accidit florentissimis Acade-
mīs multis, Hierosolymitanæ, Argyptiæ, Antiochæ
væ, ut al. as multas omittam. Extant scripta in his tu-
guriolis, mediocri sedulitate edita, de doctrina Ec-
clesiæ, & de philosophia: quæ testabuntur ad posse
ritatem, quæ fuerit tum uoluntas docentium in hac A-
cademia, tum uero etiam sententia de multis obscu-
ris

ris disputationibus. Si non aliis labor nisi interpretatione Bibliorum hic factus esset, fauere his hominibus et parietibus decebat, ubi id opus editum est. Sed omitto hæc. De uoto Pauli facilis est responsio. Nequaquam fuit Ethnicum. Deinde in Ecclesia concedo seruitutem etiam insuauem in adiaphoribus suscipi posse, propter alios: multo etiam aliorum infirmitates tolerandæ. Sed non sunt approbandi errores, aut confirmandi uitiosi cultus, nec adiaphori. Dicam de re crassissima: Oleum quomodo consecrant? Exhorresco, cogitans illas penè magicas impietas. Miror cur iactent hanc pulchram reformationem: cum manifestum sit, in multis locis Germanie expelli doctos & pios pastores ex suis Ecclesijs: ut in ducatu Vuirtembergensi, et in alijs locis, ubi Episcopi suam potentiam exercen. Sed Deus erit index. Bene uale: Die Nicolai.

Eidem.

S. D. Ad honestam & piam deliberationem uocati fuimus, in qua scripsi admonitionem, quam iussi etiam inclito electori Marchioni ostendi. Et optarim in ea re consuli & audire uirum sapientem, amantem & intelligentem ueritatem, dominum doctorem Hieronymum. Manifesta enim corruptela doctrinæ de fide proponitur in hoc libro Augustano: Fide iustificamur, id est fide preparamur ad accipiendam aliam rem, scilicet dilectionem, qua po-

sica

stea uerè iustissimus. Hoc enim uerbo V E R E sic us
sunt, et adhuc utūtur. Optarim autem inclitum Ele
ctorum Marchionē de eo admoneri. Multa de hac
ipsa re corā narrare possem, quæ literis cōmenda
ri non possunt. Vir clērissimus dominus doctor Au
gustinus Schurff, laborat tam periculoſo morbo, ut
de eius uita parum ſpeſit: morbus eſt, pectoris re
pletio. Quoſo igitur ut hanc meam epistolam cure
tis reddi quamprimum uiro clarissimo D. Doctori
Hieronymo Schurff, ubi cung; eſt. Bene ualete: Die
8. Maij. Salutem opto uiro clarissimo D. Cancel
lario. In Anglia Dei beneficio inchoata eſt emenda
tio Ecclesiarum, & editum scriptum modestissimū.

**Gratulatoria de coniugio , ad illustrissi
mum principem ac dominum, D. Alber
tum Marchionem Brandenburgens
em, Ducem Prussiæ, &c.**

Illustrissime & clementissime Princeps: Ideo
cōdidit Deus intelligentes naturas, ut eſſet creatura
cui ſuam ſapientiam & bonitatē communicaret,
& à qua uiciſſim agnosceretur ac celebraretur in
omni ēternitate. Et ut agnosci poſſit, ac à malis re
bus discerni, multa de ſe testimonia uniuerso mundi
opificio, præcipue uero hominis naturæ impressit.
Transfudit enim in hominum mentes radios ſuæ la
cis, uidelicet noticiam, qua agnoscimus eſſe Deum,

¶ discernimus conditorem à rebus conditis. Addidit & noticias uirtutum, non solum ut uite hominū inter ipsos rectrices essent, sed etiam ut discerneret Deū à rebus malis. Vult se agnosci conditor sapiens, beneficium, ueracem, iustum, castum, iudicē & uindicem esse. Hæc in omni inuocatione cogitanda sunt. Non enim brachijs amplectimur Deum, sed mente intuendus est, & cogitādus quis sit, & qualis, & ubi patefactus sit, an & cur exaudiat. Facit autem illustre discrimen hæc uirtus, quæ nominatur castitas: id est, quæ detestatur et uitat uagas libidines, & ordinem ac metas à Deo institutas tuetur. Vult igitur intelligi à nobis, uerè placere sibi hunc ordinem, & se horribiliter irasci huius ordinis confusionibus: sicut & atrocissimæ poenæ contaminationum omnibus ætatibus ostendunt, excidia Troiae, Sibaris, Spartæ, Thebarum, & aliarum innumerablem urbium.

Contra uero diabolus, odio Dei delectatur ordinis confusione: & imbecillem hominum naturam impellit, ut extra metas à Deo institutas furenter ruat. Cum igitur in inuocatione discernimus Deum à diabolis, et alijs immundis naturis, alloqui nos cogitemus sapiens, beneficium, uerax, iustum, castum numen, quod se patesecit misso filio ueraci et casto.

Non igitur tyrannica uincula sunt leges casti coniugij, ut Ethnici furenter imaginati sunt: sed or

do est sapientie diuinæ, in ipsa mente Dei immotus,
& magno consilio propter multas causas humano
generi traditus: inter quas causas illam esse non du-
biū est, ut discriminē sit illustrius inter Deum &
diabolos.

Cum igitur in Moise scriptū est, DIXIT DEVS,
significatur miranda sapientia decretum & sanc-
tum esse, talis ut cōderetur hominum natura, ut
mas unicus cum fœmina unica copularetur: & in-
telligerent diuinæ sapientiae repugnare huius ordi-
nis conturbationem. Significantur & alia multa.
Qualis est uerus amor, uera ῥογὴ in sponso erga
sponsam: talis est amor in filio uerus erga humanā
naturam, quam assumpsit. Deniq; arcanæ significa-
tiones multæ huic decreto inuolutæ sunt, de quibus
celitudinem tuam pro sua sapientia sēpe cogitare
existimo. Ac simus attenti in consideranda mai-
state horum uerborum, DIXIT DEVS. Cedere
autem dicenti Deo, creaturæ omnes reuerenter de-
bebant. Sed hic uel præcipue declarat diabolus ar-
dens odii aduersus Dēū. nec solū impellit homines,
ut uariè contaminentur: sed etiam inquinatos ponti-
fices & multos fanaticos homines incitat, ut decre-
ta cum uoce diuina pugnantia, ad contumeliam Dei
proponant. Dicit & præcipit Papa ne legitima con-
iugia cōtrahuntur: & addit multos tetros errores,
nāi βελύματα. Hæc audacia Pontificum non est
i huma-

humana, sed est furor à diabolo ortus. Hunc furorem intelligere & execrari omnes bonæ mentes debent.

Itaq; pietas tua laudanda est, quod dicenti Deo obtemperas, & in tota gubernatione tua ordinis & Deo instituti confusionem seuerè prohibes, & in domestica consuetudine coniugij fœdus semper sanè seruasti: & nunc rursus in cōiugio legitimo uiuere mauis, quam in periculis uitæ cœlibis, quæ invocationem Dei sape impediunt. Adest autem Deus suo ordini, & iuuat obtemperantes suæ uoci, & bona conscientia ipsum inuocantes.

Quare æternū patrem Domini nostri Iesu Christi, conditorem generis humani, & autorem fœderis coniugij & generationis, oro, ut Celsitudinem tuam, & generis nobilitate & pudicitia præstantem sponsam tuam, seruet in columnes: & ut tota gubernatio sit Ecclesiae & Celsitudini tuæ salutaris. Certissimum est enim, diuinitus & coniugia & Ecclesiæ protegi, sicut & uox diuina & exempla testantur. Cum in Iudea uagarentur pessimarum gentium exercitus, Syriaci, Arabici, Parthi, Aegypti, Romani: tamen Deus hæc honestissima coniugia Zacharie & Elizabeth, Ioseph & Mariæ, et similium, qui erant Ecclesia Dei, tegebat. Nec dubium est, Mariam, et eius sororem, & alias multas castas matronas & virgines excelluisse forma, ingenijs,

iii

nijs, sapientia, uirtute, nec ignotas ducibus fuisse.
Fuit igitur manifestum Dei beneficium, coniugiorum illorum protectio. Quare et speremus nobis
quoq; ad futurum esse: et ut nos regat et defendat,
ardentibus eum uotis oremus. Bene et feliciter ua-
leat Celsitudo V. Calendis Ianuarijs, Anno 1550.

Gratulatoria de coniugio magnifici
& clarissimi uiri, D. Thomæ
Matthiæ.

S. D. Deus æternus pater Domini nostri Iesu Christi, cōditor uniuersæ naturæ, et autor pulcher rimi dulcissimiq; fœderis cōiugalis, adsit tuo coniugio: et faciat ut sit tranquillū, faustum, felix et fœcundum. Cumq; multa sapienter et piè scripta sint, que non solum dignitatem coniugij nobis ostendunt: sed etiam monent, qua animi pietate complecti coniunx coniugem debeat, et qua moderatione communes huius uitæ difficultates ferēdæ sint: tum uero illud Pythagoricum, quod Aristoteles in prima pagella Oeconomicorum recitat, illustrem picturam continet multorū officiorum. Sic enim dixisse Pythagoreos inquit, Virum meminiſe debe- re, adduci ad se sponsam ab ara tanquam supplicē. Vides ritum ueterem esse, iungi sponsum et sponsam ante aram, inspectante Deo, et inter inuocationem Dei. Qui mos haud dubiè à primis patribus institu-

tus est, ut cogitemus à Deo hanc coniunctionem in
stitutam esse, & ab eo iuuari. Deinde totum ius
supplicum transfert ad sponsam. Fuit usitatum, sup
plices sedere ad aras: & eos quibus siebant suppli-
ces, accedere ad hos subleuandos. Quo ritu intelli-
gebatur eis promissa uenia & incolumitas, & per
petua defensio. Quid pulchrius hac imagine? Spon-
sa ante aras tibi tanquam supplex traditur: tu eam
in tuam fidem recipis, subleuas tanquam imbecillio-
rem, perpetuamq; misericordiā & defensionem ei
promittis. Vide quantis de rebus hoc ritu nos anti-
quitas commonefieri uoluerit: qui quidem & illius
æterni connubij Ecclesiae & Filij Dei pictura est.
Sedet ad aram Ecclesia supplex, inter maximas æ-
rumnas. Ad hanc accedit sponsus filius Dei, & eam
erigit. Qui complectens miseram, pollicetur ei æ-
ternam misericordiam & defensionem. Hac fide pe-
tamus & expectemus etiam hoc tristi tempore au-
xilium à filio Dei: quem, ut intersit uestris nuptijs,
uosq; seruet & gubernet, oro. Etsi autem iam mœ-
sticia temporū impedior, quo minus istuc ueniam:
tamen uotis adero. Salutem opto & uiris integerri-
mis, patri tuo & sponsæ pudicissimæ, & uiris cla-
risсимis domino doctori Hieronymo, domino do-
ctori Zochio, & pastori Ecclesiae uestræ Sigefrido:
Bene uale: die 13 Februarij, quo ante annos 1717 Ni-
canor acie uictus, poenas dedit blasphemiarū, quas
dixc-

dixerat templo Dei minitans. Quo exemplo tunc Deus ostendit, à se defendi Ecclesiam suam: qui ut nunc quoque defendat, etiam si magnis tumultibus concutitur, oro. Nuper cùm adesset illustrissimus princeps Elector Marchio, cùm inter cætera dicerem, me ad nuptias uocatum esse, honorificè de tuo patre loquebatur. Et ego de ingenio & studijs tuis subieci commemorationem, quam Principi gratam esse animaduerti. Iterum uale.

Gratulatoria epistola à Philippo Melanchthon ad quendam amicum scripta.

Vt cæterarum omnium uirtutum noticie indite sunt humanis mentibus, & adiunctæ pœnæ immoto ordine scelera comitantur, ut esse Deum, & qualis sit cogitemus: ita et castitatem intelligi Deus uoluit, & metas generationi circūdedit. Quia hæc uirtus illustre discrimen facit inter Deum, ac naturas immundas dæmonum ac hominum.

Cum igitur Deum alloquentes, non cernere eum oculis, non complecti brachijs possimus, mente eum intueamur: cogitemus eius patefactiones, & discer namus eum ab alijs naturis cùm aliarum uirtutum, tum uero castitatis mentione. Quia in cogitatione hoc etiam ueniat in mentem: Deum execrari uota & preces pollitorum hominum. Quare in omni ui-

Ta tueri castitatem studeamus, & ordinem a Deo sanctum amemus. Sæpe etiam uoluntatem Dei contemplamur in exemplis horribilium poenarū, quæ turpia libidinum incendia secuta sunt: conflagratione Sodomæ, Cananæorum deletionem, exilium Davidis, Troiæ, Thebarum, Sparta, & innumerabilium urbium excidia, & plurimarum gentium & hominum interitus. Quarum calamitatum, et si multa scelerata concurrunt, tamē proximæ causæ, ac uelut ~~in genitivo~~ fuerunt libidines: nec ulla est ætas sine insignibus exemplis.

Lando igitur consiliū tuum, quod, ut Deo obtemperes, in coniugio casto et pio uitæ decreuisti. Et Deum æternū patrem Domini nostri Iesu Christi, conditorem generis humani, & authorem dulcissimi foederis coniugalis, oro, ut uobis semper adsit, & coniugium uestrum ac totum uitæ cursum gubernet.

Etsi autem scio te sæpe cogitare, cum de cæteris uitæ officijs, tum uero etiā de causis propter quas hoc uitæ genus expetendum, amandum, & tuendum est, & de eius cōmodis et incommodis: tamen nunc inter uota publica, & te & nos, qui tibi bene uolumus, hac ipsa cogitatione accendere animos ad invocationem Dei conuenit.

Est omnino dulcis consuetudo mariti et uxoris, in quibus & uirtus est, & mutuuus amor. Sed cum certe

certo ac iusto Dei consilio haec uita magnis ærum-
nis onerata sit, tenendæ sunt consolationes, quæ in
animis & uirtutem & mutuum amore cōfirment.

Quanquam igitur minus impediti sunt cura, la-
boribus, periculis, qui sine familijs uiuunt: tamè in
omnibus haec uera consolatio animum erigit, quod
ut Deo obtemperetis, hunc uitæ ordinem admirabili
i ipsius sapientia sancitum, & initio prætuleritis li-
bertati, ut nominatur, & nunc anteferatis.

Quam ob causam certò sciatis uobis adesse Deū,
custodem uestræ societatis & familie: & omnes æ-
rumnas leniturum esse. ut affuit custos familiarum
Abrahæ, Isaac, Jacob, Thobiæ, & multorum piorum:
quos, quanquam & ipsos multi tristes casus duri-
ter exercuerunt, protexit tamen, & in magnis pe-
riculis & ærumnis placidos exitus dedit.

Quanto tolerabiliora sunt omnia quæ pijs acci-
dunt, qui se Deo curæ esse sciunt, quiq; se & suas fa-
miliae norunt septas esse castorum angelorum agni-
nibus: quam quæ accidunt pollutis, quorum pecto-
ra magnis cruciatibus lacerantur, & qui sciunt se à
Deo projectos esse, & in magnis calamitatibus rui-
turos. Nihil cogitari horribilius tali uita potest,
quam nec gubernat nec protegit Deus.

Iam ut animi cōstantia in ferendis communibus
ærumnis sit firmior, attēte consideres dulcissima di-
cta, in quib; Deus & uoluntatem suam exp̄essit,

& auxilium pollicetur: qua in cogitatione ordinis
ab ea narratione rectissimum est, quæ describit pri-
mam generis humani formationē, ubi scriptum est:
Dixit Dominus, Non est bonum hominem esse so-
lum: faciamus ei adiutorium simile ipsi.

Cum querunt humanæ mentes, cur non alio mo-
do fit propagatio, ut florū et apū, aut phœnicis?
Et cur maris & fœminæ copulatio certis metis cir-
cundata est? Retrahit nos Deus ad sc̄, inquiens, Di-
xit Dominus: id est, sapientissimo consilio et immo-
to decreto sanxit hunc ordinem. In hoc decreto ac-
quiescito: cui aduersari, est giganteo more bellum
cœlo inferre, nāi θεου αχεύ.

Causas uero consilij diuini, in illa æterna consue-
tudine magis cernemus: nunc autē ipsi decreto ob-
temperemus, etiam si causas omnes nō perspicimus:
& tamen aliquas considerare dulce est, & earum
cogitatione hoc genus uitæ fit suauius.

Conditi sunt duo, quia uoluit Deus genus huma-
num Ecclesiam esse: uoluit celebrari uocem doctri-
næ inter plures, alterum ab altero doceri, alterum
alteri testem esse iuocationis, & speculum ac hor-
tatem ad omnia uirtutum officia.

Marem autem & feminam condidit, ut mutua-
sit & ardens sogyn: quam quidem et typum esse uo-
luit mirandi amoris in filio erga naturam humanā,
quam assumpsit. Circūdedit autem certas metas, ut
intelli-

intelligatur & sitas, quæ uult se Deus ab immundis naturis discerni.

Ac ut intelligi possit, has metas diuinitus sanctitas esse, uoluntatis suæ testes: uoluit esse horribiles poenas, quæ immoto ordine in uniuerso genere humano ubiq; incœstas libidines comitantur: & ostendunt, non casu, sed diuinitus deleri eos, qui terbris libidinum confusionibus polluti sunt.

Impresit & mirificam benevolentiam parentibus erga natos, quæ nō sit casu accensa: sed ita condita sit in optimis naturis, in quibus uoluit Deus suam effigiem conspicere, ostendit similem in ipso erga nos paternam & opyñ & amorem esse.

Hæc omnia ædificium humani corporis, distinctionem sexus, leges coniugij, poenas incœstæ consuetudinis, & opyñ parentum, illustria prouidentia testimonia esse, manifestum est: quæ quidem ostendunt hanc naturam non casu extitisse, sed uerè esse mentem architectricē, bonam, iustum, castam, uim dicem scelerum, custodem societatis humanæ, et honesti coniugij.

Nec uero dubium est, coniugium fieri dulcissimum, cum huius ueræ sapientiae de prouidentia scholam esse considerabis. Postea etiam in generatione & nutritione sobolis, & in familiæ protectione, testimonia præsentiae Dei multa cernes.

Statim cum in alio materno fœtus nascitur, ne
i s tenello

tenello corpusculo desit nutrimentū, diuino consilio ita condita est natura, ut lac in uberibus conatur. Miro ordine diuino laxantur ossium iuncturae iusto tempore in partu, ac postea rursus clauduntur, quæ nulla humana arte laxari aut claudi possunt.

Hæc manifesta miracula ostendunt, non casu nasci homines, sed ordinis huius & autorem & conseruatorem Deum esse. Postea sunt alia multa signa præsentiae Dei, quod sua dextra tuetur hominum societatem. Quia latrones ad poenas rapit, etiam cùm ex manibus magistratum effugisse uidentur.

Sæpe igitur tecum repetas hanc uocem: Dixit Deus: Non est bonum hominem esse solum, faciamus ei adiutorium. Dicere autem hoc loco significat, miranda sapientia sancire, & nobis hoc decreta tradere: & Deo dicenti ac sancienti obtemperandum esse statuas.

Deinde reputes, quantus hic sit furor, & unde ortus sit. Dicenti Deo aduersatur Papa, qui dicit: Ne sacerdos in coniugio legitimo & casto uiuat. Violat quidem hunc ordinem suo lapsu etiam David: sed illud scelus maius est, legem opponere Deo dicenti, quæ coniugium prohibeat, & causa sit ingenitum scelerum, quibus ira Dei horribiliter accendiatur. Quanta autem sit audacia, legem opponere dicenti

dicenti Deo, hominum cæcitas nō satis considerati sed diaboli intelligunt, à quibus hæc audacia primum orta est.

Etsi autem in Ethnicis scriptis, cùm querelæ de ærumnis coniugij, tum etiam uituperationes & sexus & coniugij leguntur: tamen scimus normam iudicij esse uocem diuinam, & modestius locuti sunt sapientes & honesti.

Pythagoras præcipit, ne maritus coniugem contumelia adficiat, que ad aram ei uelut supplex traditur. Hic si iura supplicum considerabis, intelliges ad amorem & coniugalia officia oportere in viro etiam accedere misericordiam erga sexum imbecilliores. Tua fide & uirtute coniunx defendenda, & eius infirmitati parcendum est. Hec iura ad aram sanciuntur, ubi Deum testem & iudicem facimus huius nostræ uoluntatis: & petimus, ut sit custos nostræ consuetudinis, si erit pia & officiosa: sin autem erit crudelis, ut sit uindex.

Admonet autem nos de coniugio Filij Dei & Ecclesiae, hæc ad aram facta supplici promissio. Sic enim ad aram, id est, in arcano consilio æterni patris, mirando födere Filius Deus Ecclesiam infirmam & ærumnosam sibi despondet: & complectens supplicem, miseretur calamitatis eius: ac placaturus æternum Patrem, in se

fese deriuat iram, fit supplex æterno Patri pro ea,
& sustinet pœnam. Deinde acerrimè defendit spon-
sam contra sæuissimos hostes diabolos: & fixo in la-
bris sponsæ dulcissimo suauiolo, uoce Euangeli, &
dato arrabone spiritu sancto, ornat eam suis bonis:
redit uitam, sapientiam, iusticiam: semper adest in-
firmæ sponsæ, & tegit eam in omnibus periculis.

Hoc fœdus filij Dei cogitato, non solum cum ti-
bistanti ad aram Deus sponsam adiungit, aut cum
adest uocatus ad communem precationem in nu-
ptiarū initij: sed etiam quoties cum dulcissima con-
iuge & tuis natis ad mensam assidebis, aut in thala-
mum accedes, imaginem amoris & beneficiorum fi-
lij Dei in fœdere cōiugij nobis propositā esse agno-
scas: ac uos duos & uestrum paruum agmen scito
illius Ecclesiæ membra esse, quam filius amat, com-
plectitur, & tuetur. Hunc uiciissim amato, & gra-
to pectore celebres, & te tuosq; et nidulos uestrros
ei commenda: cum quidem certum sit, nulla nos fir-
ma præsidia habere, nisi filium Dei.

Deniq; & ipsum fœdus coniugij, significatio-
nes de uoluntate Dei multas continet: & perpetua
consuetudo in secundis & aduersis rebus exercitiū
est omnium uirtutum, & multa non obscura præ-
sentie Dei in genere humano testimonia ostendit.
Nequaquam enim societas generis humani diutur-
na esse posset in tantis periculis & furoribus, nisi

Deus

Deus custos esset imbecilliū: et atrocia scelera, quibus dilacerantur hominum cōetus, manifestis exemplis puniret, et in bellis Ecclesiam suam tegeret.

Hec quotidiana spectacula cūm cernimus, et cūm uidemus nos ipsos et infirma agmina nostra mirādis modis protegi, ali liberari et seruari uitā conjugū, fiat etiam exercitiū ueræ invocationis Dei.

Hec scripsi breuiter, genera seu fontes consolationum utcunq; recitans, consilium, uoluntatem, et mandatum Dei, testimonia præsentiae Dei in coniugio, poenas uiolantium ordinem à Deo sancitum: teq; adhortor, ut harum grauiſſimarum rerum cogitatione confirmatus, reuerenter de hoc uitae gene-re sentias, et hanc (ut nominant) seruitutem placidē feras. Ita cūm in Deo acquiescat animus tuus, nō solum aduersa facilius tolerabis, et fiducia præsentiae Dei uinces: sed ita illa suauitas, quā natura adferunt maris et fœminæ cōiunctio, et sobolis procreatio, dulcior erit.

Adderem etiam præcepta de officijs mariti erga uxorem, et uxoris erga maritum, nisi prolixior hæc cōmemoratio futura esset, quam ut in hac pœnpa nuptiali posset legi. Sed firmissimum est uinculum mutui amoris inter uos, quod mentes uestræ pariter in Deo unum sunt, quodq; uos mutuo amatis, quia Deo obedire decreuistis. Nulla enim est firma amicitia, nisi à Deo orla sit.

Postea

Postea ergo ars adhibenda est, alendus amor uir-
tute et officiis. quorum hoc præcipuum est, quod
in ueteri uersu breuiter dicitur:

— Ut ameris, amabilis esto.

Sapienter ergo hoc Apostolus monet: ut uiri pa-
reant sexui imbecilliori: non onerent grauidas, aut alijs
nutrificationis officiis occupatas, iniustis laboribus.

Simonides uxorem laudat, que similis est apicu-
lae, casta, frugalis, intenta operi, non uagabunda, fo-
uens sobolem. In tali matrefamilias tot pulchris uir-
tutibus condonanda est infirmitas, si quando forte
morosior est, aut parum comis, aut in coquendo le-
uiter erratum est.

In omnibus amicitiis; mutua etiam amicitia qua-
dam amicorum inceptias ferre necesse est. ut dicitur:
Mores amici noueris, non oderis. Id in coniugio ma-
xime faciendum est, quod summus est amicitiae gra-
dus. Denique tota consuetudo minus turbulentia sit,
hanc ipsam ob causam, ne communis precatio tua,
coniugis, sobolis, impediatur: sed ut leti coniunge-
re uota possitis, et ad eundem uerum Deum iisdem
animis configere, et sua cuiusque domus uere sit Ec-
clesia Dei: sicut hoc consilio diuinitus hanc dulcem
societatem institutam esse, non dubium est.

Hæc ad te in præsentia scripsi, ut ostenderem,
et probari mihi tuum consilium: et me tecum, et
cum dulcissima sponsa tua, et cum uestris paren-
tibus

tibus à Deo petere, ut uos seruet, & coniugiam uestrum gubernet, & faciat ut totus uitæ cursus uobis sit & alijs faustus & salutaris. Id ut efficiat filius Dei, custos Ecclesiæ suæ, toto cum pectore oro. Bene uale.

Reuerendo uiro, Georgio Buchholtze-ro, pastori Ecclesiæ Dei in urbe Arctoꝝ, amico suo.

S. D. Reuerende uir, & amice colende. Certe oportet in Ecclesia modum esse quæstionum & argutiarum. Cum apud me recito hoc dictum Domini nostri Iesu Christi, Venite ad me omnes qui laboratis & onerati estis, & ego reficiam uos: intelli go eum mediatorem esse secundum diuinam & humana naturam. Et reficit non solum quia patitur, sed etiam quia conculcat caput serpentis, uincit in passione, &c. Et tota ueritas sic loquitur: & ut obedientia huius mediatoris esset æquivalens premium, Mediator est non tantum homo, sed etiam Deus. Huc pertinet dicta ad Philippenses: Ex inaniuit se, &c. Et Irenæus: Quieuit diuina natura (inquit) ut humana pati posset, &c. Quod autem opponitur argumentum, Si diuina natura esset mediatrix, esset mediatrix respectus sui.

Miror, uideri hoc argutè cogitatum esse. Di-scerni enim oportet missum filium, à mittente tota diuinitate

diuinitate. Filius, in quantum missus, est mediator. Interea tamen uerum est, mitti eum decreto totius diuinitatis. Hæc planissima sunt p̄ijs. Si uelle et ego uerbis exagitare contrarias cauillationes, non pauca mihi in mentem uenirent. Sed reuerenter de tantis rebus loquendum est. Miranda sapientia, quam in tota æternitate discemus: tota diuinitas decretum facit, ut hoc modo redimatur genus humanum per Filium. Et is subiicit se æterno patri. Ita missus iam habet, ut ita dicam, functionem aliam, quam tunc habet, cum sedet in consilio, in quo tota diuinitas mirando temperamento iusticie & misericordiae decretum de redemptione facit.

Scribam alias plura de hac re, præsertim si scripta Stancari & Musculi uidero. Hanc meam respositionem potestis legere illustrissimo principi Electori. Et quæso, ut mihi rursus scribatis. Bene ualete, die 4 Octobris.

Eidem.

S. D. Venerande uir, & amice charissime. Sepe cogitaui, hoc aliquando futurum esse, quod nunc accidit, ut principes politica sapiëtia hoc modo tollerent controuersias, ut parua quædam condonarent uel temporibus, uel populi affectibus: maiora uero inuoluerent ambiguis inuolucris, & retinerent præcipuos errorum neruos. Et similia sœpe in Ecclesia acciderunt. Etsi autem et ipse moderationem

amo,

amo, & propter moderatores sentētias ab illo ipso
 uestro reformatore sēpe colaphos accepi: tamen
 manifestas corruptelas & sœ uitiam, quæ in homi-
 nes pios exerceatur, non adprobabo. Brentius exu-
 lat: & si non fugisset in tempore, captus esset: uir
 etiam de pace publica bene meritus. Exulant No-
 pus, Musculus, & alij, qui non fuerunt infecti ma-
 lis opinionibus. Tam multi sunt pij & docti uiri
 paſsim in Germania, qui Lutheri sentētiam studio-
 se didicerunt de iusticia fidei. Hi audiantur, an idem
 senserit Lutherus, quod Liber inquit: Etiam ueram
 fidem esse sine dilectione, &c. Scio quibus cauilla-
 tionibus hæc excusentur: sed mihi nec nunc placet,
 nec antea placuit, ulla ambigua & sophistica popu-
 lo proponi. In nostra Ecclesia & schola, Dei be-
 neficio adhuc sonat eadem uox Euangeli, quam sæ-
 pe audiisti. Si discedendum erit, dabit nobis Deus
 alicubi hospitia. Nihil seditiose, nihil immoderatè fa-
 ciam: magna cura, & non sine periculo quæsiui ue-
 ram explicationem, & propriam, ut scit ipse illu-
 strissimus princeps Marchio: & multas horrendas
 opiniones lenij, & sēpe cum multis doctis aman-
 ter disputauit: optauit & cum pluribus amanter di-
 sputare. Et iam ea ætas mea est, ut statuere debeam
 quid sentiendum sit. Nec dubitarē ipsi principi red-
 dere omnium mearum sentētiarum rationē: ac Deo
 iuuante, hanc ueram et propriam doctrinæ formā,

k quam

quam in Ecclesijs nostris docti omnes iudicant esse
Prophetarum et Apostolorum sententiam, semper
 sonabo, et mecum ubique ero circumferam, et
 ad æternam Christi et Prophetarum et Aposto-
 lorum consuetudinem afferam. Bene uale.

Pagellas mitto, missurus plures per prooximum
 tabellarium. Officia amicitiae et alijs fideliter pre-
 stiti, et tibi præstabo, donec potero. Bene uale,
 die 4. Augusti.

Ad Campegium Cardinalem.

Ego non recuso periculum iudicij apud quoslibet uiros subire, si quod dogma in nostra confessio-
 ne reperitur, dissentiens uel à Scriptura, uel ab ipsa
 etiam Ecclesia Romana. Non deprecor, quin atro-
 ciissimæ poenæ in me constituantur: tantum uocifer-
 rantur aduersus me quidam illiterati et improbi.
 si res iudicetur à bonis et eruditis uiris, et saltem
 communisensu præditis, multo minus fuerit turba-
 rum, et facile conuenire possemus. Quod uero accidit in ritibus quibusdam mutatio, si consideretur
 quæ fuerit corrupta disciplina, qualia uitia in mo-
 nasterijs, quales fuerunt mores sacerdotum, nō om-
 nino indigni uenia iudicabimur, si qui ista repre-
 henderunt: neq; fuit ulla Respublica, in qua non a-
 liquando existerent à corrupta disciplina aliqua
 cōmotiones, quæ plerūq; melius sedatæ sunt æqui-
 tate

tate principum ac sapientum, quam cum uiolentis consilijs res agi coepit. Itaq; te oro propter Deum, ut des operam, ne per saeuitiam haec dissensiones Ecclesiastice magis acerbentur. Non dubium est, quin maior confusio rerum futura sit, si res ad arma educatur. Ibi crumpent nouæ pestes: plurimum enim tunc licet improbis. Hæc nō scribo temerè, magnas & graues causas habeo cur ista metuam: & has exposui quibusdam bonis uiris. Paucis rebus uel condonatis, uel dissimulatis, posset constitui concordia, uidelicet si nostris utraque species Cœnæ Domini permitteretur, si coniugia sacerdotum & monachorum tolerarentur. Hoc si aperte concedi non uideatur utile, tamen prætextu aliquo dissimulari possent, uidelicet quo res extrahatur, donec Synodus convocetur. De missa etiam ratio iniri posset à bonis & doctis uiris, ne quid dissidij pareretur amplius. Nostris uiciissim conueniet, obedientiam redere & iurisdictionem Episcopis. Ita etiam si leuis dissimilitudo esset in una atq; altera re: tamen quia ipsis Episcopis parerent Ecclesiæ, nulla uideri discordia posset, præsertim cum de dogmatibus conueniret. Et Episcopi autoritate sua pleraq; incommoda tempore sanare possent, cum iam iterum haberent obedientes pastores: si tamen uellent restituere disciplinam Ecclesiasticam, iam diu neglectam. Profectò hæc uirtus Deo grata erit, & digna m
k 2 gnis

gnis uiris: hæc malim ratione potius sanare, quam
horribiles tumultus excitare, quos postea non sit fa-
cilè ijsdem etiam qui plurimum poterunt, compe-
scere. Optimè uale.

Venerádo uiro, eruditione & uirtute præ-
stanti, D. Andreæ Hugel, pastori Ecclesiæ
Dei in urbe Brandenburga, amico
suo charissimo,

S. D. Venerande uir, & amice charissime. E-
pistolam tuam dedi legendā reuerendo domino no-
stro pastori, & cæteris collegis nostris: qui omnes
optant uniuersæ Ecclesiæ & harum regionum Ec-
clesijs pacem, ac dolent scandala excitari per diabo-
los paßim in multis locis. Sed Deum æternum pa-
trem Domini nostri Iesu Christi oremus, ut repri-
mat astutiam & præstigias diaboli, sicut scriptum
est: Apparuit filius Dei, ut destruat opera diabo-
li: & hanc sententiam opponito illis præstigijs, de
quibus scribis. Comperi ipse, & narrat D. pastor
exempla tuis similia, ubi diaboli cesserunt diabo-
licis exorcismis, seu magicis. Et ideo non terrearis
exemplis, quæ istic uides: sed prius illud considera,
quales sint exorcistæ, an sint magi, an figuris aut im-
pijs uerbis utantur. Quo signo animaduerso, gra-
uiter et uerè pro concione ostendere potes quomo-
do sanatio illa pugnet cum mandato Dei: & refu-
tabis argumentum sumptum ab euentu, sicut Moy-

ses ipse

ses ipse refutat: Si quis contra legem aliquid docebit, etiam si miracula edat, tamen uocem Dei antef rendam esse sciatur. Et Paulus significat, quædam falsa miracula esse. Et Aegyptij magi cum Moyse certantes, faciebant falsa miracula. Denique exempla sunt innumerabilia. Etsi autem interdum in delictis ciuilibus aliquando reprehensionem nimis uehementem esse nolo: tamen de idolis & magia optare omnes doctores & pastores acerrimè contendere, quia gloria Dei præcipue his peccatis læditur. Ideo probo tuum consiliū, quod cōfugientes ad magiam uituperas. Sed uelim te in concione declarare, quæ miracula sint diuina, quæ sanationes naturales & concessæ, quæ sint magice & prohibitæ: scilicet quæ fiunt cum inuocatione diabolorum directè uel indirectè, uel quæ stabiliunt inuocations mortuorum, aut opinionem de animabus defunctorum liberandis per certos cultus, aut quæ dicunt animas hominum in corpora hominū ingredi: aut quæ figuris aut uerbis, sine causa naturali, imò sine uera inuocatione filij Dei fiunt. Habet meum consilium. Oro autem filium Dei, Dominum nostrum Iesum Christum, ut te gubernet, & seruet Ecclesias suas. Salutem opto Magistro Ioanni, & D. Thomæ. Hac nocte mortua est coniuncta honestissima D. Ambrosij Reutteri: iusti colliguntur à facie mali.

Deus nostri miscreatur,

k , Iudi-

Iudicium de homicidis proprietum
corporum, D. Philippi Melan-
chthonis.

Paulus dicit, Manifesta sunt opera carnis, &c.
Ex ijs nos iudicamus, sicut & Christus ait: Ex fru-
ctu eorum cognoscetis eos. Itaq; nō possumus aliter
iudicare de ijs qui sibi mortem consciuerunt, quam
quod sunt in potestate diaboli, & à quo sunt impul-
si ad tantum scelus. Et exempla in Scripturis, hoc ge-
nus mortis faciunt horribilis: quia singularis im-
pietas fuit in ijs, qui sic perierunt: ut Saul, Achito-
phel, &c. Sed etiam colligi possunt aliqua ueri-
similia, quod hoc nostrum iudicium de talibus sit in-
certum. Sicut in malis aut subitis casibus, ut in nau-
fragijs, &c. Deus potest peccatorē aliquem cōuer-
tere, sicut cōuerit latronē in cruce: ita potest, ut cō-
uertat tale aliquē facta cāde, cūm tamen diutius ui-
uere nō possit. Nam exempla aliqua extāt, ubi qui-
dam, cūm iam se uulnerassent, tamē in illa ipsa per-
turbatione redierunt ad se: quia erant leuiter uul-
nerati, & conualuerunt. In ijs uero qui uicini erant
morti, et uulnera maiora acceperāt, signa quædam
uerē pœnitentiae reperiebantur, ut adfirmari ali-
ter non posset, si sic mortui fuissent, nō fuissent dam-
nati. damnatus etiam alias fuisset custos carceris,
Actorum 16, uolens sibi consciscere mortem: at
subito conuertitur, & agit pœnitentiam, inquiens:

Domini,

Dominus quid oportet me facere, ut saluus siam?

Extant multa similia exempla subitæ pœnitentiae, sicut 2. Regum 13. ubi propheta quidam contra mandatum Dei mansit in Bethel: & obiurgatus à Deo, exiit inde, & à leone disceptus est in via. hunc miracula secuta testantur ad pœnitentiam ue- nisse. Huc congruit Esaiæ dictum, qui sic inquit: Nunquid abbreviata & paruula facta est manus mea, ut reducere nō posset? Vbi Dominus testatur, quod quantacunq; peccata sint, tamen cōdonantur & remittuntur inuocantibus eum. Neq; est spaciū temporis considerandum, iuxta hanc sententiam: Manus Domini non est abbreviata. Quanquam igitur propter opus iudicemus eum: tamen nō possumus de iudicio Dei esse certi, quia est arcanum & absconditum: sicut Esaias dicit, Secretum meum mihi, &c. Item, Dominus nouit qui sunt eius: inquit Paulus ad Timotheum. ego quid iudicare debeam, statuere no possum. Anno 1529.

P A V L V S A D C O L L O-
senses Cap. 3.

Sermo Christi habitet in uobis abundè,
cum omni sapientia: & doceatis &
commonefaciatis uos mu-
tuò.

Immensa bonitate Deus se patefecit sua uoce, &
k 4 mult

uult agnosci sicut se patefecit, & reddit uitam æternam his qui fide amplectuntur filium Dei. Ac præcipuum mandatum est, ut doctrinam ab ipso traditam discamus, sicut hic scriptū est: Sermo Christi habitat in uobis opulenter in omni sapientia.

Hic multæ grauißimæ admonitiones continentur, inter quas hanc præcipuè obseruate. Habitat in uobis sermo Christi: id est, ut familiarissimè notus: sæpe cogitetis, tanquam loquamini cum filio Dei.

Certissimum est autem, in illo pectore habitare Deum, ubi sermo Dei uera fide accipitur, & inuocatur Deus. Ibi filius, qui est uerbum æterni patris, dicit consolationem in corde tuo, & monstrat tibi patrem. Et pater æternus diligens nos propter filiam, per eum effundit spiritum sanctū in cor tuū, uiuiscat, docet, exaudit, gubernat, defendit & servat te, ac facit te heredem uitæ æternæ, in qua erit Deus omnia in omnibus, cui laus & gratiarū actio.
 Dieser spruch ist ein klar zeugnis/dz Gottes wille vnd gebott ist/ das wir alle die leer des hern Christi offt hören oder lesen /vnd vleißig betrachten sollen. Vnd ist gewisslich war / wo Gottes wort im herze wonet/wo es mit rechter bekerung vnd glanze wirt angenomen/in illo corde habitat Deus selbs wesenlich vnd trefftiglich/vnd bewaret vnd regiert dich.

Qu a-

Quatenus docenti Ecclesiam, de gubernationis oneribus dicendum sit.

Non dubitatur de priuatis delictis gubernatorum. Pariter minister Euangelij debet notare omnia priuata delicta magistratum & priuatorum manifesta, praesertim enormia: ut Nathan arguit David propter adulterium, Baptista Herodem. Sic principum taxandae sunt helluationes, ebrietates. Sic potentum rapacitas, qui ne quidem politicis legibus permissas usuras petunt. Et siat reprehensio ordine in Euangelio tradito. Nec dubitetur de publicis erroribus doctrinæ, & de idolomanijs. Hæc mala seuerè taxanda sunt, et simul eruditè etiam uera doctrina proponenda est. Tantum de hoc membro quæstio est:

Cum seruitus sit durior, quæ tamen sine peccato fieri potest, an duricies magistratum taxanda sit?

De hac quæstione sic respondeo: Si manifesta tyranis est, ut cum imponitur tributa aut opera sine necessitate publica, & sine modo: ut Pharao imponebat Israelitis, aut ut Dionysius spoliabat matronas ornatu, aut ut fit in multis locis. Nobiles cogunt subditos sibi paruo uendere frumentum, coquunt malam ceruifiam, & prohibent aliam emi à subditis: & huiusmodi onera uaria & multa sunt, quæ et sine modo & sine necessitate publica imponuntur.

k 5 Hæc

Hæc manifesta & iniusta auctorita taxanda sunt, quæ habent excusationem: ut cùm propter calamitates aliquas fisco opitulandum est. In eo casu nō est reprehendendus magistratus, noua tributa mediocria indicēs. Et uolo intelligi mediocria cùm pœnae. Hic minister Euangelij doceat, politias non similiiter florere: aliam esse etatem auream, aliam ferreā: seruitutem paulatim fieri duriorem propter peccata: ut sub Davide & Salomone felicior status fuit, quam sub Achas. Et sæpe fit, ut in tristissima tempora incidant boni magistratus: quia Deus tunc alicuiorum bonorum moderatione calamitates lenire uult: ut leconias tristi tempore fuit.

Talibus autem qui sunt tyranni, multa in gubernatione condonari uolo. Quid autem tyrannum aut bonum principē nominemus, sæpe alias dictū est.

Tyrannus est, qui habet studium sceleratè faciendi: & plerunq; sceleratè facit, etiā si sæpe iusta facit.

Bonus princeps est, qui habet studium rectè faciendi, & plerunq; rectè facit: etiam si sæpe peccat non petulantia, sed uel temporum miserijs, uel communis imbecillitate uictus. Et hic eo melior est, si hospitium præbet Ecclesiæ Dei.

Deus pingit imperium Cyri argenteum, quod horribilem uastationem in Ionia et alibi fecit: ut ex primo libro Herodoti intelligi potest. Et post Cyrum secuti sunt multo deteriores principes, Cambyses,

ses, Darius, Artaxerxes. Nec ullius imperij tempus tam felix est, quin secundis rebus multæ magnaæ calamitates misceantur.

Hæc D. Philippus ad Vitum Theodorum postridie Calend. Septembris, Anno 1547. scribebat.

Ioannis 14. inquit Filius Dei:

Ἐαν τις ἀγαπᾷ με, τὸν λόγον μα τηρήσει, καὶ ὁ πατήρ μα ἀγαπήσει αὐτὸν, οὐ πέδει αὐτὸν ἐλευθερίαν, λαὶ μονίμην παρατάσσειν.

Semper in mente circumferendum est, & cogitandum saepe, hoc dictum filij Dei, quia doctrinam necessariam & consolationem dulcissimam continet. Docet enim, quæ & ubi sit uera Ecclesia: et affirmit hunc uisibilem coetum, uerè esse Dei Ecclesiam, qui legit, audit, discit, fide amplectitur et amat Euangelium, & ei obedire incipit: ac uera membra Ecclesiæ Dei esse singulos qui discunt, fide amplectuntur & amant Euangelium, & ei obedire incipiunt.

Hec est uera & nativa sententia horum uerborum Christi: Si quis diligit me, sermonem meum feruabit, & pater meus diligit eum, & mansionem apud eum faciemus. Non ociosa concio est: sed ut dextrè & uerè intelligatur, necesse est reijci interpretationem monachorum, qui cum hoc dictum enarrant.

enarrat more legis aut voluminis, seu tanquam dictum
voluminis, corrumpunt totam sententiam, et dulcis-
simam consolationem uertunt in dictum impossibi-
le et ingratum. Ut autem explicatio fiat planior,
syllogismum adiiciam.

De uocatione ministrorum, D. M. L.

In nullam uocationem se quisquam ingerere de-
bet, nisi sit uocatus.

Vocatio autem est duplex. Diuina, quae fit à su-
periore: eaq; est fidei. Secunda, humana uel charita-
tis, quae fit ab aequali: ut si meus collega uel alius me-
roget, ut prædicem pro ipso: utraq; magna est, et
necessaria ad certificandam conscientiam. Qui ope-
ram dederunt Theologie studio, bona conscientia
se insinuare possunt uisitatoribus, atque petere ut
sibi prospiciant conditionem Ecclesiasticam. Nam
qui episcopatum desiderat, rem bonam desiderat.
Neq; est, quod quis hoc modo obijcere possit, quod
hoc modo se aliquis intrudat: cum hoc ipsum stet in
arbitrio uisitatorum, an cum iudicent hoc ministe-
rio dignum atq; aptum.

Philippo Reiffenstein S. D.

Scio N. his moribus atq; hac dexteritate ingenij
præditum esse, ut D. Comes maximè sit probaturus
hominem. Scripsi igitur ad eum, ita ut significem e-
am totam rem ex Comitis literis intellecturum esse:

G.

117

Et ad Comitem breuiter scripsi (properabat enim nuncius) id minimè facturus, si sciuisse aut te aut fratrem apud Comitem. Itaq; cum apud eum estis, excusate meam rusticitatem, quòd tam agrestes ex breues literas scripsi: meq; et Vualredum commen date. Nomen est Vualredo Matthias von Wal rod: sic enim scribitur. habitat in arce Streitten, nō procul à Coburg, milliaribus quinq; Christus bene fortunet totum negotium. Bene uale. Quæso mi domine Philippe, ut curetis hunc fasciculum literarum mitti Coloniam, ad Cæsarium: et scribatis Cæ sario, ut nobis mittat uicissimi, si quid acceperit responsi.

Reuerendis uiris, eruditione & uirtute præstantibus, D. Iohanni Spangébergio,
& collegis ministerij in Islebē, ami cis suis charissimis,

S. D.

Reuerendi uiri, et amici charissimi: Opta rim ad nos missum esse aliquem ex collegis ue stris, cui coram totam seriem actionum illarum ex ponere potuisse, de quibus scribitis. Sed ipsa aula nobis testis esse potest, nobis non probantibus, inser tum esse articulum de oleo et unctionibus. Et scimus consecrationes oleorum, quæ extant in libris Episcoporum, impias et magicis similes esse. Idq; semper in deliberationibus à nobis dictū est, et con stanter

stanter dictum est. Illi autem qui articulum de oleo inseruerunt, corrigi haec dicebant: quia addiderunt, Remotis omnibus superstitionibus. Et in fine disser- te dicitur, relictos esse aliquos articulos non conci- liatos, de quibus cum episcopis deliberandum sit, si has Ecclesias uelint regere. In his nondum conci- liatis articulis numerari necesse est & illas conse- crationum & unctionum absurditates. Intelligan- tur ergo non approbatæ, sed ad illam deliberationē reiectæ. Sed decebat esse magis ingenuam oratio- nem, dicetis. Stylus indicat, non esse illa scripta ab uno. Nos, Deo iuuante, uocem Euangelij incorru- ptè docebimus. Pagellas uestras uobis remitto. Bene ualete. Die 13 Ianuarij.

Reuerendo uiro, D. Ioanni Spangenber-
gio, pastori Ecclesiæ Dei in oppido Eisle-
ben, & gubernanti uicinas Eccle-
sias, amico suo, S. D.

Reuerende uir, & amice charissime. Meministi
consolationem, quæ extat in Esaïæ concionibus, u-
bi inquit Deus: Ego Ecclesiam condidi, ego gesta-
bo eam etiam in senecta, & canescencem. Et quo a-
cior est senectæ infirmitas, eo magis ipsam esse cu-
re Deo nunc speramus. Talibus consolationibus, ut
te in hoc tanto dolore erigas, ualde te adhortor.
Et si autem video, qui terrores nobis proponantur:
tamen

tamen spero filium Dei Dominum nostrum Iesum Christum nobis ad futurū esse, inuocantibus ipsum, & moderatè necessaria facientibus. Vestram deliberationem cum nostris sententijs congruere iudico, qua de re in altera epistola scripsi prolixius. Bene & feliciter uale, die 23 Ianuarij.

Reuerendis uiris, D. Ioanni Spangenbergio, gubernanti Ecclesias Dei in comitatu Mansfeldensi, & pastoribus cæteris, eorum collegis, amicis suis,

S. D.

Reuerendi uiri, & amici charissimi. Orat filius Dei in agone suo, ut æternus pater consensum Ecclesiae tucatur, ut simus unum in ipso. Nec est irrita illa filij Dei precatio. Semper erit aliquis cœtus, custos ueræ doctrinæ cōsentiens. Legi uestram deliberationem, quam iudico & piam esse, & cum nostris Ecclesijs congruere. Etsi autem multa Ecclesijs nostris minantur, & profectò horribilis crudelitas in Suevia exercetur: tamen nec ueræ doctrinæ unquā corruptelas recipiemus, nec uitiosos cultus approbabimus. In ijs rebus adiaphoris seruitutem quamlibet tolerabimus. Nec propter leues causas occasionem prebendam censemus ijs, qui pellere pastores conantur. Qua de re cùm à multis interrogati simus, scripsi quid mihi uideatur. Quantum

quam autem scio quibusdam horridiores sententias
magis placere: tamen haec magna causa est cur ser-
uitutē toleremus, ne fiat in Ecclesijs solitudo, qua-
lis iam in multis locis est. Ad Rhenum, et in Suevia,
nulli sunt congressus, templa clausa sunt: ne bapti-
smus quidem in templis administratur: pelluntur pa-
stores, aliqui etiam trucidantur, & rapiuntur ali-
quorum coniuges aut filiae. Nec magistratus ullam
opem fert suis pastoribus: quidam etiam gaudet eos
excuti. Cum igitur uideamus quo in periculo sint no-
tantum docentes, sed etiam ipse Ecclesiæ, hoc est pi-
coetus: tantisper donec pie possimus, manere apud
Ecclesijs studeamus: etiam si toleranda est aliqua ser-
uitus, quæ tamen sit sine impietate. Oramus autem
filium Dei, ut ipse uos gubernet, & poenas mitiget.
non enim humanis consilijs retineri lux Euangelijs
in genere humano potest: sed Dei opus & benefi-
cium est, tanti boni conseruatio. Ab ipso igitur pe-
timus & expectamus auxilium. Bene ualete: Dic
23 Ianuarij.

Reuerendo uiro, D. Christophoro Libyo,
pastori Ecclesiæ Dei in ueteri arce
Breni, fratri suo cha-
rissimo.

S. D. Reuerende uir, & charissime frater. Adfuit
in publica renunciatione gradus, uir doctus & ho-
nestus Erdmanus Copernicus: in qua te quoque
adfuisse

adfuisse optarim. Fuit recitata explicatio dicti Esaiæ: Si peccata uestra erunt ut coccinum, & ut uermiculus. Et dictum, cur uermiculi mentio fiat, & qui sit color uermiculi: quia coccus uertitur in uermem, qui est immiediatâ materia sanguinei coloris. Peccatum quiescit aliquandiu, postea fit uermis, & cruentat nos in pœnis. sed filius Dei detergit cruentum. Mittam tibi pagellas, cum fuerint editæ. Quæ so ut cures mihi pro Ioachimico emi cultros Tangermundenses, non grandiores multo, nec minores ijs quos antea misisti, & eligito accuratè factos. Dedi priores partim Camerario, partim dotori Alberto Bremensi concionatori, partim alijs, quibus admodum placuerunt. Bene uale, die prima Augusti, 1554.

Cuidam amico, P. M. S. D.

Heribinas literas accepi, ac planè agnosco multipliciter uinci nos abste in hoc officij genere: q̄ non solum frequētius, sed latiora scribis q̄ nos. De nobis ac nostra causa nihil adhuc decretum est. Nō uæ quotidie deliberationes habentur: Christus faciat, ut pariant pacem. Eccius cum suis exhibuit nostræ confessionis cōfutationem. hæc nondum publicata est: sed audio ex amicis, longum & plenum conuicijs ac prorsus contumeliosum scriptum esse. N̄ misi huc cōfessionem impressam typis: dicas sim
l pliciter

pliciter mente captum esse: de peccato originali, de
usu sacramentorum uiteres errores palam reno-
uat: de cæremonijs loquitur barbaricè, ac uult om-
nes cæremonias esse abolitas. suam causam de cœ-
na uehementer urget. Et iiscopos omnes uult dele-
tos esse. Mittam exemplar, cum nactus fuero. Nam
id quod habui, apud Principes circumferiur. Mit-
to tibi questionem de traditionibus, de qua uelim
te copiose respondere. Nulla me res magis exercet
in omnibus nostris disputationibus, quam illa que
uidetur omnium esse leuisima. Et certè est nimium
negocij: tantum sunt laquei conscientiarum in tra-
ditionibus: quoquò res accidat, siue cum obseruan-
tur, siue cum aboleniur. Vnam habemus firmam ra-
tionem, nimirum de iustificatione: alteram, de liber-
tate: que si retinenda sit, etiam exterior, mulum ha-
bet offensionis. Voco autem libertatem talem ob-
seruationem, quam Paulus inter iudeos serua-
uit. Digesti uarias traditionum condendarū cau-
sas, ut facilius uidere posses, qua in parte maximè
hæream. Videlicet si traditiones fiant sine impia o-
pinione, uidentur necessariò seruandæ esse propter
ius potestatis, non propter ipsum culum. Videmus
enim uerè dominari Episcopos iure humano. In lo-
co de Missa, et in catalago articulorum fidei, ui-
deor satis cautus fuisse: in traditionū materia non-
dum mihi satisfeci in hoc scripto, Susspicor de ordi-
nibus

nibus Ecclesiasticis etiam magnum certamen excitaturos esse aduersarios. Vale feliciter: postridie Margarethæ, 1530.

LIBER SECUNDUS.

S E R E N I S S I M O A C I N C L Y-
to Principi, Domino ac D. Henrico octauo,
regi Angliae, Franciae & Hyberniae,
&c. domino, capiti Anglicæ ecclesiæ post
Christum supremo, Domino suo
clementissimo, S. D.

IN C L Y T E ac serenissime Rex. Non
leui officij ratione adductus sum, ut
huic Ioanni Stratio, Flandro equiti,
homini facundo, ex Ulyssca quadam
experientia rerum prædicto, literas ad R. M. T. da-
rem. Cum enim mihi ex Francisco vicecancellario
ducis Saxoniæ Electoris ueteri amicicia coniunctus
sit, nobisq; perspecta sit eius integritas ex fides: cau-
samq; itineris ad R. M. T. probarem, haud iniuitus
tali amico petenti literas dedi. Eminet enim in he-
roibus ac sapiëtibus principibus bonitas in primis.
Ideo rogo R. M. T. existimet, me nō impudentia aut
arrogantia, sed fiducia clementiae tuæ permotum
esse, ut hæc scriberem. Hic Stratius natus equestri
loco in Flandria, primum eloquentie ex studio iu-

ris

ris operam dedit: postea per uagatus, partim militie, partim literarū cupidine, Galliam & Italiam, tandem se ad principes Poloniæ & Hungariæ contulit, qui eius opera in legationibus & multis grauiissimis causis usi sunt. Magna in eo uis ingenij, & abhorrens ab ignauia. Ideo maluit hoc genus uitæ durum, experiensq; laborum amplecti, quam domini in ocio uiuere. In Italia & alibi potentes Episcopi amplas ei facultates obtulerunt: sed potificum tyrannides detestatur, ut se cum illis coniungere nolit. Quare incēsus admiratione uirtutis tuæ potissimum, se ad R. M. T. conferre uoluit. Sic instructus est eloquentia, linguarū multarū cognitione, experientia rerum, dexteritate ingenij, fide, fortitudine animi, ut in legationibus, in togata administracione, & multis rebus existimem cum usui esse posse. Et operam R. M. T. offert, ac fidem promittit. Cum autem R. M. T. bonis ingenij maxime faueat, rogo ut hunc Stratium clementer complectatur. Semper magnis regibus honestum fuit, non modo ciues doctos & peritos, sed etiam hospites experientia magna præditos complecti: ut apud Ptolemæum fuit Demetrius Peripateticus, apud Scipionem Polybius. Quare R. M. T. hunc Stratium summa reverentia commendo, ac rogo ut meas literas scriptas fiducia clementiæ tuae, boni consulat R. M. T. Deus seruet R. M. T. in colummæ, & floren-

tem quam diutissime, ut gloriam ornet Domini nostri Iesu Christi. Die ultima Maij, anno 1539.

Inclito & serenissimo regi Angliae,
Philippus Melanchthon
S. D.

Inclite & serenissime Rex. Ingens decus est R. M. T. quod bis difficilimis temporibus, utrus inter reges & intelligis & fous studia literarum, & uerbi Philosophiae: quae cum sint ornamentum uite humanae præcipuum, maximè tuendum est sapientibus & magnis gubernatoribus Reipublicæ. Itaque hæc diligentia magnam peperit laudem multis summis regibus, Alexandro, Ptolemæo Philadelpho, Augusto, M. Antonio: quibus principibus uirtute & sapientia præstantibus, annnumerari etiam R. M. T. admodum glriosum est. Porro inter Philosophiae partes plenæ eruditionis est illa, quæ lumen & speculorum uarietatem inquirit, quæ uocatur Optica. Quæ enim res in natura admirabilior est, quam lumen? & mens humana quid est nisi speculum, in quo lucet imago diuinitatis? Amanda igitur est doctrina speculorum. in qua cum excellat Michael ciuis Lipsicus in Misnia, constituit adire R. M. T. quod te amare ingeniorum monumenta intelligit. Cum autem de sua fide & probitate testimonium à me flagitaret, ut aditus ei pra

l. beretur

beretur ad R. M. T. dedi ei hanc epistolam: ac affirmo, virum probum & honestum: & non solum propter artem in qua excellit, sed etiam propter optimos mores, dignum benevolentia bonorum. Me de ratione luminum in Philosophia multa docuit. Ostendet autem R. M. T. mirifica quædam opera, digna consideratione ingeniorum. Quod si hoc specimen R. M. T. probabitur, ut non dubito, pollicetur se maiora opera huius generis effecturum esse. Oro igitur R. M. T. per dignitatem Philosophie, et tuum erga ipsam amorem, ut non grauatum admittas hunc Michaelem ad ostendenda sua opera, cum sit & artifex, & vir bonus & honestus. Bene & feliciter ualeat R. M. T. Datæ Lipsiae, die 20 Februarij, anno 1540.

Langæus episcopus Parisiensis, Philippo Melanchthoni S. D.

Barnabas Voræus, qui nunc ad te cum literis et mandatis regijs reuertitur, hic est de rebus omnibus, que ad susceptam à te pacificationem attinet, amplissimè edocitus: mihi ut superuacaneum uideatur, aliquid scribere. Itaque te adhortor, atque per Christum obtestor, occasionem rei gerendæ immortale: omnium pulcherrimæ ne differas.

Vale, ex oppido N. die 16. Iunij,

1535.

Reginae

Reginæ Nauarræ Philippus Melan-

chthon S. D.

Et uideor impudenter facere, quod homo infi-

mæ sortis, et ignotus, C.T. quenquam ausim com-

mendare: tamen fama tuæ eximie pietatis, quæ to-

tum terrarū orbem peruagata est, facit, ut hoc offi-

cium homini bono et docto petenti duxerim non

esse denegandum. Non enim dubitaban, quin C.T.

tanta prædicta pietate, meum hoc officium boni con-

sultura esset: cum Christianæ charitati, præserim in

isto summo loco nihil magis conueniat, quam adfir-

ci studiosorum miserijs, eosq; respicere atq; suble-

uare: præsertim cum recta studia non possint sine

summe ram ordinum ope ac liberalitate conserua-

ri. Exposuit autem mihi hic iuuenis Claudius Ba-

duellus Narbonensis è Nemauso, cum uniuersum

cursum studiorum, tum iniquitatem fortunæ: qua,

nisi C.T. ei opem tulcerit, ab optimis artibus ad alias

quasdam operas, à quibus et natura et uoluntate

abhorret, abstrahi se queritur. Etenim cum unicè

cupiat eloquentie et sacrarum literarum studia, in

que quadam cum spe ingressus est, absoluere, pau-

pertas ei quasi manus iniicit, eumq; à pulcherrimo

instituto auocat. Sed prius experiri omnia decre-

uit, quam hæc studia abiiciat. Existimat autem, stu-

diosis uniuersis Gallici nominis, in T. C. uelut in

quodam numine, plurimum esse spei positum. Ideo

ad T. C. confugere decreuit, & orat, ut sua studia lib
eralitate tua iuuētur. Habet C.T. quid petat. Nec
existimo pluribus uerbis in hac tanta pietate opus
esse: nec me decet garrulitas. Hoc tantum adscriben
dum duxi, hoc ingenium uideri mihi in primis di
gnum quod soueatur, non solum quasi uirtutis stu
dia tam uehementer amat: sed etiam quia tantos fe
cit progressus, ut sit indignum, cum quasi noui ope
ris nunciatione ab hoc instituto abduci. In oratione
eius Latina non solum mundicias est, & elegantia
singularis, sed etiam quædam nō insuauis copia. Et
mores sunt modestissimi. Hæc autem fuerit eleemo
syna uerè regia, ad Christianæ Ecclesiæ utilita
tem talia ingenia souere, atque aere. Sanctissimus
propheta Esaias, laudans hoc genus eleemosynar
um, inquit: Reginas futuras nutrices studioforum
Euangelij. In quo munere te iamdudum per totum
orbem terrarum collocat, & recenset ad posteros
uniuersa Ecclesia. Etenim cùm cæteras uirtutes ue
ra Ecclesia summo semper studio colit, tum præci
pue gratitudinem. Postremò peto, ut has meas li
teras C.T. boni consulat: ac me quoq; inter studio
sos bonarum artium commendatum habeat. Be
ne & feliciter ualeat C.T. Anno Domini

1534. idibus Iunij.

D. Sturmio S. D.

Voræus ipse testis erit, summam me contentio
nem

nem adhibuisse, ut mihi Princeps concederet abeun-
di potestatem. Verum impetrare non potui: & cau-
 sas copiose D. Langæo perscripsi. Præcipua est,
 quòd metuunt præiudicia: & me putant aliquanto
 minus uehementem aut pertinacem esse, quam sunt
 alij. Et profectò sic est. Non puto cōtendendum es-
 se, nisi de magnis & necessarijs rebus. Non uolo tue-
 ri omnes æneisbologias & ψυχοlogias. Utinam illi
 ceat doctis liberè loqui de magnis rebus. Nunc autem
 est democratia aut tyrannis indoctorum in u-
 traq; parte, qui rixantur de nonnullis leuiculis re-
bus, & interdum suis affectibus seruiunt. Vidisti sa-
 doleti scriptum, qui cum in posteriore parte eadem
 dicat quæ nos defendimus, iniuste facit, quòd adeò
 hostiliter in nos inuictitur. In priore parte enarra-
 tionis mihi pleraq; satis proban:ur: sed, ut uides,
 currit interdū ēntos τῆς οἰδῆς. Budæi etiam Transitus
 uidi. Neq; me hæc terrent, quo minus istuc iter su-
 scipiam. Imò incendunt potius, ut ipsis aperiam pe-
 nitus animum: & uicissim audiam, quid in commu-
 ne consulant ipsi. Ego quidem à doctis et bonis in
 Ecclesia nunquam dissentiam. Sed pro tua excel-
 lenti doctrina uides, uetera quædā errata opus ha-
 bere emendatione. Nec dissimulo, euectos etiam es-
 se nostros interdum ἐπὶ τὰ ἑσταμενά. Et multa
 mitigau. Itaq; si quid opis possumus adferre Eccle-
 siæ, annitamur omnibus uiribus: atq; hoc studiū nul-

la mihi eripiet hominum iniquitas. Magno in periculo propter hanc moderationem uersor: ut solent in ciuilibus discordijs moderati ciues utrinq; male accipi. Planeq; fatum mihi Theramenis impendere uidetur. Credo enim Xenophonti, hunc fuisse bonū virū: Lysiæ nō credo, qui cum uituperat. Sed me uoluntate rectæ cōscientiæ sustento: & intuēs in uera et honesta exempla, equiore eximo cōmūnē fortunam fero. Cæteræ audies ex Voræo. Bene uale.
Inclyto & potentissimo Principi ac Domino D. Gostauo regi Suetiæ & Gotthorum, domino suo clementissimo,

Phil. Mel. S. D.

Inclite & potentissime rex. Cum sciam imperia & politias in terris munus esse Dei, æterni conditoris nostri: non sicut in officijs, sed uera reuerētia Regium nomen & summos uitæ gradus ueneror: & sicut multi norunt, bortator sum iuuentuti, ut ad hanc uirtutem animos adsuefiant. Nam ordo pulcherrimus & à Deo institutus accendere animos, et studium communis tranquillitatis nos mouere debet, ut suum cuiq; gradum in hac societate reuerenter tribuamus. Hanc uerò doctrinam, quæ de omnibus honestis officijs docet homines, tueri, maximè ad regium munus pertinere, R. M. V. optimè intelligit. Ideo reuerenter oro, ut me, & similiter mei ordinis homines clementer audiat. Quod cum sperarem,

rem, dedi huic adolescenti nobili Henrico de Luff,
 nato in familia equestri gentis Pomeraniae, literas
 ad R.M.V. Cupiebat enim afferre testimonium de
 suis studijs & moribus. Scio autem hunc Henricum
 adeo honeste in Academia nostra uixisse, ut eius
 placidi et modesti mores reliquae iuuenti bono ex-
 plo essent. Et cum in ciuili doctrina, tum in Eccle-
 siastica plurimum profecit: qua eruditione se instru-
 xit, ut & priuatim mores suos regere, & utiliter
 Reipublicae seruire possit. His uirtutibus fauere R.
 M. V. non dubito. Quare ut hunc Henricum cle-
 menter in aulam suam admittat oratione: et hominem in
 familia honesta natum, ad uirtutem incitatum, excul-
 tum doctrina, & ornatum facundia, non negligat.
 Nam maximè salutare est generi humano, & in
 regibus pars iusticie distributiue præcipua, quam
 Plato inquit plurimum boni impertire uniuersæ ho-
 minum uite: bonas, honestas, moderatas, rectas, in-
 genuas naturas, & doctrina honesta confirmatas,
 diligere ad rerum administrationem. Talium mo-
 deratio, quia non priuatæ cupiditati seruiat, sed de-
 rigat ad rerum bonarum conseruationem, in tantis uita-
 tum multib. multa mitigat aulae R.M.V. Opto igitur
 toto animo, ut Deus æternus, qui dat salutem Re-
 gibus, ut inquit Psalmus, & aulae R.M.V. & alijs
 det tales ac fœlices ministros. Certè ingenium bo-
 num in Henrico esse, R.M.V. comperiet. Postre-

mò reuerenter me & hæc nostra studia literarum
R. M. V. commendo. Num cùm imperia ad agnitionem
Dei illustrandam referenda sint: certè inter
munera regia est, doctrinæ studiosos tueri, e-
isq; benefacere. Deus æternus pater Domini nostri
Iesu Christi, gubernet & seruet R. M. V. in columè,
ac florètem. Date 13 die Februarij: quo ante annos
2703 Machabæus magno prælio uicit Nicanorem,
qui templo Dei excidium minatus fuerat. Ut igitur
tunc mirabiliter defendit Ecclesiam suam Deus æ-
ternus pater Domini nostri Iesu Christi, ita & nūc
reliquias suas ut protegat oremus.

Illustrissimo Principi & domino, domino
Ioanni Friderico, Stettini & Pomera-
niæ duci, &c. Rugiæ principi, & domi-
no Caycorum, &c. domino suo cle-
mentissimo S. D.

Illustrissime Princeps: Non dubito celsitudinem
tuam in his ferijs multa cogitasse de mirando fœde-
re, quod fecit Deus in genere humano, cū filiū τὸν
λόγον misit, ut massam generis nostri indueret.
Sunt omnino signa prouidentiæ diuinæ multa: sed
nullum est illustrius testimonium amoris diuini er-
ganos, hac miranda copulatione diuinæ & huma-
næ naturæ: ac necessariū officium est de causis piè
& reuerenter cogitare, de quibus non dubito te au-
dire

dire præceptoris cōmonefactiones, sumptas ex tē-
 ris doctrinæ diuinæ fontibus. Mitto tamen & ego
 pagellas eadem de re scriptas. Et quia rectè institu-
 tum est, ut annum inchoemus ab hac cōmemoratio-
 ne præcipui operis diuini: nos quoq; cogitantes de
 hoc testimonio diuini amoris erga nos, ipsum filiū
 Dei custodē Ecclesiæ precemur, ut faciat, ut sit fe-
 licix anni curriculum nobis omnibus. Oro igitur i-
 psū, ut et hoc anno Celsitudinem tuā & illustrissi-
 mos parentes, fratres & sorores seruet incolumes.
 Munus ctiā tuū fuit eo mihi gratius, quia in anni i-
 nitio exhibitū est: sed symbolo significari noua cer-
 tamina iudico, in quibus nobis opus erit illa anguitio
 circūspectione, de qua loquitur filius Dei, cū iubet
 prudentiam serpentum in tegendo capite imitari.
 De studijs, ea quæ nuper ad te scripsi, iudicio præ-
 ceptoris permitto. Sed hortari tamen non desinam,
 ut ad lectionē doctrinæ diuinæ adiungas historias:
 quod & auus tuus maternus faciebat. Et fuerunt
 apud Palatinum Philippum, abauum tuū, princī-
 pem sapientia & uirtute excellentem, eodem tēpo
 re uiri docti in lingua Latina, Græca, & in doctri-
 nis quæ utraq; lingua traditæ sunt, Rodolfus Agri-
 colæ, Ioannes Capnio: & episcopus Vangionū, uir
 nobilis, cancellarius, Ioannes Dalburgius. Hos cū
 sēpe audiret Princeps ordine recitantes seriem re-
 gnorum Chaldaeorum, Persarum, Græcorum et Ro-
 manorum

manorum res gestas ex tempora distribuentes: petiuit sibi ab eis componi Epitomen Monarchiarū; & Mundi historiam ordine distribui. Id opus ex Græcis & Latinis scriptoribus collectum, gratissimum fuit ab aucto tuo. Simile opus in Chronico Cartionis institutum est: sed uellem Cartionis libellum aliquanto locupletiorem esse. Id fieri à p̄ceptore tuo optimè posset, aut certè à Iacobo Rungio, cuius oratio refert elegantiam & nitorem Iulij Cæsar. Bene & feliciter uale, illustrissime Princeps. Calendis Ianuarij, Anno 1555.

Francisco Vinariensi, Philippus Melanchthon S. D.

Iucundissima mihi fuit significatio gratitudinis tue, quam in proximis literis ad me scripsisti. Etsi enim mea erga te officia minora sunt mea a voluntate (nam & amo ingenium tuum, et ornare semper studio) tamen hunc animum tibi probari gaudeo. Ac cætera quidem beneficia leuia & uulgaria fuerunt: sed si sermonū, & filiorum & sententiæ communicationem de rebus maximis, de religionibus, Rebus pub. licetis, denique de omnibus uitæ officijs magni aestimas, fateor me tuo iudicio delectari. Nā & significatio fuit amoris summi ac ueri, consuetudo illa. Et existimo te ex ijs sermonibus et actiōib⁹, cum intentionis uitæ meæ totius & negotio rugi

rum omnium spectator essem, non minus uera doctrinæ hauiisse, quam ex illis ingentibus bibliothecis jurisconsultorum: præsertim cum me non solum libri in umbra erudierint, sed usus etiam: qui interfuerint maximis rebus, quæ in meam ætatem inciderunt in Germania: Et cum ingeniosissimis hominib. uer sati, cum insidiosissimis conficiati sumus. quoties ueteres res gestas et euentus ex omni antiquitate collectos repetiuimus, non solum ut diuinaremus de exitu, sed etiā ut remedia cōquireremus? Quām multa de cæteris Reipublicæ partibus disputauimus? Quām multa præsagia nostra meministi? Ac spero te ad omnes uitæ partes instructiorem esse factum ijs nostris sermonibꝫ qui non solum ueras de religione, deq; artibus sententias audiueris, sed etiam formam atq; ædificiū Reipub. me monstrante contempiatus sis: quæ principum uirorum sint uoluntates, quæ consilia, quæ in maximis rebus gubernanais moderatio adhibenda sit, quo præcipue bonis uiris omnia consilia dirigenda sint. In hac tanta philosophia et si me meo pede metior, Et intelligo quācum ab huius generis artificio absimilarent tantum uersari me * tu ipse testis fuisti mihi, ut ipse sapiens historicus ait, τὰ ταῦτα μᾶλα παιάνια. Quare latus fui, te hanc consuetudinem nostram magni facere. Spero autem cum in cæteris rebus, tum in hoc genere cōstat e rationem officiorum,

rum, quæ in amicitia requiri debeat: teq; perspe-
 xisse singularem meum erga te amorem ac fidem.
 Qua de re interdum mecum expositulant nostri li-
 belli, quos in aulam emisimus. Etsi nos quidem non
 authores huius consilij sumus, sed principi p̄ cui-
 mus: s̄epe tamen mihi peccasse uideor, qui nō fui in
 te retinendo in schola pertinacior. Quo me animo
 esse putas, cūm perspicio in quas te procellas, in
 quæ pericula coniecerimus? Etsi enim fortasse de-
 siderio tui sit, ut illa me moueat uehementius: tamē
 non difficile est iudicare, quantum pr̄sertim in no-
 stra Repub. sit periculi. Ego uero cum animo intue-
 or nostri principis aulae οὐχιστρ, prouinciam ma-
 le affectam, ualde perturbor. Tum uero toto corpo-
 re cohorresco, cum ea colligo, quæ impendere ui-
 dentur. Habet principem satis magno & honesto
 ingenio pr̄editum, sed s̄ep̄ morose & suspiciose iu-
 dicantem, noui & nolvis reprehendētem, nūi πράγματα
 εἰδηντα εἰφ' αὐτῷ ωστὸν οὐκίας νέφη. Fata
 etiam me terrent, quæ denunciāt μεταβολή τινα.
 Sed orādus est Deus, ut eum gubernet & defendat.
 Nam me ista cogitantem s̄epe, delectant diuina o-
 racula, quæ testantur principes Deo curae esse: si-
 cut ait David, Qui das salutem regibus. Desino
 itaq; de principe dicere, quo tamen nihil habet au-
 Li humanius aut melius. Reliqui omnes inuident, et
 insidiantur. Nostri illud uetus: Vigilandum eſſe, mul-

tæ insidiæ sunt bonis. Qægoties in curiam ingredēris, et illum confessum uides, qui sanè esse debet, ubi de summis rebus deliberationes habentur, considera quām multos numerare possis, qui non sint in te hostili animo. Quæ autem possunt esse ueræ deliberationes cum socijs aut stultis, aut infidis? Scis enim quid requirat Diomedes, οὐδὲ Ἰλὺς ὁ προφήτης. Longum fuerit, si uelim persequi omnia. Et hæc tempora, propter religionis controuersias, multo plus habent maximorum periculorum: quæcum arate mitiganda essent, multorum consilijs fiunt atrociora. Vidisti enim nuper in conuentu nostrorum, quò spectent cæterorum hominum uoluntates. Iam isto loco decet te non tantum tibi cōsulere, sed Ecclesiæ, Reipub. et patriæ. Sed quid potes, ubi non est locus moderatis consilijs? Et quidem Ecclesia, ut ægra corpora, molliter fouenda erat mitissimis remedijs. non enim patitur asperiora illa φρεσκανæ. Hæc pericula omnia cum colligo, quo me animo esse arbitraris? Si te à portu soluere * à sœuissimis tempestatib. uidisse, profectò retraxisse te omnibus uiribus. Itaque reprehendo meam facilitatem, quòd tibi, cùm illos fluctus Reipub. aggressus es, non obstiti uehemētius. Quod igitur reliquum est, oro Christum, ut et Rempub. defendat: et mentem tuam regat, ut Reipub. fœliciter consulas, ut te seruet in columem. Te quoq; adhortor, ut Deo te commendem, mendes,

mendes, qui cùm imperia cōstituerit ipse, nō est des-
futurus gubernatorib. Rerum publicarū, si ab ipso
opem implorent. Hac me cōsolatione, unā cum sum-
mis periculis sēpe sustētaui. Hacc scripsi ad te pro-
lixius, quadam adductus amoris abundātia, ut scias
mihi gratam fuisse commemorationem uoluntatis
tuæ, & haberetis uicissim mē erga te benevolentie
pignus. Scio te natura ad humanitatem institutum,
& optima disciplina assuefactum: intelligere quo-
que, amicitias uirtutis causa constanter colebas es-
se. Quare nō dubito te benevolentiam erga me cōser-
uaturū esse. Ego uicissim amore meū erga te sum-
ma fide cōseruabo. Atq; utinam amicitia nostra a-
liquid opis possit Reipub. adferre. Veni Vuiteber-
gam, Lutheri literis accersitus. Nondum ullas de re
Britanni cum nostris deliberare cōperunt. Heri mi-
hi narrarunt, se ordine de singulis articulis doctri-
næ asturos esse: & ualde contendunt, ne discedam.
Nimium amant λεπτολογίας. Lutherus amāter nos
complectitur, & eorum comitate adhuc quidem de-
lectatur. Quæso te significa mihi, quem teneas lo-
cum, & qualia uideantur esse auspicia huius auli-
ci curriculi: & asperge aliquid de Rep. Bene uale.

D. Pontano Philippus Melan-
chthon S. D.

Etsi spero te ad nos breui redditurum esse: tamen
cum

icum mihi nuncius oblatus esset, duxi mei officij es-
se, ut aliquid ad te scriberem, ut extaret apud te ali-
quod specimen studiorum meorum. Dei beneficio
bene ualemus omnes, et rogamus Deum, ut tu quo-
que saluus & incolamis domam redeas. Nihil no-
bi: tua salute prius aut gratius esse potest. Noui ni-
hil habeo, nisi quod audio hic recudi historiam Pa-
pe, qua Papa à Gallo exceptus est: et aiunt D. Mar-
tinum addere quasdam annotationes. Christus ser-
uet te, optime & charissimo pater. Bene uale.

Philippe Gluespies Philippus Me-
lanchthon S. D.

Vtimam aliquam possem afferre leuationē mœ-
rori uestro. Nam existimo te, cum morte honestissi-
me matrone socrus tue, cum uero non minus esse
perturbatum luctu uiri optimi. Sed nota sunt uo-
bis consolationes propositae Christianis. Et quam-
quam lugere piū est: tamē & illud præcipit Deus,
ut dolorem moderemur. Itaq; te quidem, mi Philip-
pe, oro, ut animum erigas, & dolori resistas. quod
ex eo etiam magis facere debebis, ut sorori dolore,
quibus poteris modis leues. Christus adsit uobis, &
uos uerbo & spiritu suo consoletur: quod profectō
faciet, si animos uestros ad istius uerbum
referetis. Bene ualete.

m. 2 Reue-

Reuerendo uiro, egregia pietate & doctrina prædito, D. magistro Ioanni Snelgio, pastori Ecclesiæ Heidensis in
Ditmarsią, amico suo,

S. D.

Reuerende domine Pastor. Ex literis ad magistrum Ioannem Turstenium missis intelleximus, cum ad docendam Ecclesiam istuc accersi. Cum autem Turstenius promiserit se seruiturum Ecclesiæ in hac urbe, et studia eius iuuentur stipendio à Duece Saxoniæ: nos comperimus, Turstenium nō posse hoc tempore hinc migrare. Quia uero cupiebamus Ecclesiæ uestræ consulere hoc nostro iudicio, fuimus hortatores magistro Ioāni Anglo, ut ad uos proficisceretur. Vir est eruditus hic magister Ioannes Anglus, ex recte sentient de doctrina Ecclesiæ Christi, nec ullis prauis opinionibus infectus. Et scimus eum magna ingenij dexteritate præeditū esse, quam ornat honestissimis moribus. Et cūm sit pacis publicæ studiofissimus, erit in collegarum concordia diligens. Propter has egregias uirtutes, sperramus eum utiliter seruiturum Ecclesiæ Dei, ubi cuncti concionabitur. Hoc ipso tempore in hac uicia inuitabatur ad cuiusdam Ecclesiæ gubernationem. Sed tranquillitatis causa ad uos profici sci maluit. Pronunciationi aliquid condonabis initio, quam tamē cōsuetudo cum uestris hominibus emendabit.

dabit. Nostro et N. cōsilio perpulsus est, ut hoc iter susciperet. Et nos bono & simplici studio propter utilitatem uestræ Ecclesiæ ad hoc iter eum hortati sumus. Anglus est, sed inter Germanos diu uixit, & iusticia & fide & constantia in omni officio tanta præditus, ut dignus sit, quem omnes boni ament & adiuuent. Quare te etiam atq; etiam oramus propter Christum filium Dei, ut hunc hospitem amanter complecti, & tuis ciuibus commenda-re uelis, ut ei functionem Ecclesiasticam commen-dent. Plurimum prodest in Ecclesijs, concordes es-se collegas. Id cum optimè intelligat hic Ioannes, & cum ipse natura sit amans pacis, summo studio tecum communem tranquillitatem tuebitur. Maxime igitur tibi optandum est, ut talem collegam habeas. Bene uale: die 18 Septembris, 1543.

D. Valentino pastori Ecclesiæ Dei in Do
bell, Philippus Melanchthon

S. D.

Venerande uir: Deum aeternum patrem Domini nostri Iesu Christi, conditorem generis humani & Ecclesiæ suæ, oro, ut idoneos ministros in messem suam extrudat: sicut nos petere filius Dei iufsit. Nos etiam conferamus cōsilia in querendis idoneis uiris, qui & doctrinam recte teneant, & modesti sint. Quare cum ad me scripsisset uir ueneran-

m 3 duc

dus pastor Ecclesiae Dei in oppido Oschitz, in Ecclesia tua diaconum desiderari: ac petivisset indicari talem virum, cuius eruditionem et mores probarem: misi ad uos hunc Philippum Salzungensem, auditorem nostrum, quem sape audiui in scholis. doctrinam Ecclesiae recte didicit, et mores eius sunt modesti. Sed tamen uestro iudicio et arbitrio de eo statuetis. Nam ego non plus mihi sumo quam decet. Tantum indicare aliquos rogatus soleo, et addere testimonia. Ac Deum oro, ut ubique Ecclesias protegat, seruat ac regat. Bene uale, Anno 1547.

Viro optimo ex equestri ordine, D. Ioanni Iordanu Hertzheimero, in aula principis Moguntini degenti, patrono suo,
Philippus Melanchthon

S. D.

Non existimo parum uideri gratum aut memorem, qui sero gratias agit: cum in animis perpetua gratitudo esse debeat: tametsi mox decreueram rescribere, postquam accepi unam cum tuis literis munus illustrissimi Principis. Sed forte accidit, ut hic meus nuncius tunc, ignorant me, nescio quoniam profectus sit. Itaque primum hoc te oro propter tuam humanitatem, ut banc meam moram boni consular: deinde, ut eam apud illustrissimum Principem excuses. Valde enim prestare cupio, ne me hominem ingratuum

ingratum esse iudicet. Quanquam enim libellum
non misi hoc consilio, ut flagitarem aut̄ alios: ta-
men hoc nomine praecepit mihi gratum est Prin-
cipis munus, quod inde coiecturam facio, neq; eum
hostili aduersus me animo esse: neq; ei ualde inscri-
ptionem, aut illam meam in Praefatione commemo-
rationem, in qua studium pacis in eo praedico, dis-
plicuisse. Meministi autem me tibi permettere iu-
dicium, utrum putares libellum exhibendum esse.
Nunc postquam beneficio tuo ad Principem perue-
nit, peto abs te, ut inchoatum beneficiū perficias:
ac Principi illustrissimo meis uerbis reuerenter a-
gas gratias, primum quod meum officium nō sit a-
spernatus: deinde etiam pro amplissimo munere mi-
hi misso, quod quidem ego ita accipio, tanquam sin-
gularis erga me benevolentie ipsius testimonium.
Utinam uero scriptū ipsum sapientissimo Prin-
cipi placeat, aut certe uoluntas mea. nam res ipse
non sunt perpolite, ex pro dignitate satis ornatae.
Etsi hoc spero me consecuturum esse, ut causam ad
pietatem maximè necessariam melius intellecturi
sint lectores. Hoc enim profectò egi, ut ambigentes
ac dubitarites animos sanarem, non ut accenderem
ac magis inflammarem discordias. Vetus hæc Ec-
clesie consuetudo est, subiucere scripta iudicio Epi-
scoporum. Neque ego quicquam edidi unquam, de
quo non uoluerim permettere iudiciū doctis ac bo-

nis. Nullius uero iudicium malum subire, quam tui
 Principis, cuius prudentia in omni genere perspe-
 cta est uniuersæ Germaniæ. Sed tristi ac sae-
 uo quodam temporum fato accidit, ut criticos ha-
 beamus non ipsos Episcopos, sed alios quosdam ex
 uulgo homines indoctos, stultos, crudeles, qui reli-
 giones omnes suauiter irrident: eamq; ob causam
 magna ui obsistunt, ne perferantur atq; cognoscantur
 ea quæ diuinitus tradita sunt de religione. Utinam
 remotis illis pestibus, Principes ipsi iudicium
 de nobis facerent. Sed omitto in præsentia hanc que-
 relam. Tuum iudicium expecto de meo scripto. Spe-
 ro te interim aliquando inspexisse. Mitto tibi Lu-
 theri argumenta in Psalmos, quæ spero tibi summe
 uoluptati futura esse. Nullus enim extat ullius etati-
 sis quamlibet magnus commentarius, qui plus lu-
 cis afferat Psalmis. Et pro talibus beneficijs, quæ
 reddatur auctori gratia ab his qui non desinunt
 Principes ad se uitiam hortari, non ignoras. Sed fe-
 rendum est, et sperandum, ut ille sapientissimus rex
 apud Poetam inquit, οἰστὸν καὶ λαπίστεον. De Po-
 merani scripto nimis acerbè iudicant, qui interpre-
 tantur eum abolere baptismum. Cum autem con-
 stet ex alijs ipsius libris, et perpetua consuetudine,
 nihil cum de baptismo alienū docere à pietate, aut
 communi Ecclesiæ consuetudine: inciuite est, exag-
 itare unum atq; alterum uerbum obscure scriptū.

Pollicetur

Pollicetur tamen se uelle huic offensioni mederi in altera editione, quam nunc adornat, et tollere uerba quæ aliquid uisa sunt habere incommodi. Ego ut eius sententiam penitus cognoscerem, questiones propemodum ut sit in foro ei prescripti: ad quas disertè respondit. Bene uale, et rescribe. Pridie Epiphaniæ, Anno 1533.

Leonhardo N. consiliario ducis Bauariae, Philippus Melanchthon

S. D.

Etsi non dubitabam, uir clarissime, quin cum ad excellentem sapientiam et doctrinam adiunxiſſes summam humanitatem, meas literas non grauatum accepturus eſſes: tamen in tantis occupationibus non existimabam teipſum reſcripturum eſſe: præſertim cum meae literae uerecundiores eſſent, quam ut id officium flagitare auderent. Cum igitur opinionem meam uiceris, facile perſpicio non ſolum humanitatem tuam, ſed etiam ſingularem quandam erga me benevolentiam. Itaq; literae tuae mihi gratiſſimæ fuerunt, in quibus cum iudicium de ſtudijs Philosophiæ, tum optimam uoluntatem de mitigandis diſſidijs Ecclesiasticis coniunxiſti: quibus de rebus ad me non ſolum pro tua excellenti prudētia grauifimè, ſed etiam ornatè ſcripſisti. Diſcam enim uerè quod ſentio. Fuit hoc nomine iucun-

m s dior

dior epistola tua, quod animaduerti literas abs te
ex umbra & palestra in medium Reipub. lucem
educi, easq; ad administrationem Reipublicæ adhi-
beri, quod nō solum tibi, sed ipsis literis gloriosum
est. Responderem autem cum ad reliquias epistole
tue partes copiosius, tum uero præcipue de Ari-
stotele, nisi habenda mihi esset ratio tuarum occu-
patiōum: et erit huic argumēto aptior locus in pu-
blico scripto. Verè enim iudicas plurimum inter-
esse Reipublicæ, ut Aristoteles conseruetur in ma-
nibus discentium. Nam profectò sine hoc authore,
non solum retineri pura Philosophia, sed ne qui-
dem dicendi aut discendi ratio iusta poterit. Per-
tinet autem etiam ad uestrum ordinem, prouidere
ut simplex et utilis discēdi ratio cōseruetur. Quod
uero non desinis me ad illustrandum Aristotelēm
hortari: et si antea scripsi me non satis ad rem tan-
tam instructum esse, et impedire quosdam, molien-
tes hoc opus, perturbatione temporum: tamen ut
intelligas me uoluntate atq; animo non abhorrere
ab hoc studio, edam auspicio nominis diuini repur-
gatum Quintum Ethicorum, in quo uidebis quan-
tum habitura sit res difficultatis, si quis uelit lumē
adferre exilibus Aristotelis sententijs, easq; ad u-
sum in una Republica transferre. Audi enim quid
mihi acciderit. Consilium Aristotelis de distribu-
tiua Iusticia nunquam intellexi: ac multa mihi ob-
streperant,

strepebant, donec totum illum locum animaduer-
ti ex quinto de Legibus Platonis sumptum esse.

Hic primum uidi, quid spectauerit Aristoteles: qui
quidem solet lectissimas sententias ex Platone decer-
pere, & in methodum conferre. Nam cum alij ine-
ptè hunc locum de pœnis intellexerint, hic longè
aliud agit. Omnia personarum discrimina in uita
publica et priuata, in imperijs, in magistratibus le-
gendis, in familijs, cōstitui uult geometrica propor-
tione, ut efficiatur inter tyrannidem & democri-
tiā salutaris generi humano mediocritas: hoc est,
ut plurimum ualeat optimorum autoritas. Hanc
mediocritatem uinam synodus in Ecclesia efficere
possit, ut uidelicet sapientum & bonorum consi-
lio & uulgi temeritas & aliorum crudelitas co-
herceretur. Sed quò delabor, uelut oblitus in-
stitutæ breuitatis? Etsi adscripti liberè, ac tanquam
familiariter tecum confabulans: quòd statuebam, ti-
bi homini doctissimo non ingratam esse hanc ex
schola sumptā orationē. Cum autē intelligas, horū
studiorum conseruationem eos qui ad gubernacu-
la sedent in Republica complecti debere: te oro, &
propter ipsum decus literarum, & propter Reipu-
blicæ salutem, ut tua consilia, tuam authoritatem
ad hoc conferas, ut studijs tranquillitas moderatis
consilijs restituatur. Quia in re præclarè de uniuersa
Ecclesia, deq; omni posteritate mereberis. Est
etiam

etiam magno uiro digna uirtus, homines doctos periculo liberare : qui cum cœlestia dona conservarunt in terris, sintq; (ut ait Plato) τῶν θεῶν ἐπεινεύται, recte existimantur Deo curæ esse. Bene uale.

Viro optimo D. Ioanni Reineck, cui
Mansfeldensi, patrono suo, Philip-
pus Melanchthon S. D.

Cum uos propter eximiam uirtutem uestram plerique hic amemus plurimum, magnum dolorem concepimus ex interitu honestissimæ matronæ coniugis uestræ : præsertim cum cogitaremus eam tali tempore extinctam esse, cum uobis in his publicis miserijs aliud nullum esset solatium, quam dulcissima consuetudo cum coniuge & liberis. Itaque & morte ipsius, & luctu uestro ualde perturbatus sumus. Quare D. Martinus, pro suo summo erga uos amore, statim duxit ad uos scribendum esse. Ego uero et si sciebam in me non esse tantum autoritatis, quanta opus esse ad uos cōsolandos iudicabam: tamē addidi meas literas, ut studium meum & optimam uoluntatem uobis declararē. Scio autem uos & prudentia & grauitate præditos esse. Deinde ita instructos doctrina Christiana, ut quibus ex fontibus consolationes petendæ sint optimè perspicacis ipsi. Etsi enim pium & honestū est dolere mortem

tem honestissimæ coniugis (nam & Deo placet
haec charitas erga nos tristis, ut inuiti ab illis diuella-
mur, et eorum incommodis afficiamur.) tamen etiam
illud Deo placet, ut moderemur dolore. Sicut Pau-
lus non uetat nos lugere: sed uetat sic lugere, ut gen-
tes lugent. Non colligam, quantæ sint huius uitæ
miseriae, quantum præsertim in his temporibus im-
pendeat calamitatum: ut mors etiam optanda ui-
deatur, uelut portus aliquis in quo acquiescamus. Il-
lud tamen rogo ut consideretis, quod Christus ait:
Ne passeres quidem sine Dei uoluntate uitam amit-
tere. Debemus autem obedientiam Deo. Quare
cum certum sit, Dei consilio et uoluntate exempta
esse ex his æruminis coniugem uestram: non decet
uos uehementius Dei uoluntati repugnare. Dein-
de nos qui Christum agnouimus, meminerimus nos
omnibus afflictionibus obnoxios, & ueluti uicti-
mas morti destinatos esse. Non competit nobis san-
ctissimus uictimæ titulus, si recusamus subire affli-
ctiones. Scitis & illud, nos oportere similes fie-
ri imagini filij Dei. Quare cum ipse tanquam horribi-
les afflictiones nostra causa pertulerit, præstemus
ei uicissim hoc officium, quod requirit, ut modera-
te feramus ipsius exemplo eas calamitates, quibus
ecclesiam suam exercere uoluit. Iam hoc uo-
bis magnam consolationem adferre debet, quod in
agnitione Dei & erecta fide hinc discessit, ut ue-
rè.

re sperare possumus eam consecutam esse aeterna
 gaudia cum Christo, ubi iterum una uicturi estis,
 & inter sanctos fruemini illa aeterna et uerè iucun-
 da consuetudine. Postremò Christianos scire de-
 cet, ex peccatum esse, frangi dolore, & irasci iudi-
 cio Dei, & repugnare uoluntati eius. Has ego mihi
 consolationes in multis meis casibus proponere so-
 leo, quas scio uobis notas esse omnes. Quare non
 scribere uolui prolixius. Collegi autem eas bre-
 uiter, ut meum uobis studium ostenderem. Iubet e-
 nim Paulus, ut doleamus cum dolentibus. Et uale-
 re aliquid in Ecclesia, mutua fratrum cōsolatio de-
 bet. Ideo rogo ut meas literas boni cōsulatis, uosq;
 pro uestra sapientia & pietate erigatis, ex dolo-
 ri resistatis: & cogitetis nos Christianos non ad hu-
 ius uite delicias, sed ad acerrima certamina uoca-
 tos esse. neq; tamen defuturum nobis Christum, qui
 ait: Non relinquam uos orphanos. Aderit & ipse
 nobis, cum uerbo ipsius nos sustentabit, & eriget.
 Bene & feliciter ualete. Anno 36.

Illustrissimo & fortissimo viro, Tarno-
 uio, capitaneo Cracouiensi, &c. Phi-
 lippus Melanchthon
 S. D.

Pergratum mihi fecit Ioannes uetus amicus,
 quod in conuentu Ratisbonensi, quo me fato for-
 tas

tassis aliquo in certamine de doctrina Christiana
 cum non leuibus conflictantem curis adiit. Sensi e-
 nim ipsius congressū, et dulcissimis sermonibus, me
 diocriter animum defessum recreari. Cūm autem
 de patria, et de hac sua militia, in qua nunc uerfa-
 tur, ea mihi narraret, quæ fortè requirebam: sēpe
 euæ rerum series ad tuas res gestas ac uirtutum ha-
 rum prædicationem deducebat. Quia oratione cīem
 delectari me animaduertisset, hortator mihi fuit, us
 ad te scriberem. Gessi morem homini amico, præ-
 fertim cūm affirmaret literas nostras non ingratas
 tibi fore. Ego cūm de naturæ humanæ imbecilli-
 tate et inconstantia cogito, sēpe omnium in Euro-
 pa gentium historias animo reputo, ac collapsa im-
 peria, fractam uirtutem plurimorū deploro. Græ-
 cia, quæ olim domicilium erat uirtutis et liberta-
 tis, nunc barbarica seruitute oppressa est. Italia
 non solum uetus imperij decus, sed etiam militiæ
 studia amisit. In Germania, extincta ueteri discipli-
 na et grauitate, qui nunc sunt clari duces? Hæc
 cum cogito, mirari soleo gentem Henetam, quæ et-
 si antiquitate cæteris antecat omnes, nondū effœta
 tot seculis, gloriam rei militaris et regni decus in-
 ter florentissimas nationes tuetur, ac perpetuò cla-
 risimos duces gignit. Qyām longa series esset, si
 inde usque ab Antenore, aut Telepho, aut Stilico-
 ne, gentis Henetæ duces usq; ad Casimiri regis et a

tem

tem recensere uelim? Gratulor igitur perpetuā felicitatem genti uestræ, quæ nunc quoq; uirtute & ducum gloria cæteras nationes antecellit. Nemini enim hoc tempore duci Tarnouio anteferre possumus. Huius uictoria celebratur, & propter magnitudinem rerum gestarum, & propter utilitatē. Nam hic unus custos esse huius partis Europæ aduersus Scythicam barbariem existimatur. Hoc decus & reipublicæ Christianæ & tibi gratulor: & opto, ut Deus rerum conditor te seruet, & uocet aliquando ad res gerendas maiores, ac liberandam à Turcica barbarie & tyrannide uniuersam Europam. Ad hanc rem cum opus sit regum opibus & concordia, ei omnes uota faciat, ut Deus regum animos excitet, ut tot gentiū Ecclesiæ tegere armis, consilio, & iunctis uiribus tandem uelint.
Hec ad te scripsi, ut meum studium tibi declararē. Nam cum arma uestra bonarum rerum doctrinam defendere debeant, uicissim decet ordinem nostrū uiros fortes amare & colere. Ego uero in primis uestræ gentis præstantes uiros amo. Quare me uicissim ut complectaris, te etiam atq; etiam oro.
Bene & feliciter uale: Ratisbonæ, 9 Iulij. 1541.

Episcopo Cantuariensi S. D.

Reuerendissime presul. Ex Osiandro, uiro optimo, & mihi ueteri amicitia coniuncto, & ex multis

tis alijs bonis et doctis uiris intellexi, te p̄eclaram̄
doctrinæ laudem cum eximia pietate coniunxisse.
Itaq; s̄epe gratulor Britanniæ uestræ talem Episco-
pum: quales si haberet Ecclesia aliquanto plures,
non difficulter & concordia ortis terrarum consti-
tui, & seruari Ecclesia posset. Cūm autem non du-
bitarem, quin ad ceteras uirtutes humanitatē sum-
mam adiūxisses: duxi tibi cōmendandum esse hunc
bonum uirum, Alcxandrū Alesium Scotum. Is pro-
ficietur in Britanniā, ut exhibeat R. P. T. quod-
dam meum scriptum. Scriptū & R. P. T. me conatū
esse ut & diligenter & utiliter explicarē, & quā-
tum possem mitigarem plerasq; controversias. Sed
iudicium de toto scripto libenter & R. P. T. & si-
milibus uiris doctis & pijs permitto, à quorum iu-
dicio nunquam in Ecclesia Christi dissentiam. Ita-
que si uel studium meum, uel scriptū probabis, ro-
go ut R. P. T. adiuuet hunc Alexandrum, ut Regiæ
maiestati libellū exhibere posset. Cæterū ipsius
Alexandri tanta est doctrina, probitas, & in omni
officij genere diligentia, ut nullam posset ad uirum
sapientē commendationē maiorem quam suam uir-
tutem adferre. Proinde licet uerè sperem te pro tua
prudentia & potestate libenter amplexurum ho-
minem: rogo tamen, si quid literæ nostræ apud R.
P. T. ualēt, aliquid mea causa studij addas ad ea of-
ficia quæ tua uoluntate in eum collaturus es. Iudi-

cium uerò tuum de meo scripto, poteris mihi R.P.
T. per hunc Alexandrum significare. Commendo
me R.P.T.summo studio. Bene ualeat R.P.T.ad il-
lustrandam gloriam Christi. Mense Augu-
sto, Anno 1535.

Reuerendo uiro, eruditione, uirtute, &
pietate uera præstanti, D.N. patro-
no suo cum obseruantia co-
lendo.

Reuerēde Domine: Ut Ecclesia Dei uera tan-
quam orphana, inter hæc imperia mundi intuetur
pios pastores, & ueros episcopos, & ab eis confo-
lationē petit: ita puella nunc domini Pauli filia or-
phana necessario suo tempore, à quo imploraret
auxiliū potius quam à paterno amico, & uerè E-
piscopo? Quare cùm liberalitatem erga eam exer-
ciuistis, pietas uestra Deo grata erit: & pro ea ui-
ciissim Deus his Ecclesijs et politijs bene faciet. Nos
quidem & puellæ nomine, & sponsi, et nostro gra-
tiam habemus: & Deum æternum patrem Domini
nostri Iesu Christi precamur, ut Ecclesijs quæ con-
stant ex puellis & pueris orphanis, defendat' ac re-
gat: & seruet nos & alios pios doctores, tanquam
oleas feraces in domo Dei: nec finat extingui lucē
Euangelij & noticiam Domini nostri Iesu Christi:
sed multorum pectora uerè accendat, ac pia studia
doctrinæ

doctrinæ ac morū disciplinam tucatur, ut ueris laudibus inter nos hac mundi senecta celebretur Deus æternus pater Domini nostri Iesu Christi, cum filio suo & spiritu sancto. Has optimas res Deus impertire solet per ueros Episcopos, quos quidem uocat συνδιάκονος, laboris socios. Quod nam potest maius præconium excogitari, quam diuina uoce dici socium diuini laboris? Veneremur igitur piros doctores, in quorum numero longo iam tempore uos quoq; R.D.V. seruire diuinitus uidemus: & ut diuitius seruiat in domo Dei, optamus. Bene & feliciter R.D.V. ualeat.

Dies nuptiarū filiæ domini Pauli Reualt, ut sint faustæ & felices, faciat Deus æternus pater Domini nostri Iesu Christi.

Clarissimo viro, eruditione, & uirtute præstanti N.N. amico suo charissimo hanc

αἰδελφῷ φιλτάτῳ λαοὶ συμφιλοσόφῳ, Philippus Melanchthon

S. D.

De Cosuiga errauit. Erat enim iter faciendum in Goten, ubi Ascanium de magnis rebus loquentem, uel potius querentem liberè & sine aulicis inuolucris audiui. Dixi etiam de pace & bello, quæ iudicito esse dicenda, coram uobis hos sermones exponam. Ibi etiam audiui à pastore Ecclesiæ, hunc an-

num pariter fuisse fatalem apibus & scholasticis.
Itaque tibi mitto cellulas, in quibus uidebis iacere
mortuas apiculas. Ut enim ē tauro nascuntur apes:
ita nobis ex uictima Christi nostra examina rena-
scantur. Apud Aristotelem est, ἐπὶ τολμῆσαι
πλειάδος γίνεσθαι μέλι. Ergo επιτολή est cosmi-
cus ortus, quo tempore mella ē fauis quoq; eximū-
tur. Atq; utinam etiam habeamus επιτολὴν πλειά-
δος tranquillā. De uersibus nostris statue quod ui-
debitur. Non prohibeo adscribi nomen meum.

Menij epistola sanè tragicè scripta fuit: sed
quod se in suo scripto cum Pontifice dimicasse ait,
optarim alijs armis præliatum esse.

Senatus Norimbergēsis Camerario & mihi ho-
spitium offert. Viti & D. Hieronymi Bomgartne-
ri literas mitto. Ego non minus de te & de collegis
aliquot alijs, quam de me ipso cogito. Sed hæc co-
rām. Chartas operis Meniani mihi mittas. Benc-
uale. Datæ Seruestæ, 19 Februarij, 1547.

Reuerēndo uiro, eruditione & uirtute
præstanti, D. Casparo Crucigero, Docto-
ri Theologiæ, amico & fratri suo charis-
simo, Philippus Melanchthon

S. D.

Et dilexi filiam τογῆν diuinitus insita humanæ
naturæ: & sensum amoris acuit misericordia, post-
quam

quam in tristissimam seruitutem uenit, præsertim cum uiderem multas in ea uirtutes adumbratas esse. Quare postquam ad caeteras calamitates mors immatura accessit, non possum non dolere. Auget etiam mœsticiam recordatio mei errati. Non enim sua culpa, sed mea negligentia in tantas miserias in ciderat. Cum autem quotidie eam ueris gemitibus Deo commendauerim annos decem: & mihi perspicuo testimonio significatu sit, curæ Deo futuræ esse: iudico diuinitus ex hac uita euocatam esse, ut ijs calamitatibus, in quibus fuit: liberaretur. Hæc cogitatio paternum dolorem quasi hebetiorem efficit. Itaq; & Deo æterno patri Domini nostri Iesu Christi gratias ago, quod ostendit se gemitus nostros exaudire, & istam miseram in tranquilliores uitam euocauit. De morbo & sermone morituræ fortassis scribet aliquis, qui planè nōdum oblitus est nostrorum officiorū: ac mittere tabellarium ad N. meo sumptu decreui. Tibi uero gratias ago, quod & nostro dolore afficeris, & lenire eum studeas: à quo tamē me etiam cogitatio publicorū malorum abducit. Nec me tantum excruciant propria belli mala, quæ sunt innumerabilia: sed etiam doctrinæ conclusiones, & interitus literarum. Synodus telam exorsa est ad stabilienda impia dogmata, & habebit applausores principes & theologos ἐπαυγωτείσοντας. In his tantis periculis cum sit

Ecclesia, et manifestum sit sine ope diuina nō posse doctrinæ lucē retineri: hac me spē sustēto, quod nunc cūm destituitur Ecclesia omnibus humanis auxilijs, Deus præsentiam suam ostendit mirandis liberationibus: quod ut nunc faciat, toto eum pectore oro. De refutatione Synodi ualde prodesset nos amanter colloqui. Bene uale. Die 29 Mar-

—tij, 1547. Scruestæ.

Clarissimo! uiro, eruditione, & uirtute, & fide præstanti, M. N. N. amico & fratri suo charissimo Philippus Melanchthon S. D.

Vt initium fuit Ecclesiæ Dei de semine salutari edito post Adæ lapsum: ita σύφρυντος χαρίου annum orditur nobis tempus, quo semen illud salutare ex uirgine natum, et nobis exhibitū est: quod quidem oro ut faciat, ut hic ueniēs annus tranquillus sit, et Ecclesiæ et eius hospitijs et nobis faustus et felix. Sed magnū bellum paratur, quod nisi caput serpentis conculcabitur à semine salutari filio Dei, magnam uastitatem faciet in tota Germania, que sola in terris retinet mediocre decus doctrinæ et disciplinæ. Itaque magno in dolore sum, quem in hac solitudine minus etiam ferre possum. Georgius vocatur Norimbergam, et datur Hieronymo Besoldo stipendum. Ibi etiam collectæ sunt aliquæ nostræ schedæ reliquiæ. Aliquot enim pauperibus

peribus scholasticis nostris hospitium & uictus datur in xenodochio. Et Vitus enarrat Esaiam. Ita cōfugient literē in urbes honestas, desertis regionibus, qui perniciosis tumultibus & Ecclesiās concutiunt, & sua fastigia euertunt. Scriptum Menij absolui: addidi etiam *περὶ οὐρανοῦ μέρη* nescio qualia. Quid enim hoc tempore scribi potest, cūm non tantum supplicia nobis metuēda sunt, ut olim Timaeus ab Agathocle in crucem actus dicitur, & pulsus in exilium Theopōpus. Sed hoc quoq; formidandum, ne irritati scriptis; uel incensi Principes magis in Rēpublicam s̄eu iant. Scis quām s̄epe doluerim incendi eos ab ijs, quos oportuerat frenum iniūcere eorum cupiditatibus. Pagellas adferet meus cur sor, dandas typographo. Bene uale. In ferijs natalitijs, 1547.

Illud quoq; adscribendum esse duxi, quod petiturus eras, ne ligna in ædibus meis absument milites: ne petitio, sine ut lignorum usu frigus arceant, & cibos coquant. Frumentum & uinum tibi commendo, quibus te & sacerum uti uolo.

Reuerendo D. Pastori, & Crucigero, & collegis salutem opto.

Clarissimo uiro, eruditione & uirtute
præstanti, D. N. N. amico & fratri
suo, &c. Phil. Mel. S. D.

Hunc Pancratium Bauarium, honestum & do-

etum uirum, præfecerunt principes Ascanie in loco uicino Seruestæ. Quare ad uos mittitur, ut ueteri ex diuinitus tradito ritu commëdetur ei ministerium Ecclesiasticum. Ut uictimis manus imponebantur: ita et Ecclesiæ ministri simili ritu uocantur, ut meminerint se esse uictimas. Simus igitur patratis animis ad ærumnas ferendas: et tamen speremus, cum diuinitus nobis impositæ sint manus, nos sustentari auxilio diuino, et tegi manibus Dei. Reliqui in ædibus tuis candelabrum et pixidem, quæ sum usus in spargenda arena madentibus chartis. Hæc asserues nobis, aut huic Pancratio adferenda tradas. Bene et feliciter uale.

Affidebat hæc scribenti D.I.C. qui heri aduenit cum principe Georgio. Coniugem et familiâ suam misit Arnstadium, ut inde mittat Norimbergam. Fortè enim Daschium inuenit Mersburgum, cui familiam adiunxit. Hodie dicitur huc uenturus Marchio Elector.

Nostræ filiolæ Catharinæ emito βανχιὰs placentulas in myropolio.

Clarissimo viro, eruditione & uirtute
præstati, P. Ebero, amico & fratri suo charis.
Philipp. Melanchthon

S. D.

Sentio acriores dolores in hoc tristi spectaculo
partus

partus coniugis Erasmi: quām sentiebam, cum nunciari mortem filiae audirem, quæ mihi fuit charior uita mea. Nondum liberata est periculis Erasmi cōiunx. Et mulieres aiunt fœtum in alio extinctum esse: qui si eximi non non potest, matris mors certa & atrox impendet. Deum æternū patrem Domini nostri Iesu Christi oro, ut mitiget priuatas et publicas miserias. Non est extrema malorum mors: sed hoc genus mortis multo tristius est ipsa morte. Coniungite uota uestra cum nostris. Bene & feliciter uale. Die quo Lazarus in uitam reuocatus est, ut nunc Paschatis tempora numeremus 1547. Seruæstæ.

Optimo viro Georgio Spalatino, amico plurimū colédo, Philippus Melanchthon S. D.

Scis hæc tempora, Spalatine optime, in primis ferrea esse pauperibus scholasticis, quos oportebat foueri à Principibus & à Rebus publicis. Sed cùm à potentioribus negligantur, nos, sicuti possumus, eos iuuemus. Hic Coburgensis adolescens N. N. bono ingenio præditus est, & in Academia quadriennium iam uersatus, ac in literis bene promouit. Audiuimus nescio à quibus, in uicinia uestra desiderari alicubi scholarum moderatores, aut hypodidascas. Si alicubi potest ei nidus inueniri, rogo ut eum adiuues. Bene uale, 3 Decembris, Anno 43.

n ' 5 D. Geor-

D. Georgio Spalatino M. Ioannes
Marcellus S. D.

Hic adolscens aliquandiu usus est disciplina mea, ubi cognoui eum singulari diligentia uersari in studijs literarum, et moribus optimis preeditum esse. Neque uidetur ei deesse ingenium ad grauiora, quibus olim Reipublicae uel Ecclesie praesidio esse possit. Nam postquam a me discessit, egregiam accessionem suis studijs fecisse uidetur, et pietatem et doctrinam religionis Christianae colit ex animo. Sed quoniam prae egestate diutius hic aegre potest hæc rere, rogauit me, ut se tibi commendarem. Nam audiuit apud uos interdum uacare conditiones scholasticas: in quibus se cupit exercere, si daretur occasio. Et nouit ipse, eximiam esse de tua doctrina et pietate opinionem, non tantum apud me, sed etiam apud magnos uiros. Itaque mallet, si forte locus dare tur, apud uos in schola seruire, quam alibi. Peto igitur illius adolescentis causa, ut, si potes ei esse adiumento, ut consequatur scholasticam conditionem alicubi apud uos, commendatum esse finas. Ac omnino confido, te rectissime collocaturum in eo beneficia tua. Spero enim eius ingenium et modestiam usui fore aliquando Reipublicae uel Ecclesie. Et quoniam tanti te facit, ut debet et solet, spero te ex eius erga te obseruantia et gratitudine olim dignum fructum percepturum. Ego certe, si eum iuxteris,

iueris, magnum cumulum accepisse putabo ad ea
beneficia, quibus iam olim abs te sum affectus. Es
ego fatus tua erga me humanitate, cum adhuc es-
sem apud Mutianum Gotthæ, libentius nunc ad te
scripsi. Bene uale. Pridie Augusti. Anno 1542.

D. Leonhardo Fuchsio medico, Phi-
lippus Melanchthon S. D.

Et propter ipsam rerū noticiā, & propter po-
steritatem, gaudeo crescere tuos hortos, longè a-
mōiores & utiliores Hesperidum hortis. Quis e-
nim non lætetur rerum naturam fieri notiorē, cu-
ius consideratio mentes ad uirtutē & philosophiā
flectit, et multa uitae præsidia ostendit. Erudient au-
tem & posteritatem hi tui horti, quia plantarum
nomēclaturas & figuras optima fide tradis. Qua-
re gratiam & tibi Respublica debet, & paſim bo-
ni & prudentes hunc tuum honestissimum labo-
rem laudant. Etsi autem optarim eum candorē ef-
fe ingeniorum, ut bene meritis honos haberetur, et
πάτισματα sine liuore & sine male dictis emenda-
rentur: tamen uetus est illud,
ἢ οὐαὶ γενέ λανὰ βαπτίσης αλλάζοις.

Vidi libellos contra te editos, & ingemui, ut
puellæ flosculos in hortis decerpunt, & sine odio
certant inter se, ut quilibet suæ coronæ thoros ue-
nustissimè distinguat & ornet: ita nos in collatio-

ne herbarum decuit. Ego diu iam, et si multi aduersus me scripserunt, tamen respondi nemini. De re dixi, quantum uel necesse fuit, uel potui in ijs locis, ubi explicatio instituta fuit, sine mentione ullius antagonistae. Et hac philosophia perpetuo utar, ac iudicium prudentibus relinquam. Te etiam adhortor, ut cum iudicijs multorum intelligentium tuum opus quibus probetur, acquiescas: neque mouearis, si qui Momi pagellā unam atq; alteram taxat, nec cum eis certes uerborum contumelijs. Valegium Cordum, Cordi filium, ingeniosum iuuenem, & in inquisitione totius naturae mirè diligentem amissimus. Nam Romæ scribunt mēse Octobri mortuum esse. is de tuo opere sēpe honestissimè loquatur. Mortem eius uerioribus lachrymis deploramus, quam Bionis interitum deplorat Theocritus. De Cordo enim uerius illa dici possunt:

πῦρ ὑδατίθετε λεῖτα τὰ γράμματα, καὶ πλέον οὐδὲ.

Multas naturae partes adhuc ignotas, si uixisset, erutas ostendisset. Tu nequaquam in Italiā te attrahi sis. Ne quidē si, ut ad Artaxerxē Hippocrates uocabatur, amplissimis promissionibus inuitarere.

Ioachimus Lypsiæ feliciter instaurauit Academiam ~~θεῶν βούληστρος~~. Cum autem difficile sit patrifamilias sepe mutare sedem, non arbitror nunc quidem ad uos redditurum esse. Sed de suo consilio scribet ipse. Bene & feliciter uale. Die natali filij Dei,

qui

qui dies cum annum ordiatur, ex animo Ecclesie
Dei et eius hospitijs, et tibi et tuæ domesticæ Eccle-
siae, annum tranquillum, faustum & felicem opto.

Reuerendo viro, eruditione & pietate pre-
stanti, domino Georgio Buchholtzero,
docenti Euangeliū in Ecclesia Dei in ur-
be Berlina, amico suo charissimo,

Phil. Mel. S. D.

Reuerende uir & amice charissime: Venit huc
tabellarius ducis Vuirtebergensis Caspar Schubart
Cygneus, modestus homo, qui attulit Brentianam
declarationem, in qua ostendit Brentius nomina-
tim, quas corruptelas Ofiandri improbet. Mittam
uobis exempla, ubi descripserimus. Idem nūcius e-
pistolam habet scriptam ab illustrissima cōiuge du-
cis Vuirtebergensis, ad illustrissimam sororem, ut
mihi quidem uidebatur foris assidenti inscriptio-
nem. Iussi igitur nunciū ipsum istuc proficiisci: quia
hoc genus literarū singulari diligentia et fide exhibi-
endum est. Petetis etiam responsionem: omnino
gratificandum est mutuae pietati sororum. Me ha-
cenus impediuit editio Locorū doctrinæ Christia-
næ Germanica, quò minus Stancaricā responsionē
absoluerim. Sed nunc rursus eam in manib. habeo.
Exempla Locorū uobis mittam, cùm typographus
absoluerit. Nunc mitto alium libellum, non uestra

I. A. n.

Lectione dignum, sed tamen ostendentem nostros labores in hac scholastica gubernatione: quam ut Deus adiuuet, toto eum pectore oro. Snepius copiose mihi de Mediatore scripsit: et defendit idem, Mediatoris et intercessoris officium non esse unius tantum naturæ proprietatem, sed personæ, secundum utrang; naturā. Sed hæc alias copiosius. Quæ so ut per hunc tabellarium respondeas. Bene & feliciter uale. Dic & quinoctij uerni, Anno 1553.

Venerādo uiro, eruditione & uirtute præstanti, domino Georgio Buchholtzer,
præposito Ecclesiæ Dei in urbe Arctoa,
amico suo charissimo, Phil. Mel.

S. D.

Venerande domine Georgi, hunc nuncium misi ad uirum clarissimum dominum doctorem Hieronymū: qui an sit Berolini, aut Francofordiæ, nuncio meo indicabitis. Literas autem, si quas mihi uolueritis mittere, huic tabellario tradite. Nos nihil noui habemus, nisi rediisse Ducem Saxonie Mauritium Electorē, et adducere Magistrū Theutonicū, ut uocant, ut cōducantur equites. Sermones hominum nō obscuri sunt de bello Helveticō, et de bello Saxonico. Deus reddat miseræ Germaniæ pacē. Bene ualete, et rescribite. Salutem reuerenter opto uiro clarissimo, domino Cancellario, Die Nicolai.

Eidem,

Eidem.

Venerande domine Præposite, & amice charissime: Spero ingenium magistri Ioannis Birnſtil utiliter seruiturum esse Ecclesiæ Dei. Ideo eum duci Megalburgensi commendauī: ac Deum oro, ut ministerium eius gubernet. De tempore autem profectionis magistri Ioannis, quid scribat Dux, intelligetis ex ipsis Ducis literis: quas unā cum meis, ut exhiberi ei curetis, uos etiam atq; etiam oro. Nam ad uos ideo misi, quod nesciebam ubi ipse magister Joannes Birnſtil in urbe uestra querendus esset.
Nec quēquam in ciuitate uestra chariorem habeo,
quām uos: ex uiciſſim me à uobis diligi existimo.
Quæſo igitur, ut hoc negociū, quod quidem ad Ecclesiam pertinet, curetis, & mihi rescribatis. Si iam iter ingressus est magister Ioānes, uxori literæ Ducis tamen legendæ erunt, ac deinde ad ipsum mittendæ. Quæſo etiam ut mihi significetis, an Sabinus exhibuerit illustrissimo principi Friderico & uobis meos libellos. Pro uestro munere uobis ago gratias. Principi Friderico et uestris filijs mitto pægellas de Ecclipsi. Bene ualete, die 3 Nouembris.

Eidem. *

Reuerende uir, & charissime frater: Scio te hominem officiosum libenter amicis gratificari. Ideo ad te mitto literas Sabino inscriptas, & libellū: & te

te oro, ut ad Sabinum per nunciū fidelem fortè oblatum, sine tuo sumptu mittas. Hæc scripsi in urbe Brandenburga; quò filias Sabini ad uisendā auiam adduxi. Spero autem uos accepisse exempla nostri libelli: in quo si cætera non placuerunt, spero tamen placuisse Latinam adhortationem de cōcordia. Quanquam et de cæteris iudicia uestra cogno scere cupio. Et admonitiones uestras libenter audio. Utinam in Ecclesia amanter alij alios monerent, sicut scriptum est: Docete et emendate uos mutuò. Bene uale. Die septimo Decembris, in arce Brenni.

Eidem.

Reuerende uir, et amice charissime. Illustriſi mo principi Electori Marchioni respōſionē meam mitto de controuersia Stancari: et oro, ut uos ipſi exhibeatis illustriſimo Principi, uel exhiberi curretis per magnificum dominum Cancellarium, aut ornatiſimum uirum dominum Thomam. Orabitis etiam, ut mihi uenia detur, quòd tardius mitto. Legerunt alij, et comprobarūt, sed subscriptiones nō petiui: quia nolui alijs attrahere certamina cū Stan caro, homine ualde maledico. Scripsit de me episto las plenas arrogatiæ et crudelitatis, cum nunquam à me læſus sit. Sed mei labores Deo et multis bonis uiris noti sunt. Non moui diſidia: sed cūm eſſet magna opinionum confusio, quæſiui explicationes ue

ras et simplices, quæ intelligi possent, de toto cor-
pore doctrinæ. Stancarus quid sentiat in uniuersa
doctrina, nondum scimus. Bene et feliciter ualete,
et curate mihi rescribi tantum hoc, ut sciām an sint
exhibitæ mæ paginæ. Iterum ualete. Die primo
Augusti.

Eidem.

Venerande et charissime domine Georgi. Mit-
to illustrissimo principi Electori, Marchioni Ioa-
chimo, quasdam nostras deliberationes, quas oro ut
ei mox exhibeatis: et mihi significetis, an sint exhi-
bitæ. Potestis eas et uos legere, et spero uobis et
omnibus pijs, qui legent, placituras esse. Bene uale-
te, et rescribite. Die Dominico, 13 Decembris, An-
no 45.

Venerando uiro, eruditione et uirtute pre-
stanti N.N. pastori Ecclesiæ in
Tangermunda, fratri suo
charissimo,

S. D. Venerade domine, et charissime frater,
intelligo senatum Brandenburgensem de te uocando
ad gubernationem suæ Ecclesiæ deliberare: ac à me
petiuit, ut tibi hortator sim, ut ad ipsos commigres.
Nihil mihi potentiae sumo, sed opto ut uicina Eccle-
sia feliciter regatur. Et spero te in urbe Brandebur-
ga utilius Ecclesiæ seruiturum esse. Nobis quoque
propiorem te esse opto. Scriberem plura, nisi nun-
o cius

cias festimaret: & meas occupationes nosti. Bene
& feliciter uale. 22 Ianuarij.

Magnifico D. Rectori, magistris ac docto-
ribus Academiæ Francofordianæ ad O-
deram, &c. Philippus Melanch-
thon S. D.

Apud Xenophontem Cyrus cum proponit edi-
cturi, ut agricolis parcatur, addit causam: Quia in
ipso etiam belli incendio perficiendum sit, ut quam
minimum sit belli. Id suo quenq; loco imitari decet.
Etiam si cōcutiuntur imperia, cuius rei multæ sunt
causæ: tamen interim quædam foederare religionis et
naturæ seruari oportere sciamus. Diligamus Eccle-
siam, ubique est: diligamus cognatos ubique
sunt, & eis leniamus ærumnas. Ita in ipso bello mi-
nus erit belli. Id cum ab illustrissimo Electore
Marchione factū sit in hoc bello, qui et lenire mala
publica studuit, et tanquā Nestor inter duces paci-
ficator fuit, et priuatim multis opem tulit, uirtus e-
ius præcipua laude digna est. Ego quoq; & publi-
co & meo nomine ei gratias ago. Deinde quod &
Academia uestra exemplū sui Principis imitatur,
ac mihi in hoc exilio desert hospitium: uobis etiam
pro ista erga me benevolentia gratias ago. ac leua-
tionem mearum miseriærum magnam fore ducerē,
si contingere in illa frequenter fortissimorum ui-
rorum,

rorum, qui omnium artium cognitionem comple-
xi sunt, uiuere. Cumq; nondum certam sedem ha-
beam, aliquāto pōst de mea uoluntate ad illustris-
simum Electorem Marchionem ex ad uos copio-
sius scribam. Nunc accersitus sum Vitebergam, ut
de tabulis nostri naufragij deliberemus, & ratio-
nes quædam referendæ junt. Adsum etiam editioni
quarundam lucubrationum, quas multo antè pro-
pter utilitatem adolescentie institui. His absolutis,
fortassis peregrinatio in alia loca suscipienda erit,
quam ut Deus gubernet oīo, ne studia doctrinæ ex-
tingui finat. Sed seruet tum alias Academias, in qui-
bus rectè inuocatur: tum uero uestram, quæ in his
regionibus nunc unica domicilium est cœlestis do-
ctrinæ & integræ philosophiæ. Bene ualete. Calen-
dis Augusti, Anno 1547.

Reuerendo uīro & iuritate præstanti, do-
mino NN. pastori Ecclesiæ Dei in incly-
ta urbe Breſia, fratri suo charissi-
mo, S. D.

Reuerende uir & charissime frater, ex debeo
& habeo gratias Senatui uestro, pro benevolentia
erga me: tum uero etiam pro uino misso: teq; oro,
ut meis uerbis reuerenter Senatui gratias agas. Mit-
to tibi duo exemplaria disputationis, et si nuper u-
nūm ad te misi, quorum alterum dabis Secretario

O 2 Senatus

Senatus uestri. Nunc adest illustrissimus princeps archiepiscopus Meideburgensis. Aulici narrat, dum Henricum Brunsvicensem duxisse exercitum ad N. urbem. Bene uale, & rescribe. Quarto Maij.

Cuidam amico.

Sepe audiuisti, gratitudinem esse uirtutē compositam ex duabus præcipuis uirtutibus, ueritate & iusticia. Veritas agnoscit & fatetur, unde sit acceptum beneficium: iusticia reddit aliqua officia. Quod igitur prædicas beneficia, quæ in te contulit Sabinus, uideo te amare & præstare gratitudinem, quam uult Deus intelligi & coli, ut ipsius beneficia agnoscamus, & ipsum celebremus. Sabino ego tuo nomine hic gratias egi, & tuas literas ipsi monstraui. Ei te charum esse, ex ipso intellexi. Is tibi nulla in re defuturus erit. Vale, & rescribe an has literas acceperis. Id officium pro meo officio reddito. Patri tuo, uiro optimo, mitto pagellas, quas cures ipsi exhiberi. Die Marci.

Viro optimo, domino Iohanni Spanbergio, amico suo,
S. D.

Si Leonardus uester expectasset nostrum reditum, & de ipso & de negocio matrimoniali ei literas dedissem, Nam ipsi Leonardo opus est tua admonitione,

monitione, ut diligentius discat doctrinam Christiam. Mira est iuuentutis negligentia, in his tantis rebus cognoscēdis. Sed nos, ut si quos possumus, excitemus, de causa matrimoniali respondimus. Ambroſio gubernāti ſcholam, mittam hypodidascalos. Bene Vale, 14 Septembris.

Prætantissimo domino Ioanni Span-
genbergio, docenti Euangelium in
Northusa, amico ſuo,
S. D.

Doleo exortum eſſe diſſidium inter te & unum collegam. Neque dubito quim ea res magnopere te exerceat, intelligentem quantum officiat gloriæ Euangeliſ fama diſſidiij, et quos ludos præbeat aduersarijs. Colligerem autem omnia quæ arbitrarer ad te conſolandum prodeſſe, niſi ea tibi nota eſſe statuerem. Multum in huiusmodi ſcandalis me cōſola tur, quod scio eſſe aevæynœ liænœ, quæ diabolus excitat odio Euangeliſ, ut deterreat homines à doctrinæ genere: & ut nos quoq; frangat, ne doceamus. Itaq; te contra has diaboli inſidias erigere debes, & ingēti animo deſpicere has offendiones: et tam ratione etiam atq; arte mederi. Facilè uincet aduersarium, ſi diſſimulatis iniurijs pergas docere ea quæ & utilia ſunt conſcientijs, & ornant gloriā Christi. Hoc enim doctrinæ genere retinentur au-

ditoria. Tuus aduersarius rixabitur de puerilibus il-
lis spectaculis conseruandis, aut ulciscetur suos affe-
ctus. in concionibus, rem facit indignam isto loco.
Non diu habebit populi studia. Ac si qui ei applau-
dunt, uidentur abuti eius impudētia. Incitant enim,
non quia eius causam probent: sed quia iuuat eos,
quod Euangeliū male audiat propter hanc dissen-
sionē. Christus te gubernet, ut fortiter feras has of-
fessiones. Bene uale, 1533.

Clariss. viro, egregia eruditione & pie-
tate præstanti, D. Ioanni Spangenber-
gio, pastori Ecclesiae Northusanæ,
domino ac amico suo uene-
rando, S. D.

Mitto tibi epistolam illustrissimi Ducis Prussiae,
in qua te ad gubernationem schole recens constitu-
te muiat. Arbitror enim doctoris medici predica-
tione te ei commendatum esse. Et profecto tua uir-
tus digna est fauore bonorum principum. Etsi arbi-
tror te istic ab Ecclesia retineri, quæ antea etiā mi-
grationem breuiorem deprecata est: tamen literas
misi, ut deliberes, quid ex re tua esse ducas: ac mihi
per fortuitum tabellarium quam primum poteris,
respondeas. Princeps uult me hortatorem esse su-
scipiendo huius muneris, & optarim ei scholæ bene-
consultum. Sed tua etas & familia quid ferre que-

et,

at, considero. Tibi igitur deliberationem integrām
relinquo: teq; oro ut rescribas Principi, ac mihi li-
teras mittas, simulq; tuam sententiam signifiques. Sa-
lutem opto collegæ tuo Antonio, cuius silentium
perpetuum miror. Bene ualete, & Nouembris.

Reuerendis uiris, eruditione & uirtute
præstantibus, Ioāni Spangebergio & col-
legis ministerij Euangelici in Isle-
ben, amicis suis charissimis,

S. D.

Reuerendi uiri, ex amici charissimi. Optarim
ad nos missum esse aliquem ex collegio uestro, cui
corām exponere totam seriem actionū illarum po-
tuisse, de quib. scribitis: sed ipsa aula nobis testis
esse potest, nobis non probantibus inserendum esse ar-
ticulum de oleo & unctionibus. Et scimus conse-
crationes oleorum, que extant in libris Episcopo-
rum, impias, & magicis similes esse. Id semper in de-
liberationibus à nobis dictum est, & constanter di-
ctum est. Illi autem qui articulum de oleo inserue-
runt, corrigi hæc dicebant: quia addiderunt, Re-
motis omnibus superstitionibus. Et in fine diser-
tè dicitur, Reliquos esse aliquos articulos nō conci-
liatos, de quibus cum Episcopis deliberandum sit,
si has Ecclesias uelint regere. In his nondum conci-
liatis articulis numerari necesse est & illas conse-

o 4 cratio-

crationum & unctionum absurditates. Intelligantur ergo non comprobatae, sed ad illam deliberationem reiectae. Sed decebat esse magis ingenuam orationem * diceris: stylus indicat, non esse illa scripta ab uno. Nos, Deo iuuante, uocem Euangelij incorruptam docebimus, & in nostra confessione semper sonabimus. Pagellas uestras uobis remitto. Bene ualete. Die 13. Ianuarij.

Reuerendis uiris, eruditione & uirtute præstantibus dominis, Ioanni Spangenbergio gubernanti ecclesiæ Dei in comitatu Mansfeldensi, & pastoribus, & cæteris eorum collegis, amicis suis,

S. D.

Reuerendi uiri, & amici charissimi: Orat filius Dei in agone suo, ut æternus Pater Ecclesiæ cōsensum tueatur, ut unum simus in ipso: ut uerba, quæ extat in ea narratione, recitem. Nec est irrita illa filij Dei precatio. Semper erit aliquis coetus custos, ueræ doctrinæ consentiens. Legi uestram deliberationem, quam iudico & piam, & cum nostris sententijs cōgruere. Etsi autem multi Ecclesijs nostris minitantur, et profectò horribilis crudelitas in Suevia exercetur: tamen nec ueræ doctrinæ corruptelas unquam recipiemus, nec uitiosos cultus approbabimus. In alijs rebus adiaphoris, seruitutē qualibet duram tolerabimus. Nec propter leues causas occasio-

occasionē præbendam censemus ijs, qui pellerē pā
stores conantur. Qua de re cūm à multis interroga-
tisimus, scripsi quid mihi uideatur. Quanquam
autem scio, quibusdam horridiores sententias ma-
gis placere: hæc magna causa est cur seruitutem to-
leremus, ne fiat in Ecclesijs solitudo, qualis iam in
multis locis est ad Rhenum et in Suevia. Nulli sunt
congressus, templa muta sunt, nec baptismus qui-
dem in templis: trucidantur, rapiuntur aliqui, &
coniuges aut filiæ. Nec magistratus ulli opem fe-
runt suis pastoribus. Quidam etiam gaudet eos ex-
cuti. Cūm igitur uideamus quo in periculo sint non
tantum docētes, sed etiam ipsæ Ecclesiæ, hoc est pijs
cœtus, tantisper donec piè possumus, manere apud
Ecclesijs studeamus, etiam si tolerāda est aliqua ser-
uitus, quæ tamē sit sine impietate. Oremus autē fi-
liū Dei, ut ipse nos gubernet, et penas mitiget. Nō
humanis cōsilijs aut uirib. retineri lux Euāgelijs in
genere humano potest. Sed Dei opus & beneficiū
est, tanti boni cōseruatio. Ab ipso igitur petamus et
expectemus auxiliū. Bene ualete. Die 23 Ianuarij.
Reuerēdo uiro, eruditione & uirtute pre-
stanti, domino Ioanni Spangebergio, pa-
storī Ecclesiæ Dei in oppido Eisleben, &
gubernanti uicinas Ecclesijs, ami-

co suo, S. D.

Reuerende uir, & amice charissime: Meministi

o 5 conf-

consolationem, quæ extat in Esaiæ concionibus, ubi
inquit Deus: Ego Ecclesiam condidi, ego gestabo
eam, etiam in senecta, & canescētem. Et quo maior
senectæ infirmitas, eo magis ipsam curæ esse Deo
speremus. Talibus consolationibus, ut te in hoc tan-
to dolore tuo erigas, ualde te adhortor. Etsi au-
tem video qui terrores nobis proponantur: ta-
men spero filium Dei, Dominum nostrum Iesum
Christum nobis adfuturū esse, inuocantibus ipsum,
& moderatè necessaria faciētibus. Vestram delibe-
rationem cum nostris sententijs congruere iudico,
qua de re in altera Epistola scripsi prolixius. Be-
ne & feliciter uale. Die 22 Ianuarij.

Venerādo viro, eruditione & uirtute præ-
stanti, D. Cyriaco Spangebergio,
amico suo, S. D.

Reuerendum uirum, eruditione, pietate & om-
nibus uirtutibus præstantem, patrem tuum, domi-
num Ioannē Spangebergiū, & propter ipsius mul-
ta ornamēta, et quia fidelis et salutaris doctōr fuit,
dilexi, & ueneratus sum: & amicitia nostra spero
in æternæ Ecclesiæ consuetudine fruemur. Etsi au-
tem extant eius monumenta, & memoriam ipsius
posteritas in Ecclesia retinebit: tamen gratitudi-
nis est nostræ, talia de ipso scripta iuuentuti pro-
ponere, qualia & antè de bene meritis edidimus:
quorum

quorum studia, mores, labores recensuimus ut honesta exempla. Puto te legisse epicedion & orationem de Crucigero. Itaque uellem isthic à D. Mencelio conscribi Epicedion, et à uobis narrari ei domesticam consuetudinem in studijs, precatione, & similibus exercitijs: quae si sciremus, curassem multo antè hic aliquid scribi. Publicos labores nouimus: sed ego libenter & quedam domestica exempla adspingo. Bene uale, et salutem dicio meis uerbis fratri & Mencelio. Die 16 Augusti, Anno 1550.

Reuerendo uiro, eruditione & pietate præstati, domino Ioanni Spangebergio,
Episcopo & pastori Ecclesiæ Dei in Isleben fidelis amico suo colendo,

S. D.

Reucrende uir, et amice charissime: Magna consolatione pijs proposita est in disto Psalmi: Generationi rectorum benedicetur. Hanc uocem dulcissimam in hac tua senecta intuēs, filios tuos honestos et eruditos, sœpe cogitato: ac Deo gratias agito, qui tue senectuti tales filios donauit. Nos libēter ei doctrinæ testimonium tribuimus, & loco ornauimus natu maiorum, ut uirtus etiam ipsius meretur. Nec depones benevolentiam erga nos tuam, propter falsos clamores quorūdam, qui calumnias contra nos spargunt. Ipsi filij tui testes erunt, nec doctrinæ uocem,

cent, nec ritus in hac Ecclesia mutatos esse. Vicini libertate urbis contra nostras Ecclesias, & contra ue teres amicos immodecē abutuntur. Vos oro, ut con iunctionem nostram non sinatis distrahi. Die 15 Februarij.

Renerēdo uiro, eruditione & uirtute prēstanti D. Ioanni Aepino, episcopo Eccle-
siæ Dei in inclyta Hamburga, Phi-
lippus Melanchthon

S. . D.

Reuerende uir, & amice charissime. Quanquā publica mœsticia facit, ut sensus in priuatis doloribus sit hebetior: tamen in omnibus bonis ingenij nativa & cogitacione minimè lentos motus ciet. Quare nō dubitamus, te propter mortem honestissimæ coniugis tuæ magno in dolore esse. Nos quoq; cum ex literis uenerandi uiri Magistri Ioannis Garcæi intellectissimus, eam superatam doloribus partus extinctam esse, ualde augeri mœsticiam nostram propter tantum charissimi amici uulnus sensimus. Cum enim et uirtutib. omnibus quæ piæ matronæ cōue niūt excelluerit, et cōcordia inter nos perpetua, et cōsuetudo plena pietatis et suauitatis fuerit: et iam communi cura & amore liberi educandi essent, & tua ætas et ualeatudo iam hanc uitæ sociæ necessariò requireret, magnas doloris & desiderij causas te habere

habere cogitabamus. Miserabilior etiam hic inters
 tus eo uidetur, quod partus laboribus oppressa est.
 Itaq; et si coniugis tuae causa etiam dolemus, eam à
 te & à liberis auulsam esse: tamen uulnerum in
 tuentes, singulari dolore adficiuntur. Cumq; absen-
 tes non possumus alijs officijs tibi mederi, decurri-
 mus ad hoc remedium, quod omnium efficacissi-
 mum est. Dominum nostrum Iesum Christum, fon-
 tem & instauratorem uitæ oramus, ut te spiritu
 suo sancto consoletur, & seruet incolumem Eccle-
 siæ tuae, domesticæ & publicæ. Oramus etiam, ut ti-
 bi liberos seruet incolumes. Scimus autem te non so-
 lum nosse omnia quæ diuinitus ad consolandam Ec-
 clesiam tradita sunt, sed etiam uera fide amplecti.
 Cum igitur certissimò statuas, nec nasci nec extin-
 gui nos casu: & tuam coniugem iam frui cœlestis
 Ecclesiæ consuetudine, in qua rursus eam comple-
 cteris, & cum ea de sapientia Dei colloquérис, cu-
 ius elementa à te didicit: habes mœsticiæ uera reme-
 dia. Vult Deus ut & doleamus, & ut desiderio no-
 strorum adficiamur. Sed uult simul, ut moderemur
 dolorem, & flectamus animos ad obedientiam ipsi
 debitam, præsertim cum lætissimos exitus Ecclesiæ
 proposuerit. Meminimus quendam amicum mor-
 tuo filio, cum in magno dolore esset, fortè in itine-
 re, in recenti luctu incidit in psalmi locum: Ipse fe-
 cit nos, & non ipsi nos. Hæc ipsa commonefactio
 de

de prouidentia ita penetravit in animū, ut diceret,
fuisse in corde suo diuinam quandam flammam su-
bitō, cūm hoc dictū legeret: ac postea mediocriter
quieuit. Nec uero dubitamus, quin tibi exercitia fi-
dei talia & nota et usitata sint. Quare speramus, te
intuētem in uniuersam doctrinam coelestem, repu-
gnare dolori: et tecum et cum tuis liberis Deum o-
ramus, ut tibi adsit, & te regat et seruet in columē.
De alijs disputationibus nihil nunc scribendum es-
se duximus: & quidam inclementius nobiscum a-
gunt, cum quidem iniuriam nostris Ecclesijs faciat,
& non ignorent nos de rebus magnis certamina su-
stinere acerrima. Bene uale. Die 10 Iulij, Anno Do-
mini 1549.

Clarissimo & integerrimo viro, pruden-
tia & uirtute præstanti, domino Michae-
li Meyenburg, amico suo charissimo,
Philippus McLanchthon

S. D.

Hanc epistolam scripsi die festo, quo memoria
publicè ascensionis filij Dei, quam multitudo ma-
gna eius temporis spectauit oculis, celebratur. Co-
gitabam igitur de dulcissimis consolationibus, que
eo die leguntur. Sedet filius Dei ad dextram æterni
Patris, dans dona hominibus. Dabit igitur & no-
bis dona, inuocatibus eum; descendet, & seruabit Ec-
clesiam

clesian. suam. Mitto igitur partem meæ supellecli-
lis, quam quæso ut in ædibus uestris reponi sinatis:
uel si quod mihi cōductum est tuguriolū, cō trans-
ferri mandate. Bene & feliciter ualete. Die ascen-
sionis filij Dei in cœlum, Anno 1547.

Venerunt huc duæ boni & docti uiri ex Flan-
dria, qui narrabant se propter pietatem & studiū
doctrinæ Euangelicæ deseruisse uitam monasticā,
cūm fuissent Franciscani. Erant autē nudi & egeni:
quare eis aliena liberalitate opus est. Si lingua su-
periore utcunq; loqui possent, ambobus hic condi-
tiones in aliquibus Ecclesijs curassemus. Sed quia
eorum linguam populus nō intelligit, alterum tan-
tum retinuimus, cui uictum in Academia curabi-
mus. Alterum ad uos mittimus: teq; propter Chri-
stum rogo, ut eum excipias, & ei aliquē nidum cu-
res: poteris, opinor, in uestris Ecclesijs eius indu-
stria & labore uti. 15 Septembris, Anno 1548.

D. Philippo Gluëspies, de studijs optimè
merito, Philippus Melanchthon

S. D.

Tanta fuit uirtus, tanta prudentia, & in omni
officio moderatio, ac temperata humanitate graui-
tas in socero tuo, ut suspicerent & amarent eum
omnes boni, quibus notus fuit. Ego itaq;, et si pro-
pter beneficia quæ in me contulit, plurimum de-
bebam:

belam: tamen ad eum inuitādum multo magis admiratione uirtutis ipsius rapiebar, quæ erat excellens in omni genere. Pectus erat plenū pictatis, & ardebat studio Euangeliū Christi. Deinde ingenuitas summa erat: cumq; omnes longè uinceret prudentia & diligentia, tamen à telis & sophistica longè aberat, & ueritatem in omni sermone & actione lucere uolebat: nec morum æquitatem in alijs maiorem uidi, et illam mediocritatē, in qua coloco Aristotelis decus. eminebat in eo singularis grauitas, quæ tamen sine morositate erat: irant atque odia moderabatur ita, ut quanquam acer, minimeq; leuis esset, tamen affectibus suis nunquā laxaret frenum. At mihi non raro uenit in mentem, cogitanti de ipso, tales fuisse Lælium & Atticum, quorū hoc genere moderatio maximè prædicatur. Quid cætera? Rempublicam norat optimè, & ornat & defendebat magno suo cum periculō. Familiam gubernabat singulari comitate, ac patro animo suos omnes amplectebatur. Quare uiciissim ab omnibus ut pater amabatur. Liberalitatē exercevit erga Rempublicam, ciues inopes, et præcipue scholasticos egentes. Et ut uita erat castissimā, ita sermo planè nihil habebat obſcœnitatis: nec in secundis rebus inſolescebat, aut exultabat, nec frangebatur aduersis. Etsi cū uidisset in Republica nohas tyrannides institui, proſpiceretq; magna bre-

rum

tum mutationem, non leuiter angebatur eius animus: sed tamen ipse erigebat sese, & non incumbebat dolori, occurrebatq; illis malis singulari prudentia. Talem uirum quis non doleat extinctum esse: hoc est, quis non lugeret eius interitum, tanquam publicum damnum? Quare, mi Philippe, magnū dolorem socii tui mors mihi præcipue attulit.

Cumq; ad cæteras meas miseras, quib. hoc tempore duriter exerceor, etiam hic luctus accesserit, qui nobis diuinitus & in eruditorum disputationibus proponitur: cumq; de morte socii tui cogito, tuā etiam uicem doleo: uenitq; in mentem, quantū oneris accedit ad cæteras tuas curas & ærumnas. Es autem consolari te debebam: tamen plura scribero hoc tempore nō poteram. Et tibi nota sunt ea quæ in Sacris literis tradūtur, et in Philosophia. Illa autem una sententia maximè consolari debet, quod scimus homines nō casu nasci, aut extingui: Deoq; euocati ex hac statione parendum esse. Deinde sperare debemus, socerū tuum iam uersari in illa æternā sede, cum Christo, bonis angelis & sanctis. Cæterum quorum consuetudine & sermonibus * descessi ex hac uita, magis delectātur quam ullis rebus humanis, nec lōgo interuallo nos præcedit. Bre

uiter iterum eo fruemur, & fruemur iucundius quam antea. Vale, 20 Iulij,

Anno 1538.

P Egregia

Egregia pietate & uirtute prædito, D.
Hieronymo Vuellero, Doctori Theolo-
giæ, amico suo, Philippus Melanch-
thonii S. D.

*Etsi Ecclesiæ causa longissimam uitam bonis do-
ctoribus optare debemus: tamen obtemperandū est
uoluntati Dei, si quem hinc tanquam ex statione e-
uocet, atq; abducat: præsertim cum illos sciamus uo-
cari ad immortalitatem, qui sustinent curam &
laborum docēdi Euangeliij. Ego quidem cogitans de
morte Nicolai, sic sum affectus, ut si quando in pa-
triam dimitto amicos. Horum enim discessus ex de-
charitate patriæ me admonet, & cupiditate quadā
accendit me proficisci in loca iucundiora. Sic
mors bonorum & piorum admonet me de expe-
ctanda immortalitate: ac desiderium in me exusci-
tat, unā cum illis in illam æternam sedem ac lucem,
in qua sine peccatis, sine errorib. sine caligine Dei
sapientia fruamur, proficisci. Quare te quoque
adhortor, ut animum à luctu abducas, et iam de ad-
iuuanda Ecceſia uestra cogites. Ut in acie milites su-
perstites non decet frangi animo, si quos uident an-
te se extintos esse, sed ut in eo rum succedant uesti-
gia: sic nos non deseramus traditam functionem: et
precemur Deum, ut nobis adsit. Scis Christum Do-
minum nostrum resurrexisse, ut nos qui ipsum in-
uocamus gubernet: ascendit in cœlum, ut dona det
homini-*

hominibus. His cogitationibus ut animum erigas, te
etiam atq; etiā obtestor. D. Martinus aberat, cūm
tuae literæ adferrentur: postea non potui occupa-
tum ad scribendum hortari. Saluta Dominum Pat-
lum. Bene vale.

D. Vuenceslao Lynco, Doctori Theo-
logiæ, Philipus Melanchthon

S. D.

Misit huc ad Principem nostrum dux Geor-
gius, exemplum cuiusdam epistolæ à te scriptæ, ac
uidetur uehementer iracundus authori. Id tibi si-
gnificantum duxi, ut cauтор esses in posterum in
* aduersandis literis huius generis. Plena sunt om-
nia fucatis amicis, quoru simulatione uide ne alijs
in rebus decipiāris. Miror quis sit, qui hanc episto-
lam nō ueritus est ad Georgium perferre. Tu suspi-
cari facile poteris. Neq; enim ignoras, cui ad trans-
scribendū dederis. Inde ratiocinari cætera poteris.
Queso te signifiques mihi, per quos tam latè pro-
pagatam esse hanc epistolam existimes. Vale, ex
Buciano.

D. Ioanni Pomerano Philippus Me-
lanchthon S. D.

Valde gratam rem mihi fecisti, quòd ad me tam
diligenter de rebus tuis scripsisti. Ego uicissim scri-

p 2 berem,

berem, si quid haberem, quod magnopere te scire arbitrarer. Primum redij ab inspectione Ecclesiostica. Permisit enim nobis Princeps, ut paucis tantum præfecturis in Thuringia perlustratis, domum rediremus. Ego mallem reclam ad uos: sed retinent hic me negotia scholæ. Utinam locus propior Vitebergæ electus esset, in quem recessissent adolescentes. Nunc enim cum iam procul peregrinandum est, fit ut dilabantur scholastici, & multis ex præceptoribus non fuit commodum tam longinquam peregrinationem suscipere. Commendasti mihi quendam adolescentem: is mihi curæ erit. non desunt occasiones prospiciendi bonis uiris. Sed ego deinceps neminem mittam quóquā, nisi auditum à me. Non enim credis quām inepta multi doceant: tam male imitantur optima scripta à Lutherò & alijs bonis uiris edita. Ego cum primum potero, rebus hic aliquo modo cōstitutis, proficiscar ad uos: neq; enim meos liberos tam iuuat uidere, quām uos. Vale.

Reuerendo uiro D. Vuenceslao Linco, uicario Augustanæ professionis, suo patrino, Philippus Melanchthon

S. D.

Reuerende Pater: Temerè accidit, cur plura non potuerim scribere. Pater noster charissimus uiuit. Ex priore audies, quæ mihi comperta sunt. Tu uidc,

de, ne tui sis unquā diſsimilis. Dicitur parari proscriptio horrenda: sed hoc ipso fortasse neruus rumpetur, ut solet. Ante quadrantem horæ accepi literas ex Norico: dicūtur signatæ chartæ proscriptio-
nis circiter bis mille, miss.eq; ad Oenipontem: sed senatum Cæsarianum ibi nolle publicare, ne uulgas irrideat. Tu confortare, & esto robustus. Orabis pro me, qui certò tuus sum ex animo. Vale.

Iacobo Micyllo Philippus Melan-
chthon S. D.

Cum polliceretur se Princeps scholam confir-
maturum esse, uidebam nobis in primis opus esse a-
liquo, qui non infeliciter carmen conderet, ut ad il-
lius imitationem se comparent adolescentes elo-
quentiæ candidati. Nam mihi quidem de nullo disci-
plinarū genere rectè iudicaturus uidetur, qui Poe-
ticen non attigit: videoq; in soluta oratione frigere
eos, qui non degustarunt poeticen. Porrò genus
uersuum tuorū semper amavi. Quare de te accer-
fendo diligenter agebam, cupiebamq; ea in re pu-
blicis literarum studijs consulere, quibus in hac fre-
quentia scholæ nonnihil opis adferri posse arbi-
tror. Nam scholæ tuæ Francfordianæ sufficerit ali-
quis plebeius lector. Verè iurare possum, hoc unū
in consilio esse, cur te in Saxoniam redire tantope-
re non cupiam. Vides autem, optime Micylle, quo

in discrimine fuerint nostræ literæ, nisi summa ope
à tuisimilibus defendantur. Quare te iterum, quic-
quid possum, per hoc rei literariæ studium rogo, ut
si honestè queas, commigres ad nos. Nam quod ex-
cusas, uereris te, ut sib ad prælegendum satis tempo-
ris.* magna facultas, uercundè tu quidem. Sed nos
iam non tam prælectionis causa te accersiuimus,
quam ut tua consuetudine formarentur hi, qui ad
poeticen idonei sunt. Nam satis prospicis consilium
nostrum. Si queri uubeas professore, qui sophisti-
co more uulgo suam garrulitatem ostentet, & uoi-
uēlia τῶν τοιστῶν. Et quanquam uideam istud
tuum genus solutæ orationis propter subtilitatem
ad docendum, & Scholas appositum esse: tamè hoc
agimus, ut habeat iuuētus, ad cuius exemplum uer-
sus adsuefaciat facere. Eobanus Norimbergā acce-
situs, satis honesta conditione: alioqui huc inuita-
semus. Cæteræ disciplinæ habet tolerabiles profes-
sores in hac urbe: sed mihi tota Schola sordebit,
nisi tui copia cōtigerit. Sine igitur abs te Remp. im-
petrare, ut operam nobis tuam addicas: & cum te
Reipublicæ nomine uocamus, puta cœlesti aliqua
uoce uocari ad honestissimam prouinciam. Vale.

Ioanni Riuiio Philippus Melan-
chthon S. D.

Accepi literas tuas ad 16 Calendas Martias, quas
legi

legi libentissimè, plenissimas amoris, humanitatis
& officij. Itaq; me plurimum tibi debere iudico,
quòd in tantis occupationib. tuis, tamen etiam ami-
citiae nostræ rationem habendam ducis, mihiq; tam
amanter respōdes. Feceris mihi autem gratissimū,
si crebrò ad me scripseris. Sentio enim me pluri-
mum ex literis tuis proficere: quarū elegantia tan-
ta est, atq; puritas, ut exemplum earum mihi imi-
tandum maximè putem: & facilius uideor mihi hu-
iusmodi exempla quam uetera effingere. Neq; uero
tantum ad orationem prosunt, sed moribus etiam
conducunt. Præscribis enim mihi præcepta de om-
nibus officijs huius & tatis honestissimis, in quæ pro-
fecto incumbam omni animi cogitatione et studio.
Nam autoritas tua plurimum apud me ualeat meri-
tò. Quare te quantum possum oro, ut institutā scri-
bendi confuetudinem conserues. Etsi autem in hoc
genere non paruam tibi possum referre gratiam,
seu, ut Poeta scribit, * ἀτω τῷ μέτρῳ: tamen polli-
ceor, me si quo officij genere potero, olim declara-
turum esse, hoc tuum beneficiū mihi fuisse gratissi-
mum. Neq; committam interea, ut in scribēdo des-
derari in me officium possit. Vidi hic Bembi quos-
dam Dialogos de Terentio: qui si tibi ignoti sunt,
significes uelim mihi. describā tibi exemplum, pro-
pterea quòd, cùm optimum authorem in delicijs
babcas, arbitrre te omnes omnium eruditorum si-

ue annotationes siue disputationes de eo et studio:
se inquirere, et legere libenter. Quantū autem Bem-
bo tribuant hoc tempore studiosi Latinæ linguae,
non ignoras. Præter huius Bembi libellum hic nihil
habemus nouorum scriptorū, quod quidem aut non
uideris, aut non sine molestia uidere possis. Vale.

Guilielmo Reiffenstein Philippus

Melanchthon S. D.

Nepotes uti cupiebant ad te proficisci, quia hic
formidabatur Anglica pestis, quæ peruagata est fe-
rè totam Saxoniam. Dimisi itaq; eos non inuitus.
Tuum erit, efficere, ne studia prorsus intermit-
tant. Scio patris fuisse consilium, ut Theodoricum
ablegaret in aliquam decuriam scribarū, ubi disce-
ret usum, qui nunc in admiratione magis est, quam
doctrina. Ego tamen putavi meum consilium tibi
etiam indicandum esse. Talia fundamenta iecit in li-
teris, sic etiam ingressus est in Iuris studium, ut spe-
rem cum cōsecuturum solidam in ea re doctrinam,
si non abstraxeritis eum ab eo studio. Melius et di-
gnitati et utilitati cōsuleret, si præferret perfectam
doctrinam illiterato usui scribarum. Vide quanta
sit discentium paucitas: mihi crede, magno erunt in
precio post solidè eruditii. Hæc scripsi admonendi
tui causa, non docendi. Nihil malo, quam ut hæc stu-
dia retineantur: quibus amissis, nulla erit legitima
forma Rerum publicarum. Vale fœliciter.

Guiliel-

Guilielmo Reiffenstein Philippus
Melanchthon S. D.

Accepi tuas literas à uobis, de missione Erhardi. Quæsiū igitur uobis aliud paedagogum, non omnino (ut spero) deteriorem Erhardo: est ei nomen Marcellus, & Frācū ex oppido Konigsberg, ac uobis iam diu optimè notus. Mores sunt castissimi & honestissimi, & minus habent Saxonicae ferocitatis. Doctrina in his artibus iuuenilibus, & in philosophia aliquanto, ut ego existimo, maior quam in Erhardo: fortasse minus cōposita est ad ostentationem. Sed hoc non requiritur. Spero itaque uobis placitum eſe hominem, quem quidem inuitus ex schola dimitto. Nondum aliquid promisi Marcello, sed tibi: cum uideritis hominem, liberum erit uobis hominem aut recipere, aut remittere. Bene ualete.

Eidem.

Martinus obtulit mihi tuum munus: quod cum sit amplissimum, nescio quibus uerbis tibi gratias agam. Sic autem effusa erga me liberalitate es usus, ut si me tibi Atticum in nexum obligem, satisfacere pro tot beneficijs nō possim. Nunc aureum hoc munus, me magis etiam obligat. Dabo tamen operam ut intelligas, hæc in hominem gratum & memorem collocata esse. Rhetorici libelli iam exi-

p 5 bunt,

bunt, dedicati tuo nomini: ac spero, si qua est futura posteritas, hos Dialeticos libellos & Rhetoricos in manibus hominum futuros esse. Nam ego non desinam eos expolire: qui qualescumque sunt, tamen omnium in hoc genere scripta aliorum uincunt: quod simplici animo, & apud amicum. Nam aliqui nolim de laudibus aliorum detrahere quicquam. Audio te deliberare de schola tua huc transferenda. Scis autem meum consilium semper fuisse, ut diutius domi retineres imbecillem etatem: & in hac sententia adhuc sum, tamen metus pestilentiae aliud suaderet. Apud nos Ambrosius plurimum ornauit suae edes. Quare tibi commodissime uidentur fore: si tamen eos huc mittere constitueris, de quo tibi etiam atque etiam deliberandum censeo. Ex Sarmatia scribitur mihi, Turcam tyrannum rediisse Constantiopolim. De Cæsare nihil habemus quod tibi sit ignotum. Aduentus eius in expectatione est. Mace do dicitur dimittere milites, & mutasse consilium apparandi belli: de quo si quid habes, queso mihi significes. Mitto tibi dispositionem Epistole ad Romanos, exiguum opus in specie, sed non sine magno labore scriptum. Si posses per occasionem mittere exemplum Comiti Nouæ aquilæ, gratam mihi rem faceres, si ei mitteres. Vale fœliciter.

Philippo

Philippe Eberbaccho Philippus Me
lanchthon S. D.

Gratulor tibi mi Philippe, cōiugium, optoq; ut
incepto fauet Christus. Es enim uitæ genus labo-
riosum fortasse, at sanctū ac piū ingressus. Scis es-
se quoddam nouum Monachorū genus, uirorumq;
nō satis tivæ theológyas, qui sibi mirificè religiosi ui-
dentur, dum impudentissimè insectantur et execrā-
tur cōiugium: ego uero cum cogito, uitæ sociam uì-
ro diuinitus, & uiri partem mulierem esse factam:
non possum non uehementer irasci his, qui non om-
ni officiorum genere muliebrem sexum prosequun-
tur. Me quidem in communibus huius uitæ necessi-
tatibus non leuiter consolatur hæc cogitatio, quod
sentio quiduis uiro perferendum esse, dum illi sociæ
uitæ, dum liberis, quorum causa uidemur in coniu-
gium ingressi, consulat. Nec mediocre beneficium
me diuinitus accepisse statuo, quod materiam de-
dit, de muliere bene merendi: quod sobolem etiam
ex illa donauit. Proinde opto, ut cōiugium sit tran-
quillum, fœlix & fortunatum: & ut alacri animo
sanctissimā sarcinam, si quid fortasse uidebatur o-
neris, perferas: et illam uxorem tuam, putas esse nō
modo tui, sed etiam eiusdē gratiæ (ut Petrus dicit)
tecum participem. Ego in subito huius tabellarij a-
bitu nō habebam quod mittere muneri, uerum cu-
rabitur. Interea habeto hanc epistolam, pignus uo-
luntatis

luntatis meæ: quam spero gratam fore propter amicitiam nostram. Nondum enim memoriam ex animo effluxisse arbitror. Nihil facies religiosius, quam si summa fide & cura puerò primas literas doceas, que certè & uirtutis & religionis sunt incunabula, & elementa. Mittimus ad te adolescētem nō leuiter doctū, ut petijisti per literas à Reiffenstein. Is tecum philosophari Græcē & Latinē poterit. Mores sunt candidissimi, & non contemnenda facultate docendi præditus est. Vale.

Chiliano Reiffenstein Philippus
Melanchthon. S. D.

Cum Martinus noster profecturus esset isthuc, dedi ei duo exemplaria Rhetorices, exhibēda tibi, & filijs tuis, quibus dedicaui: teq; rogo, ut exiguum munus boni consulas. Nondum perpolui hos libellos Dialeticos & Rhetoricos. Impedior enim maximis & miseris negotijs, ut scis. Si quid tamē contigerit ocij, breui utroq; recudi curabo, ita ut non multū desideraturi sint homines docti. Certè ad iudicandum spero hos libellos nunc quoq; plurimum conducere. Sed iudicium tibi uiro doctissimo et prudenter reliquo. Scripsissem filijs, nisi cum hæc scriberē, miserrimis & acerbissimis doloribus suissem oppressus. Amabò te, si quid afferes de Francofordia, aut alijs rebus, quarum me cupidū esse scis,

per

per Martinum signifaces. Nam et si Lipsiam profici cupio: tamen uereor ut id mihi permittat χαριογεφοι, qui adhuc cedunt Germanicam Apologiam, in qua emendanda non nihil habeo negotij.
Vale.

Clarissimo viro, eruditione & uirtute
prestati, domino Ioachimo von der Hei-
den, secretario incliti Electoris Du-
cis Saxoniae, &c. patrono
suo, S. D.

Clarissime uir, dulcissimi sunt uersiculi Euripi-
dis, de misericordia erga calamitosos:
εἰ μὴ γαρ ὡρ αὐθρωπος ἐπε τύχαις
ὑπηρετήσω, δ φανήσομαι φεινῷ.

Nec uero hos uersus ideo recito, ut de ipso officio, de quo loquuntur, te admoneam: sed quia te uirum doctum, commemoratione talium dictiorū delectari scio. Ut quisq; maximè intelligit uirtutē, ita maximè amat tales descriptiones, et quasi eiusmōrē uirtutum. Est omnino, ut uersus illi dicunt, conueniens hominum naturae, lenire miseris calamitates: quod cūm facias, agnosco uirtutē tuam, & tibi gratiam habeo: & qpto, ut uicissim tibi Deus beneficiat. Oraui ruper, ut si defatigatum animum aulicis occupationibus nostri congressus non nihil exhiberare possent, ut quoties libet, ad me uenias. Idem
rurus

rursus significo: ac nunc te D. Paulus ad philosophicam cœnam uocat, datus nobis lepusculum, quem ipsius lepos condiet. Bene uale.

Guilielmo Reiffenstein S. D.

Queso te mi Domine Guilielme, ut pro tua summa humanitate, ac singulari erga me benevolentia ignoscas, si tibi hoc tempore, quo alioqui multis negotijs districtus esse soles, meis quoq; literis molestia exhibere uidear. Nam profectò me res ad scribendum impulit, quæ nisi sit honestissima, patiar ut me summæ temeritatis accuses. Si uero satis ad scribendū causæ tibi quoq; esse uidebitur, oro et obtestor, ut pro tua humanitate tum aequo animo has literas accipias, tu nonnulo officio iuves, q; hac à te epistola petere constitui. Hic q; tibi has reddiu literas, cuius Ienesis optimus uir est, quantum ex aliorū prædicatione intellexi: et ipse hoc tempore quo Ienis fuimus, expertus sum. Quia uero mediocres habet facultates, easq; tum cōscruiare, tu et augere non nihil cupitis. Francofordiā ad mercatum proficiisci statuit, ut ibi pannū, aliasq; necessarias merces coemat. Cum igitur nunc primum eò proficiatur, à me petiūt ut se alicui amico meo cōmendarē, à quo p̄disceret ratio nē Francofordiensis mercatus. Audiuit enim maximas esse imposturas quorundā mercatorū, q; isthic uersantur, ut uix quisquā sine iactura inde redire, præsertim si q; ignorans fraudū iistarū, et tanq; tyro eò ueniat, possit. Iam uero, mi D. Guilielme, cum memoria

moria teneā, te antea plurimū officij ac beneuolen-
 tie in simili causa Ambrosto nostro, fratriis tui com-
 mendato literis, præstis: et persuasissimū habeā,
 te tanq; singularē meū fautorē in huiusmodi peti-
 tione, nō defuturū mihi: vide qd in animū induxe-
 rim. Hunc bonū uirū, meumq; popularē tibi cōmē-
 dare decreui: oroq; ut si qua in re me uelis adiutū,
 si ipse in tali negocio ibi uersarer, huic q; meū cōsi-
 luum opemq; implorauit, præstes. Primum, ut nō ni-
 hil de ratione Francofordiēsis mercatus informe-
 tur: deinde, ut iuuēs cū in cōtrahenda noticia cum
 mercatoribus. Hoc enim in primis scis ei necessariū
 esse, quantā enim adulterinis mercib. comparādis,
 dum homines nō satis nouit, iacturā faciet. Postre-
 mó, ut et (quod uel maximē oro) si res ita postula-
 ret, spōdeas pro illo ad proximas usq; nūdinas. E-
 go uicissim me tibi pro eo obstringā fideiussorem.
 Neq; enim dubites, ne sit soluēdo. Nam et habet un-
 de det: & bonus uir est, cui ab omnibus fides habe-
 tur: multiq; hīc ciues suos fundos, uineasq; nō du-
 bitat pro eo pignori exponere. Quamobrē mi Gui-
 lielme, p tuā humanitatē, quā summā in te cognō-
 ui, oro, ut hūc uirū, nobis omnib. q; hīc hostites uer-
 samur, beneficū, cuiq; ego prolixē de tua uolūtate
 et studio erga omnes bonos pollicitus sum, iuuēs, et
 quacunq; re possis necessario suo tēpore subleues.
 Ego omnia ea officia, quæ huic præstiteris, eo loco
 habebo, ut aliquādo tibi tuisq; si qua in re queam,
 gratias referam. Vale.

Reue-

Reuerēdo uiro, eruditione & uirtute præstanti, domino Ioanni Bugenhagio Pomerano, doctori Theologiæ, pastori Ecclesiæ Dei in oppido Viteberga, patri suo colendo, Philippus Melanchthon

S. D.

Ingentem dolorem annos totos decem circumuli, in quo de paterno affectu erga natos cogitanti sœpe in mentem uenit, has ὑπογεῖς naturæ hominū insitas esse, ut sint cōmonefactiones de amore Dei patris erga filium, et deinde erga nos. Remoueāmus igitur à Deo Stoicam toruitatem, et uerè nos diligi statuamus: cum condita ὑπόγειη in natura hominum testetur, in se se etiam uerum et flagrantem amorem esse. Etsi autem de filiæ morte eas consolationes propono, quas scribitis: tamen cum et sensus aliquis maneat paterni desiderij ac doloris, et ad domesticum uulnus accedant publici dolores multo acriores, hic me concursus miseriarum duriter excruciat. Sed Deum oro, ut publicas et priuatas calamitates nobis mitiget. Ago etiam ei gratias, quod filiam meam in tranquilliorem uitam euocauit. Vobis etiam gratias ago, quod in meo mœvre tam patro animo mecum doletis. Et Deum oro, ut uos uestræ Ecclesiæ domesticæ ex publicæ seruet incolumes: et uobis Ecclesiam domesticam ex publicâ seruet. Scriptum Boemicum ad uos intra

paucos

paucos dies adferam: & de refutatione synodi uobiscum deliberabo. Reuerendissimo D. Episcopo Nauburgensi salutē opto. Bene & feliciter ualete. Die 29 Martij, Scruestæ.

Guilielmo Reiffenstein Philippus
Melanchthon S. D.

Remitto tibi alterum ex numismatis aureis: id uidelicet, quod recens factum est. Quod si alterum propter uetus statem tibi magis placet, libeter illud restituā. Non enim mihi tanti est ullū numisma, ut pluris quam amicitiam tuam faciam: alterū si mihi reliqueris, erit apud me inter multā alia hoc quoque tua erga me benevolentiae pignus. Nuper tibi per Northusanum quendam misimus literas: si acceperisti, intellexisti quae causae fuerint, cur tam serō fidem meam liberem, tibiq; tuam restiuam. Misericordie cupiebā propter multas causas te in his nundinis uisere. Sed hīc me quædā publica negocia obligant. D. Michaeli dicas meis uerbis multam salutem: quem quidem ego, si ad nundinas uenisse, nō dimissem, nisi empto murrhino uase, quo genere supellectilis mirè delectatus sum aliquandiu. Sed ignostas mihi iocanti. Vale.

Indole & uirtute præstanti C. M. Philippi Melanchthon S. D.

Charissime Christophore: Angeli in his ferijs
q præci-

præcinctunt nobis hymnū, ut Deo gloriam cum ipsis
tribuamus uero pectore, & uera uoce: quod sine
agnitione et doctrina fieri nō potest. Quare, ut tu
quoq; cum angelis idem carmen sones, discito do-
ctrinam cœlestem, quæ uerissimè & uerè testatur,
nos Deo curæ esse. Bene uale. Salutem opto dulcissi-
mis fratribus tuis.

Egregia indole & uirtute prædicto Chri-
stophoro M. amico suo, Philippus
Melanchthon S. D.

Epistolam tuam non tantum libenter legi, quia
amicitiam nostram perpetuam esse uolo: sed etiam,
quia te in literis proficere animaduerto, quarum
studia nequaquam abijcito. Mitto autem tibi o-
rationem, in qua multarum uirtutum laudatio est:
quas intelligere iam discas, & amare, ut cogitatio-
ne earum te ad decus exuscites, ut mores tui et Deo
placeant, & sint patri et matri uoluptati. Breui, ut
spero, ad uos expaciabor. Bene & feliciter uale.
Die 13 Februarij.

Iusto Vualhausen Philippus Melach-
thon, S. D.

Non solum ex alumnorum literis, sed etiam ex
tuis, coniecturam facio de tua fide, & tua sedu-
litate. Video enim te operam dare, ut ipse docen-
do

do discas, teq; ipsum meliorem reddas. Nam e-
pistola tua ita est scripta, ut superiores tuas epi-
stolas facilitate atque elegantia uincat. Ita autem
quisq; studiosissime docet, si se quoq; meliore red-
dere conetur. Cum autem uideam te tali natura at-
que ingenio esse, ut consequi genus orationis pro-
bable possis: non dimittam te quin adhorter, ut o-
mnibus uiribus in hanc rem incumbas, ut in ratio-
ne dicendi elabores. Itaq; te uelim conferas summo
studio ad imitationem Ciceronis. Interdum tamen
te epistolas Erasmi legere uelim: et de ipsa ratione
imitandi scribam ad te plura, si cognouero te hoc
studio delectari. Eodem autem uocandus erit alum-
nus tuus, cuius natura ad eloquentiam uidetur ido-
nea. Vale.

D. Hieronymo Beitnero Philippus
Melanchthon S. D.

Quod rarius ad te scribo, uir optime, quiduis
putes in causa esse, quam obliuionem tuæ beneuo-
lentie. Ego enim te propter excellēs ingenii tuum
feci plurimi: et cum me semper omni officij genere
coli sc̄en̄ erim, ingratus sim, si dissimulē me tibi non
debere plurimum. Sed haec tempora, quæ te quoq;
(ut video) non leuiter exercent, non solū hæc no-
stra officia, sed etiam planè euertunt omnia. Legi e-
pistolam tuam non sine magno dolore, in qua et si
q 2 gnificas,

gnificas, quæ te causæ moueāt, ut de deserenda Republica cogites. Esset illud quidem his temporibus optādum nobis, ut latēre liceret: neq; ego tibi quicquam præcipio. Sed tamē uides mi Hieronyme, in qua quasi statione collocatus sis: quam, nisi Republica prorsus oppressa esset tyrannide, nolim te deserere. Sed nō uacat nunc multa scribere. Spero te consilia tua ad publicam utilitatem accommodaturum esse.

Hic iuuenis satis literatus est, petit unum ex stipendijs minoribus: qua in re ut eum adiuues, te etiam atq; etiam oro. Vale.

Egregia eruditione & uirtute prædicto uiro, D. Bernhardo Baumgartnero, magistro Philosophiæ, docenti optimas artes in oppido Vlcensi, amico suo charissimo, Philippus Melanchthon

S. D.

Charissime Bernharde: Etsi tantum est miscriarum publicarum, ut bene agi cum ijs existimādum sit, qui ex hac uita euocantur, præsertim cognita doctrina filij Dei: tamen magnum nobis dolorem & luctum attulit mors Christophori Cosmāni Vlcensis, discipuli tui. Nullum in tota Academia ingenium ipsi prætuli, siue scriberet solutam orationē, siue uersus: ita ut ueterum laudatorum scriptorum nitorem

nitorem referret: in Philosophia uera & doctrina Christiana: ita promoueret, ut docti differenter magna cum admiratione audirent. Et has dotes ornat modestia, & pietate morum eximia. Gratulabamur Reipublicæ & Ecclesiæ, quod tibi ingenium, paulo post doctrinæ etiam salutaris defensio propugnatrix commendata sperabatur. Sed o spes hominum fallax. In hoc cursu optimorum studiorum adolescēs febri oppressus cum decubuisse, dies quæ tuordecim inter uotum & inuocationem Dei, natiram Deo reddidit: nec enim dubito, eum iam in alia longè eruditiore & tranquilliore Schola esse, ac ipsum audire & uidere Christum, Prophetas & Apostolos. Quare et si ipsi nihil mali accidit: tamē Ecclesiæ causa doleo: & propter ipsius matrē, cui te, & si quem uoles adhibere alium, quām fieri potest molissimè mortem filij significare uolumus, et adhibere consolationes ueras ex cœlesti doctrina sumptas: Deo euocanti nos parendum esse. Et filio et si optanda longior uita fuit: tamen iam fuisse aedictū ea bona, quæ præcipue homini expetēda sunt: & propter quæ ætas grandior optanda est, ueram doctrinam cœlestiem. Hanc iam didicerat, norat Deum, & filium eius: et sciebat uerè inuocantes spiritu sancto renasci ad uitam æternam. Ardebat eius mens fiducia filij Dei, quem uerè inuocabat: & sepe alios docebat. Hic uitæ cursus uerè dignus est

laude: & prius discessit, quam implicitus est nego-
 cijs, ut nos, in quibus non possunt non accidere scan-
 dala. De morbo, audio similem febrim fuisse, qua-
 lis anno superiore Lutheri filiam extinxit. Tan-
 tus in eo pudor fuit, tanta mei reverentia, ut mihi
 indicare noluerit, se ægrotare. Sed tamen medicos
 consuluit, qui (ut audio) statim iudicarunt lethæ-
 le malum esse. Noui hoc genus febrium. nam bien-
 uio aliquot sic mortui sunt: his ardet pectus, & are-
 scunt & inflammatur fauces & lingua. Cæterum
 nec dolor magnus sentitur, nec mentis error acce-
 dit. Lutheri filia, ut Christophorus, placidissimè
 de Dco & immortalitate ac Christi beneficijs disse-
 ruerat, penè usq; ad extremam spirationem. Talis
 cum fuerit Christophori morbus, temporis aut fati
 deploremus casum: nec queramus alias causas. Ple-
 na sunt humana misericordiarum omnia, & in Ecclesia
 nouimus causas ueras: Philosophia ignorat. Deus
 enim proponit, & placide iubet ferre ærumnas: et
 pollicetur se nobis ad futurum esse, idq; in tribula-
 tione, inquit. Bene uale, charissime Bernharde. Pri-
 die Nicolai, Anno Domini 1543.

Adolescenti nobili & optimè indolis, Io-
 anni Rittesel, Philippus Melanch-
 thon S. D.

Miror te, mi Iohannes, nihil literarum ad me de-
 disse

disse pro nostra amicitia, cùm quidem scires hoc ab optimo viro patre tuo nuncium esse missum. Decebat autem te tum exercendi styli, tum etiam humanitatis causa, libenter ad amicos scribere. Quare te adhortor, ut ad me & ceteros amicos tuos aliquando aliquid literarum mittas. Deinde ualde te oro, ut cùm Deus dederit tibi ualde præclaram indolem, et ingenium aptum honestis rebus: cures, ut bonam naturam doctrina expolias, nec studia literarum abiicienda esse putas. Ad laudem et decus uiam tibi doctrina factura est. Bene uale.

Venerabili viro, eximia eruditione & pietate prædicto, domino Georgio Buch holtzer, præposito Ecclesiæ Berlennsis, amico suo,

S. D. Fui his diebus Torgæ in aula, ubi diligenter inquisiui de negocio ad finis tui. Narrarunt igitur mihi, scriptum esse ad præfectum, & exemplum epistole Principis protulerunt, quod iussi tibi describi. sed nō sciebant, an literæ Principis peruererint ad præfectum. Quare me iusserūt exemplum ad præfectum mittere: qui si non accepit literas Principis, ut est nunciorum magna negligētia, polliciti sunt se rursus petituros à Principe obrogationem. Cras igitur mittam nuncium ad præfectum Slichëscm. Res mihi curæ erit, ut perficiatur,

Deo iuuante. Nam mihi probabilis causa uidetur,
leniendæ severitatis in hac re. Consulendum est ani-
marum saluti, quod scio etiam Principem libenter
facere. Reuerendus D. Doctor Martinus iussit am-
ter tibi salutem optare suo nomine. Bene vale. Die
22 Maij. Anno 45.

Clarissimo uiro D.N.N. ami-
co suo,

S. D. Aliquanto minus deformis est Ecclesia,
cum multi nostri ordinis pium consensum tuentur,
& coniunctione amant. Quare cum video aut au-
dio bonos & doctos uiros, & iudicijs & uoluntati
bus nobiscum cōgruere, & Ecclesiae & nostra cau-
sa gaudeo. Sum igitur et honestissimi uiri patris tui
congressu, & tuis literis ualde delectatus: et utriq;
gratiam habeo, quod benevolentiam mihi uestram
ostendistis. Pratris studia inspiciā, & cum N. de eo
colloquar, ac meum iudicium tibi significabo. Pro-
fectò enim maximè opto, ut iuuentus rectè & or-
dinie discat: quod te quoque iam sēpe cogitare non
dubito, considerantem quantum onus sustineat is,
qui format tenerum ingenium Principis: quo in labo-
re Deus et tua cōsilia, et mentē discipuli regat oro.
Quantum bonum sit bonus & salutaris princeps,
non obscurum est. Nec dubium est, singulare Dei
donum & opus esse talem principem: sed tamē do-

ctrime

etrina præparari mentes Deus iusfit. Ad eam militiam cum te uocauerit, spero etiam tibi affuturum esse: et ut tuos labores adiuuet, eum oro. Vale. Die secundo Ianuarij, anno 1557.

Mitto pagellas, quarum tibi lectionem non insuas uem fore arbitror.

Amico cuidam S. D.

Tēτῆξ μὴν τέτῆσι φίλος, μύρμακι δὲ μύρμαξ, inquit Theocritus. Ita et nos consociationem nostram agminis amemus, et quantum possumus tueamur. Prodest etiam Ecclesiæ et Republicæ, docentes sententia et benevolentia coiunctos esse: ac in his qui sunt sine ambitione, durabiliores sunt amicitiae. Pie igitur facis, quod interdum de benevolentiâ tua ad nos scribis. Mitto tibi pagellas non insuaves lettu. Bene uale: et significa, an has literas et libel lum acceperis. Die 6 Iunij, quo ante annos 1909 Alexander Macedo natus est, qui est exemplum humanae infirmitatis: quia cum ingentes uirtutes et dona Dei contaminasset magnis uitiijs, circa et uitam et regnum amisit.

Reuerendo uiro, &c. D. Georgio, pastori Ecclesiæ Dei in urbe Arctoa, fratri suo charissimo.

Reuerende uir, et charissime frater: Scitis scriptum esse, Beatus qui intelligit super egenū et pauperem, in die mala liberabit eū Dominus. Cum igit-

tur eximia sit beneficētia illustriſimi Principis E-
lectoris Marchionis & uesta erga Sabinum, qui
hoc tempore ſine ſuꝫ culpa in calamitatem incidit:
uicissim Deus illuſtrissimo Principi & uobis be-
neſaciet. Et ut clemēter ſeruet in columem illuſtriſ-
ſum Principem, et eum gubernet, Deum toto pe-
ctore oro. Sabinus recens mihi ſcripsit, ſe prorsus
expectare exilium. Ad nos nuper missæ ſunt delibe-
rationes Pruſiacæ, de quibus reſpoſtiones noſtræ
uobis mittam. Commendo uobis hunc Paulum Ur-
ſinum, uirum honestum, doctum & candidum. Mit-
to pagellas, meo more. Bene ualete, Calend. Ianua-
rij, 1555.

Clarissimo uiro, prudētia, eruditioне &
uirtute præſtantι, domino Thomae Mat-
thiæ, consiliario in cliti Principis Electro-
ris Marchionis, &c. fratri ſuo cha-
riſſimo, S. D.

Clarissime uir, et chariſſime frater: Extat dulciſſi-
ma uirtus apud Clementem Alexandrinum, quam
citat ille ſcriptor ex Sophocle: quanquam in hiſ tra-
gœdijs quas habemus, non legitur. Sed tibi & alijs
bonis non dubito ſententiam, uelut in ſignem gem-
mam, placere, ἀπὸ τὸ χρητὸν τὸν ιουν ἔχει φύ-
ον: id est, Boni retinent ſimiles naturas & uolu-
tates, nec fortuna mutantur. Eſt igitur ſpecimen bo-
nitatis

nitatis in tua natura, quod in hac confusione temporum, et in tot distractionibus, tamen benevolentiam erga me et meos perpetuam retines: id et mihi gratius est, quod etiam iudicio te moueri statuo, ne a me alienari animū tuum patiaris. Cumq; sciam meos labores tibi notos esse, et uoluntatē erga Ecclesiam perspectam, hanc commemorationē omitto: ac potius gratias ago, quod in nostra amicitia constantiam praestas, et meis benefacere studes. Nam D. Sabinus summo candore tua erga se officia prædicat: quæ quidem cum ad me quoq; pertinere statuam, tibi et debo et habeo gratiam: teq; oro ut deinceps nos quoq; tuearis, memor dulcissimæ uirtutis, quā cito uiui: ἀπὸ τὸ χρυσὸν τὴν ἴσην ἔχει φύσιν. Mitto pagellas. Sed post paucos dies rursus edetur enarratio Epistolæ ad Romanos, cuius exemplum tibi mittam, quod uolo te quoq; ut censorē legere. Fuit enim hoc meū studium, ut simpliciter recitarem doctrinam Ecclesiæ necessariā: et quæstiones omitterem nō necessarias, in quibus ostentant aliqui acumen, qui absurdā mirātur, et despiciunt usitata: sicut de suis ciuibus dicit Thucydides, esse eos contemptores usitarum, et applaudentes nouarum. quales nunc multi sunt. Sed oratio Deum, ut nos gubernet. Bene uale, 13 Aprilis, 1556.

Clarif-

Clarissimo viro, eruditione & uirtute
præstanti, D. N.N. docenti illustrissimū
Principem Marchionem N.N.&c.
charissimo fratri suo.

Clarissime vir: Nostri Musarum cantilenam, ὥστε
λαλὸν φίλον εἰς. Quod cùm ita sit, ne fieri quidem
potest, quin te ualde amē, cùm orationis tuæ suaui-
tas eximia sit. Et character est animi orationis for-
ma. Quare cùm naturæ tue bonitas et orationis
splendor inuitent me ad te diligēdum, scias me tuæ
amicitiæ ualde cupidum esse: tibiq; gratiam habeo,
quod benevolentia mihi tuam, quæ mihi gratissi-
ma est, prior significasti. In tantis disibijs gene-
ris humani optandum est, ut plurimi boni, eruditii,
amantes publicæ concordie, se coniungant, ut mi-
nus deformis sit Ecclesiæ species. Vides quo tendat
petulantia multorum, qui taxatione discipline et
literarū uituperatione uulgi plausus captant. Sed
interpellat tabellarius. Te oro, ut sepius ad me scri-
bas. Etsi autem uincor abs te orationis nitore: tamē
amore et officio scribendi uinci me non sinam. Be-
ne uale. Quarto Ianuarij, anno 1558. qui utinam no-
bis omnibus faustus et felix sit.

Clarissimo viro, eruditione, &c. D. Christo-
phoro Pannonio, professori Fran-
cofordiæ cis Oderam.

Doctissime vir, et charissime frater. Quod de
mea

mea uita solliciti es sis, agnosco tuam & aliorum benevolentiam: ac debere me uobis gratitudinem fatus teor. Utinam uero possem illustribus officijs uicissim meam benevolentiam uobis ostendere. Sed uerè sum omnes duximus, ut Pindarica descriptione utar. Verum donec Deus in hac statione me uult seruire, iustum est me obtemperare: ac ipsum oro, ut me gubernet. Amicitiae uero nostrae semper memor ero & in hac uitæ militia, & illa æterna Academia, in qua fruemur nostra coniunctione dulcius, & habebimus doctores et collegas cum quibus sua uius philosophari potuerimus, quam habet hæc uita. Scribo breuiter: quia subito luctu animus meus occupatus est. Heri enim ancilla generi mei, modesta puella, in horto, cum nos in templo essemus, fulmine ista perire. Moueor non solum hoc tristis casu, sed etiam omine. Sed oro filium Dei, ut publicas & priuatas penas nobis leniat. Bene uale. Die 8 Iulij.

Clarissimo viro, eruditione & virtute
præstanti, D. Paulo Ebero, amico suo
& fratri charissimo.

Et uos liberatos esse miserijs obsidionis, & oppidum uteunq; seruari gaudeo. Ac utrumq; assiduis & ueris gemitibus & uotis a Deo petiui. Nec in hoc meo exilio magis de meis miserijs, quam de Pa store, de Crucigero, de te, deq; ceteris inuocantibus

bus Deū in illa dulcissima patria nostra, in qua manere summo cum periculo uoluistis, cogitaui. Nec procul discedere potui: familiam tantum in oppidum Northausen duxi. Ego in iugis Hercinijs non inter feras erro; sed inter homines honestissimos, socios nostri luctus & doloris versor. ibi exitum obfidiunis expectare uolui. Nam quadam coniectura ducebar de tempore, ut corām narrabo. Cursorem meum ad uos misi, ut de statu oppidi, deq; uestris consilijs scribatis. Etiamsi autem longius exilium erit suscipiendum: tamen colloqui ante uotis cum decreui. Optarem nos in eadem Academia uiuere posse, ubi cuncti Deus sedem aliquam nobis attribuet. Si istic manebit Pastor & Cruciger, de reditu & ipse cogitabo. Sed prius audiam, quid tu statueris, & quid mihi faciendum iudices. Omnino mihi morte acerbior est hæc distractio nostri cætus: & tamè ferendum est, quod mutari non potest. Quæso rescribite copiose. Vale, 26 Maij.

Reuerendis uiris, pietate, eruditione & fide præstantibus, D.D.N.N. & N.N. artiū M. & pastoribus Ecclesiæ N. piè concordibus & constantibus, suis fratribus charissimis.

Reuerendi uiri, nota uobis uox est filij Dei, Domini nostri Iesu Christi, in ultimo precantis,
temp

τῷ πνεύματι σόντων δικτόρῳ λόγῳ αὐτῶν εἰς ἡμέν,
 ἵνα ποιήσετε οὐδὲν εἰς εἴμαιν. Cuius prectionis effi-
 cacia haud dubiè, quicquid est piè concordiae inter
 docentes, reliquum manet in Ecclesia in his diabo-
 li furoribus, conantis ita tetris dilacerationibus di-
 uellere consensum docentium. Gratias autem Deo
 agimus, quòd inter aliquos tamen coniunctionem
 animorum esse uoluit, quæ incorruptam Euange-
 lij doctrinam in his regionibus huc usq; conscrip-
 uit: & precamur eundem Deum, qui est ipsi dilec-
 tio, ut piam consociationem alat & confirmet, &
 discordiam ex harum Ecclesiarum nidulis procul-
 pellat. Cum autem uos à multis annis sèpe testati si-
 tis, nobiscum in Deo cōcordes esse: petimus, ut hoc
 nunc quoq; manifestum faciatis, cum N.N.N.N.
 N. & mihi publico ritu conferetur titulus docto-
 rum in Theologia, quòd Deo adiuuante, fact septi-
 mo die Decembris, postridie Nicolai. Ad eam re-
 nunciationē publicam ut uos quoq; adsitis, & pre-
 ces uestras nostris adiūgatis, orātes ut Deus clemē-
 tiissimus pater hoc nostrū institutū fortunet & gu-
 bernet, ut cedat ad gloriā nominis sui, & Ecclesiæ
 aliquam utilitatem, quanto possumus studio et dili-
 gentia à uobis cōtendimus. Pro quo officio promit-
 timus uobis perpetuam gratitudinem, studium, &
 animum paratū ad quæcunq; obsequia, quæ in hac
 tenuitate nostra à nobis præstari poterunt. Deo

HOS

uos commendamus. Datæ Vitebergæ, pridie An-
dreae, 1559.

Reuerendo uiro, eruditione & uirtute pre-
stanti, Domino N. N. pastori Ecclesiæ Dei
in inclyta arce Bremi, suo cha-
rissimo.

Reuerende uir, & charissime frater: Mitto tibi
& reuerendo uiro Kitelio propositiones Eberi, et
aliorum quorundam. Cumq; existimem uos ad pu-
blicam testimonij renunciationem & ad precatio-
nem communē uocari, quæso ut huc ueniatis: quod
eò facietis, quia quædam de publicis audieris, que
scire uos refert. Vrbs Treuerica circumsessa est ab
Episcopo. Nunc audio deliberari de ea liberanda:
quod si fiet, me uo hoc bellum fore èxitatioν tra-
gœdiæ annorum triginta. Oro autem filium Dei,
ut poenas leniat, & seruet Ecclesias, quarum uide-
mus in hac delira mundi senecta ingentes ærumnas
esse. Sed confugiamus ad Deum, qui dixit: Etiam in
senecta gestabo uos. Bene uale, & ueni. Die 19 No-
uembbris: quo, hodie mane, filiolus, Dei beneficio,
meo genero natus est.

Reuerendo uiro, &c. D. Georgio Buch-
holtzer. S. D.

Reuerende uir, & amice colende: Scio uobis nō
decessse consilium: & habere istic fideles homines,
qui

qui utilia suadere possunt: tamen pro nostra sincera amicitia ego uobis suadeo, ut si inspectores offerunt pensiones annorum quinq;^u, sitis contenti hoc munere, nec pugnetis de summo iure. Videtis quam turbulentia instent temporalia. Quare Deo commendemus nos, & nunc de institutione iuniorū pia cogitemus, quibus qualem Deus Rēpublicā post aliquot annos daturus sit, nunc scire non possumus. Sed habeant uiaticum, scilicet pietatem & eruditio[n]ē, ut possint usui esse Ecclesiæ, qualiscunq; forma erit imperiorum, quorum timeo ruinas non leues. De Prūsiaco negocio quæso ut hoc agatis, ut communis responsio mittatur à nobis & à uobis, & Marchionis Ioannis concionatoribus: ne maiora disidia oriantur. Die Octobris 27.

Turcicus exercitus profligatus est. Oremus filium Dei, ut nobis adsit. Bene ualete, die Andreæ.

Reuerendo uiro, D.N.N. pastori Ecclesiæ Dei in inclita urbe Bremi, fratri suo charissimo, S. D.

Reuerende uir, et charissime frater: Præterita uituperari possunt, mutari non possunt. Ideo nec de clade, nec de causis disfuto: sed dolce extinctū esse Principem, cuius excellens uir:us fuit: ut in hac postrema pugna etiam ostendit, in qua proditus et desertus, Deo iuuante uicit tan[n]en. ex:oro filiu[m] Dei,

r ut

ut Ecclesias harum regionum protegat & gubernet. Magna mutatio totius Germanici imperij impendet. Rege Angliae mortuo, iam regnum Anglicum Imperatori commendatum est: & ipse occupatus noui regni constitutione, sinet Germanos interfesse tumultuari. Sed Deo curae erit Ecclesia, sanguine Filij redempta. Nos uero tot exemplis horum annorum commonefacti, simus ardenter in invocatione. Te oro, ut quoties erit occasio, ad nos scribas. Stoltius ex Prussia cum reliquo comitatu rediit. Menius propter febrim iter facere non potuit. Utinam redeat solitus & incolumis. Sed nihil respondum est, nisi principem curaturum, ut synodus in Germania habeatur: haec responso est χρυσα ωλαιτινοὶ τὸ λόγος, ut Thucydides nominat. Bene uale, die 20 Iulij. Salutem opto D. Kitelio collegae, & alijs amicis.

Clarissimo, D. Christophoro Pannonio, fratri suo charissimo

S. D. Clarissime uir, et charissime frater: Multa exempla humanæ infirmitatis intra octo annos uidimus, quæ mihi ingentē dolorē attulerūt. Sed profectò ualde anxit me interisus uiri præstantis sapientia & uirtute, doctoris Hieronymi Schurpffij, & propter alia, et quia priuatum eum uerè dilexi. Adiunxerat

iunxerat, ut scis, ad illam perfectam cognitionem suæ doctrinæ, etiam Ecclesiæ doctrinæ. Et uox eius in grauissimis deliberationibus profuit, & deinceps profutura erat. Memini, nos de præcipuis doctrinæ Christianæ articulis sæpe familiarissimè colloqui: atq; utinam in hac nostra senecta diutius mutua inter nos familiaritate frui potuissimus. Sed hoc quoq; tristia fata impedierunt. Deo nos commedemus, & petamus ut nos gubernet. Tuam Præfationem his diebus scribā. Bene uale, die Petri & Pauli apostolorum, Anno 1554.

Consolatoria ad D. Ioannem Pfeffingerum, de morte filij, Licentiati Theologiae.

Ideo Deus humano generi & ogyæs indidit, ut sint commones factiones de ingenti amore suo erga filium, & erga nos: & ut sint uincula societatis humanae. Vult igitur adfici nos desiderio nostrorum, et in luctu pietatem probat. Sunt autem in optimis naturis & ogyæs expressiores. Quare non dubito te, amissjo filio (tali præsertim uiro, in quo non tantum indeoles laudabatur, sed qui & omnium artium doctrina excultus erat: & non solum natura ad uitatem incitabatur, sed etiam diuino spiritu regebatur: & iam in hoc studium ingressus erat, ubi ingenium eius ad artium propagationem profuturum

r 2 erat)

erat) magno in dolore esse. Quia in re non equidē accuso molliciem animi tui, ac pietatem potius agnosco & probo: & tecum ipse ualde doleo, cū tua, tum Reipublicæ causa: præsertim cū uideam in hac paucitate rectè dissentium, Ecclesiæ defutura esse seminaria doctorum. Sed tamen pro sapientia tua scis utrumq; à Deo præcipi, et ut lugeamus, & ut sit modus moesticiæ. Ac primum statuamus, cū hos euentus regi diuino cōsilio certum sit, fletendos esse animos ad obedientiam Deo debitam, ut etiam in aduersis rebus ei placidè obtēperemus.

Non iam de Physicis causis mortis dicam. Etsi natura fuit obnoxia multis morbis, tamen & uoluntatem Dei intueamur: & non quid nobis acciderit incommodi, sed & que bona, quod ex hac misera uita, & quidem tristissimis temporibus euocatus sit, cōsideremus. Nam si ipsum uerè dileximus, sauendum est eius bonis. Imò si sentimus ueram esse Ecclesiæ doctrinā, gratulari ipsi cœlestis Academiæ consuetudinem debemus, in qua non iam dilutios riuulos sapietiae, ut in hac uita, bibit: sed coram fruitur immenso ac purissimo fonte sapientiae, audit filium Dei, Prophetas & Apostolos: & inenarrabili leticia Deo gratias agit, quod citò in hunc cœtū & in hanc pulcherrimā Academiā abductus sit: de qua cogitantes nos quoq; mox euolare ex hoc carcere mallemus.

Auget

Auget fortasse dolorē tuum, cogitatio de ipsius ingenio, eruditione, uirtute: & dulcissimam talis filij cōsuetudinē desideras. Sed hoc ipsum decus minuere luctum debet. Quia et his uirtutibus scis eum in hoc breui curriculo multis profuisse, nec fuisse inutile onus terrae: uidisti testimonia pietatis lucentis in uita, & in hoc agone, quæ ostenderunt initia cœlestis uitæ in eo accensa fuisse, & hanc eius migrationem fuisse iter ad cœlestis Ecclesiæ consuetudinem. Imo quoties hæc filij ornamenta cogitabis, gratias ages Deo, qui declarauit se & tibi et ipsi fauere, cum hæc in eum contulit munera, quæ sunt omnium summa. Est enim gratæ mentis, non tantum aduersa, sed etiam beneficia recordari.

Cum igitur scias, & uolūtati Dei obtēperandū esse, qui iubet moderari dolores: & filio nihil mali accidisse iudicandū sit: harum causarū cogitatione paulatim te erigo, & moerori repugnato. Mouentur etiam animi hominū exemplis. Quia iustum uidetur, non defugere communia onera, quæ quasi cōmuni lege generi humano imposta sunt. Quāto tristius spectaculum fuit primis parentibus interitus Abel: quo imperfecto, simul uiderunt Ecclesiam uirilem in sua familia extinetam esse. Quanto hi grauiores dolendi causas habuerunt in illa prima solitudine generis humani, quam uos, qui reliquam habetis familiā, in qua signa sunt pietatis nō obscu-

ra? Et in illis gemina uulnera fuerunt. Nam scele-
re impij fratris magis excruciantur, quam alte-
rius morte.

Innumera exempli ex omnium temporum hi-
storijs repeti possent. Sed senem Babylam episco-
pum Antiochenum intueanur, cui tres filij à tyran-
no Decio trucidati sunt, cum quidem astante pa-
ter & mater: nec tantum oculis crudelitatem aspi-
cerent, sed etiam adolescentes sua uoce confirma-
rent. Postea mater spectatrix fuit necis coniugis, et
complexa filiorum & mariti corpora, pio ritu ea
in terram condidit.

Meministi et Imperatoris Mauricij historiam,
qui tacitus spectator fuit necis filij & filiae: cumq;
ad coniugem uentum esset, luctans cum dolore, in-
quit: Iustus es Domine, & rectum iudicium tuum.

Semper sapientes mirati sunt, cur tanta mole æ-
rumnarum onerata sit imbecilla hominum natura.
Sed nos, qui scimus causas diuinitus patefactas, ob-
temperamus diuino consilio, & remedia diuinitus
monstrata teneamus. Hæc autem cum colliges, &
hoc domesticum exemplum tibi proponito.

Si quando euocatus, menses aliquot peregrè à fa-
milia abes apud insuaues homines, leniuntur mole-
stia & desiderium sperreditus ad tuos. Ita nunc desi-
derium feras modestius, quia aliquanta post in illa
pulcherrima academia cœlesti filium rursus com-
pletéris.

plexeris, & quidem ornatum honore splendidiorē, quam sunt hi gradus, uidelicet luce diuina: et collocatum in agmen Prophetarum, Apostolorum & ceterorum, qui laude doctrinæ floruerunt. Ibi una uiuetis in omni æternitate, fruentes conspectu Dei, & dulcissimis sermonibus Christi, Prophetarum & Apostolorum. Hanc æternitatem intueamur in hac ærumnosa peregrinatione, tanquam metam, et fortius has miseras feramus: quia et breue currículum est: & ad illam æternitatem, in qua sapientia & iusticia Dei fruemur, non ad fugacia huius uitæ bona conditi sumus.

Quæcum tibi uiro docto & bono nota sint, breuius ad te scripsi: ac Deum oro, ut et animi et corporis vires tibi augeat. meministi enim dictum: In ipso sumus, uiuimus & mouemur. Vale.

Reuerendo uiro, D. Georgio Buchholzter, præposito Ecclesiæ Dei in urbe
Arctoa, amico suo co-
lendo.

Reuerende uir: Cum Dux Prussiæ ad multos eodem argumento scripserit, utile esset ab his uicinis principibus ita institui deliberationē, ut unâ communis responsio mitteretur, ne postea ex his initijs maiora dissidia oriantur. Et hoc meum consilium uelim indicari inclito principi Electori Mar-

chioni. Ego hactenus non uolui accendere discordias. Ideo multas multorum iniurias pertuli, meq; hac uoce consolari soleo : Quod est ex Deo, non dissoluetur. Simplici & pio animo quæsiui & recitaui summam doctrinæ Ecclesiæ. Et mihi nec potentiam, nec opes quæsiui. Et oro filium Dei Dominum nostrum Iesum Christum, ut me regat, & seruet harum regionū Ecclesias. Quæso ut mihi scribatis, an uelit illustrissimus Princeps Elector Mar chio, ut unà communis responsio mittatur. Bene et feliciter ualete. Die 26 Nouembris, anno 1551.

Cogitaui de forma pia, & quam sperarem concordiae profuturam esse: & nō grauatum ueniā ad colloquium, de re tanta cum alijs conferendi.

Eidem.

S. D. Venerāde domine Georgi: Videtis hunc annum fatalem esse & multis principibus, & multis doctis & bonis uiris. Si igitur exēpla aliquo modo mouēt animos ut feramus æquabilius talia, quālii alij mediocres & non malū ferunt: hanc etiam consolationem cogitate. Sed habemus alias consolationes potiores, quarū præcipua est, quòd Deus adfirmat sese habitare inter adflictos, inuocantes ipsum. Scripsi ad uirum clarissimū, dominum Cancellarium: sed quantum mea intercessio hoc tempore uobis prodesse posset, uos ipsi iudicare potestis.

stis. Si irasci uolet uictor omnibus, quorum reperientur literæ & significantes uoluntatem non alienā à nostris Ecclesijs, aut principibus: nimis durus erit in uictoria. Iulius totos literarum fasces, priusquam legerentur, iussit cremari. Idem uictoris clementiam deceret. Bcne ualete, in Pentecoste 3056,
Anno 47.

Eidem.

S. D. Reuerende uir, & amice charissime: Etsi gratulari debemus ijs qui in invocatione filij Dei ex his miserijs ad cœlestis Ecclesiæ consuetudinem euocantur: tamen Reipublicæ causa dolendum est, bonos & utiles uiros à gubernatione abduci. Gregorium dilexi propter multas eius uirtutes, & do leo Rempublicam eius ingenio orbata esse. De uestris decretis quid scribā? Opto Ecclesiæ piam tranquillitatem, & spero Illustrissimū Principem quedam mitigaturum esse. Nondum scripsi de Canone, impeditus alijs negocijs. Adolescentē filium consulis commendaui uiro docto Franco. Illyrici libellum mitto. Mitto et filio uestro orationes, quarum ei lectio non inutilis est. Bene ualete, idibus Martijs, quibus ante annos 1592 Iulius imperfectus est: quo exemplo Deus nos monuit, ut in secundis rebus moderati simus, & petamus nos diuinitus regi. Serua ô Deus miserias Ecclesiæ tuæ reliquias, inuocantes te, & gementes propter superbiam ponti-

r s ficum,

ficum, qui ueritatem delere conantur. Optulare o
Deus, ueritati tuæ.

Eidem.

S. D. Venerāde domine Georgi: Non sum Sto
rius, nec fatali necessitate tantum iudico nos in has
miserias incidisse, in quibus sumus: sed accersi pœ
nas nostra culpa, multo ante & uidi, & dolui. Se
pe optauī, ut & doctores & principes Ecclesiæ et
sibi melius cōsulerent: idq; adhuc opto. Etsi autem
nunc in tam calamitoso euentu necesse est me mul
to maiore dolore adfici: tamen me ijs consolationi
bus, quas Deus nobis tradidit, utcunq; sustento. Eo
etiam minor est animi mei consternatio et con
fusio, quod mihi conscius sum, me in his publicis di
scordijs nihil quæsiuisse, nisi ut recte explicata ex
taret doctrina. Illustriſimo Principi Electori Mar
chioni reuerenter meis uerbis gratias agite, quod
hospitiū mihi clementer offert, quo usurum me esse
ſpero, postquam Lutheri uiduam et liberos alicu
bi collocauero. Illa me secuta est Brunsuuigā, ac la
chrymans petijt sibi nidum aliquē queri. Mōueor
pietate, et debere nos gratitudinem Luthero iudi
co: quare eam Regi Danico commendari cupio. Be
ne ualete: die sexto Maij, Brunsuige.

Eidem.

S. D. Scio in hoc tanto tumultu diuersa iudi
cia

ela esse de belli causis, & spes dissimilimas multorum
de exitu. Sed nos Deum aeternum patrem Domini
nostr. Iesu Christi oremus, ut exitus sit Ecclesias fa-
lutaris, & ne deleatur uera doctrina. Quod uero
prætextus fingitur, non queri ueritatis oppressio-
nem: oremus etiam Deum, ut ipse, qui est inspecor
cordium, ostendat etiam in aduersariis ~~utrum~~ fucum
sibi displicere. et ostensurum esse non dubito. Etiam-
si multa his uiginti annis dicta & facta sunt minus
moderate: tamen non propterea ueram doctrinam
abijcam, ne laudabo parricidarum consilia. Spe-
ro etiam mediocrem exitum. Gratiam uobis habeo
pro pagella, quam misistis: & eam per proprium
tabellarium, cui ego mercedem dedi, remitto. Bene-
ualete. Pridie calendas Augusti, 1546.

Eidem.

S. D. Reuerende uir, & amice charissime: Ideo
Deus inseruit humano generi erga eis, id est amo-
rem erga sobolem, ut sint commones factiones de a-
more in ipso erga filium, & erga nos. Ac sepe ma-
gnam mihi cōsolationem attulit hæc cogitatio, con-
sideranti: sic nos à Deo diligi, sicut nos ipsi sobolem
diligimus. Quod igitur paterno dolore lugetis fi-
liū, præsertim ingeniosum, pietas est. Sed uult Deus
utrunq;: & adfici nos dolore ac desiderio nostro-
rum, & tamen moderari hunc dolorem: præsertim
cum

cum pijs non moriantur casu, et uocentur ad coelestem Ecclesiam. Obtemperate igitur Deo, et cogitate filium iam frui uera beatitudine coram sapientia Dei. Scio fuisse mentem in eo ardentem fide et luce agnoscente filium Dei Dominum nostrum Iesum Christum, et mores erant sine turpitudine. Quod autem uisus est minus obsequens, etatis et nature haec erant, quae dedita poeticis studijs, nobebat haec impediri alijs negocijs. Sed mihi saepe dixit, se Deo in scholis aut in ministerio Euangelij seruiturum esse. Et ut uidetis, ante mortem et in scholis, et in Ecclesia docuit. Rursus igitur eum complectemur in celo, aliquanto post: et ipse uicissim tibi patri gratias aget, quod ad agnitionem et invocationem ueri Dei, teneram ipsius mentem instiuitisti. Hac spe future consuetudinis leniamus dolorem. Amisi et ego hoc anno amicos aliquot, et discipulos, quorum fuit excellens uirtus. Nec disputate uobiscum de commoratione filij, cum manerit ut Ecclesiam desertam doceret: manere et ipse tali loca et tempore. In Abrahamo uidetur mibi indoles mitior esse: hunc curate in studijs philosophicis et doctrina Ecclesiae diutius exerceri: quem spero uobis uoluptati, et Ecclesiae usui fore. Et filium Dei oro, ut ipsum et totam uestram domesticam Ecclesiam seruet incolarem. Trado iam in præelectionibus considerationem de Mediatore, propter

Stancari

Stancari disputationem. De N. etiam ex Vratisla-
via ad me scriptum est: utimam hoc breui curricu-
lo in littore Baltico fœlicius usus esset. Quid enim
illustrauit? Ac potius mentes abduxit à conspectu
meriti ac obedientiae filij Dei, & fidem noluit esse
fiduciam misericordiae. Sed hæc alias.

Historica de bellis, notiora sunt uobis quam mihi. Ante triduum literas accepi, in quibus mihi si-
gnificabatur, Marchionem Albertum reconcilia-
tum esse Imperatori Carolo, & ducere exercitus
partem contra Gallos.

In Vngaria Turci propter pestilentia iam quic-
scunt, quæ inter ipsos etiā grassatur. Oremus Deū,
ut ipse pro Ecclesijs Pannonicis & nostris pugnet:
quia uidetis qualia gerant bella nostri bellatores.
Seruabit filius Dei reliquias Ecclesiæ suæ: & ut ser-
uet, toto cum pectore oro. Bene & feliciter vale-
te, Die Elizabetæ, matronæ Pannonicae, 1552.

Eidem.

S. D. Reuerende & charissime frater: Cer-
tiſſimum est, à Deo, qui miranda sapientia & boni-
tate genus humanum condidit, insitas esse storgas
erga cognatos: & uelle eum, ut sint cōmonefactri-
ces de suo amore erga filium & erga nos. Vult nos
adſici desiderio nostrorum. Ideo pietas est, quod
in morte sororis, honestæ matronæ, non sine moe-
ſticia

sticia estis: sed sit modus. Et cogitandum est, nos de
bere acquiescere in cogitatione uoluntatis Dei. Sit
et hæc consolatio in cōspectu, quod accessit ad dul-
cissimam consuetudinem Ecclesiæ cœlestis, iu-
xta dictum: Beati mortui, qui in Domino moriun-
tur. Cogito et ego quotidie de hoc itinere, et au-
dē expecto illā lucē, in qua Deus erit omnia in om-
nibus, et procul aberūt sophistica et pycophatīca.

Quod longiorem enarrationem dictorum Pau-
li scribi uis: eis in re manifesta non opus est longa
disputatione, tamen in præfatione de illis Pauli di-
ctis, propter iuniores, aliquid intertexam. De con-
uicijs nihil respondebo: sed sequar Psalmi uocem:
Illi maledicebant, ego autem orabam. Scio me, Deo
iuuāte, uera docuisse et docere, et iudicio Ecclesiæ
me et mea semper subieci: fugi absurdæ et hyper-
bolica, quæ sunt perniciosa iunioribus, etiam si in
uulgo plausus cient. Te etiam adhortor, ne petas
institui colloquium cum aduersario nostro, sed tuo
loco dicas necessaria: ut Ioannes apostolus cum
Cerintho rixari noluit. Vincet ueritas, quantumvis
premere eam maledici conatur. Mitto uobis exem-
pla orationis proximæ. Bene uale. Deus confir-
met illustrissimo Principi et uobis animæ et cor-
poris uires. Historica recètissima hæc habeo: quod
Romanus pontifex regi Gallico Henrico, qui ante
paucos die mortuus est, tribuit ante mortē ius oc-
cupanciæ

cupandi Angliam: quia armari eum uoluit ad de-
lendas & Anglicas & nostras Ecclesias. Filius Dei
protegat & gubernet nos. 10 Augusti, Anno 1559.

Reuerendo uiro, N. N. pastori Ecclesiæ
Dei in arce Brexi ueteri, fratri suo
charissimo.

S. D. Reuerende uir, et charissime frater: Non
solum alij multi, sed etiam σὺ γέθεος ad me scripsit
μετίβωμοιοίς N. & quidem consolationem ad
didit. Delectatus sum ipsius iudicio & beneuolētia.
Consolationes uero mihi in hac senecta multo antē
cogitatæ sunt. Scio Deum uelle, ut recte docentes,
& recte facientes, placide ferant fœuiciam tyranno-
rum & præstigiatorum. & fero alios magis ra-
biosos. Scripsi τῷ σὺ γέθειῳ, me opponere omnium
inimicorum clamoribus bonam conscientiā, & iu-
dicia piorum & doctorum in Ecclesia. Adiunxi &
hanc consolationem, cūm sciam Deum ueritatis de-
fensorem esse, non possum usum esse spero, ut ueritati
extinguant isti sophistæ, etiam me pulso aut inter-
fecto. Vetus uersiculus est,

ἄγε δὲ φῶς τὸν αἰλύθειαν χρόνος:
quod rectius diceretur,

ἄγε δὲ φῶς τὸν αἰλύθειαν θεος. Recito-
amicis & hanc Tertulliani uocem: Si apud Deum
deposueris iniuriam, ipse ultor est: si dñnum, re-
stitutor

stitutor est: si dolorem, medicus est: si mortem, resu-
scitator est. Hanc sententiam adscripsi, quia tibi
iucundam fore sciebam.

Clariss. viro, D. Conrado Cordato, do-
ctori Theologiæ N. compatrio
charissimo,

S. D. Ut igitur Loth erat in Sodomis, et uici-
nus erat Sem, egressus iam annum quadringentesi-
mum, et Abraham: ita tu Euangeliū uocem sonas,
et colligis Ecclesiam aliquam Dei inter hostes: ac
oro Dominum nostrum Iesum Christum, ut te ser-
uet in columem, et confortet. Vbiq; multæ et ma-
gnæ sunt difficultates. Doleo uicem N. regionis in
qua degis: quæ non solum premitur tributis, sed e-
tiam alijs miserijs. Vbicunq; ero, donec uiuo, si ulla
genere officij possum tibi seruire, summa fide ser-
uiam: et uolo te forti animo esse. Christophorum
spero tibi fore obsequentem: et delaturum hono-
rem, qui seni et bene merito in Ecclesia debetur.
Bene uale. Die 27 Septembris, quo primum cœpit
quiescere arca Nohæ, ante annos 3840. Deus quo-
que nunc det quietem Ecclesiæ.

D. D. Medlero superintendenti Braun-
suicensi, amico suo charissimo,

S. D.

Clarissime domine Doctor, et amice charissime.

Etsi

Etsi scio tibi non dcessse consilium: tamē propter amicitiam scribendum esse duxi, de contentione inter te & Morum orta. Naturam alterius noui: ideo cōsulo tibi prorsus, ut nihil scribas contra eū. Si res cognosceretur præsente D. Crucigero, moderatè dicas, quæ necesse est dici. Cæterum cum illo homine nihil contendas. Nostram epistolam ad Morum tibi mitto, etiam de Rectoris sententia. Sed Mori epistolam noluimus cuiquam ostēdere, quæ quidē magis ipsi Moro nocere posset apud prudētes, quam tibi. Scis me non rudem tyronem esse in hac re tolerandarum iniuriarum: nec me pariter simus lassē & obruiisse silentio insulsissimas calumnias: et omnibus amicis idem do consilium. Quia Deus tandem profert uera, & defendet eos qui propter publicam utilitatē priuatē iracundiae frenos injiciunt. Bene uale, & rescribe. Date die letissimi congresus Mariæ & Elisabethæ, Anno 1547.

Honestissimo uiro, sapientia & uirtute
præstanti, Ioanni Botigero se-
niori, S. D.

Honestissime uir, & amice charissime, consolemur nos uoce diuina: Generationi rectorum benedicetur. Nam in tantis confusionibus generis humani, nulla familia conseruari potest solis humanis consilijs & præsidijs. Sed Deus protegit aliquas & piorum

piorum familias: ut protexit Israelitas in Aegypto, cum iussisset limina conspergi sanguine. Ita et nostras familias Deo curae esse credamus, et petamus ut ipse nos gubernet et seruet. Mea officia filio uestro non deerunt, praesertim cum eius integritas mihi nota sit. Bene ualete. Die Paschatos, quod est ab exitu ex Aegypto Pascha 3067.

M. Sinapio, Philippus Melanchthon S. D.

Deum aeternū patrem Domini nostri Iesu Christi, crucifixi pro nobis, et resuscitati, conditorem humani generis, et uerum authorē coniugij ac dulcissime societatis maris et fœminæ, unde Ecclesia sibi perpetuam propagare uoluit, oro, ut tuis nuptijs fauacat, et tibi et sponsæ tuæ det tranquillū et felix coniugiū: sicut promisit Ecclesia, se hæc uitæ genera diuinitus instituta, ad Ecclesiac conseruacionem seruaturum esse. Ego si possem hinc expaciari, istuc uenire. Sed nunc, ut scit Clemens, me multæ cause publicè et priuatim detinet. Expecto cōuentus Spirensis decreta, quæ tamē spero tranquilla fore. Nam adhuc quidem spes est, Imperatorem edicti Augustani autoritatem mitigaturū esse: hoc est, doctrinā confessionis nostræ, quæ Augustæ exhibita est, non esse persecuturum. Clementi consilium dedimus D. Pastor et ego, ut mox ad te proficiascatur.

scatur. Nam subitò ordinari publicis ceremonijs non potuit, postea uero remittes eum: sed Ecclesiastam decet largiri ei uiaticum. Bene uale, Dic 20 Iunij, Anno 1544.

Amico cuidam Pastor S.

Credas mihi hoc, reuerede domine Pastor, uerè affirmati, me summa uoluptate fuisse ad uos accessurum, ut et nostræ non sicut æ coniunctionis testimoniū publicè ederem: & quod collegæ tuo officium, id etiam tibi æ qualiter deberi à me, & promptissimè ac merito tuo præstari, ostenderem: & simul auulsus ab occupationibus, respirandi aliquantulum pauculos dies, & recreandi me uestris aulicissimis sermonibus, mihi sumerē. Sed simul ingrue runt hisce paucis diebus tot negotiorū fluctus, uel aestus potius, præsertim post aduentum ducum Pomeranicorum, ut mihi nulla ratione sit integrum hoc tempore abscedere: immo ne quidem tantum mihi nunc uacui temporis conceditur, ut illa ipsa impedimenta occupationum receseam, atq; me de absentia satis purgare queam. Fretus autem candore tuo, quem noui, sicut scio tibi aduentum meum gratum futurum fuisse, ita non dubito te etiam non uenienti daturum esse ueniam, & nihil inde mali suspicaturū. Quod igitur solum nunc absens possum, & tuæ pietati debedo, præstabò sedulò, ut ardenti-

bus uotis, uobis in auspicijs istius coniugij filiae honestissimae tue assistam: & Deum orem, ut illud lari giatur uero & uox faustum, felix, laetum, foecundum & salutare. Addo etiam exiguum munusculum, quod filiae sponsae meo nomine & filiae meae, cum pia salutatione offeres: & me amplissimo Senatui quoque uestro excusabis, & gratias ages pro testimonio sue erga me benignitatis. Deus pater, & Dominus noster Iesus Christus, cum spiritu suo sancto adsit uobis, ac nobis omnibus. Dat & raptim idibus Maij. Cupio reuerenter salutari collegam tuum, dominum N.N. & consules utriusque oppidi.

Clarissimo viro, D. Thomae Matthie, coniliario incliti Principis Electoris Mar chionis, &c. amico suo ueteri & charissimo,

S. D. Existimo te saepe audiuisse me recitante epistolâ Nazanzeni, in qua se excusat, cur non accedat ad synodum: Quia, inquit, magis accidunt synodi dissidia, quam tollunt. Et ita saepe fit. Vnde miror, quare conuocaueritis dissidentes Stancarum & Muscolum, tanquam ad certamen instituendum. Multo utilius esset, diligenter lectis eorum scriptis, & re pie & grauiter iudicata, mandari silentium de falsis opinionibus. Ego uero non defugio congressum: sed hoc tempore senatus Augustanus nuncium

cium ad me misit, ac significant Carolum Imperatorem concessisse, ut ciuitas constituant Ecclesias ad normam Augustanae confessionis: sic nostram nominat. Petunt igitur idoneos doctores indicari. Hac de re Lipsiae me cum Sarcerio & alijs colloqui oportet. Quare oro ut Illustrissimus Princeps mihi ueniam det, nunc non accedenti. Miror Lipsici mercatus tempore nos uocari, quo aurigas etiam difficulter inuenire possumus. Ac si controuersia est de propositione, An Christus sit mediator tantum secundum humanam naturam: iam dico meam sententiam planè, errorem esse, dicere Christum tantum secundum naturam humanam mediatorem esse. Quia ad Mediatoris proprietatem pertinent, non tantum mors, sed ut sit æquivalens premium, & sit uictor mortis. item, ut sit sacerdos, ingrediens in sancta sanctorum: id est, in arcanum consilii diuinitatis. item, ut sanctificet dato spiritu sancto. Haec sunt proprietates diuinæ naturæ. Denique longa hac de re commemoratio institui potest. Nec recuso lectis utriusque scriptis, aut coram aut per literas meam sententiam confiteri. Alij etiam ante hoc tempus mecum de hac propositione locuti sunt, qui eruditè de proprietatibus Mediatoris disputatione. Sed hec coram, uel in scriptis publicis copiosius. Bene uale, & me Illustrissimo Principi reuereter commendato. Die 3 Octobris.

Venerando viro, Georgio, præposito Ecclæsiæ Dei in urbe Arctoa ad
Spræam, amico suo,

S. D. Venerande domine Georgi: Adolescens,
qui literas uestras & pisces attulit, promiserat mihi se ad me redditum esse postridie, ut petiueram:
ac dixeran: me responsurū esse: sed nō rediit. Nunc
igitur serò respondeo. Sed tamen semper apud me
benevolentia uestræ memoria durat, et manet ac
mansura est amicitia. Pro piscibus ago uobis gra-
tias. Et mitto enarrationem in Ioannem, editam à
domino Crucigero, in qua fortassis alicubi se ali-
quis uobis locus offeret non insuauis. Mitto et fi-
lio uersus de Lutherio. mitto ei et aliud dulcissimū
Stigelij carmē: eumq; malo exempla talia imitari,
ubi Musa libera sententias argumento conuenien-
tes splendide explicare potest. Bene ualete: Die 6
Maij, Anno 46.

Iusto Ionæ S. D.

Non dubito quin magnopere mireris, cur nihil
ad te literarū adhuc post meum redditum dederim,
præsertim cum nuncios habuerimus: et ego non i-
gnorem, earum rerum te cupidissimū esse, quas re-
quiris. Ac planè in tam pertinaci silentio dissimilis
mei uideri possum. nā alias in hoc genere satis offi-
ciosus existimari uolo. Ego uero, mi Iona, sic sum
acerbissimis doloribus oppressus, ut omnia officia,
omnia

omnia studia mihi excutiantur: atq; mortem oppre-
tere malim, quam has miseras ferre. Omnes dolo-
res inferni nos oppresserūt: sed tamen spero, Chri-
stum remedia his rebus ostensurum esse. Historiam
narrabo tibi totius conuentus, non ut populus re-
citat, sed ut nostri ordinis homines, qui occasiones
& consilia obseruant: inde intelliges, quæ res me
in tantum luctum coniecerit. Nemo scit præter me
& Pontanū, quæ fuerint totius cōuentus Spiræ ne-
gocia: una res nocuit nobis, quod diutius procasti-
nati sumus, cùm à nobis postularetur ut edictū ad-
uersus N. comparemus. In ea contatione, quantum
mali fuerit, non possum epistola complecti: quan-
quam iniquitas principum qui nobis malè uolunt,
causam illi cōtationi aliquam præbebat. Nunc hor-
ribiliter angor, cum animo pericula reproto, & me-
tior quæ ex ea re existūt. Christus faciat, ne ex hac
offensione totius Imperij mutatio sequatur. Omni-
no infinita sunt, quæ me horribiliter afficiunt his
de rebus cogitantem, & nunquam non uersantur
ob oculos. Hic res scholastica pristinum statum te-
net: Lutherus Dei beneficio ualetudine utitur me-
diocri. Nouum Testamentum Germanicum reco-
gnoscimus summa diligentia. Altis iterum intume-
scit mirabiliter. In Haßia uidi magnū saxum uiu-
minis & testudine templi ita eiectum, ut si arte es-
set exemptum. Minantur alioqui signa multa. Chri-

stus respiciat nos, ego non leuiter commoueor his
rcbus. Tu uale feliciter : Vitebergæ, Die 11 Iunij,
anno 1529.

Ad D. Georgium Schultetum, pa-
storem in Gebersdörf, prope
Dama,

S. D. Venerande domine Georgi: Et ipse mini-
stros Euangelij ex animo ueneror: & ubi possum,
libenter eis benefacio : & sum hortator omnibus
meis auditoribus, ut sint memores dicti diuini,
quod ait, Duplici honore dignos esse eos qui recte
docent. Si igitur tibi possem prodesse, facerem
summa uoluntate. Sed mea simplex ueracundia fuit
ingrata nescio quibus in ea aula, in qua tu pecuniā
petis. Nec meis literis responsum est, quas reueren-
ter scripsi. Et semper Principes illos honorifice
prædictauit: quod bono studio facio, ut alij reueren-
ter de Principibus etiā loquātur. Cūm igitur in eo
loco prodesse non possim, quæres alios deprecato-
res, quorum ibi plus ualere oratio potest. Scis uo-
luntatē Principis esse piam: sed mihi apud eum ad-
uersatur homo nunquam à me læsus, & potius mul-
tis beneficijs affectus. Deo meas & publicas ærum-
nas commendō. Bene uale, 22 Decembris,

1553.

Clarif-

Clarissimo viro D. Georgio Sabino, in
inclita Academia Fracofordiana,
genero suo charissimo,

S. D. Non solum editio scripti de Norinber-
gensia cōtrouersia, iter meum ad uos impediuit: sed
etiam aulicæ compedes mihi iniectæ sunt. Postea ro-
gatus à tua matre, filias tuas hue in tuam patriam
adduxi: cras, Deo uolente, reducturus sum eas ad
meam familiam. Mitto tibi epistolæ, quæ mihi ex
Augusta Rhetica allatæ sunt: addidi & exemplum
mei libelli, quem recens edidi: in quo in postremis
pagellis adhortatio addita est de concordia, quam
optarim tam efficacem esse, quam fuerunt Terpan-
dri carmina ad lyram decantata, quibus seditio ci-
uum sedata est. Bene & feliciter uale. Die septi-
mo Decembris, 1555.

Reuerendo viro, Georgio Buchholzer,
præposito Berlinensi, amico & fra-
tri suo charissimo,

S. D. Reuerēde uir, & charissime frater: Oro
filium Dei, ut tribuat faustum & felix coniugium
pudicæ filiæ uestre, & genero. Venissem ad sacrū
nuptiale, si eo tempore fuisset domi: sed profectus
eram aliquanto ante ad ægrotantem Mathesium,
in uallem Ioachimicam. Illa sola causa impediuit
quo minus ad uos uenerim: sed dono testabor meā

5 5 benevo-

benevolentiam, cùm primum habebo nuncium mihi notum. Mitto de toga & pallio, quæ subito scripsi: nam nuncius properabat. Illud miror, uos suspiciose interpretari, quod non ueni: diligi à me homines Marchicos, multa signa sunt. Habeo filias Marchicas uirtute & forma diuinitus ornatas, quæ mihi certè sunt charissimæ. Multis officijs coniunctus sum cum multis præstantibus uiris in Marchia. Et si quid tribuitis meis scriptis: hæc etiam ostendunt reuerentia erga illustriſimos Principes Marchiones, ortos à nobilissima Guelforuſ stirpe: propterea suspiciones istas cum dolore legi. Et ego homo apertus, non delector hoc genere interpretationū, cum S. Paulus dicat: Dilectio non sit suspicax. Bene ualete.

Magna pars Constantinopolis terræmota disiecta est, et multi homines oppresi sunt ruinis. Deus protegat et gubernet nos. Datæ 4. Iulij, anno 1556.

Eidem.

Reuerende uir, & amice charissime: Prorsus nō aliud respōdeo ad tam atrocē criminacionem, de qua audui e: iam antē quam legi uestræ literas, nisi hoc quod Demosthenes dicit: Si uos ipsi, quibus mea uita nota est, talem me esse existimatis, qualem me esse calumniator describit, nulla prorsus defensione utar. Sed profectò unde sit tanta acerbi-

tis odij, ne quidem suspicari possum, cum medio-
 crio fuerint mea erga ipsum officia: et in hac ipso
 deliberatione modestissimè indicauerim, me opta-
 re, ut Ecclesiæ harum regionum nō turbentur. Mu-
 las etiam disputationes cōdonauit publicæ paci. Sed
 nunc non dispuito: tantum ad iudicia piorum et eru-
 ditorum apud uos et alibi prouoco. Video princi-
 pes uelle certum statum constituere, nec impedio:
 qui si putant me tollendum, aut interficiendum es-
 se, ut scio de me tollendo fuisse sermones: ferā, Deo
 iuuante, quicquid accidet. Sed mihi non deesset con-
 sileum refutandi criminationem, si non parcerem
 Reipublicæ. Nihil seditione, nihil immoderatè fa-
 ciam. Sed donec uiuam, modestè dicam necessaria:
 et res ostendit, multas à me controuersias non par-
 uo labore, nec sine periculo explicatas esse. Et hūc
 ipsum librum Augustanum legens, aliquoties agno-
 sco in meis uulneribus meas pennas, ut in antiquo
 prouerbio dictum est. Si uiuam, scribam ad uos plu-
 ra, et sèpius, ubiunque ero. Nam has contumelias
 non perpetuò dißimulabo. Remitto uobis exemplū
 libri Augustani, quod ad me misistis: quia ipsi exē-
 pla multa habemus. Habemus et alium librum, cui
 titulus est Reformatio, qui uelut interpres est libri
 prioris. Totam hanc causam, Ecclesiam, et nos o-
 mnes Deo commendo: quia scio salutaria ab homi-
 nibus effici non posse, nisi datum sit à Deo: quem
 quidem

quidem oro, ut uos regat. Pro poculo, quod miseris
orphanis meis misistis, ago gratias. Salutem opto
uiris integerrimis, qui meo dolore adficiuntur. Be-
ne ualete.

Formulam recitandam ante Canonem, nō legi:
nec habeo exemplum. Ideo iudicare non potui.

Schedula tabule collegij adfixa, ubi
causam indicat, cur legere non
possit.

Optima quæq; dies miseris mortalibus æui
Prima fugit, subeunt morbi, tristis q; senectus
inquit Poeta. Me quoq; senem, & confectū uarijs
doloribus, ludit iam facile uocis contentio in hac
affiduitate: meq; heri grauiter læsum sensi. Quare
hodie hora nona nō prælegam, sed cras (Deo dan-
te) prælecturus sum. Die Iouis, post festum Catha-
rinæ, anno 43.

Reuerendiss. D. D. Ioanni Hornburg, Epi-
scopo Libusianæ ecclesiæ, excellenti sa-
pientia & uirtute, &c. patrono suo
colendo,

S. D. Reuerendissime domine. Quanquam pro-
pter publicas discordias multorum animi alieniores
sunt à doctrinarum studijs, tamen scio R. D. T. pro
sua excellenti sapientia uelle non deleri literas, qua-
rum

rum cognitio omnibus temporibus necessaria est,
& aliquando ad concordiam proderit. Cum igitur
hic Simon Proxenus Budincensis carmen ad R. D.
T. eruditè & grauiter scripserit, & mores eius sint
honesti & placidi: dedi ei hanc epistolam ad R. D.
T. profecturo, ut orarem propter literarum amo-
rem, ne grauatim carmen, quod offeret, R.D.T. ac-
cipiat. Semper talibus laboribus & officijs sapien-
tes gubernatores fouere se ostenderunt. Quare &
huius adolescentis officium spero non ingratum fo-
re R. D. T. præsertim cum uena ipsius sit digna lan-
de. Mitto & ego carmen de proxima Eclipsi, quæ
profectò nouas cōtentiones minatur: quas ut filius
Dei leniat, toto eum pectore oro.

Non plus fata etenim, quam pia uota ualent.

Bene & feliciter ualeat R.D.T. Die 6: Decem-
bris, 1554.

Ex epistola D. Philippi Melanchthonis
ad Georgium Raw iuniorem, quæ-
dam desumpta.

S. Et quidem cum in schola scdes, memento te
non solum inter æquales sedere: sed unà uersantes
purissimos angelos, spectatores esse studiorum ue-
strorum, et custodes corporū. Sic enim inquit Chri-
stus: Angeli eorum semper uident faciem æterni Pa-
tris. Sic uos comitantur in ludum, assident unà, &
redu-

reducunt. Hoc sodalitū te uereri decet: quod qui-
dem mirificam uoluptatem capit ex assiduitate di-
scentiū, & pijs studijs & sermonibus: & Deo pre-
dicat uestra studia, eiq; uos commendat. Quare ca-
uebis, ne uel inertia tua, uel mali mores offendant,
& abigant hos uigilantiissimos custodes.

Illustrissimo Principi ac Domino, D.N.
N. Marchioni Brandenburgēsi, Duci Stet-
tinensi & Pomeraniæ, &c. & Burgrauio
Norimbergēsi, &c. domino suo cle-
mentissimo,

S. D. Illustrissime & clementissime Princeps.
Non dubiū est, legitima imperia & salutares Prin-
cipes Dei opera & beneficia esse: Id grati cogitare
debemus, ut confirmetur in animis reuerentia pul-
cherrimi ordinis. Adolescentes etiam Principes co-
maiore se doctrina & uirtutum exercitijs instrue-
re debent, ut ad munus in genere humano summū
accedant non rudes & imparati. Scriptum est e-
nīm: Erudimini, qui iudicatis terrā. Gaudeo igi-
tur C.T. optima doctrina de Deo, & de omnibus
uirtutibus excoli. Et quidem cogitatione doctrinæ,
Deus sese animis piorum communicat. Oro autem
Deum, ut studia C.T. adiuuet: et efficiat, ut olim pa-
triam feliciter gubernes, & tua uirtus prospicit uni-
uersæ Germaniæ, sicut mulii Principes Marchio-
nes

ues ornamento Germaniae fuerunt. Quod C. T.
 mihi clemēter & scripsit, & aprum misit, ago gra-
 tias & pro benevolentia & munere. Et uicissim la-
 bores meos Ecclesiae & Reipublicae offero. Bene
 & feliciter ualeat C. T. Die quarto Ianuarij, anno
 1558: qui annus ut sit faustus & felix Celsitudini ue-
 stre, & Ecclesiae, & Germaniae, faciat filius Dei
 Dominus noster Iesus Christus: Amen.

Reuerendo uiro, D. Georgio Bu-
 choltzero, fratri suo charis-
 simo,

S. D. Reuerende uir, & charissime frater. Scis
 magnum & singulare Dei beneficium, sibolem, ca-
 pacem doctrinæ, & habentem inclinationes ad uir-
 tutem firmas. Talis cum sit Ioachimus Blanckefeld,
 & patri & adolescenti ipsi talem naturam gratu-
 lor. Et Reipub. causa gaudeo, esse aliqua talia in-
 genia: ac Deum oro, ut hunc Ioachimum & alios
 honestos adolescentes seruet & gubernet, et faciat
 ut multi sint uasa misericordiae, & organa saluta-
 ria. Audiui enim eum de aliquibus dialecticis quæ-
 stionibus disputationem, de quibus non solùm rectè
 respondit, sed etiam ornat responsiones moderatio
 pronunciationis. Ac patrem rectè facturum esse iu-
 dico, si eum diutius in studio literarum retinebit, et
 iubebit initia iuris ciuilis discere, etiam si post bien-
 num

nium uellet eum abducere à studio. Cūm autē ipse adolescēs cupiat procedere in doctrinis: multo ma-
gis iudico nō abducendū esse à literis. Sed placet mi-
hi, ut sit apud uirum eruditum in iure, ubi incipiat
eius doctrinæ principia reclè discere: ac Deū oro,
ut & consilium patris, & totum cursum uitæ et stu-
diorum adolescentis gubernet. Bene uale 16 Fe-
bruarij, 1556.

Iussi ut ad me scriberet de sua uoluntate. Eam e-
pistolam patri legendam exhibeas. Hamburgensis
multis ægrotis fuit gratus: ideo illo munere delecta-
tus sum. Ego non admodum frui soleo, sed bencuo-
lentiam honesti uiri magnifico: & ubi gratificari
potero, uiciissim meam benevolentiam declarabo.

Eidem.

S. D. Reuerende uir, & charissime frater:
ut ueniens annus sit faustus & felix Ecclesijs no-
stris, & eorum hospitijs, & pijs Principibus, & ti-
bi ex ecclesiæ tue domesticæ, faciat Deus æternus
Pater Domini nostri Iesu Christi, qui & ordinē in
natura instituit, et metas annorum distinxit, ut testi-
monia de se illustria ostendat. Profectò metuo hoc
anno tribus horrendis bellis arsuram esse Germa-
niā, Turcico in Pannonia, Gallico in Belgis, uici-
nali ad Mœnum. Nam astrorum positus, eclipses,
prodigia, & hominum furores minitatur bella &
rabiem

rabiem docentium. Oro autem filium Dei, ut nos gubernet & seruet. Quod filius tuus in Silesia ad docendam iuuentutem uocatus est, gratulor ei hanc militiam: & sum hortatus, ut in hoc labore utili & grato seruat Deo: teq; ut hoc consilium compubes, adhortor. Utinam ego, et si tantum fuissem humilis pædagogus: tamen in tali pædagogia etatis imbecillioris mansisse, de qua dicit filius Dei: Non est uoluntas Patris, ut perceat unus de par uulis istis. Quantum solatijs est pro pædagogo, sedere in hoc coetu iuniorum, qui Deo placent: & docere tenera ingenia, ut recte inuocet Deum, & deinde fiant organa utilia Ecclesiæ. Tales coetus aliquos protegat filius Dei inter imperiorum ruinæ. Bene uale, Die 20 Decembris, 1555.

Venerabilib. & optimis uiris, uerbi Dei ministris in Northusio, fratribus suis in Domino charissimis, Gratiam & pacem in Christo.

Optimi uiri, uidetis ipsi, quatas in Ecclesia turbas ubiq; excitet Sathan, tot scilicet opinionibus fre regnantibus, quot sunt ministrorum capita. Unde & ad me peruenit rumusculus quidam, esse inter uos quoq; subortas questiuulas de rebus ualde leuiculis. Nam de summa pietatis, fama uestra adhuc integra est. Nihilominus ut est rude uulgaris, &

t pi

pietatis uniuersæ contemnens, facile occasione rapit detrahendi, et blasphemandi etiam summos articulos fidei: præsertim apud eos, apud quos sunt Papistæ inflammantes et exacerbantes, et ex scintilla incendium conflantes. Quare uos propter Christū oro, in quo uiuimus et gubernamur, in cuius spiritu unum sumus, ut uelitis gratiā Dei agnoscere et pōderare, qua nos cōcordes fecit, et hactenus seruauit in summa pietate, et in præcipuis artibus: et sicut Paulus ait, nulli offensionē dare in rebus istis externis et indifferentibus, imò (ut nunc sunt Papistæ furiosi) noxijs et periculosis sermonib. apud infirmos, perniciosis aut apud induratos. Sic erit Christus meus, et regnat inter omnes, cuius mortem et sanguinem debemus merito præferre nostris cogitationibus, seu potius diaboli tentationibus. Sed sicut cœpit in uobis opus suū: ita seruet et perficiat usq; in illū diem sp̄ei nostræ: Amen.

D. Martinus Lutherus.

Reuerendo uiro, D. Georgio Buchholzero, &c. amico & fratri suo charissimo,

S. D. Reuerende uir, et amice charissime: Oro quotidie filium Dei, Dominum nostrum Iesum Christum, crucifixum pro nobis, et resuscitatum, ueterem illum ciuem Samariae, quem uidit in scalam stantem

stantem uiator Iacob, ut ipse uulnera nostra sanet,
 et non sinat fieri maiores distractiones Ecclesiarū.
 Multas iniurias etiam propterea dissimulo, cūm mihi
 non desint arma. Vos etiam adhortor, ut inclytum
 Principem Electorem Marchionem oretis, ne
 sinat edi scripta, quæ sint classica nouarum dissen-
 sionum. Si noster cursus est ex Deo, non uincet ca-
 uillationes fuitiles, ut multæ nobis obiectæ sunt mul-
 tis annis. Deo iuuante redibo Vuitebergā ante Ca-
 lendas Januarij. Sed de mittendis filijs expectate
 meas literas. De Repub. nihil noui scio, nisi quòd
 scribitur ex Noriberga, decem naues in mari Tyr-
 rheno à Gallo captas esse: & magnam esse poten-
 tiā classis Turcicæ in mari, & periculum esse Ita-
 lie et Hispaniæ. Impendet finis regnorum. Oremus
 Deum, ut seruet Ecclesiæ reliquias. Bene ualete, die
 24 Decembris. Torgæ, Anno 1553.

Salutem opto reuerēter uiro optimo D. Docto-
 ri Hieronymo, & toti eius ecclesiæ domesticæ, &
 D. Matthiæ, & uobis omnibus. Iterum ualete.

Clarissimo uiro, D. Christophoro Pan-
 nonio, amico suo charissimo,
 S. D.

Cordatum uenerandum senem tibi commenda-
 ueram, sed Deus iter eius ad uos impediuit. qui si
 istuc uenisset, & uidisset exortum ex causa non mā

xima tantum disfidium inter duos professores doctrinæ cœlestis, profectò magno in dolore fuisset. Doleo & ipse diuelli nostra agmina, & uoluntates hominum à doctrina cœlesti alienari, propter non necessarias contentiones. Hortatus sum Musculum, ut aut omittat propugnationem suæ opinio-
nis, quam uideo displicere multis bonis et doctis ui-
ris: aut certè agat lenius. Quid opus est eum inferre bellum omnibus omnium nostrarum Ecclesiarū
doctoribus, & anteferre illis idolorū cultores: pro-
pterea quod dicunt, temperantiā esse necessariam,
& ieunium ceremoniale non esse necessariam in
diam certi temporis bidui aut tridui, ut loquitur?
Quæso ut tu quoq; ei sis hortator, ut communem
cōcordiam tueatur. Mitto tibi pagellas, quarum le-
ctionem tibi non ingratam fore arbitrabar. Bene
uale, & rescribe. 1546.

Venerando viro, D. N. N. Diacono Ec-
clesiæ Dei in urbe Stendalia,
amicō suo,

S. D. Reuerendus dominus pastor Ecclesiæ no-
stræ, doctor Ioannes Bugenhagius cupit te in Po-
meraniam, in aulam episcopi Caminensis mittere, ut
ibi non solùm cōcionatoris munere fungaris: sed e-
tiam usui sis in Ecclesiasticis controuersijs audien-
dis: meq; iussit ad te scribere, ac explorare tuam uo-
luntatem.

Iuntatē. Omnino locum honestum, & ingenio tuo,
de quo ambo præclare sentimus, dignum tibi pro-
mittit. Et spero utiliter te patriæ in ea gubernatio-
ne seruiturum esse, si mandari tibi eam functionē
sines. Quæso, ut mihi respondeas. Literas mittere
D. Hieronymus Staude, aut Magister Laurentius
poterit. Bene uale. Die 12 Augusti.

Nobilitate generis & studijs literatū or-
nato, Vuolfgango de Eisenberch, a-
mico suo,

S. D. Mea officia non defutura fuissent adole-
scenti, de quo scribis, si ad me cum tuo testimonio
uenisset: libenter enim amplector tuos, propterea
quod de tuo ingenio semper bene existimau. Sed il-
le adolescens, quisquis est, si non habet certam con-
ditionem: meo iudicio rectius faciet, si non prope-
rabit ad gradum. Titulus aliquid habet oneris. ui-
des meum exemplum: nemo me perpellere potuit,
ut illum quamlibet honorificum titulum Doctoris
mihi decerni sinerem. Nec ego gradus illos parui-
facio: sed ideo, quia iudico esse magna onera & ne-
cessaria Reipublicæ, uerecundè petendos esse, &
conferendos, sentio. Ad D. Georgium ideo nōdum
pastorem misi, quia coelibem adhuc inue-
nire non potui. Vale, 6 Maij, An-

no 47.

t 3 Reue-

Reuerendo uiro, D. Georgio Bu-
choltzer, fratri suo charis-
simo,

S. D. Reuererēde uir, & amice charissime.
Scripsit hic Simon Proxenus carmen de Moyse fe-
riente petram. Id offerre decreuit Episcopo Libu-
siano. Queso, ut adolescentem consilio et commen-
datione iuuetis. Ego etiam uobis carmen de eclipsi
mitto, quæ profectò minitatur noua certamina.
Sed oremus filium Dei, ut nos regat, & in his regio-
nibus semper Ecclesiam æternam sibi colligat: &
tribuat salutarem gubernationem, pacem & con-
cordiam Ecclesys & imperijs harum regionum.
Nuper exhibui pecuniā, quam Iona filius attulit,
filio uestro: ut significasse etiam uobis arbitror. Be-
ne ualete, Die 6 Decembris, Anno 1555.

Eidem.

S. D. Reuerende uir, & amice charissime. Etsi
arbitror uos iam uidisse exemplum nostræ admoni-
tionis de libro Augustano, scriptæ communī delibe-
ratione breuiter & modestè: tamen quia petiuistis,
mitto. Nec prohibeo ostendi omnibus, qui uidere
volunt. Imò doctissimos uiros in Academia Franco-
fordiana iudices esse facile patior. Nec dubito ui-
rum clarissimum D. doctorem Hieroymum, de iu-
stificatione desideraturum in libro Augustano fin-
ceritatem.

ceritatem. Mitterem & ipsum librum Augustanū, si plura exempla haberem. Sed mihi credite, multa futilia sophismata libri Augustani prorsus non attigi. Opto & ego pacem & concordiam Ecclesiarum. Sed liber Augustanus nec ad ueritatem, nec ad concordiam erit utilis, ut aliquanto post res ipsa ostendet. Neum igitur consilium eò spectat, ut cum hac uia, quam liber Augustanus proponit, nō posset illa aurea ætas, quam nobis promiserunt literæ quorundam ex conuentu Augustano scriptæ, constitui: potius nulla fiat mutatio in Ecclesijs harum regionum, nec pellantur pijs & docti pastores, nec turbetur inuocatio piorum hominū. Nec tamē certamina mouebo, si alij uolunt mutare Ecclesijs: sed discedam, Deo gubernante, in alia loca: quia saeuitiam, quæ suscipietur aduersus pios pastores, nequaquam adiuuare uolo. Bene ualete. Die natali Dñis Ioannis Friderici, iusti & pijs Principis.

Egregia doctrina & pietate prædicto, D.
Georgio Sabino, pastori in Tangermûd,
magistro honestarum & liberalium
artium,

S. D. De scripto Illustriſimi Principis, iam
ſepe ex alijs respondi. Probo Articulos doctrinæ:
& probare eos hic etiam cæteros intelligo. De ce
remonijs uero humanis audio uisitatores ēniā-

neā adhibere: ideo non desereres etiam Ecclesiam. Spero Principem, his qui cum iudicio & modeste quosdam inutiles ritus, quos in scripto retinuit, abūciant, nō aduersaturum esse. Vbi sunt abolita, non restituturū esse opinor: eaq; de re ad quosdam magnaē autoritatis uiros scripsi, et tibi alias scribam copiosius. nunc enim impedior oculorū morbo. Hunc scholasticum, qui istic erit hypodidascalus, tibi & schole gubernatori commendo. Saluta reuerenter meum conterraneum Hieronymum Stauden:mittam eius liberis, rogatus à Cordato, præceptorem. Bene ualc, & rescribe. Die 13 Septembris, 1540.

DE CHRISTI VESTITV.

Reuerēdo uiro, D. Georgio Buchholztero, fratri suo charifimo,

S. D. Reuerende uir, & charifime frater. Cū nuper breuius scriberem, non addidi, quæ de cæteris uestium figuris aut nomimibus addenda erant. Toga fuit Romana, & distincta figura ab aliarum gentium uestitu: & aiunt Arcadicum fuisse, & existimo ab Euandro in Italiā illatum esse. Pallium fuit Græcorum & multarum gentium exterior uestitus: & aliud longum erat, aliud uero breuis penula. φανόλινος fuit seruorum, cursorum, publicanorum, &c. uestitus.

Præter

Præter has figuras fuit exterior uestis senatoria, quæ fuit prorsus similis tunice honesti sacerdotis, longæ: cum manticis nec angustis, nec laxis, sed mediocribus, ut antiquæ statuæ ostendunt. Et talia ueste usum esse Christum, est consentaneum: quia ciuis fuit in municipio Capernaum. Non igitur incessit palliatus, ut Pharisæi aut uulgas: sed indutus tunica senatoria, ut honesti homines in municipio Romano.

Latinis nomen stola de muliebri uestitu usurpatum est, quod tantum ostendit textus in Iure: sed in Graeca lingua stola est illa longa honestior uirorum tunica. ideo in Euangelio de filio prodigo, fit mentio stolæ primæ. Et apud Xenophontem Cyaxares mittit Cyro stolam, audituro legatos in uestitu senatorio. Itaque rectè iudico Illusterrimum Principem de ueste Christi existimare, non pallio usum, sed illa honestiore seu senatoria tunica. Scribā alias plura. Bene uale, Die Laurentij, Anno 1556.

Amico cuidam.

S. D. De etymologia nominis Mariae, accuratius cogitandum censeo. Etsi autem multi interpretantur amaros dies: tamē hanc etymologiam rectiore iudico, Miria seu Maria doctrrix populi. Ideo nomen magis conuenit & sorori Moysi, & matri Christi. Nā mater Christi ubiq; repreſentat Ecclesiastis siam.

ſtam. Hęc uerē doctrix est populi. Hanc omnibus officijs ornamus. Hęc breuiter nunc tibi scribo: ac uolo te mihi ſignificare, an meꝝ literae in Margari-
ti monte ſint redditæ. Bene uale.

Amico cuidam.

S. D. Nomen oppido Perleberg, quod patriæ tuæ uicinum est, non ab ursa, sed à margarito deri-
uari uolo. Cūm filius Dei Euangeliū margarito conferat, nominis ſonus eruditis gratior eſſe debet.
Scribitur autem, margaritum gemmam naſci in concha ex rore: & generoſiſimum eſſe, cum ros ex cipitur inter tonitrua & fulgura. Sic Ecclesia paſcitur rore cœleſti, inter afflictiones. Etymologia eſt amara cruxula, margarith: quia Euangeliū eſt ſermo crucis. Indica gens non adpellat margaritū, ſed Bargarith, quod eſt puriſima cruxula. Hanc commemorationem ſcripsi ſenatui Perlebergensi, quem hortatus ſum, ut Margaritū uidelicet ornet ſcholæ conſervatione, commonefactus nomine urbis. Eas autem literas ad te mitto, ut cures ſenatui Perlebergensi exhiberi. Hoc tuum officiū mihi gra-
tum eſt. Patri tuo, uiro prudentiſimo, ſalutem o-
pto. Bene uale: quarto Maij.

De conſuetudine cibum capiendo apud ueteres.

Fuit antiqua coſuetudo, ut accumberet ad men-
ſam:

sam: sicut Christus sedet, quando mulier peccatrix (Lucæ 7) contrectauit eius pedes. Pedes erant positi in scanno, seu lectulo. Pictores nō rectè imitantur pingentes Mariam Magdalenam, quæ non sub scaminis, sed in lectulo Christi pedes osculata est.

Triclinium uocatur: quia fuerunt tres lectuli ad mensam collocati. Fuitq; hæc consuetudo: homines sapientes defatigati laboribus, semel comedenterunt. Venientes uero ad mensam, quo melius acquiescerent, unusquisq; occupabat integrū lectū: sic mensa debet esse locus quietus, ex non Centaurorū stabulum. Ideo assidebant tres: quia numerus ternarius conueniens est colloquijs. iuxta uetus prouerbium: Tres conuiuum, nouem conuiciū. Item dialogi sunt plerunq; trium: duo sunt colloquentes, tertius est quasi arbiter interloquens: ut est in dialogis Platonis. Omnia exempla antiquitatis uerè habent aliquam pulchram & grauem causam.

Illud autem dictum, quod antiquitas tantum semel comedenterit, non est intelligendum de messoriis, seruis, aut pueris. nam tales sumebant ientacula. Sed honestiores, grandiores natu, et occupati cōsilijs, non coenabant: inde sunt hi ueteres uersiculi: Sex horæ tantum tribuantur rebus agendis:

Viuere post illas litera zetha monet.

Tempus matutinū à sexta usq; ad duodecimam horam deliberationib. Et negotijs tribuebatur: deinde

inde se relaxabant, lauabant, ita ut circa horam secundam aut circiter comederent. Vesperi uero citò se cubitum conferebant, ut postridie ueniret promptiores ad negotia. Ille ordo conueniens est naturæ.

EPIGRAMMA, DOCENS QUAM
modo Romani dié transegerunt, & quos
labores seu negotia singulis horis
attribuerunt.

Prima salutantes, atq; altera detinet hora:
Exercet tantos tertia causidicos.
In quintam uarios extendit Roma labores:
Sexta quies laxis, septima finis erit.
Sufficit in nonam nitidis octaua palæstris,
Imperat extuctos frangere nona thoros.
Hora libellorum decima est euphemæ meorum,
Temperat ambrosias cum tua cura dapes.
Et bonus æthereo laxatur nectore Cæsar,
Ingentiq; tenet pocula parta manu.
Tunc admitte iocos, gressu timet ire licenti
Ad matutinum nostra Thalia louem.

Venerando uiro, D. Gregorio Prætori, pa-
storî Ecclesiæ Dei in Gebersdorff,
amico suo,

S. D. Venerande uir. Est quidē ualde reprehen-
denda populi impietas, qui fidelibus Euangelij mi-
nistris,

nistris, ne quidem debita stipendia soluit. Sed nō mi-
nus accusandi sunt magistratus, qui populum non
cogunt, ut soluat debitum. Tu tamen petito auxiliū
à tuis magistratibus. Circumspectes ipse etiam lo-
cum commodiorem: ac si ego nactus fuero aliquam
occasione te iuuandi, libenter tibi opem feram. Ius
stissimum enim officium est, & maximè necessariū,
pios Euangelij ministros diligere, iuuare & tueri:
sicut Paulus iubet excellenter eos diligi. Bene uale:
Die 13 Februarij.

Reuerendo viro, D. Ioanni Bugenhagio,
doctori Theologiæ, Pastori Ecclesiæ Dei
in oppido Vitebergæ, patri suo cha-
rissimo, S. D.

Reuerende domine Pastor. Etsi in tanta sollicitu-
dine uestra de periculis publicis non libenter one-
ro uos negocijs: tamen causa uiduæ Martini œco-
nomi, indiget uestro patrocinio. Erit felicior de-
fensio, si erga uiduas & orphanos erimus benefi-
ci. Scripsi de bobus ad quæstorem, & ad consulem.
Tantum hoc petimus, ut negocium illis commēde-
tis. Rem petit iustum, ut aut emantur ibi boues, aut
concedatur ut ipsa abducatur eos. Bene & fe-
liciter ualete: Die 22 No-
uembri.

Clarif-

Clarissimo viro, D. Ioanni Marcello, col-
legæ & amico suo charissimo,
Philippus Melanchthon

S. D.

De adolescentे qui furtum fecit, audiuimus de-
cretum esse, ut Argeliam transuehatur: haud dubie
dux̄ τὸν βασιλεὺον. inquiret, quos habuerit sub-
cornatores & socios delicti, quale sodalitiū, qui ser-
mones * τραγουδῶν cù πλεθα. nosti quām sunt in
hoc genere diligentēs aulæ. Deinde delictum eo ma-
ius est, quia in arce factum est: & muneri Princi-
pis, & xenio reginæ dato, manus imiectæ sunt: & il-
lud Homericum meministi,
servōν ἃ μένος βασιλεύον εἴη βλάπτειν.

Itaq; cum frustra nos deprecaturos esse iudica-
rem, & aliquid turpitudinis & suspicionis habi-
tura deprecatio uideretur, omittendum esse censui.
Discat iuuētus, non semper cludi posse legem, quæ
minimis & metu pœnarum coherceat errantes impe-
tus. Et uult Deus in pœnis politicis nobis omnibus
proponi commones factiones. Cedamus igitur uolū-
tati Dei, & legibus: & Deum oremus, ut nos re-
gat, & has exiguae & miseræ Ecclesiæ suæ reli-
quias seruet.

Deliberationes hic fuerunt honestæ, ne Eccle-
siæ turbentur instauratione uitiosorum rituum, ut
coram narrabo. Spero etiam nos hodie iter ingres-
furos

faros esse, quod narrabis hospiti nostro Hieronymo Stauden, amico & viro integerrimo : cuius animū in hoc luctu ut à mōrōre omnib. officijs et suauitate sermonum abducatis, magnopere uos horitor. In ea re ad uestra officia meum studium adiungerem, si isthic essem. Nunc absens Deum æternum patrem Domini nostri Iesu Christi, conditorem generis humani & Ecclesiae, oro, ut nunc adfirmet, se inter mōrēntes, qui ipsum inuocant, habitare: seruet & regat Hieronymum, ex cœlesti lœticia peccatus eius exuscitet. Electionem magistratum Academie opto faustam & felicem esse. Bene uale, 19 Octobris, Anno 1548.

BERNARDO MAVRO
S. D.

Ad Dialecticæ & Rhetoricæ studium, item Erasmi de Copia & Chiliadum
lectionem hortatoria.

Fœcunda fuit epistola tua, mi Bernarde, quæ senas unica literas hactenus apud me tibi peperit. Illas uero, siue tuarum literarum elegantia emerebatur, siue amicitia nostra, plurimi quidem fieri utrumque: hoc, quod ab amici officio absens, non cecideris: illud, quod in literis adhuc tuis, hoc est, bonis, quibus ante solebas cum tecum agerem, uersari uideris. Quod cum re ipsa dignum est laude, tum pro

1548

usu studiorū tuorum diffici'e. Sic enim existimō,
 magna ex parte ad impuras istas & indoctas lite-
 ras animum cogituum, quæ solæ hoc tempore di-
 cuntur philosophicæ. Vincit enim persuasio homi-
 num nostrorum, ut ῥρούματα bonorum stu-
 diorum degenerem quandam & dilutam philoso-
 phiam præscribant. Ibi si ingenio non uoles abuti
 tuo, & id quicquid est uel ocij uel temporis, lucri-
 facere reliquis studijs tuis : necesse admodum erit,
 acri iudicio rem adeò insinceram temperes, &
 astu quodam hanc Lernam adoriare. Nam crede mi-
 hi, alia est literarum ratio, qua ingenium, qua mo-
 res, qua rerum communium sensum erudias. Et pau-
 lum quæso auoca animū à uulgi opinionibus, suoq;
 literas pede metire:tum intelliges, & impuras illas
 multis profecto modis noxias esse, & his honestis
 uerè illud ipsum τὸ πελῶν sua & nativa facie per-
 cipi, quam ferè res bonæ aliæ nube quadam tegūt,
 et nescio in quam æidos luwēlu claudunt solæ:lite-
 ræ sub lucem, sub bonorum oculos αἰνίβληλον &
 non adulteratam tantum non undiq; conspicuam
 exponunt. Dolet animo, eas iacere literas, quibus
 deuictis, sacra omnia & prophana confusurcari coe-
 perūt: quod ut intelligas, ab ipsis puericæ rudimē-
 tis coniecturam cape. Publicus quondam mos fuit,
 percepta re grammatica, rhetorum curæ pueros
 commendare: quibus authoribus, omni genere hu-
 manorum

manorum studiorū alebantur. Sic uniuersa tractari solebat, ut eorum esset usus aliquis dicendo, iudicando. Exercebatur iuuētus pulcherrima ratione, cum propositis thematis declamaret: qui labor & animū & uires augebat. Ibi suus literis honos constabat, ibi fructum literarū sentiebant scholæ. Quid enim refert commemorare, quām multa, quām felicia monumenta ex illis usq; scholis nostra ætas habeat? Rhetoribus successerunt, qui iuuentutem dilecticis illis inconditis, ut modestè dicam, imbuunt: quām sane probaturus eram, si aliquem ipsi usum eorum agnouissent. Nam & dialectica amo: & sic mihi de illis uidetur, neminē rectè crudiri posse, qui non & illa discat. sed nugas horum temporum nolo, quibus factū est, ut pro Apostolicis literis, sophisticas habeamus: pro Nazianzenis, Augustini, Lyrano, Carrucano, Sentētiariorū sex milia. Quos ut non est meum, nec in ordinem cogere, nec eximere numero: ita hoc, quanquam & fortiter & audacter satis, ausim dicere, parū admodum in ijs esse, quod cu[m] spiritu illo Euāgelico rectè cōueniat. Ex quo grege sunt, quibus nondum satis Erasmus probatur, qui primus, etiam doctorū iudicio, Theologiam ad fontes reuocauit. Capnionem factio ista non est p[ro]ssa, à flamnis, ab incendio pulcherrimas bibliothecas afferentem. Martinum Lutherum ferre non potest, quod[rum] recta moneat. Adcō ex uerē do

Etis nemo est, cui non fuerit hactenus ab audaci im-
 peritia periculum. Sed reflorescūt fauore superūm
 bonae literæ, & erigūt sese paſsim. Quanquam ad-
 huc partes egregiè suas tutantur, qui uulgò scho-
 lis à̄n̄go à̄mūta philosophica pendunt: quæ si qua
 fortuna possent castigari & purgari, magna fie-
 ret accessio (sic enim uidetur mihi) bonis studijs.
 Ac nisi me fallit opinio mea, ex dialectica pendent
 omnia, quæ ut sunt initia studiorum, reliqua ex suo
 modo temperant. Vigebant literæ quondam, quum
 & illa esset salua, hoc est, cum paribus officijs diale-
 ctica & rhetorica iuuentutē erudirent. Iam explo-
 sa è scholis rhetorica, uide quām sit exigua, quām
 sit manca, quām sit inutilis dialectica: ut uel hinc
 agnoscas, quanti referat, & uite dū' ēx̄oueuīw.
 Est apud nos in Saxonibus uir quispiam iuxta bo-
 nus ac literatus, cui crebra est de rectis literis men-
 tio, qui per iocum rogitans quendam ex isto gene-
 re professorum, quam sibi frugem uideretur ex A-
 nalyticis posterioribus Aristotelis fecisse? Tum il-
 le, architectona factum: qui nescio quas illic geom-
 tricas demonstrationes didicerat. Ridiculè quidem,
 sed uerè. Quid enim aliud peteret ex hoc tam cæ-
 co & inadito specu, ut ne ad limina quidem tutō
 peruenire liceat? Id genus exempla si uoles, & à
 tuis pete. Perpauci enim sunt, qui hoc ipsum ge-
 nus studiorū intelligant, quo aluntur: sic enim abu-
 timur

tumur Musis. Quare uisum est mihi paucis, idq; obiter tantum, notare, qui dialecticorum, qui rhetoriconus usus sit: & illa quomodo ē suis authori- bus peti commode possint. Fortasse uidetur nuga- gari aliquibus: sed ueniam mereor, qui hisce quali- buscunq; nugis in uiam reuocare studiosos conni- tor. Alioqui satius fuerit interim, si quid erat ocij, felicioribus nugis impendisse. Primum omnium, ut dialectica non ulla ratione alia discuntur, quām ut horum temporum moribus satisfiat: ita sunt qui rhetorican arbitrantur modum epistolarum scri- bendarum, aut falsas principum laudes: ipsorum e- nem uerbis utor. ubi, te quæ so, quid istis facias ho- minibus? Evidem hæc inuitus ὡς ἐν ὅρῳ Σοᾶν, et præter decorū attingo: sed admonitos oportet stu- diosos: & interim mei rationem non habeo, dum illi sapere incipient. Nam ut scias quæ sit ratio stu- diorum de quibus dico, commune argumentū est et rhetori & dialectico. hic intra fines propositi ne- gocij uelis paulum contractioribus nauigat, ille e- uagatur liberius: huius ad docendum, illius ad mo- nendum est accommodata oratio: quem in modum fertur Zeno, quicunq; is fuit, cum dialectica rheto- ricam contulisse. Primum de dialectica primū tra- denda sunt, in quibus iudicium artis, et tñs μεθόδοis fines, inuentionis loci, argumentorum figuræ, col- locati ratio facilius cernitur. Est enim dialectica,

cuiusque thematis propositi exacta & artificiosa
 peruestigatio. ut si de officio dicendum sit, exigit
 ars, ut primū finitione declares officium. deinde
 subiectas partes: quas si inter se cōpares, erūt que-
 dam officio affinia, quedam contraria. Quo exem-
 ple, si, quicquid omnino inciderit agēdum, tractes,
 dialectici munere fungēris. Fuit hec quondā exer-
 cendae iuuentae consuetudo. unde sunt adhuc in no-
 stris scholis congressus illi, quos disputationes uo-
 cant. Tum si iecerit fundamenta diaλέξεως usus,
 omnino ad communes causas perducendum adole-
 scentem censem. In his locos cōmunes uitiorum, uit-
 tutum, fortunæ, mortis, diuinitarum, literarū, & si-
 miles exerceat. Quo futurum est, ut animū ad sum-
 mas disciplinas instructum efferat: de aliorum scri-
 ptis non improbè iudicet, ipse commentari noua
 possit. Ad hoc plurimū cōducet, formas locorum
 cōmuniū diligenter notatas in manibus habere, ut
 si quam sententiā, si quod adagiu, si quod απόφθεγ-
 μη & dignum quod in Tabulas referatur, exceperis,
 suo recordas loco. Accedūt fabulæ, quæ ut plurimū
 possint, allegoriæ præstant: cuius generis Plato, et
 qui ad illum proximè accedunt, artifices sunt. An
 potuit explicari Homericū moly prudētius, quām
 est à Maximo Tyrio expositum? Et uides quantus
 in Silenis Alcibiadæ sit Erasmus. Ut in alijs admi-
 rādus, sic ea declamatione, nescio quo modo seipso
 mili

mihi maior uidetur, ac planè yνίσιον τῆς πείσση,
 ετ; ut Sophocles ait, οὐρῶν μέρον πονοντες. Inte-
 rim è manib. tuis ut excedat Erasmi de Copia, Chi-
 liades adagiorum, ne committte. Dici non potest,
 quām ijs operam sis locaturus utilem. In hoc studio
 rum ueluti campo qui iuuentam exercuerit, uirū
 sanè multum ad sublimia feret. Organon dialectica
 ministrabit, ut si qua inciderint fertē, habeat ceu
 syluan orationis, ετ; artificium, quo argumenta
 rectē dispēset. Augebit splēdore rhetorica, quæ om-
 nium sibi artium ornamenta asserit. Atq; ex his est
 demonstratio, quam in dialecticis docet Aristote-
 les: id est, euidentes & ordinata rei cuiusq; exposi-
 tio: unde omnium argumentorum riui ut ē fonte du-
 cuntur, amplissima differendi materia. In hoc Ari-
 stotelis dialectica debebant legi, in hoc à Cicerone
 multa, multa à Fabio scripta sunt, quæ partim im-
 peritia nostrorum hominum iacent neglecta, par-
 tim in doctis commentarijs obscurata sic discuntur,
 ut præstiterit ea non attigisse. Sed hæc ego for-
 tasse longius. Quanquam ita sit conditio rei, ut nisi
 obtundas & frangas hoc hominum uulgas, nihil
 agas. Ego uero de rhetoriciis pauca, neque per o-
 cium, ob hoc potissimum scribo, ut doceam qui sit
 dialecticæ usus, nec probari mihi ulla ex parte no-
 stri seculi commentarios: tum si qui recta uia literas
 aggredi uolent, ad rhetorū præcepta statim se con-
 u 3 ferant,

ferant, nihil in ullo genere studiorum promoturi,
nisi hæc meditata teneat. Tu quoq; è re tua feceris
Bernarde, si è nostro consilio studia comparaueris
tua. Vale, Vitembergæ in Saxonibus, mense Ja-
nuario, Anno 1519.

Amico cuidam.

Intellexi te uxorem duxisse: quòd si ita est, pre-
cor ut consilium tuum Christus fortunet: quando-
quidem ipsius autoritatē in eo uite genere ingre-
diendo, maximo cum periculo sequi uideris. Neque
uerò duxi, te aduersas inique hominū iudicia mea
ratione cōfirmatum esse. Non enim dubito quin ex
prospexeris antea, quæ dimications, quæ tempesta-
tes subeundæ essent in hac causa: nisi contra om-
nes casus atq; impetus non solum ratione, sed etiam
pietate muneris prospexeris. Quod cum ita sit, no
lui de hac re scribere longius. Tantum illud duxi
admonendum esse, quòd ad consolationē, meo qui-
dem iudicio, non est inutile. Tuum exemplum ad
alios bonos uiros in causa optima confirmandos
plurimos ualebit. Atque inter ceteras causas que
te bene sperare iubent, hanc quoq; cogites: quòd
aliqua ex parte ad publicum Ecclesiæ exemplum
pertinet. Quare ex gratiis Deo iudicandum est,

Ex diuinitus singulari clementia defen-
detur. Bene uale.

Amice

Amico cuidam, P. M. S. D.

Reuerende vir. Non dubito te, ut cæteros bonos uiros, in hoc tam triste bellum intuentem, & presentes ærumnas magnarum gentium, & magnam confusionem gubernationis futuram ad posteros, magno cum dolore recessisse. Verè nunc illud tempus est, de quo Esaias inquit: Angeli patris amare flebunt. Incidit ætas nostra in mundi senectam, de qua prædictum est, maiores nunc confusiones piorum & Ecclesiæ futuras esse. Sed tamen hac consolatione nos sustentemus, quod Deus semper sibi aliquam colligit Ecclesiam, & seruabit (ut Esiae uerbis utar) semē sanctum: quod in eo coetiu seruabit in quo erit doctrina Euangeliij. Hic spe et ipsi doctrinam propagemus, & adiuuemus discentes, donec possumus: quod te isthic fideliter facere intelligo, cum & in templis & in scholis doctrinam gubernes. Cum autem intellexissim isthic quosdam iuuenes scholā, Dei beneficio, & grauiissimo consilio Senatus, bene constitutā, turbare: dolui, et tibi & alijs ad mœsticiam communem etiam hanc molestiam accedere. Deq; ea re quid mihi uidetur, amanter ad te scribedum esse duxi. Etsi enim neminem decet in aliena Republica πολυπραγμον: nec ego mihi hoc sumo, ut neq; istuc aliquid precipiam, cum foedus commune esse debeat decentium. Sperauit te meas literas boni consulturum

n 4 esse.

esse. Audio quosdā de noua schola instituēda deli-
berare. Etsi cōfilijs causas penitus non noui: tamē ar-
bitror ad Ecclesiæ & ciuitatis concordiā, & ad iu-
uenturis disciplinam retinendam melius esse, in ea-
dem schola, uelut in iisdem castris, omnes doctores
& auditores conuenire. Nam diuersa docētum ag-
min: haud dubiè discordias accēsura essent. Qua-
re, ut egn ex̄stimo, habebunt consules rationē con-
cordiæ publicæ: si eris hortator, ne præsens schola
diuellatur, presertim cum in ea reclē instituta sunt
studia, & disciplina honesta sit, & doctores sint
concordes. Vidi ordinem lectionum: noui eruditio-
nem & facundiam eorum, & iudico eorum indu-
striam iuuentuti prodeſſe posse. Sed hæc turbulen-
ta etas ut alia multa mala, ita etiam ingenia inquie-
ta non pauca genuit. Facile igitur credo, bonis ui-
ris isthic docentibus non deesse obtrectationes. Ac
nominatim audio N. sedulitatem, qui erotemata e-
didit. Ipse autem usū compéri, prodeſſe discētibus
talia interrogationum exempla. Nec dubito perito-
rum iudicia hac de re cum meo iudicio congruere.
Ideo iuritio probauit editionem libellorum. Audio et
alias fabulas, quas cum res ipsa refutet, nō est opus
longa oratione apud uirum grauem. Et scholæ gu-
bernatores ipsi prædicant tuam erga se beneuolen-
tiā, sese tua authoritate defendi narrant. Quod
cum tuo iudicio fiat, nihil opus est mea cohorta-
tione:

tione: sed tamen ad te scripsi, ut nostra quoq; probari ingenia, & eruditionem illorum qui nunc iuuentutem erudiūt in urbe nostra, scires. Teq; oro, ut & ipsos & scholæ authoritatem & concordiam tueri non desinas. Scimus genus humanū p̄cipuē cōditum esse ad agnitionem Dei, non solum philosophicam: sed etiam ad illam ueram, cui praelucet doctrina, in qua Deus prodiens ex arcana sede hominibus se patefecit. Ideo harum rerum cognitio p̄e omnibus rebus humani generis p̄cipuē est ornementum. Quare iustissimum est, & fideli-
ter defendi eos qui rectè docent. Ceterū cum hoc tempore Academie in his regionib. dissipatae sint, mihi placeret uestrae scholæ addi lectorēm, qui Arithmetica & elementa de circulis coelestibus tra-
deret, ijs qui iam Grammaticē didicissent. Et hunc lec-
torem uelim Rectori parere. Nam ataxia mali e-
xempli est. Ut olim poetæ finixerūt Iusticiam pul-
sam è magnis urbibus, rure aliquandiu mansisse:
ita nunc literæ pulse ex principum ditionibus, in
quibus delentur bellis ornamenta multa, rursus in
ciuitatibus honestis hospitem querunt. Ac omnes
potentes, quantum possunt, decet omnibus uiribus
literas ab interitu vindicare. Quia extinctis literis,
etiam doctrina coelestis amittitur: que ut seruetur,
p̄cipua cura omnium hominum esse debet.

Postremò te oro, ut hanc epistolā summo cando-

u s re

De animi scriptam boni consulas. Bene uale, Anno 1547, die 27 Aprilis, quo Nohe egressus est ex arca, ante annos 3850. Vedit Ecclesiam mirando modo seruatam esse: quam ut nunc quoque seruet Deus in magnis periculis fluctuum, et nos ardentibus uotis oremus. Et sicut ille senex nauclerus sue familiæ optima fide tradidit: ita nos quoque literas et Evangelium ad posteritatē transmittamus. Iterum uale.

Clarissimo uiro, &c. N.N. συμφιλοτόφῳ, amico & fratri suo charissimo,

S. D.

Gratum mihi fecit Syluester, quod cum Ioachimus Philyra discessisset, eum apud Ascanium quæsivit. Attulit autem et à Ioachimo et à N. literas, quarum utræque nihil nisi querelas continent, sed tamen ðængivwv neægis. Sed tamè lenit dolorem, illa inter amicos quasi laxatio animi. Rescribam Ioachimo, eumque hortabor, ut animum à summo dolore abducat. Primum, quia Deus non uult nos indulgere moesticiæ, sed in expectatione coelestis auxilij aliquantulum acquiescere: et discere, non omnia regi humanis consilijs. Deinde, si querimus τὰ λαύρων, nobis plus periculi est. Nam et alter dux adducet peregrinas gentes: et noster, ut in pace, ita et nunc quoque, negligit μετεπόντια. Sed haec coram. Bene uale. De mea uxore scribas, quando redi-

turus

tura sit. Iterum uale. Salutem opto Casparo Crucigerō, cui & Ioachimi literas ostendito.

Principi cuidam iuueni.

Illustrissime Princeps. Gratiam tibi habeo, quod ad me tam amanter scripsisti. Mihi enim nihil optatus est benevolentia mei Principis, cui præcipue et debeo & cupio omnia uitæ meæ consilia et omnes actiones probari. Tibi quoq; honestum est, et suscipere subditorum mores, & delectum habere, ut uites eos quoram cōsuetudo tibi dedecori esse posse, ut in ueteri uersu dictum est:

Principis est uirtus maxima, nosse suos.

Erunt autem literæ apud me tuæ, tanquam bene uolentia erga me tuæ pignus. Ac uicissim omnibus ingenij neruis, & omni animi cōtentione perficiā, Deo uolente, ut bonis moribus & uirtute fauorem tuum & aliorum honestorū hominum tucar. Hor tarer autem te ad literarum studia, et ad uirtutem, si mea ætas plus autoritatis haberet. Sed habes domesticos monitores tui officij. Primum autem ac præcipue patrem tuum, qui propter ingenij præstantium ac sapientiam, authoritatem habet apud omnes reges: & patrem ac uirum grauitate ac moderatione animi præcipua præditum, Philippum Reitersel: & preceptores tuos, quos pater tibi propter prudentiam & fidem adiunxit. Hi sciunt,

bonum

bonum principem & salutarem patriæ & Ecclesie, quæ est altera & uerior patria, imaginem Dei esse in terris. Econtra uero, malum principem, & perniciosum Ecclesie, & imaginem diaboli esse, grassantis in genus humanū horibili fœnitia. Maxime igitur opto, ut ita aliquando gubernes patriam, ut omnes boni te uelut imaginem Dei ament. Id autem ut consequaris, necesse est ut eruditione te instruas, et ad uirtutem te exuscites ac assuefas. Et quoniam ad hæc opus est auxilio Dei: precor Deum, ut te scruet & regat, ut sis tibi ac uniuersæ Reipublicæ salutaris. Bene uale, illustrissime Princeps.

D. Friderico Myconio Philippus
Melanchthon S. D.

Venerande domine Pastor. Scimus harum regionū urbes, hospitia esse Ecclesie Dei: ut erat uiduae Sareptane domus, cum Eliam excepisset. Ideo secundis & aduersis rebus urbium, in his regionibus adfici nos decet. Ac in primis animaduertimus, ciuitatem Gottham eximia pietate fouere Ecclesiā & literas, & dulcem ibi concordiam esse gubernatorum Ecclesie & Senatus: multumq; prodesse cæteris Thuringicis oppidis ad pietatem, & ad concordiam, exemplum Ecclesie Gotthanae. Quare et singularis bencuolentia est nostra erga oppidum uestrum, & magno dolore nunc propter ciuiū detrimenta

trimenta adficiuntur, quibus domicilia et multae res
domesticæ perierunt. Tuo etiam dolore mouemur,
quem scimus assiduo conspectu misericordiarum crucia-
ri. Nec tamen dubitamus, quini ipsi te consolationibus
erigas, quæ in Euāgelio nobis traditæ sunt. Multæ
sunt etiam Ecclesiæ peccata, propter quæ castiga-
tur: sed non accedit Deus totam iram suam aduer-
sus nos. Ideo misericordiæ sue in ira recordatur. Vi-
dit Esaias inflammari multa oppida à Sannache-
rib: uidit Ieremias ipsam urbem Hierosolymam et
templum incendio detteri: et tamen sciebat non de-
liri Ecclesiam. Hac consolatione nos quoque susten-
temus. Et quidem hic annus exemplū memorabile
ostendit uastationis regionū et Ecclesiarum, cuius
coryphaeus est N. sed Deus eum repressit. Interim
uero ne securi laxenius nobis frenos, et uos et nos
atque alijs multi castigamur alijs mitioribus poenis.
His commonescere nos de nostris peccatis, poeniten-
tia, frugalitate, inuocatione Dei sciamus. Denique
consideremus, ut in Ecclesia, causam omnium cala-
mitatum humani generis esse uoluntatem Dei: ha-
rum rerum cogitatione et tibi et alijs dolorem le-
nias. Ut igitur ostenderemus nostram beneuolen-
tiā erga Ecclesiam uestram, misit Academia ue-
stris pauperibus centum florenos. Id exiguum mu-
nus ut boni consulatis, oramus. Scitis enim media-
res difficultates esse, propter quas hæc officia sunt
angustiora.

angustiora apud eos, qui liberalitatem exercere cū
piunt. Bene uale.

Clarissimō viro, D. Paulo Ebero, fratri
suo charissimo, *λαζαρίου φιλοσόφῳ,*
S. D.

Philosophiam apum tibi mitto, cuius conside-
ratio ex ipso melle dulcior, & illustre testimoniu-
m est, hunc mundum non extitisse casu, ex Democriti
atomis. Inuocemus igitur uerum illum architectum
pulcherrimorum naturae operum, & Ecclesie con-
ditorem, patrem aeternum Domini nostri Iesu Chri-
sti, ut & Ecclesiae sue alueolos & nostra examina
defendat & seruet. Meus magister, qui me de api-
bus dacet, te orat, ut tecum in ipsam Academiam
apum uenias. Iosepho dialecticas pagellas mitto: &
puto paginam, quam habet in manibus, compleri
posse προσθίνει. Da operam, ut totū opus reliquū
condiatur illecebris: ut sicut apiculae melissa inui-
tantur, ita nos iuuentutem inuitemus suauibus ma-
terijs. Scriptū ad Bohemos absoluā intra bidū: de-
inde Synodi refutationem inchoabo. Decreui enim
testimonia in hac επιτάσσῃ certaminum edere, de
rebus ueris & necessarijs, Deo iuuante, uel si iam
tyranni ferirent meam ceruitem. nec me deterret
amici nostri Ioachimi solitudo: cui quidē opto ut
sit beatus, & tranquillitate studiorum fruatur. Nos

si

Si iam taceremus, deseruisse et abiecisse causam ne cessariam iudicaremur, sed in ipsis controversijs sunt quædam, de quibus cuperem cum amicis colloqui. Mitto Synodi orationes: in quibus est illa est, quam Vitus cœpit excudere, quæ ex hoc archetypo absolui poterit. Et addemus querelanæ πηγὴ γονταῖς θεαφθειρόσαις κατὰ τὴν διαλασσαδίαν. Benevide. Date Seruestæ, Die 26 Martij, quo ante annos 1514 filius Dei in sepulchro fuit.

Historia apum.

Initio ueris circa æquinoctium eximuntur ex aliis mellis superiore æstate facta. Nam in his regionibus, quicquid est mellis in æstate factum, totum relinquitur in aliis in hyeme. Alibi pars eximitur. Sed dicunt, apes spoliatas tristiores fieri. Ideo hic totum eis relinquitur, ut integræ suo labore frumentæ, in hyeme minus sint sollicitæ. Exempto melle, quia domunculae in eximendo lacerantur, prius labor est cellulas reficere, ad quod ceras tunc faciunt. Domibus refectis, adferunt rorem: cui incubantes, nouam sobolem gignunt: quia multæ perreunt uarijs malis. Curam igitur quotannis habent generis constituendi. Postea nouas cellulas consti- tuunt, et noua domicilia educunt, et colonias faciunt. Quartò, in Maio florescentibus pomis colligunt dulcē succum. hic primum incipit mellifica-
tio.

tio. Rectè igitur Aristoteles de Eliaco ortu intelli-
gitur. Mellificatio durat, donec habent trifolium:
id est, usque ad Augustum. Nihil hic eximitur tota
estate uel hyeme, usq; ad uernum & quinoctium. In
Autumno ipse apes mira arte obstruunt foramina
alueorum. Præcipue delectantur & alliciuntur o-
dore melissæ. Si quis alueolos conspergat aqua de-
stillata ex melissa, audiſſimè aduolant. Ideo Virgi-
lius dixit, Melisphylla. Fugantur ab absynthio. Ha-
bent hostes, uespæ, culices, tineas, mures. Et mira
fortitudine possunt mures interficere. Fuci non no-
cent eis, nisi uoracitate. Sed uespæ pungunt eas. Vi-
uunt octenium, & non amplius. Nec manent inco-
lumes, nec feliciter faciunt operas apud iniustos
possessores.

Illustriss. & reuerendissimo Principi ac
domino, D. Georgio principi in Anhalt
& Alscania, coadiutori Ecclesiasticæ gu-
bernationis in Mersburg, domino
suo clementissimo,

S. D.

Illustrissime & reuerendissime Princeps, hoc an-
no celebratur Pascha 3056, inde usq; ab exitu Israe-
literū ex Aegypto: tot seculis scruauit Deus Eccle-
siam suam, & Ecclesiæ uocem de filio Dei, & uero
animo mirandis modis seruabit deinceps. Quare
etiamſi

etiam si quid patientium sit, expectemus auxilium
Dei. Literas has dedi Valentino gubernatori schœ-
la Zeruesianæ, uiro docto et graui, qui se offert ad
ministerium Euangeliū in uestris dicecessibus: usus
eum erudiet, etiam si hactenus raro concionatus est
in templis: sed est etatis & eruditioñis mediocris,
& bonarum commendationum, gratia probè mu-
nitus. Bene & feliciter uale. Datæ in ferijs Pascha-
tis, 1547.

Clarissimo uiro, domino N.N. ami-
co & fratri suo charissimo,

S. D.

ὑδγὴν οὐτως σὺ φραίνεις κύας εἴωθον, ὡς οὐκαι-
δὸς ναθαρόν, λικὴ λαπίδες αὐγαλαὶ, inquit Nazian-
zenus uerè et p̄aeclarè. Sed spes unde pendeat, mul-
tum refert. Nobis quidem spes à solo Deo æterno
patre Domini nostri Iesu Christi pendent, non à
præsidijis humanis. Et exaudiet gemitus nostros
Deus, ac defendet Ecclesiæ suæ reliquias. Si pa-
tet aditus ad uos, breui unā erimus. Nam senatus
in urbe Parthenopæa abhorret à nostro concilio,
τῷ δημοσίῳ αἱροάστων. Atrociter enim huic
minantur οἱ τὴν ταργίστας τειρώμενοι μυσῶν
λεῖαν ποιεῖν. Scriptissimus ad Rectorem Crucigerū,
de stipendijs. Eam rem tibi quoq; commēdo, & tua
& ceterorum amicorum causa curandam. Bene

x e

XXX

et feliciter uale. Die Andreæ. Hodie aderit Do-
ctor Chilianus, pulsus ex Salinis.

D. Andreæ Osiandro S. D.

Ex literis Viti intelleximus, honestissimam ma-
tronam, coniugem tuam, exemptam esse rebus hu-
manis. Hic casus multis bonis et doctis magnum do-
lorem in urbe nostra attulit, qui tuo luctu adficiun-
tur. Sed ego hoc magis doleo, non solum quod fami-
liaritas et benevolëtia inter nos maior est, quodq;
est quædam studiorum et sententiarum societas:
sed etiam quia uidi coniugē tuam, cum memini quæ
illius uirtus fuerit in omni officio: uidi et paruos li-
beros. haec mihi omnia in oculos incurrebant, Viti
literas legenti. Itaq; et tuo moerore moueor, et il-
lud decus matronarum penè in ipso flore extinctū
esse ualde doleo. Etsi autem te ad grauitatem et mo-
derationem natura finxit, tibiq; nota sunt omnia
quæ ad consolantionem à doctis uiris colliguntur:
tamen ut in bonis naturis sogyā sunt expressissi-
me, arbitror illas in te magnopere dolorem auge-
re. Quare non dubito, quin tecum uehementer lu-
eteris. ipso enim dolori difficulter repugnas. Pre-
cor igitur Dominum nostrum Iesum Christum, qui
nostris ærumnis se adfici testatur, ut te adiuuet atq;
erigat. Nam Stoica illa præcepta, ut ne dolcas, non
solum inania sunt, sed etiam auditu crudelia atque
iniusta: et ab ea philosophia, quam nos probamus,
reiecta

reiecta & damnata Christianis sententijs. Odit enim Deus nos & sacerdos. Quare quod luges, homines est à natura bene instituti. Et pie itaque moderare luctum, et repugna dolori. Quod quidem facies, cum cogitabis Dei uoluntate uniuersum genus humanum ingentibus calamitatibus subiectum esse: et coniugem tuam non casu extinctam, sed Dei conseilio ad immortalitatem euocatam esse, & à te sic aliquantisper auulsam, ut paulo post Deus consuetudinem uestram uobis longè meliori conditione rediturus sit, ubi una fruētes æterna luce, de Deo suauissimè colloquemini, ac longè uincet presentē sua uitatem & consuetudinem illa futura piorum conjugum suorum. Sed cum sciam te omnia quae hoc pertinent, sine monitore colligere, nolui esse prolixior. Hęc tamē breuiter scripsi, quod arbitrabar ad amici officium pertinere, tali tempore ostendere se amici casu affici. Ego uero ex animo adficior: teque oro, ut has literas boni consulas. Adscribam etiam remedium ἀτεχον, quod mihi in summis animi perturbationibus in primis opem tulit: Onerandas est animus occupationibus, quibus abducatur à cogitationibus de interitu cōiugis: & puto tibi non deesse negotia. Sadoleti epistolam ad me scriptam, te uidisse arbitor: nisi enim Vito exemplum. De nostris studijs et de Republica scribemus alias. Bene uale.

Amico cuidam S. D.

Et fratri meo talem generum gratulor, & uobis spero iucundum fore connubium cum illius filia: quae mihi quidem uisa est mirifico pudore, & summa animi ac morum suauitate praedita esse: & expressisse patris humanitatem, quam ego non minus semper propter egregiam uirtutem, quam propter sanguinis & naturae uinculum dilexi. Itaque p̄ecor Deum, ut efficiat, quo connubium uestrum sit tranquillum, faustum ac fœlix. Munus nuptiale mitto coniugi tuæ, in quo est imago duorum coniugum, qui summa inter se charitate uixerunt, Ferdinandi regis Hispaniæ, & Elisabethæ. Exiguum est munus, sed symbolo delectabar. Et hoc tempore absens, qualicunque significatione declarare uolui animum bene precantem uobis, & expectetem amicitiam tuam. Affinitas enim nostros animos copulare debet. Ac profectò sororum maritos loco fratris habeo. Conciliant autem eruditos etiam alia: studiorum societas, & uoluntas in Republica. Etsi uero quædam inciderunt cōtrouersiæ doctorum, tamen spero bonis & prudētibus mea studia & meā uoluntatem probari. Idem opto equidem tibi uideri: sed tamen nihil præscribo. tantum oro, ut putas necessitudinem non obliuiscendam esse, etiamsi est quædam de illis controv̄sij disimilitudo. Gratissimum mihi facies, si de tua erga me uolūtate ali quando

quando mihi scribas, aut aliquid per sacerorum signi
ficaueris. Bene uale.

Clariss. uiro, P. Ebero, συμφιλοσόφῳ, a-
mico suo & fratri charissimo,

S. D.

Etsi in tanta confusione orbis terrarum optan-
da mors uideretur: tamē cūm in Ecclesia Dei uiua-
mus, nō decet nos fractos metu ἀπελιχτυρουν. Ut
igitur me iubes curare ualetudinem, ita uicissim te
adhortor, ut quanta diligētia humana effici potest,
tueare ipse tuam ualetudinem: teq; & Ecclesiæ com-
muni & domesticæ serues. Mihi temperatia unius
dici profuit: ac Platonicum illud sequor, quod quia
tibi quoq; profuturum esse iudico, adscribam: * οὐδὲ
πάντας λιοφέντες διοίτες, πάντα τὰ τοιαῦτα
καθόσον αὐτὸν χολὴ, ἀλλὰ & φαέμασθαι τὰς λιανὶς
λίσπολον.

Mitto tibi Ioachimi epistolam, ex qua intelligo
incolumem peruenisse in urbem Ieram, quod gau-
deo. Illud uero λυχόραίνω, quod cum nec tantas
dolendi causas habeat, quantas nos habemus, nec si
mili in periculo sit, nimium indulget mœsticie ac i-
racundiæ. De tuis rebus publicis scribito, quoties
habebis tabellarios. Bene uale. 3 Martij, An-

no 1547.

x 3 Ado-

Adolescenti studiosissimo Ioanni
Reiffenstein S.

Martinus redidit mihi suauissimas literas tuas,
mi Ioannes, quæ mihi attulerunt maximam uolu-
ptatem. Gaudebam enim primum patris tui causa,
uiri optimi, qui nulla ex re fructum capit aut uolu-
ptatem maiorem, quam ex studijs tuis ac fratrum
tuorum. Deinde delectabar et Republicæ causa.
adducor enim in spem, ut literæ et honestæ artes in-
tegræ ad posteros perueniant ac transferātur, cùm
te ac tui similes uideo tam studiose operari dare li-
teris. Precor itaque Christum, ut faueat tuis studijs
ac fratribus tuorum: idq; faciet, si tu quoq; eum toto pe-
ctore rogabis, ut te adiuuet, et gubernet omnem
uitæ tuæ cursum. Amare enim se testatur hanc tuæ
ætatem, cum dicit: Simite parvulos uenire ad me: ta-
lium est enim regnum cœlorum. Hoc classico, hac
uoce uocat tui similes ad honesta, et pollicetur pre-
cium ingens. Hanc uocem Dei nostri ac saluato-
ris, mi Ioannes, memineris tibi sequēdam esse. Idem
Christus custodiat et conseruet te semper, et gu-
bernet tua studia ad utilitatem Republicæ, et ad
suam laudem. Bene vale. Matrem tuam uerbis meis
reuerenter saluta.

Optimo viro Guilhelmo Reiffenstein,
amico suo summo, S. D.

Quod faustum et felix fit, proficiscitur istuc
iuvensis,

iujuenis, cūm quo egimus, ut suscipiat curam docēdorum liberorum tuorum. Tu de eo pro tuo iudicio statues. nam mihi quidem probatur ingenium, & spero non defuturam fuisse eī negotijs fidem. Id sum secutus tunc quoq; cum eum ad Alberti Comitis filium mitterem. Multum enim refert, quo gener orationis initio pueriles aures personent.

Quod cogitas liberos tuos hoc tempore hic mittere, malim te eos domi retinere, donec vires erūt firmiores: et praeceptor quanquā est cupidus, tamē iudicat te debere rationē habere & tatis tenerae, quod non semper aerem peregrinum, uel culinam aliquām nostro more instructam, commodē tolerare possunt. Ad hēc, prius te praeceptoris ingeniuū, ac rationem docendi, domestica consuetudine uelū explorare. Imitaberis meum consilium. Ego ex animo opto, ut Christus tuorum liberorū studium fortunet, eosq; conseruet. Bene uale. Vitebergæ, die 20 Junij.

Amico cuidam.

S. D. Et uos liberatos esse miserijs obsidionis? & oppidū utcunq; seruari gaudeo: ac utrumq; assiduis & ueris gemitibus ac uotis à Deo petiui. Nec in hoc exilio meo magis de meis miserijs, quam de Pastore, Crucigero, & de te, ceterisq; inuocatiis Deum in illa dulcissima patria nostra, in qua ma-

nere summo cum periculo uoluiſtis, cogitaui. Nec procul diſcedere potui. Familiā igitur duxi in oppidum Northausen. Ego in iugis Hercinijs non interferas, ſed inter homines honestiſſimos, ſocios noſtri luētus, uerſor. Ibi exitum obſidionis expectare uolui. Nam coniectura quadam ducebar de tempore, ut corām narrabo. Cursorē meum ad uos miſi, ut de ſtatu oppidi, de q̄ uestris consilijs mihi ſcribatis. Etiā enim erit longius exilium uſcipiendum: tamen colloqui uobifcū decreui. Optarem nos in eadem Academia uiuere poſſe, ubi cunq; Deus aliquā ſedem nobis attribuet. Si iſthic manent Pastor & Crucigerus, de reditu cogitabo. Sed prius audiam quid tu ſtatueris, & quid mihi faciendum iudices. Omnino mihi morte acerbior est hec distractio noſtri coetus. Et tamen ferēdum eſt, quod mutari non poſteſt. Bene uale, 26 Februarij, Anno 1547.

D. Friderico Bernberck, senatori urbis Cithni, S. D.

Honestiſſime domine Friderice. Cum Paulus noſter & tui & patriæ amore ad uos profeeturus eſſet, & ipſe comes amiciſſimi hominis nunc eſſe noſ possem: uota tamē mea, cum mea etiam epiftola co mitari uolui. Ac primū oro filium Dei, ut ſicut iter facientem Iacob cum familia cuſtodiuīt: ita hunc, & honestiſſimam coniugem, & dulciſſimos

mos liberos seruet incolumes. Vobis etiam opto, ut
 incolumes & laeti conspectu mutuo ac dulcissimo-
 rum sermonum communicatione fruamini: & ut
 colloquium uestrum sit uelut nepenthes, quod le-
 niat mœstiam, quam propter Rempub. ut om-
 nes boni uiri toto orbe terrarum, ita & uos circū-
 fertis. Mihi h̄ic in oppido mœstissimo nulla res hu-
 mana alia, nisi Pauli consuetudo, dolorē mitigauit.
 Nunc solitudinē ualde metuo: sed si diutius eum re-
 tinebitis, me quoq; isthinc attrahetis unā. Est simul
 & honestissima & dulcissima ratio, uiuere in con-
 suetudine doctorum, ac eruditis colloquijs pectus
 ad cogitationem de Deo & alijs rebus bonis accen-
 dere. Hæc ratio uiuendi præcipue appetenda esset,
 etiamsi quid aliud in uita delectare nō posset. Nunc
 in hac confusione imperiorum, quid delectare ho-
 minem sanum potest? Confugiamus igitur ad hanc
 uiuendi rationem, & nobis quantum Deus conce-
 dit, mutuis officijs dolores leniamus: uota etiam cō-
 iungamus, ut Deus Ecclesiæ semē sanctū, studia do-
 ctrinæ, & hospitia aliqua seruet. Hæc uota non e-
 runt irrita, sed magis medebuntur publicis calami-
 tibus, quam regum conuentus. Sed sum breuior,
 quia talium sermonum scio congressus uestros ple-
 rosq; fore. Vale, Die 6 Septembris, Anno 1547.

Amico cuidam.

In hac confusione Reipublicæ, et si multa sunt

x 5 quæ

quæ nobis intuentibus hominum uitam, magnum dolorem adferunt: tamen cum uiderim, aliquas interea Ecclesie reliquias esse, quæ cum diuinitus uentur, ostendunt etiam nos non abiecos à Deo esse: et passim alios viros doctos et honestos, qui fideliter propagare literas et optimas artes student: non nihil acquiesco, quasi portum aliquem prospiciens. Quia cogitatione cum tuum ingenium, eruditionem, mores, fidem in docendo, grauitatem in omni officio contemplor, magnam uoluptatem capio, harmoniam illarum pulcherrimarū uirtutum considerans. Nam cum eruditione excellas, non minus literis ornamento sunt ceteræ tuae uirtutes, quam tibi literæ ipse. Sæpe etiam mihi gratulor cum tanto uiro amicitiam esse, ex quo hoc tempore magnum fructum percipere possem, nisi te luetus propter fratris (uiri præstantis sapientia et uirtute) interitum domi retineret. Desponsauis filiam meam iuueni docto et modesto: cumq; ad sacrum nuptiale amicos uocauerim, te quoq; maximè adesse optarim: id enim mihi et literis honorificum esse ducerem, gauderemq; te in ipso coetu cum ceteris tua uota coiungere: qui quo magis expendo uita pericula, eo ardentius peterē gubernari meos diuinitus. Cum autem de te uocando deliberarem, simulq; de tua erga fratrem pietate multa dicerentur: non ausus sum tali tuo tempore petere, ut

ad nos accederes, præsertim cùm mihi historia de
tuo patre, uiro grauißimo, cõmemoraretur: quem
aiunt, cùm ad nuptias à quodam amico uocaretur,
semestri exacto, post mortē tuæ matris (quam cùm
alijs omnibus uirtutib. excelluisse, tum uero literas
& philosophiam coluisse scimus) ualde commo-
tum dixisse, mirari se amici duritiem, qui lugentis
talem coniugem, rationem putaret nō habendam,
perinde ac si cui pera de cingulo decidisset. Cùm i-
gitur tibi non minorem pietatem tribuamus quam
patri, & horum temporis incesticia cõunis tuum
dolorem augeat, pudore impedior, quo minus te
accersam. Facies tamen, quod tibi uiro sapienti ui-
debitur. Hanc autem epistolam ad te misi, nō solum
ut benevolentia erga te meam, que erit perpetua,
testarer: sed etiam ut cognosceres, nos luctus tui ra-
tionem habuisse: & tamen peterem, ut animo no-
biscum adsis, & uota pro nobis ad Deum facias, ut
& Ecclesiam & eius domicilia & studia seruet
ac regat, & tuis meisq; liberis det uitæ curriculum
salutare, ut sint σωστοι ελέος: quod profectò tuis li-
beris toto pectore opto. Ac ut bene sperem, moueor
illa grauißima sententia, que etiamsi in Poemate
prophano scripta est, tamen in diuinis Oraculis se-
pe repetitur, εὐαγγέλιον παῖδες, &c. locum

Theocriti nosti. Bene & feliciter
uale, & rescribe.

Martino

Martino Ruellio S. D.

Gaudeo tibi meas literas gratas & iucundas es-
se. Nulli enim magis talibus adhortationibus dele-
stantur, quam hi qui sua sponte ad uirtutem co-
lendam incitati sunt. Ideo spero te quoq; natura ad
uirtutem calendam duci. Dabis igitur operam, ut
quò te uocat natura tua, & patris uiri optimi au-
thoritas, et præceptorum monita, magno studio o-
ptimas artes & uirtutis doctrinam discas. Tuæ
literæ fuerūt mihi gratissimæ: tibiq; persuaderas uo-
lo, gratum te mihi esse facturum, si ad me sepiissimè
scripseris: & ut spero, remunerabor te, ut ait He-
siodus, eadem mensura, atq; etiam uberiore. Bene-
uale. Mense Iulio, Anno 1533.

M. Ioanni Marcello Regiomonta-
no, S. D.

Si uita humana tantum humanis consilijs rege-
retur, perisse funditus & Ecclesiam & politias e-
xistimarem in hac parricidali gigantomachia. Sed
non dubito Deum seruaturū esse reliquias suæ Ec-
clesiæ. Hac nos cōsolatione sustentemus: quam cum
uigilans assidue cogitem, fortassis & dormienti som-
nia eam cogitationem offerunt. Mitto tibi uersus
de somnio. Non est fictum argumentū: sed ego poe-
ta sum penè ut tu, qui non tam illustrem picturam
uersibus pingere possum, ut illa erat. Erat enim
mens

mens plena smaragdino nitore, & crux rutilans
auro. Leges amicis doctori Ionæ & D. Chiliano, si
adhuc adsunt: & dices eis, me literas ipsorum, his
quibus inscriptæ fuerunt, per homines, quorum fi-
des mihi probata fuit, misisse. In Epiphanijs, An-
no 1547.

Optimo viro D. Guilhelmo Reif-
fenstein S. D.

Academia nostra dedit pecuniam huic D. N. Li-
centiato Iuris: & addidit mandata, ut soluat uobis
totam summam, quam pro poculis dedistis. Nescie-
bamus enim, quali empta erant. Rogamus autem,
ne uobis molestum sit, quod pro auro mittimus Io-
chimicos. Intelleximus enim, uos Francofordiæ de
auro soluisse. Sed auri tantum non habebat hoc tem-
pore nostrum ærariū. Verum sic petimus uos Io-
chimicos accipere, ut sine uestro damno fiat. Ego
me ipsum sperabam uenturū esse Lipsiam: sed sum
hic obligatus, propter editionem Apologiæ. Rogo
igitur ut paucissimis uerbis rescribatur, et precium
poculorum significetis, & si quid præterea ad rem
pertineat. Bene uale.

Erasco Ebnero S. D.

Dedi has ad te literas nullam aliam ob causam,
nisi ut te ad scribendum prouocarem, hoc igitur ge-
nere

hinc officij ostendas, quanti me facias. Neq; uero arbitror magnopere opus esse, postquam à me discedis, de mea erga te benevolentia disputare, teq; hortari ad nostram amicitiam colendam. Nam & sensum meum, si quis est alius, calles: & illæ literæ, ad quas nos tibi iter ostendimus, officij te tui semper admonebunt, si earum studium non abieceris. Ego autem & prudentiæ laudem tibi tribuo, ut dignitatem honestarū artium intelligere te statuam: & constantia præditum tanta existimo, ut confidam te hec studia nunquam depositurum esse. Illud unum nunc peto, ut dum hærebis domi, in Græcis literis te exerceas: quam ad rem tibi mulsum prodierit Ioachimi familiaritas: & uertèdis Græcis fiet etiā oratio Latina suauior. Discedēs dedi tibi mandatum de Liuij lectione, quod uelim tibi curæ esse. Bene uale, & rescribe. Coburgi.

Christophoro Haco S. D.

Non facile dixerim, quantū me studiū, mihi Hace, teneat corum, qui cum literis pietatem coniunxerunt. Quid enim, per Deum immortalem, in rebus humanis est quod rectius mireris, quam hæc quæ dicto? nō longe sunt reliqua omnia quæ boni appellationem merentur: sola literæ, sola pietas, extra communium rerum aleam sunt. Quo tu mihi charior semper fuisti, cui cōtigit ingeniuū ijs literis aptum,

quæ

quas unicè semper amavi: poetices uidelicet, quam
utimā iuuentus Germanica pergeret excolere. De-
inde quanta morum sanctissimorum gratia, quan-
ta suavitate optimis te quibusq; approbas? Ergo mi
Christophore, quod facis, facito: nec dubita quin
cœlestibus curæ sis. Audio te yæusca. Quid hic a-
liud optem, quam ut saueat incepto Christus? Du-
rum uitæ genus, si sacris literis parum confirmatus
sit animus. Quonquā ex literis quas ad N. scrip-
tas, facile mihi fuerit diuinare, non sine numine dī
ūm rem à te suscep tam. Si qua in re nos unquam tē
bi usui esse poterimus, prestabimus quod amicos
decet. Bene vale.

D. Guilhelmo Reiffenstein S. D.

Rogauit me frater uxor is meæ, ut se tibi com-
mendarem. Cupit enim uti tua opera, tuoq; officio
isthic, in emendo panno. Ego iniuitus onero te: hoc
tantum te rogo, ut quantū absq; tuo commodo face
re poteris, illum iuves. Hanc totā rem exponet fra-
ter meus Ioannes, copiosius. Nos adhuc lenæ hæ-
remus: & impediunt tempestates, quò minus in Sa-
xoniam redeamus: quæ ubi primum erūt mitiores,
accingam me ad iter. Vale feliciter.

Adolescenti studiosissimo Ioanni
Reiffenstein S. D.

Dei beneficio heri in Salinas salui peruenimus.
Ict

sed serò admodum: non enim sine negotijs, ex lutulentis uījs eluctati sumus. Bonam itineris partē con fecimus pedites, cum quidem & perplueremur, & pedes uix in lubrico consistere possent. Doctor Ioannes mirificē stomachatus est, priusquam hoc uenimus: ac de fide tum mea, tum patris, hic que stus est. Vir optimus, nihil dicit fide antiquius. Sed facile ei satisfecimus. Hæc patri meis uerbis, in o tuis (quid enim dulcius oratione tua?) exponito. Milichius te salutat: & iubet ingenti animo in hoc studiorū curriculo, in quod diuinitus ingressus es, pergere: atq; existimare, te ea in re necessariū Re pub. officium præstare, quæ quidē à bonis ingenijis hoc postulat, ut Philosophie professionem defen dendarū sibi esse sentiant. Bene uale. Islebiæ. Saluta fratres, & præceptorem: & rescribe.

Filijs Guilhelmi Reiffenstein
S. D.

Quod faustum fœlixq; sit uobis omnibus, Mar cellus ad uos proficiscitur, cui existimo patrem stu dia uestra commendaturum esse. Quare dedi ei li teras ad uos: & libenter plura scripsisse, si per occasionem licuisset. Hortor igitur, ut hominem do etum atq; probum reuerenter excipiatis: & cùm præfectus fuerit studijs uestris, ametis & colatis. Decet enim uitā cum bonis literis, omnium pulcher rimarum

rimarum uirtutum officia discere. Nam haec scholas
nostrae non solum doctrinæ & literarum, sed multo
magis uirtutis et humanitatis officia esse debent.
Est autem alumna aliarū uirtutū, pietas erga præ-
ceptores. De hac re plura scriberè, nisi scirem uos
haec præcepta & legere quotidie, & à uiro opti-
mo patre uestro audire. Bene & feliciter ualete.

D. Iusto Ionæ, S. D.

Reuerende domine Doctor. Honestissima ma-
trona coniunx tua, & de te & dulcissimis filijs ual-
de sollicita fuit, cum flumen largius intumuisse au-
diuissimus. Nam de amne Sala ante literas uestræ
nihil audiuiimus. Gratâ igitur rem & honestissimæ
coniugi tuæ & nobis fecisti, quod literas de com-
moratione uestra in Salinis misisti. Nunc Deum &
ternum patrem Domini Iesu oramus, ut uos om-
nes incolumes reducat, feliciter constituta inter co-
mites Mansfeldie cōcordia. Hic Dei beneficio tran-
quillitas est, & ut sit diuturna Deus faciat. Adhuc
etiam de couentu ad Danubium silentium est. Mor-
tem ducis Luneburgensis, boni principis, qui Deum
uero pectore coluit, ualde lugemus. Deus seruet &
regat ceteros principes, amantes Ecclesias Dei. Be-
ne & feliciter uale. Ultimo die Ianuarij.

Nepotibus Spalatini S. D.

Bene fecistis, quod auunculum uestrum de muta-
tione

tione gentilicij nominis cōsulistiſ. Nam cū ſumma ſit illius uiri & doctrina, & erga uos benevolentia, decet uos eius authoritatē facere plurimi. Cū autem eadem de re mecum contulerit, duxi uobis breuiter meam ſententiam perſcribendam eſſe. Vetus eſt opinio, & quidem magnorum uirorum, nomina fatalia eſſe: id eſt, notas quasdam uel ingeniiorum uel fortune eſſe, que à Deo expetēda ſunt. Sed eſt quēdā pietas, retinere gentilia nomina, præſertim ſi nihil habeant incommodi. Mihi uero, contingiſſe uobis honestiſſimum cognomen Chilianus uidetur. Sonus enim eſt ſatis cōcinnus: & uidetur ex Græco χίλια factum χιλιαρός, ac propemodū certi ordinis militem ſignificat. Eſt autem hæc uite ratio que in ſtudijs uersatur, planè militia quædam, plena laboris & periculi. Quoties igitur paternū nomen ueniet in mentē, cogitabitis uos hoc titulo ad laborem ſtudiorum excitari. Hæc ſcripsi uobis de ſententia auunculi, uiri optimi, ut primam appellationem uobis commendarem. Turpe eſt fastidire nomina maiorū, qui cum laude fixerunt titulos & nomina. Ideo ueterem appellationem iudico uobis retinendam eſſe. Valete.

Optimo uiro Guilhelmo Reiffenstein
S. D.

Forte his diebus uenit N. de quo uobis ſcripsi.
Exposui

Exposui igitur homini, quid ad uos scripsisse: an
possit adduci ad suscipiendam prouinciam docen-
dicium uestrorum liberos. Satis leniter mihi re-
spondit: Cupere se de tota re certiorcm fieri. Dedi
igitur ei hanc epistolam, ut te admonerem, ut si ita
uideretur uobis, in tempore cum eo paucis pacifice
remini. Neminem in utraq; schola, meo iudicio, ma-
gis idoneum inuenietis. Quanquam illius ea est do-
ctrina & probitas, ut tranquilliori condicione di-
gnus sit, quam est scholasticca seruitus. Difficile &
periculi plenum negocium est, regere ingenia au-
lica. Queso ut cures rem diu non extraibi, aut dif-
ferri. Ego miserè ualco: clam cura conficio. Dia-
lecticā tuorum puerorū hīc pulchre emēdatur, &
recudetur. Vale fœliciter. Postridie Calendas Iunij.

Amico cuidam S. D.

Etsi inuitus te ab Academia, & à dulcissima con-
suetudine tuorum ab duco: tamē optarim te nobis-
cum profectū esse. Cum enim multa scribenda sunt,
non solum manu tua, sed etiam consilio nos suua-
re potuisses. Heri, Dei beneficio, grauiter & piē dī
& sunt sentētiae à delectis, inter quos multi sunt in-
tegerrimi uiri, &c. Et decretū est, ut doctrinæ pu-
ritas in Ecclesijs retineatur: nec recipiatur corru-
ptele, quas continet Interim. Spero igitur exitum
conuentus Myforum, et in his regionibus Ecclesia

rum paci profuturum, & exemplum uicinos confirmaturum esse. Hęc legas ac dicas Pastori, et ceteris amicis, quorum omnium uotis ac precibus commendari nos et Ecclesiam Deo uolumus. Nunc breuius scribo, quia alia quædam componenda erant. Vult N. & causas nostri consilij sibi mitti. Errant omnino, qui fucosis conciliationibus tolli dissidia in Ecclesia posse existimant. Quia manet bellum ἐπανάστατος inter diabolam & filium Dei, ut scriptū est: Inimicitias pónam inter serpente & semen mulieris. Oro igitur filium Dei, ut nostras mentes regat & adiuuet. Postquam Augustæ rescuerunt τὸ θεραπευτικὸν τῆς Διαμοσίουν αἱ μέτρα reprobentia, miserunt ἡπανόρθωσις, quæ fuit inceptor libro. Hospiti nostro et Fabricio grata fuit tua salutatio, λαὶ ἀποδέσσονται σὲ παύτε οἱ παρά οὐαὶ στοργεῖς αἱ Λαγεῖς. Nostris familijs salutem opto. Bene uale. Die 4 Iulij.

Nobili adolescenti, & cùm indole honorificentissima prædicto, tum in optimis studijs uersanti, I.R.

S. D.

Quod meis literis tam amanter respondisti, iucunaiissimum mihi est. Delector enim amore tuo, et quia indolem & ingenium tuum ad uirtutem natura excitatum probo, & quia te propter singularē beneuo-

benevolentiam uiri optimi patris tui erga me completi debeo. Itaq; ualde opto, ut huius meæ uoluntatis significationem aliquam ostendere tibi possim. Si nos etiam fortuna coniunxerit, efficiam summo studio, ut intelligas & te mihi charissimum esse, & me pro uirili conaturum animi gratia udinem patri tuo de me præclarè merito declarare. Christus te seruet, & studia tua gubernet, ad tuam & Reipublicæ salutem. Meis uerbis honestissimam matronam matrem tuam reverenter salutato. Vale.

D.Chiliano Goltstein S. D.

Gratulor tibi filium natum: & Christū precor, ut seruet te & uniuersam familiā in columem. Multæ fuerunt cause, cur sub discessu scholæ domi essa cupiebam: sed in his non postrema cura erat de te, & Longicampiano. Nuper etiam scripsi de illo Iohanni Pomerano. Spero tamen fore ut breui isthuc proficiscatur. Seydlero existimo nos recte prospeturos esse. Apelles huc misit quendam suum etiam amicum: is cras hinc ad equitem quendam ibit, ut petat επιστολὴν in illius Ecclesia: cui cūm prospetum erit, habeo quò Seydlerum mittam. Sin ille eques recusauerit Apelli amicū accipere, modò res sit integra, & Seydlerum mittam. Si totam Thuringiā perlustrauerimus, iuuari plures poterūt: quam iam possunt, inspectis tantum tribus præfecturis.

y 3 Vbiq;

Vbiq; multum est indoctissimorum pastorum. Sed illi ejci non possunt: ita sit ut iaceant & negligantur etiam eruditi, dum uirtutis præmia possident illa hominum monstra. Longicampiceno dices meis uerbis multam salutem. Bene uale.

Reuerendo uiro, Georgio, pastori Ecclesie Dei in urbe Arctoa, fratri suo
charissimo S. D.

Reuerende uir, & charissime frater. Doleo tam rabiem esse calumniandi, ut etiam virus euomant sycophantes contra Grammaticam. Dum nos vocabulorum etymologias querimus, ut me quidem grammaticum decet, & consideratio antiqui uestitus nos de ueterum modestia admonet (ut Aeschines laudat grauitatem Solonis, quem ait nec manum in dicendo protulisse extra pallium:) interea quidam iupiterædoe dixerunt, me uelle renouare adorationem lacerarum caligarum iosephi. Sed etiam si derideor, tamen tibi grammaticas interpretaciones de calceis et sandalijs mitto, etc. Commendo autem tibi hunc auditorem nostrum Bartholomœum Georgium, natum in Salinis, orphanum: qui rem iustam petet ab illustrissimo & reuerendissimo principe Sigismundo, ut mandet à ciue quodam in Salinis debitam pecuniâ heredib. dari. Mandata Principis illustrissimi petit, que ut impetrat, quo se ut

cum adiuues. Orphanos honestos, & honestorum filios, adiuuare, pietas est Deo grata. Bene uale.
Die Matihæi, 1556.

Calcei, à calce, est generale nomē. Et ueteres calcei usitatē sic dicti, sunt integri, sicut mei calcei, & sicut sacerdotū calcei olim fuerunt. Et tales fuisse Romæ senatorū calcos, ostendunt ueteres statuæ.

Sandalia sunt non integri calcei, sed sub pede uelut tabellæ, & supra pedem subtilia ligacula: à orvis, id est tabella, & dñw, id est ligo. Quia tabellæ inferiores, propter calorem in solo, fuerunt deniores.

Caligæ sunt tegumenta paulum supra genu incipientia, & desinentia ad telos, stump, strump honestis: militibus usitatæ, & alijs. Sed militum caligæ fuerunt ornatae propter brevia saga, id est tunicas militares. Nam uetustas non est usa integris caligis, ut nostræ sunt, tegentes continuò nates, femora & tibias. Quia uetustas sub exteriori ueste semper fuit intus recta breui tunica, quæ nominatur χιτών. Corpori proxima fuit interula, hembd.

Ocrea est tantum equitum, beinharnis, stiffel, ocrea corricea. Latini dicunt nomen ocrea à crure factum esse, quasi ob crura. Hæc etymologia reddior est, quam alia, quam formant à λογίσει, id est, armare. Unde dicitur usitatum nomē Kibrisser, quasi λογίσεις, quo saepc utitur Homerus.

Cum tibi, mi Christopore, qui in optimis literis
bona cum spe uersari uideris, quantum ex tua epi-
stola humanissime scripta iudicare potui: tum uero
maxime patris tui, uiri optimi causa gratulor, qui
cum nihil magis expetat in hac uita, quam cum li-
beri uirtute & doctrina instructi succedant in pa-
terni nominis decus, dignus est qui habeat liberos
optimos. Itaque maxime uoluptatati mihi fuit epi-
stola tua. Nam & tuum propter singularē in omni
officij genere constantiam ac fidem, consilium ual-
de amo: & te in ea amicitia, quæ mihi cum patre
est, complecti iure me debere statuo. Precor itaque, ut
Christus faueat tuis studijs, et fratribus tuis, eaque ad sa-
lutem & dignitatē uestram ac Reipublicāe guber-
net. Sic enim existimabis, hæc uestra studia non so-
lum ad uos, sed etiam ad Rempublicam totam per-
tinere: cuius status haud dubie imitatur, nō tam, ut
Plato dicit, musicos modos, quam literarum stu-
dia, & doctrinā eorum qui res gubernent. De præ-
ceptore surrogando, dum idoneum quero, diutius
extrahi rem video. Sed efficiam ut hac septimana
aut Emericus, aut altius quissiam qui mihi probe-
tur, ad uos proficiscatur: aut ut habeatis literas, in
quibus intelligatis neminem hic reperiri, qui mo-
dò & idoneus sit, & hoc tempore scholam dese-
rere uelit. Magna enim, mi Christopore, recte di-
scendentium

scentium paucitas est. Quò magis te adhortor, ut
in eam rationem studiorū, in quam authoritas pa-
tris induxit, diligiter incumbas: ut optimas res, &
in uita maxime necessarias, diuinitius humano ge-
neri donatas, Reipublicæ conseruare pro tuo ui-
rili studeas.

Munus tuæ matris, fœminæ honestissimæ, gra-
tissimum mihi est, & erit pignus amicitiae, tibi
nunc propriæ mecum constitutæ, quam opto esse
felicem.

Me hic publica & priuata negotia sic alliga-
runt, ut nusquam pedem proferre licuerit. Bene ua-
le. Saluta meis uerbis reuerenter patrem tuum, ui-
rum optimum: ac matrem, honestissimam fœminā:
& tuos præceptores, D. Agricolam et Iustum. An-
no 1527.

Christophoro Ruellio S. D.

Ego boni uiri conspectum, faustissimum omē es-
se interpretor. Itaque ualde gauisus sum, cūm forte
in aulam, quò nos quoque uocati eramus, uenisset
pater, uir optimus, & hoc ipso tempore legatus de
pace & tranquillitate totius Germaniae. Libenter
igitur dedi ei petenti ad te literas, ut tecum cōmuni-
carem hanc uoluptatē, quam ex inopinato hoc con-
gressu tui patris cæpi. Sperabam enim me tibi fa-
cturum em gratissimam. Nec uero habebam hoc

y 5 tempore

tempore argumentum aliud. Nam adhortari te ad studia, quod s̄epe alias feci, nō ualde opus est: cū enim uideam ultrò te incitatum amore optimarum artium, gratulari tibi magis debeo, ac bene precan. Bene uale. Anno 1533.

Eidem.

Reddidit mihi literas tuas, charissime Christophore, cōmuniſ noster adfinis Ambroſius Reuter: & gaudeo fuisse nostras literas tam gratas & acceptas tibi. Deinde intelligo, etiam meam admonitionem utilem & salutarem uideri: id quod maxime ego & cupui cū scriberem, ac etiam nunc cupio: ecce Dominum, ut cursum tui studij feliciter dirigit. Plura nunc non licuit: nam festinabat nuncius abiens: & ipſe scriptitando sedebam occupatus. Boni consulas oro, alias plura. Parenti tuo optimo uiro dices, me daturum operam, ut animo suo satisfiat, idq; breui. Nam hodie uno libro absoluto, liberior ero. Saluta simul quoque matrem tuam honestissimam, unā cum fratre, & omnibus tuis sodalibus. Bene uale.

Eidem.

Mihi uero his turbulentis temporibus non nihil afferunt solatij studia bonorum iuuenum, quorum virtute atq; industria (ut spero) literæ, quæ contineant

nent honestas artes et Reipub. necessariae cōserua-
buntur, & ad posteritatē propagari poterūt. Ita-
que libenter uidi projectus tui specimen, mi Chri-
stophore: as precor Christū, ut studijs tuis faueat,
etq; gubernet. Tuum etiam erit, hunc cursum ur-
gere: quod ut facias, hortari tum patris authoritas,
tum ipsa Respublica debet, ad quam certè studia ue-
stra pertinēt. Deniq; inuitabit te etiam ipsa doctri-
na suauitas: quam nulla ex remaiorem quam ex i-
psa doctrina, animus percipere potest. Quod ad
me atinet, gratū mihi feceris, si hoc officij genere
amicitiam inter nos constitutam alere atq; confir-
mare studebis. Quare dabis operam, ut sēpe ad me
scribas. Isocrates inquit honestum esse, paternas a-
micitias ueluti patrimonij partem conseruare. Scis
autem, quae iurihi cum patre tuo, uiro optimo, ami-
citia sit multis iam annis, quem projectò propter
fidem & ingenium, magis quam propter fortunæ
ornamenta, amo & obseruo. Bene uale.

Eidem.

Valde probō studium & conatum tuum in fa-
ciendis uersibus. Nam hæc exercitatio colorabit
etiam solutam orationē tuam, idq; breui senties i-
pse. Deinde ut aliæ Musicæ partes suauissimæ sunt,
ita plurimum habet hæc harmonia uersuum uolu-
ptatis: & est signum minime fallax, probæ & in-
genuæ.

genue naturæ. Nam peruersæ abhorrent, ut ab alijs Musicæ partibus, ita à uersibus faciendis. Coles igitur hoc studium faciendi uersus, sed ita, ut sepe scribas solutam orationē, in qua spero te magnā laudem consecuturum esse. Natura enim placet mihi. Quod si ars & ratio per etatem accesserit, ex Reipub. & tibi & tuis ornamento eris. Idq; ut fiat, oro Christum. Ego quod possum, tibi præstabo: et de hac ratione dicendi, quam maxime probant eruditæ, decq; imitatione, quam tibi necessariam esse iudico, scribam ad te quamprimum aliquid ocij natus ero. Bene uale, & saluta optimos tuos parætes.

Chiliano Goltstein S. D.

Gaudeo liberasse fidem suam duos patronos, tibiq; tandem adolescentes in disciplinā traditos: & opto, quoniam prouinciam & durissimam & plenam periculi suscipis, fauacat tuis laboribus Christus. Non meherculè magis est (quod aiunt) Martis alea incerta, quam studiorum, adeò pauci pueri perueniunt ad frugem, quamquam optimis usi preceptoribus, fortunaq; abundè suppeditarit omnia discendi instrumenta. Exercet me adhuc nomenclatura frumentorum: itaq; abs te postulo ut interroges medicos urbis tue, an norint frumenti speciem quam in Italia far uocarūt. Deinde quod farris hoc tempore nomen sit, quæ forma, et quatenus forma conue-

conueniat cum eo quod nos uocamus Rocken. Ordine hæc mihi perscribi uolo, ut simpliciter huius latae & explicationis & sententiae cupio mihi sic responderi, ut ab agricola, non qui diuinet ex commentarijs, sed qui cognorit auctoritatis, quiq; nos in rem presentem ducere queat. Postremò etiam interroga, an habeant in Italia eam frumenti speciem, quam nos Rocken uocamus. Nos in enarrando Hesiodo egregia operam nauauimus. Vale, accipitorem tuorum. Meis uerbis dicas salutem nostro Valentino. Postridie Dominicæ iudica.

Reuerendiss. Principi ac Domino, D. Henrico octavo Angliae & Franciae Regi, Hiberniae Domino, Vualliae & Cornubiæ principi, Domino suo clementissimo S. D.

Serenissime & inclyte Rex. Etsi publicæ quædam causæ impulerunt me, ut scriptum quoddam meum Regiae M.T. dedicarem, ut ex præfatione intelliget R. M.T. tamen etiam multum me priuatim admiratio ingenij et uirtutis tuæ mouit, ut hac qualicunq; significatione iudicij mei, studiū meum R. M.T. declararem. Dedi itaq; initio hunc libellum Alexandro Alesio Scoto, uiro docto et pio, qui uirtutem & pietatem tuam mihi & multis alijs in Germania magno studio prædicare solitus est. Is pollicitus

citus est, se meum scriptum exhibiturum esse R. M.
T. Quod ut æquo animo accipiat R. M. T. etiam
atq; etiam rogo. Evidem opto & animum meum
& scriptū probari R. M. T. De mea uoluntate hoc
affirmare uerè possum, & hunc animū meum R.
M. T. addictissimum esse, & me de doctrina Chri-
stiana libenter amplecti ea que probantur doctis
& bonis uiris. Si quid mihi R. M. T. dici uoluerit,
poterit huic Alexandro tutò committere. Christus
seruet R. M. T. quam diutissimē florentem & inco-
lumem, & Rempub. multarum gentium, & Eccle-
siæ Christianæ salutem: ad quam ornandam præ-
cipue curam & consilia sua summos Reges refer-
re decet, & hoc tempore maximè necessarium est.
Mense Augusto, Anno 1535.

Episcopo cuidam.

Reuerendissime & Illustriß. Princeps: Petiuit à
nobis commendationem ad Reuerendiss. paternita-
tem uestram, quidam honestus adolescens, scholasti-
cus huius Academiæ, Petrus de Neuumarck. Cum
autem non dubitemus, quin R. P. uestra sua sponte
& fauac ingenij, & prouehere studiosos ad utili-
tatem Reipub. cupiat, libēter dedimus huic iuueni li-
teras, & ut apud R. P. V. haberet testimonium mo-
rum ac studiorum suorum: & ut rogaremus, ut
R. P. V. propter nostram commendationem ma-

tori benevolentia complecti hunc iuueniem uelit.
 Qui cum sit ex ditione Nureburgensis Episcopa-
 tus, existimauit se necessario suo tempore operam
 & auxilium à R.P.V. tanquam à principe suo pe-
 tere posse. Vixit hic ad triennium singulari mode-
 stiae fama, & in his communibus literis quæ primæ
 etati traduntur mediocriter profecit, et nunc se ad
 Iuris studia contulit. Hæc studia nullo in odio sunt,
 & ad humanitatem et ad Reipublicæ tranquillita-
 tem profundunt: ut optimè iudicare R.P.V. potest.
 Nec uero dubitamus, quim R.P.V. etiam ad princi-
 pes viros pertinere arbitretur curam tuendi & or-
 nandi honestas artes & utiles Reipublicæ. Com-
 mendamus itaque R.P.V. hunc Petrum de New-
 march, et rogamus ut R.P.V. cōferat ei sacerdotiū
 aliquod, unde studiorum sumptus tolerare possit.
 R.P.V. scit honestissimum id esse, & hanc elemo-
 synam Deo gratiam, & Reipub. esse utilem, iuuare
 studiosos honestarum artium, quæ quidem pulcher
 rimu[m] ornamentum sunt Christianæ religionis. In
 tot causis speramus commendationem, præsertim
 à nobis profectam, plurimum ualitaram esse. Neq;
 enim hic recensere attinet, quæ necessitudo & con-
 iunctio inter nos sit. Tantum illud dicemus, cùm fue-
 rit amicitia chariſ. maiorib. nostris cum R.P.V. ac
 singulare & honorificum de uirtute R.P.V. testi-
 monium: nosq; uicissim studia omnia & officia no-

stra ad R.P.V. deferimus. Quare ut propter nos à
liquid ad benevolentiam erga hunc Petrum addat
R.P.V. etiam atq; etiā oramus. Bene ualeat R.P.V.

Cæsario S. D.

Commendo tibi hunc iuuenem, mi Cæsari: teq;
rego, ut cum pro tua humanitate summa amplecti
uelis. Magnopere enim cupid se in amicitiam inge-
ri, ut eruditissimis & suauissimis sermonibus tuis
frui tantisper possit, dum isthic erit. Verè se in A-
cademia aliqua interim esse putabit, si id ei conti-
gerit. Dabis ueniam breuitati literarum. Nam hoc
tempore raro studia quidem mea me delectant, qui
bus alioqui nihil habeo iucundius, hau diuine
aīntiφiλειμ με ωσσρ̄ ειωθας. Valc.

Pontano.

Etsi nihil noui est, (nam urbs Dei beneficio trans-
quilla est) tamē cūm diutius nostra opinione abes,
dedi has ad te literas, ut interim haberet mea dili-
gentiae specimen. Nos Dei beneficio recte ualeamus:
et Deum precamur, ut tu quoq; fœlicissime ualeas,
& quam primum saluus & incolumis domum re-
deas. Nihil enim nobis tua salute prius aut anti-
quius est. Atq; hoc quidem tempore magis te requi-
rimus: nec sineremus te à nobis diuelli in his pericu-
lis, nisi te Respublica auocaret: cui quoniam scrulis,
ffero

ſpero Deum, qui hæc à te officia requirit, defenſu-
rum te eſſe. Idq; ut faciat, eum ex animo precamur.
Valc.

Iacobo Micyllo S.

Cum polliceretur Princeps ſe ſcholam cōfirmā-
turum eſſe, uidebam nobis in primis opus aliquo,
qui non iſſe cōfeliciter carmen conderet, ut ad illius i-
mitationem ſe comparent adolescentes eloquentiæ
candidati. Nam mihi quidem de nullo disciplinariū
genere rectè iudicaturus uideatur, qui poēticen non
attigit: uideoq; in ſoluta oratione ſcribēda frigere
illos, qui non deguſtarunt poticen. Porro genus
uersuum tuorum ſemper unicē amauit. Quare de te
accerſendo diligenter agebam, cupiebamq; ea in re
publicis literarum ſtudijs consulere, quibus in hac
frequentia noſtræ ſchole te nonnihil opis afferre
poſſe arbitror. Nam Francoſordianæ ſcholæ ſuffe-
cerit aliquis plebeius lector. Verè iurare poſſum,
hoc unum mihi in confilio eſſe, cur te in Saxoniā
redire tantopere cupiam. Vides autem mi Micyl-
le, quanto in diſcrimine ſint noſtræ literæ, niſi ſum
maope à tuis ſimilibus defendantur. Quare te ite-
rum per quicquid poſſum, perq; hunc literarū ſta-
tum rogo, ut ſi honestē queas, commigres ad nos.
Nam quod excuſas, uereri te ut ſi ad prælegendū
ſatis magna extemporalis facultas, uerecundē tu
quidem: ſed nos non tam prælectionis cauſa te ac-

cer suimus, quam ut tua consuetudine formentur
hi, qui ad poetica idonei erūt. Non satis perspicis
consilium nostrum, si quem uideas professore, qui
sophistico more uulgo suam garrulitatem ostendit.
Et quanquam uideam istud tuum genus solutæ ora-
tionis propter subtilitatem ad docendum et scho-
lae appositiū esse, & uel ei τὰ τοῖς τῷ πλευρῷ γνωμέ-
τῳ. Hoc agimus, ut habeat iuuentus, ad cuius e-
xemplum uersus assuecat facere. Eobanus Norim-
bergam accersitur satis honesta conditione, alio-
qui huc inuitassemus. Cæteræ disciplinæ habent tole-
rables professores in hac urbe. Sed mihi tota scho-
la sordebit, nisi mihi tui copia contigerit. Sine igi-
tur Rēpub. hoc abs te impetrare, ut operā tuam
nobis addicas: et cum te Reipub. nomine uocamus,
puta te cœlesti aliqua uoce inuitari ad honestissi-
mam prouinciam. Bene uale.

Marco Marcello S. D.

Francofordiae uenerunt ad me hi adolescentes
Argentoratenses, commendati mihi multorum ho-
nestorum uirorum literis. Fuerunt autem aliquan-
diu Tubingæ, sed inde propter difficultatem anno-
næ discedunt: et quod arbitratur in Academia fre-
quentiori inuenturos se maiorem assiduitatē præ-
legentium, et disciplinarū uarietatem. Daturi sunt
operam studijs eloquentiæ et philosophiæ: sed ita,
ut

ut adiungant aliquando lectionem iuris. Quare libi eos commendandos esse duxi, & peto primum, ut adiuues eos in hospitio querendo: deinde ut tuam illis operam deferas in recognitione scriptorum, aut si quando in alijs rebus consilio opus habebunt. Deduces etiam eos ad aliquem eorum qui Institutiones Iustiniani prelegunt. An eis opus sit assidua domestici preceptoris opera, cum rediero, iudicabo. Nam sumptuum ratio ea in re habenda est. Interim tibi eos commendando, ut nobis absentibus aliquæ isthic habeant, cui curæ sese esse sciant. Officium hoc hospititibus quanta curâ prestandum sit, non ignoras. Et ego causam habui mei consilij, cur tibi patissimum eos uoluerim commendari. Quæso ut propter Reipub. utilitatem, et propter nostram amicitiam, hos adolescentes diligenter cures. Bene uale. 12 Septembris, Anno 1536, Francofordiae.

Marcello Regio S. D.

Nullam uolo te, mi Marcella, aliam causam suspicari tam diuurni silentij mei, quam occupations meas, quæ tibi sunt nota. Semper enim amavi fidem, grauitatem, & singularem in studijs diligentiam tuam. Has uirtutes non possum non amare, si modo non putas me alienum esse ab humanitate. Nihil igitur est quod de mea erga te uoluntate dubites. Hic iuuenis rogauit, ut se tibi commendarem:

Et meo iudicio dignus est quem amplectaris. Ha-
bet ingenium ad literas appositum, si modo cultu-
ra accesserit. Pater eum certo consilio hinc abdu-
cit: et uidetur apud te posse proficere, si eum uolue-
ris exercere scribendo tum soluta, tum uersu. Ve-
lim eum etiam in Dialecticis et Mathematicis exer-
ceri. Spero eius cōsuetudinem futuram utilem tuę
scholę. Nam eius exemplo accendentur tñi, ad dili-
gentius scribendum. Vale.

Indole & uirtute præstanti, Christo-
phoro M. amico suo, S. D.

Charissime Christophore. Et in cœlo confide-
res interdum leges motuum esse certissimas, et te i-
psum aspice: et cogita impressa esse mentibus ho-
minum uestigia, quæ testantur et esse Deum opifi-
cem uniuersæ naturæ, et seruatorem generis huma-
ni. Deinde adiungito doctrinam in Ecclesia tradi-
tam. Filius Dei certis testimonij sese patefecit, et
adfirmat se seruaturum esse sibi Ecclesiam, sicut in-
quit: Ecce maneo uobiscum usq; ad consummatio-
nem seculi. Hac te cogitatione confirmes, et sta-
tuas mansuras esse aliquas Dei Ecclesias, et aliqua
carum hospitia: et eruditione te præpares, ut usui
communi societati esse possis. Bene uale. Sa-
lutem opto dulcissimis fratribus tuis.

Die 12 Maij.

Christo-

Christophoro Ruellio S. D.¹

Quod iterum ad me scribis, specimen mihi præ
bes egregium non modò diligentia tue in literarū
studijs, sed etiam humanitatis, quæ uim habet maxi-
mam ad assuefaciendum animum ad omnia uirtutis
officia: ac planè uirtutum præcipuarū nutrix
est. Gratulor igitur hanc indolem: & precor Chri-
stum, ut studijs fratris tui faueat. Quod polliceris
te præceptorī fore obsequentē: facile est, inquit il-
le, imperium in bonos. Itaq; te quoq; præditum ta-
li humanitate & suauitate ingenij, spero nusquam
recta monentibus aut parentibus aut præceptorib-
us defuturum esse. Patri tuo, uiro optimo, salutem
dices meis uerbis reuerenter: ac narrabis, me prin-
cipi Moguntino meos Romanos misisse: eumq; ho-
norificum munus donasse. Bene uale.

Eidem.

Dei beneficio heri ad Salinas peruenimus, non
sine negocio eluctati ex altissimis niuibus, quæ uia
ita obruebant, ut agnosci non posset. Sed, Deo du-
cente, nusquam procul via aberrauiimus. Hec pa-
tri tuo, uiro optimo, meis uerbis narrato. Scio e-
nim ei curæ esse nostrum iter. Tuos præceptores
meis uerbis saluta. In Salinis de Viteberga nihil no-
ui audiuimus, nisi nuptias. Cras enim D. præfectus
noster pompa nuptialem celebraturus est. Co-

chleus hic in Salinis adest, deliberat cum Croco de editione nescio cuius scripti. Bene vale. Dic Dominica Esto mihi, 1533. Patri gratias ages nostris uerbis, pro omnibus beneficijs que in nos summa humanitate contulit.

Egregia doctrina & bonitate uiro, D. Michaeli Voctio, Musicæ professori, amico suo charissimo,

S. D.

Amo studium tuum, quod ponis in Musica excolenda: & cuperem, ut perficeres libros, quos hic inchoabas. ἀποχρυστικόν, quem proximè misisti, legi, & nonnulla adscripsi. De ordine sic sentio, quod ad Musicæ diuisionē attinet, ita ponendū esse, ut à latere chartæ scripsi, cū suis definitionibus. Ita enim aris uarietas magis perficietur. Deinde τὸ χαρακτήρα de interuallis Arithmeticis et Musicis, ex una parte pingendum, & subiicienda primum Procli, deinde Nicomachi uerba: ex altera parte τὸ σύγχρονον alterum, de tribus modorum generibus antiquis, ita ut rursus Procli uerba subiungantur, atq; item Platonis. In diuisione Musicæ ponantur definitiones omnium partium Latine. figuris postea subscribātur Graeca. Hec si considerabis, etiam tu probabis. Vale, & me ama. Misericordia, 1551.

Charissimus

Charissimo filio suo Philippo Melanchthoni, cui Torgensi,

S. D.

Charissime fili: Pagellas, quas mitto, dabis reue
rendo D. pastori, & gubernatori scholæ. De tuis
rebus aut scribes mihi, aut ipse aduenies. Fuerā uo-
catus à Palatino Electore. Sed retineor seu fato,
seu alijs causis: nec cupio mihi plura negocia acce-
sere, in tam maledico seculo. Bene uale. Dic Apri-
lis 26.

D. Joanni Buchnero, pastori in Ec-
clesia Osenhacensi, S. D.

Venerande uir, & charissime amice. Venit ad
nos Torgam uester nuncius, ut ex ipso intelligetis.
Cum autem nunc uirum ualde idoneum ad munus
diaconi norim in nostra Academia, ualentem inge-
nio & facundia, & corporis figura ornatum, erudi-
tum et modestum, non procul à nobis natum, ni-
mirum Salringen: hunc ad uos quam primū mit-
tam. ideo quæso, ut ei locum seruetis. Diu mihi no-
tus fuit, & stipendium à Principe antea habuit, &
fuit diligens in omni officio: utinam cum uobis no-
per commendare potuisssem. Sed nondum sciebam,
eum in Academiam reuersurum esse. Illud te oro,
ut diaconis hortator sis, ut prorsus nullam mentio-
nen faciant belli in concionibus: sed dicant necessa-

ria uestro auditorio, cum non possumus sanare vulnera nostra uituperādis uictoribus. Deo nos commendemus, et necessariam doctrinam illustremus: quod facere possumus mediocri studio. Vale.

Amico suo N.N. S. D.

Spero te accepisse meam epistolā, quam isthuc perferendam dedi nuncio Northusano: in qua significamus, pias sentētias à delectis ex nobilitate et ex ciuitatibus dictatas esse. Video plurimorum uoluntatem piam et honestam esse. Nec nos discedemus ab eo scripto, quod isthic cōmuni deliberatione compositum est. Nunc iussus sum recitare copiosius articulum τεγί αινυοόνυς. Quia existimant narrationem literis ad Imperatorem addēdam esse, que exponat qualis sit doctrina, et qui ritus harum Ecclesiarū. De literis τρόπος αὐτονόματος φρόντος, reprehendenda est λανθάνεια hominum, qui excerpunt que taxētur: ea uero quae fortius dicuntur, negligunt. Sed usitata est hęc peruersitas, et obruenda uirtute.* Quod Marchici describi uolunt Sphingem Augustanam, si isthic exemplum habetis, opinor nos illud Stendalī descriptissime. Quae so ut eis gratificeris. Reuerendo domino pastori, et D. Vito, et ceteris amicis, ac nostrae familie salutem opto. Nunc enim pluribus scribere non poteram. Bene uale, Die 6 Iulij.

M. Vel.

M. Velcurioni S. D.

Doctor Leonhardus Mertz, Syndicus Maidenburgensis, iam aliquoties huc scripsit ad me, rogās ut filio preceptorem quāram: ac maximē optat sibi contingere aliquem, qui exerceat puerum in his nostris communibus literis, & assuefaciat eum ad lectionem elementorum Iuris audiendam. Ego uero neminē uideo ei rei aptiorem, quām te fore. Pater uir bonus est, & erit gratus: quod ego certō scio. Sed uereor, ne pueri ferocitas absterreat te. Qui tamen uidetur reuocari posse ad modestiam, postquam sentīt, quantum pater offensus sit nescio quibus rumoribus de eo dissipatis. Amabō te, respō de. Ac uelim te promittere, nō respondere tantū. Adest nuncius, qui à patre uēturus est ad me, à prā dio. Fac sciam, quid decreueris.

Chiliano Goltstein S. D.

Et ingenium & fortunam Pacei noui. Hoc magis miseret me & ipsius, & liberorum, & coniugis eius, quām ullius pastoris. Quare non existimatis, me ullis suspicionibus ab illo alienatum esse: scit se antea sāpenumero suo tempore à me adiutū esse. Verū ego nō possum toties inuenire nouas conditiones, quoties ipse fastidit præsentē. Nelle cum non aspernari Herzbergensem nidum, donec commodiorem reperiisset. Nam sibi non consulit: & ta-

men illam scholā negligit & euertit. Quod si scis
aliā conditionem, quam sperat mea commenda-
tione se consequi posse, non deero ei, ubi monstra-
uerit. Nam ego non scio quomodo ei cōsulere pos-
simus, hancē g̃awuc̃w d̃c̃t̃n παφ̃oη t̃vχn. Vale
feliciter.

M. Erhardo Hollatio S. D.

Dabis mihi ueniam, mi Erharde, quod breuius
nunc ad te scribo, quum conueniebat ex tanto in-
teruallo reuocari ueterem scribendi consuetudinem.
Nam occupationes meae non sunt tibi ignotæ, que
subinde crescunt hoc tempore, propter publica ne-
gocia: que quo in statu sint, existimare facile po-
tes. Planè mihi uidetur è nitàcis esse huius fabulae,
quam agimus: Christus efficiat ut lata sit catastro-
phe. De puerorū studijs nihil possum tibi prescri-
bere, neq; arbitror tibi meo consilio admodum o-
pus esse: neq; enim ignoras que sit optima ratio in-
stituendæ pueritiae. In hoc unum incumbes summo
studio, ut efficias eos absolutos grammaticos: etiam
si in ea re commoreris, nihil obserbit. De tuis rebus
queso, ut per occasionem ad me sepiissime scribas.
Nam ut scias, submoleste fero, quod tam raro ad
me scripsisti, ex quo ad Vuilhelmu[m] profectus
es. Vale. Anno 1536.

Ioanni

Ioanni Reiffenstein S. D.

Gratum est mihi officium, mi Ioannes, quod litteras ad me dedisti, plenas amoris erga me tui. Neque uero de animo tuo unquam dubitaui, cum iudicem te singulari naturae felicitate ad humanitatem et has uirtutes mitiores, quas nomen vocamus, factum esse. Sed delectat me tam hae significatio benevolentiae. Quod properas ad nos redire, laudo equidem studium tuum, et tibi non sum defuturus: sed tua causa maxime fratres domum remisi, ac uolo ut te honestissima et sanctissima matre oblectes, ut fruare domestico confirmandarum uirium causam, ut hanc militiam literarum facilius postea perferre possis. De meo consilio, quando uos huc proficiisci uelim, scribam Marcello. Vale.

D.D. Chiliano Goldstein.

Cum agi uiderem de schola isthinc transferenda in locum salubriorē, sepe etiam mihi tui uenit in mentem: quem, quicquid accidisset, optabam una cum reliquo sodalitio docentium esse: sed uidebam certa de causa uix posse te peregrinationē longinquam suscipere. Nec poteram tibi absens quicquam adferre uel opis, uel consilij: ita alicniissimo tempore me casus quidam illinc abstraxerat. Nunc quoriam constitueristi isthic diutius manere, opto ut bene eueniatur. Ego si meo arbitrio uiuere mihi lice-

ret,

ret, non fuisset passus à uobis me auelli: cùm præscriptim audiam clementiore esse pestilentiam, quàm antea nunciabatur. Verum hic me hæc schole pars, quæ hanc sedē elegit, alligat. Heri primum huc ue- ni, nec cognoui qui sit status huius scholæ, aut qua forma futura sit. Cùm poteris, quæso te ut ad nos copiosissimè scribas. Longicampiano salutem dices meis uerbis. Utinam ita essent eius res, ut nobiscum uiuere posset. Sed ferenda est Dei uoluntas. Die Laurentij, Anno 1527.

D. Alberto Reiffenstein

S. D.

Rectè iudicas de meo erga te animo, mi Alber- te. Verè enim te non minore amore quàm meos li- beros complector: ac pluè hoc tuum iudicium de mea erga te benevolentia, maximè mihi uoluptati fuit. Deus faciat, ut uestris studijs tantum uolupta- tis adferre possim, quantum opto & cupio. Et- si uos amo propter priuatam inter patrem & me amicitiam: tamen mihi crede, Reipublicæ causa magis etiam uobis deuinctus sum. Cupio propa- gare ad posteros, quantum ego quidem possum, has literulas, in quibus uersor: quas iudico Reipu- blicæ utiles esse. Quarum studio cùm te incensum esse uidcam, efficiam ut intelligas, mea tibi officia tendenti ad ueram laudem non deesse. Mitto tibi
senten-

sententias eruditissimi Lutheri, de quibus disputa-
uimus his diebus. Dabis etiam exemplū D. D. Plet-
nero. Vale.

Guielmo Reiffenstein, Guilhelmi
filio, S. D.

Literis tuis, mi Guilhelme, non eo tantum dele-
ctatus sum, quod habebant egregiam amoris er-
ga me tui significationem: sed etiam, quod erant di-
ligenter & eleganter scriptæ. Itaq; te adhortor, ut
quod facis, in hanc rationem studiorū & exercen-
di styli incūbas. Mea opera tibi, si quid modo præ-
stare potero, non defutura est. Quid uideatur mihi
de aduentu ad uos uestro, scripsi Marcello. Et
Lipsiæ animaduerti patris tui, uiri optimi, senten-
tiam cum mea congruere. Non solum ad uestra stu-
dia, sed etiam ad Rempublicam pertinet, honestos
adolescētes frequentiam scholæ augere, λαὸν πρέπει
ἵμηρ τοῖς τὴν γνωσίαν φιλοσοφίαν ἐπαγγελλό-
μενοις τὰ λοιπὰ πλεῖ πλάσαι ποιεῖν. Vobis etiam
honestum est, conspici in turba cruditorum, cum
quadam uiriutis opinione. Vale.

Bernhardo Eritio S. D.

Magnam mihi uoluptatem attulerunt tue lité-
re, in quibus & amoris erga me tui significatio ex-
tat, & studiorum commemoration. Sed multo ma-
gis

gis me delectauit ornatissimi uiri D. Guilhelmi testimoniū, qui te, cum essemus Lypsiæ, honestissimis laudibus ornauit, quās etiam aliqua ex parte ad me pertinere iudicarem: tamen tua magis quām mea gloria delectabat. Itaq; te adhortor, ut omni studio des operam, & honestorum hominum iudicia de te tueare. Quod ut facias, & oro Christum: & non aliter opto, quām si ex me natus essem. Deo uolente, hac hyeme insitutum opus Anatomicum absoluemus, præsertim in hoc secessu. Aliquoties hic disputauimus, ubi tuum ingenium etiam requiri mus. Sodales tuos amāter meis uerbis saluta. Vale.

Et genere nobili, & literarum cognitione præstanti, N. à N. amico suo,

S. D.

Delector tuo officio, mi N. quo de successu tuo ac studijs tuis ad me scripsisti. Agnosco enim ea in re tuum erga me amorem: quem, quia de tuo inge nio bene & amanter sentio, facio plurimi. Cœrūm de migratione leges nullæ immpositæ sunt auditoribus. Quare ego quidem facile patior ijs in locis te uersari, ubi poteris quām commode diffimè ui uere. Illud tibi enim opto, ut sodalitium habeas li terarium, qui cum oblectes & exerceas ingenium fœlicissimum. Quod si pergis excolere, polliceri ti bi ausim, te & tibi & patriæ ornameuto futurum effe.

esse. Compārent enim note singularis cuiusdam fœlicitatis in oratione tua. Quare non desino te hortari, cūm tua, tum Reip. causa, ut in ijs artibus, in quibus cum expectatione nostra uersaris, intendas, ut ad Rempub. instructior accedere possis. Ac Minerviam Homericam quoq; tibi illud dicere putes, quod Telemacho adolescenti dicit,

ἄλλων με εἰς ἵνα τίς οὐ λιδοὶ γρῦπεν εὖ ἔπειται.

Breui eam partem scholæ, quæ secessit in Tyripetas, reducturi sumus, Deo uolente. Te quoq; cūm tibi erit cōmodū, redire, ac nobiscū cōmunia studia tractare ac ornare cupio. Bene uale, 22 Ianuarij.

Clarissimo viro, &c. Secretario illustrissimi Principis Alberti Ducis Borussiae, S. D.

Multæ sunt cause, cur Deus semina magni amoris parētum erga natos cordibus nostris indiderit. Sed hæc præcipua est, ut hic affectus nos commonefaciat de amore Patris æterni erga filium Iesum Christum, & erga nos. Remoucamus igitur à Deo Stoicam sentētiā, & uerè nos ab eo diligē statuamus. Sciamus etiam, placere ei in nobis similem affectum erga natos. Ideo fateor me ualde dilexisse familiam, & ea extincta in magno dolore esse: quem tamen cogitatione doctrinæ cœlestis moderari studeo, & uobis gratias ago, non solum quòd nunc

amant-

amanter nostra causa doletis, & literis uestris do-
lorem significatis, fontibus consolationis monstra-
tis: sed etiam, quod antea uiuenti meae filiae multa
beneficia præstitistis, quodq; multis officijs meos
iuuatis. Ego etsi reddere similia officia no possum,
tamen animi gratitudinem præstare cupio. Et quia
Deus toties testatur, se ijs qui bene faciunt ordinu
scholastico, doctrinam cœlestem fideliter custodię
tibus præmia redditurum esse (quarum promis-
sionum exempla & hac ætate ostendit) spero me
uiciissim uobis benefacturum esse: & ut uos & ue-
stros seruet, defendat & regat, toto eum pectore
oro. Bene & feliciter ualete. Die 5 Aprilis 1547.

Chiliano Goltstein S. D.

Quanquam sic satis occupatus eram in appa-
randâ apologia, uel potius ἰξομολογία, tamen
dedi has ad te literas Erasmo tuo, semel atq; iterum
hortanti me ad scribendum. Hodie uero ad ipsius
uoluntatem accessit & aliis hortator. Conciona-
tor tuæ patriæ salutem mihi tuis uerbis dixit, que
erat gratissima: & rogauit, ut si quando commo-
dè possem, significarem tibi quid hic fieret. Nos
hic toto ferè mense desideramus, expectantes τὸν αὐ-
τοντάρογα. nōdum enim adeſt. Scis autem, hoc ab-
sente nihil earum rerum geri, quarum nos omnes,
ac uos quoq; expectatio magnopere angit. Non-
dum

dum enim certò scimus, an omnino decreuerit co-
gnoscere controuersias religionis. Non enim dubium
est, quin oī ἀρχισπές miris machinis oppugnet a-
nimū Cæsarī, ut à cognitione absterrent. Reli-
quum est igitur, ut uos nobiscum oretis Christum
(qui certò ascendit in cœlos, ut daret dona homini-
bus) ut letam huius conuentus catastrophē no-
bis concedat. Unus uir est in aula Imperatoris, Can-
cellarius D. Mercurinus, uir sapietissimus, quem a-
iunt constanter in ea manere sententia, ut sine uio-
lentia res cognoscatur. Fertur esse Inuictiss. Caro-
lolo V. Imperatori planè, quod Ulpianus erat Ale-
xandro Seuero. Hanc apud Imperatorem et autho-
ritatem & gratiam pepererunt ei summe ingenij
dotes, prudentia & scientia ciuilium rerum maxi-
ma, cognitio & nostræ doctrinae & aliarum litera-
rum neutiquam uulgaris. Vale. Date Augustæ, die
Ascensionis filij Dei, Anno 1530.

Christophoro Ruellio S. D.

Cum pro meo erga te amore de studijs tuis cogi-
tem, duxi te admonendū esse de quadā parte prima
rum exercitationū. Tempus est, meo iudicio, ut in-
cipias prosodiam discere, ut coneris uersus facere.
Quod etsi initio subdifficile uidebitur: tamē pau-
tim usus hanc exercitationem & iucundiores & fa-
ciliore efficiet. Quia nolim te difficultate primi co-

A natus

natus deterreri, atq; animo frangi, præsertim cum
hec exercitatio maximas periat utilitates. Res est
per se liberalis & digna tua natura, intelligere hæc
in uersibus iungendis musicā. Videtur enim ad has
humanissimas artes aptūdēsse, in quibus cū elo-
quentia, tum poetica inest. Deinde Latini sermonis
copiam atq; elegantiam adferat: & grammaticus e-
ris melior, & omnino iudicium acuet hæc exerceita-
tio de omni ratione scribendi. Ego autem ita sta-
tuo, summo studio tibi incumbendum esse in omnia
quaæ ad eloquentiam cōducunt: teq; hunc finem tuo
rum studiorum proponere debere, ut adferas ad
Rem publicam dicendi facultatē. quaæ quale habeat
ornamentum, facile poteris audire ex patre tuo, ui-
ro optimo, & prudētissimo. Hoc consilium expo-
ne preceptorि tuo, & quid decreuerit rescribito.
Vale, Anno 1533.

Magistro Bernhardo Bomgartnero
Ulcensi, amico suo.

Quod aliquoties abs te prouocatus amatiſſimis
literis hactenus non respondi, uelim te, mi Bernhar-
de, tantum occupationibus nostris tribuere: que
maiores et grauiores hac hyeme fuerūt, quam alias
unquam. Nam ex conuentibus interfui us, & ua-
riè nos regum legati exercuerunt. Dedi autem hoc
breue epistolium Iona, ut D. Pontani & meis uer-
bis

Bis tibi gratularetur coniugium. Itaq; bene prece
 inur tibi, & optamus ut Christus te seruet et guber
 net, & benedicat ac faueat tuo coniugio, & uniuer
 se uitæ. Amamus enim te propter eximiam pro
 bitatem, modestiam, pietatem, & liberalem doctri
 nam. Illud autem te adhortor, ut memineris con
 iugium esse mysterium & imaginem societatis que
 Christo est cum Ecclesia. Quare te coniugis amor
 admonere debet, ut Ecclesiam etiam pari amore, cu
 ius illa est imago, cōplectaris. quod quidē te facere
 non dubito. Sed duxi tamē hæc scribenda esse, quod
 sciam plerosq; cura rei familiaris à literis abstrahi.
 Te uero in literis retinere dicitur amor Ecclesiæ,
 cui spero ingenium tuum magno usui & ornamen
 to fore. Mitto munus & yamīlios, quod tue con
 iugi meis uerbis exhibebis. Precor autem, ut Chri
 stus uos seruet, & cumulet cœlestibus donis. Bene
 et feliciter uale. Pridie Calendas Aprilis, Anno 1536.

Magistro Laurentio Camillo, re
 actori scholæ Stendaliæ,
 S. D.

In primo Oeconomicorum Aristotelis citatur
 Pythagoræ dictum: Non esse iniuria adficiendam
 coniugem, quia ab arauelut supplex marito ad
 ducta sit. Fuit enim uetus mos, supplices, quos uoca
 bant iniſtas, sedentes ad aram, petere ueniam, aut

A 2 defen-

defensionem: et inde subleuati à uictoribus aut defensoribus recipiebantur. Deinde scis, singulari religione supplices defensoribus commendatos fuisse, ut uersus inquit:

μὴ ἀδικεῖν οὐτέ τοις, οὐτέ τοι οὐτέ λαοῖς αἴγρῳ.

Etsi autem doctrina coelestis illustriores con-
tiones de coniugij födere proponit, quæ tibi no-
tissimæ sunt: tamen quia hoc Pythagoricum dictum
uestigia piæ antiquitatis recenset, & confert spon-
sam ad supplicem: ualde eo dicto & ipse delector,
& alios eruditos delectari audiui. Ideo tibi quoque
notum esse uolui: & precor Deum æternum pa-
trem Domini nostri Iesu Christi, cōditorem uniuer-
se naturæ rerum, & generis humani, & authorem
dulcissimæ consuetudinis coniugalis, ut tuo coniu-
gio adsit, & faciat ut sit faustū & felix. Nos nunc
temporibus retinemur, quo minus tecum & ya-
mīlia & meum natalem celebrem. Nam meus na-
tal is proximus est à tuis yamīlios, uidelicet 16 Fe-
bruarij. Bene uale. *λίκη τῇ νύμφῃ φιλιππᾷ* dato.
Meministi enim uersum,

ἴστι λαὸς οὐ λιευόσι φιλάμασιν ἄσθεα τέρψις.

7 Februarij, Anno 1547.

Venerando uiro, &c. domino Georgio

Buchholzer, præposito Ecclesiæ Dei

in Berlin, amico suo,

S. D. Venerande domine Georgi. Mitto uobis

pagellam

pagellam, in qua uera est series rerum gestarum que nobis significat. e sunt usq; ad diem 9 Augusti. Oremus Deum æternum patrem Domini nostri Iesu Christi, ut nos gubernet, & restituat salutarem pacem. De cruce ita se res habet. Fuit magna mole minitans ruinam, diuq; funibus alligata fuit per rietibus. Cum autem nuper sepulchrum foderetur non procul ab ea cruce, suavitat fossor, ut amoueretur crux, ne rueret. Ideo consul amoueri curauit, permittente domino pastore. Miror Principem N. re tali moueri. Sed Deus erit iudex omnium nostrorum actionum, qui est inspecto cordium, & uidet qui sincero corde ueritatē illustrare cupiant. Land grauius dixit se aut letum in cœlum iturū, aut hoc labore Ecclesijs concordiam & pacem constituturum. Bene ualete, Dic 9 Augusti, Anno 1546.

Reuerendo uiro, domino Georgio Buchholtzer,

S. D. Reuerende uir, & charissime frater. Scripsi D. doctori Musculo, qui mecum expositulauit: optare me, ut harum regionum Ecclesiae tranquille sint, nec me moturum esse certamen: ac de illis ipsis propositionibus, quas edidit, hortatus sum ut iudicia audiat Brunsuicensis & Parthenopeæ Ecclesie. Certissimum est, Stoicam & Manicheā aīāy unū contumeliosam esse contra Deum, & pernicio-

A 3 sam

Sam moribus. Ideo si mihi uel ipse uel alij bellū intulerint, pie & modestè respondebo. Mitto tibi exemplum de controuersia Osandri, quod uolo te legere ut censorem, & mihi iudicium tuum significare. Oro etiam, ut illustrissimo Electori, & viro clarissimo D. Agricole & Bottichero exempla des ipsis inscripta. Hac hora literas ex Vratislavia accepi, in quibus scribitur, recens Turcos abduxisse magnam multitudinem hominum in Pannonia. Mater fortiter prælians recepit duos filios: et quamquam dextra ei præcisa est, tamen evasit cum filiis, & rediit in patriā. Bene uale. Die Encœniorū, que fuerunt 25 Nouembris, qui dicebatur Kisleu, id est, Orionius. Hec uera etymologia est.

Reuerendo uito D. N.N. pastori Ecclesie Dei in oppido Senonum Tangemund, fratri suo charissimo,

S. D. Reuerende uir, et charissime frater: Cum abessem Lipsiæ, huc à Senatu Brandenburgensi literæ missæ sunt, ut ad N. N. scriberem: ac scripssem, si affuisem. quanquam literæ nostræ gratioreſ effent, si unà mitteretur responsio de Stancaro: quam nondum absolui, quia editionibus impedior. Quanquam autem de uolūtate Principis multa cogito: aditus ad eum patent Canonicis, quorum Phaſaica

risaica odia nouimus. Aduersatura igitur esse Se-
natui Brandenburgensi metuo. Sed experiamur sane,
quid impetrari possit. Si aduersabitur, Goslaria pe-
tatur. significabis igitur senatoribus, ut rursus ad
me nuncium mittant. Bene & feliciter uale. Die
22 Februarij.

Venerando viro D. Georgio
Buchholzer

S. D. Venerande domine Præposite; Gratias a-
go vobis pro pietate uestra, quam etiam Deo gra-
tam esse spero, ut in Psalmo dicitur: Beatus qui in-
telligit super egenum & pauperem, in die mala li-
berabit eum Dominus. Intelleximus uicinorum Lu-
satorum apparatus, & ex alijs. Quæ autem presi-
dia opponat prefecti, nescio. Ego Deum eternum
patrem Domini nostri Iesu Christi oro, ut penas
mitiget. Video enim impendere penas. Sed tamen
Imperator nec patriæ nec Ecclesiæ bene consuluit,
moto hoc bello. Nam etiam si uincet, maiores erunt
Imperij et Ecclesiæ confusiones: quas utinam Deus
mitiget. Sum tranquilliore animo: quia mihi con-
cius sum, me in magna caligine opiniorū ueritatē
sincero animo quæsiuisse, nec opes nec potentia ue-
natum esse. Credo etiam Deum exauditū esse ge-
mitus nostros. Bene ualete. Nuncio solui, ut in
charta scripsi, quam huic epistole inserui. Iterum
ualete, 25 Septembris, Anno 1546.

Reuerendo uiro, D.N.N. pastori Ecclesie
Dei in ueteri Bremer arce, fratri
suo charissimo,

S. D. Reuerende uir, & charissime frater. Me
tuebam uenientis anni motus, propter Saturni &
Martis coniunctionem. Nunc accedit cometa, cuius
est magna moles, ardens in uirgine prope negotio-
yntliu tota ferè nocte conspici potest. Cum igitur
magnæ rerum confusiones secuturæ sint, ardentio-
ra sint pectora in invocatione filij Dei, qui dixit:
Nemo rapiet oves meas ex manibus meis. ac profe-
ctò magna doctrinarum certaminis magis metuo,
quam alia bella: quanquam illa etiam petulantiam
ingeniorum augent. Te fili Dei Dominice Iesu Chri-
ste, caput Ecclesie, & oye luci euangelii & eterni Patris o-
mnipotentis, oro, ut nos gubernes & serues. Bene-
uale, charissime frater, & rescribe. & Martij. Mit-
to pagellas.

Venerendo uiro, &c. D. Georgio Buch-
holzero, amico suo,

S. D. Venerande uir, & amice charissime. E-
xempla carminum filij uobis mitto: quæ libenter
edi curaui, ut hac celebritate filius inuitaretur, ut
haec studia & magis amet, & libetius exerceat. De-
inde uobis etiam uoluptati esse filij indolem, &
iudicia de eo honorifica uolo. Dei beneficio, uena est

satis

satis fœlix: ac ualde optarim ei proponi materias,
que gignerent aliquanto grandiores uersus. Orc-
mus autem Deum æternum patrem Domini nostri
Iesu Christi, conditorem generis humani, & Eccle-
sie suæ, ut regat multorum ingenia, ut siant ouïos
yoi bes, & organa salutaria Ecclesiæ. Nescio unde
sit tantū odium aduersus me in ueteribus quibus-
dam amicis, cum ipsi sciant nullum nouum dogma
à me genitum esse, & in quibusdam mediocri stu-
dio quæsitam esse ueram & propriam explicatio-
nem: quam diu etiam his Ecclesijs ad concordiam
profuisse consentaneum est. Sed Ecclesiam & me
Deo commendo. Salutem opto clarissimis uiris, do-
mino Cancellario, domino Gregorio, domino Suol-
lio, & alijs amicis. Typographo pro exemplis sa-
tisfeci, que dono filijs uestris. Bene ualete. Die 21
Octobris.

Egregia pietate & eruditione prædito,
D. Georgio Solino, pastori Ecclesiæ
in Tangermund, ami-
co suo,

S. D. Pium officium, & mihi pergratum facis,
quod Fladrum, de quo scripsi, curas prouehere ad
ministerium Euagelij. Est enim, quantum iudicare
possum, uir pius, placidissimus moribus, & bene do-
ctus. Cum erit occasio, uocabis eum. Eaq; de re lite-

A s ras

Tu mittes ad D . Paulum Knot, qui tuam sententiam
 Flandro illi Ioanni indicabit. Mitto domino Hiero-
 nymo Staud exiguum xenium: interdum typogra-
 phus fuit negligentior: id ut boni consulat, rogo.
 De Marchicis Ecclesijs bene spero: ac oro Deum,
 ut earum adiaget instaurationem. Tuum erit, pa-
 triæ non deesse. Islebius pollicetur, se nunquam à sen-
 tentia Ecclesie Vuitebergensis discessurum. Ac il-
 lustrisimus Princeps Elector pio studio horta-
 tur, eum ad placandum doctorem. Audio futu-
 rum esse conuentum Vuormacie, in quo instituenda
 est deliberatio de conciliandis Ecclesijs. Ut-
 nam Deus flectat Principum animos ad gloriam
 Dei ornandam, et ad salutarem concordiam. Tuq; pro
 Ecclesie uota facito. Ego post paucos dies su-
 scipiam iter, quod felix & faustum fit. Bene vale.
 Die 10 Decembris, 1540.

Reuerendo uiro,D. Georgio Buchhol-
tzero, amico & fratri suo cha-
rissimo,

S. D. Reuerende uir, & charissime frater. Hac
 hora longam eruditii hominis narrationem de fon-
 te Saxonico accepi, qui adfirmat lauationē extrin-
 secus prodesse contra ulcera, non corroborare ner-
 uos: haec congruit cum natura tñs ὥxgas. Sed intra
 corpus bibendo nocet: et audiui exempla duorum,
 quibus

quibus eius fontis potus nocuit. Mittam illam de-
scriptionem, quam iam accepi. Nunc mitto exem-
plum commentarij Epistolæ Pauli ad Romanos,
quod uelim à uobis, ut à iudice, legi: et me mone-
ri, sicubi extra viam curro: sicut istuc interdum in-
suauiter de uobis iudicatur. Doceri nos malle. Mit-
to et capita proximæ disputationis, cui ut intexe-
remus aliquid de Mediatore, occasionem præbuit
contentio Pragensis. Nam Prage quidam Canisij
socij reprehendūt hanc formam: Fili Dei Iesu Chri-
stie intercede pro nobis apud eternum Patrem. Et
contendunt, Christum tantum ut Deum datorē bo-
norum inuocandum esse. At Cyprianus inquit ex-
presse, pagina 505. O fili Dei, Domine noster Iesu
Christe, peto ut petas, ut detur mihi, etc. Inspice lo-
cum, et quære plura exempla, et mihi significa-
to uestra iudicia. Epicedion honeste matrone
coniugis reuerendi D.N. rectè scriptū, curabo his
diebus edi. Bene uale. Dic 23. Maij, Anno 1556.

Clarissimo viro D. Antonio Musæ, pasto-
ri Ecclesiæ Rochlicensis, amico
suo charissimo,

S. D. Gratiam tibi habeo, doctissime et opti-
me domine Antoni, quod tam amanter significasti
perpetuam beneuolētiā tuā, et in amicitia con-
stantiā, maximē dignam viro docto, et in ijs studijs
uersanti,

uersanti, quæ nos quidem semper coluimus, & quæ
revera sunt uirtutis studia. Viciſſim autem te à me
ex animo diligi ſtatues: ac ſi poſſem reiſpa decla-
rare uoluntatem meam, perficerem ut extarent il-
luftria teſtimonia. Sed uides temporum diſſicu-
taſ. Iacemus uarijs modis nos omnes: quia ſigna ſe-
quuntur, Eritis odio omnibus hominibus propter
nomen meum. Gaudeo tamen non eſſe impeditam
utilitatē tuam uel à Principe, uel ab Epifcopo. Pri-
mū ex tuis literis intellexi, Oſnicenſem ſine con-
ſilio Principiſ & Epifcopi à ſuo amico attractum
eſſe: ſed fortassis hoc iſum tibi prodeſt. nam uix
eodē loco ſine certamine fuiffetis. Sed omitto hec.

De his qui ad Ecclesiasticum munus admittun-
tur, querela tua iuſtiſima eſt. querimur idem, ſed
non iuuamur à potentibus. Mihi in aula etiam ca-
lumnia inſignis ſubeunda fuit, propterea quòd ro-
gauī ut de ordinatione ratio iniretur, ut doceri
poſſent qui admittuntur. Monemus, hortamur, eru-
dimus eos, quantū poſſumus. De quæſione tua
aliquoties cum Lutherò diſſerui: & illi & mihi ui-
detur ſimpliciſſimè, ut ſonat, articulus intelligen-
dus eſſe: Christū fuiffe apud inferos, excitaffe mu-
tos mortuos, & erudiſſe fortassis pŕeſtantes om-
nium gentium uiros, ut Scipionem, Fabium, & ſi-
miles. tale quiddam intelligit Petrus, qui clarè ait:
Christum apud inferos cōcionatum eſſe. Si hoc pa-

radoxum

radoxum aliquibus uidetur, nihil pugno: tecum
familiariter disputo, ut tuam quoq; sententiam au-
diam. Mitto tibi duas amicorum oratiunculas. Be-
ne et feliciter uale, et rescribe. Die 12 Martij, 1545.

Reuerendo viro D. Georgio Buch-
holzero, amico suo co-
lendo,

S. D. Reuerende uir. Filii & sunt & erunt mi-
hi curæ. Scripsit mediocre carmen Noha de Ange-
lis, ad clarissimum uirum dominum Cancellarium.
Nunc dedi splendidum argumentum de Samarita-
no. Ero hortator & alteri ad philosophica studia.
Vtinam Deus seruet his iuuenibus Ecclesiâ, & me-
diocres politias. Profectò ingentes motus impen-
dent, qui erumpent in proximum annum. Deus gu-
bernet suam cymbam. Imperator Spiram profici-
tur, & opinio est conuentum in urbe Argentina fo-
re. De pyris ago gratias. Bene uale.

D. Præposito Berlinensi,

S. D. Spero illustrissimi Principis Marchio-
nis Friderici gubernationem his regionibus saluta-
rem fore: & ut Deus cum regat, toto peccore eum
oro. Quia profectò in hac ultima & delira mundi
senecta, quæ tam uarias habet confusiones impe-
riorum, opus est aliquibus principibus bonis, quo-
rum

quorum moderatione & sapientia aliquo modo mitigentur mala publica. De carne ferina agite reuerenter gratias meo nomine. Vobis quoq; pro uase ago gratias: & pecium mitterem, si quantum es-
set scirem. Vicissim autem pagellas & Principi et
uobis mitto. Laudatio coiugis ducis Prussiae ita scri-
pta est, ut uelut imago Principis matronæ sit, à qua
uirtutum exempla petantur. Et laudes eius aliquò
ad familiam Marchionum pertinent. De N. & N.
barba, et circuitu, uoluntati p̄ij Principis in his re-
bus & similibus ego obtemperarem. Sed s̄aþe de-
risus sum, propter moderatores opiniones. Bene
ualete. Dic 4 Februarij.

Reuerendo uiro, eruditione & uirtute
præstanti, D. Georgio Buchholtzer, pa-
storī Ecclesiæ Dei in urbe Arctoa, a-
mico suo colendo,

S. D. Reuerende uir, & amice charissime: uti-
nam hic ueniens quinquagesimus annus sit faustus
& felix Ecclesiæ & Reipublicæ, & uerè sit ubi-
leus, & mitigationem adferat calamitatum publica-
rum & priuatarum. Pro p̄iris & ferina uobis gra-
tias ago: et si magis uelim uos mea causa non one-
rari sumptu: benevolentia tamen delector. Et toto
pectore opto, ut inter omnes qui docent Ecclesiæ,
uera sit & firma, ac non fucata amicitia. Certè sem-

per

per coniungere uoluntates, non distractere studia.
 Filius scripsit carmen laude dignum ad ducem Me-
 gapolitanum, quod hic editum est: spero & uobis
 uoluptati fore. De evectione frumenti, aula mode-
 rari cupiditates hominum legibus et seueritate poc-
 narum debet: ut sunt ueteres ea de re leges. Concio-
 nator plus non potest facere, quam ut hortetur au-
 ditores, ut sint p̄ij in patriam, nec uelint fame ne-
 care pauperes in patria: ut Paulus dicit, maximē
 domesticorum inopie opitulandum esse. Bene uo-
 le, 1550.

Clariss. uiro, N. N. docēti illustrissimum
 Principem Marchionem N.N., &c.
 fratri suo charissimo.

Non dubium est, salutares principes diuinitus
 & dari, & regi. Quare à Deo petamus, præsertim
 in hac languida et delira mūdi senecta, ut in his re-
 gionibus, in quibus Ecclesiarum niduli sunt, det ba-
 nos gubernatores & custodes. Sed tamen hoc quo-
 que nulli Deus, rectè erudiri & præparari teneras
 mentes coruia, quibus genus humanum aditum ad
 gubernationem præbet. Hanc igitur felicitatē gra-
 tularor Principi tuo, quod te doctorem habet, qui rei
 sī formas ihsus iudaicum, & cum ad amorem do-
 ctrinarum et uirtutum accendis. Oro etiam Deum
 sapientiæ fontem, ut tuos labores adiuuet. Semper
 familiæ

familia tuorum Principum laude sapientie & eloquentie excelluit, & res maximas in Germanico imperio consilijs rexit. Quare ex indolem, et idem decus in tuo auditore preclarum esse existimo. Amabit igitur nostra studia, & propter ea gregi fauebit: hanc ipsius uoluntatem confirmari a te non dubito. Me igitur, & alios qui Reipublicae mediocriter inseruiunt in propagatione literarum, ipsis commendato. Inter quos commendari uolo & N. cuius & natura est excellens, & non tantum ijs uitutibus ornata, quæ diligentia nostra parantur: sed etiam alijs maioribus, quæ diuinitus in bonis mentibus accenduntur: et eruditio tanta est, ut in utraque lingua, Greca & Latina, eruditam antiquitatem feliciter imitetur: & ad haec studia adiunxerit Philosophiam, & Ecclesiæ doctrinam. quare eum magno usui & ornamento Ecclesiæ esse spero. Talia ingenia sapientes principes propter utilitatem publicam & eligere & ornare ualde prodest. Bene uale charissime N. Calend. Septembris, 1558.

Reuerendo uiro, D. Georgio Buchholtzer, &c. amico suo charissimo.

S. D. Reuerende uir & amice charissime. Et si familia meæ mensæ assidens penè totam occupat: tamen filijs tuis locū tribuissim, si conuictores mei esse

esse vobis sent. Fuit autem Nobis saepe mecum. Tibi
gratulor à Deo filios donatos esse, quorum ad li-
teras & ad uirtutem egregia est indoles. Ac spero
Deum ipsis ad futurū esse, iuxta promissionem: Ge-
neratio rectorum benedicetur. De carmine filij e-
dendo, cum typographis fideliter agam. Si stylum
in me striget meus inimicus, fortassis propter do-
ctrinæ uerae propugnationem respondere cogar.
Faciam autem idem quod feci semper: dicam mode-
stè de rebus necessarijs, nec certabo cum eo conui-
cijs, aut scurrilibus dictis. Studia, mores, uolunta-
tem utriusq; ita multi sapientes uiri in Germania
norunt, ut de his rebus nō sit opus commemoratio-
ne. Dolco turbari Ecclesias, & impediri inuoca-
tionem, si nouæ rixæ moucantur. Ideo multas iniu-
rias & antea tacitus disimulaui: & non depellant
nunc, nisi graues cause me scribere cogant. Bene et
feliciter ualete. Die 17 Septembris.

A mico cuidam,

S. D. Pagellas quas attulit Leonhardus, acce-
pi: pro quo munere tibi gratias ago. Ethica cur nō
mitteres, non scripsi: sed existimo à Marcello mit-
ti. Gemens hos libellos aspexi, cogitans et de studio
rum interitu, & de ferocitate temporum, que iam
nihil habent in ñop. Olim barbaries & hominum
& doctrinæ obscurauit hæc elegantissima scripta:

B nunc

44

nunc cūm illustrare ea coepimus, noua feritas honi-
stissima studia impedit. Sed Deum oramus, ut A-
cademias restituat & regat. Tabellarium nostrum
ut reuersurum esse ex Thyrigetis sferem, somnio
moueas. Nam hac nocte cū loachimo suauiter col-
locutus sum cū oīcīpō. Veni autē ad eum ingressus
ex hospitio usitato, & ut in mercatum incedēs per
forum, ubi paucas pergulas uidi, & urbem non ut
antea ornatam, sed multis rebus deformatā. Et in
edibus collegij uix per cōēnū eluctatus sum, ad Ioa-
chimi nidulū. Nescio an eburnea aut cornea porta
egressum sit somniū. Utinā significet tales cōgres-
sus breui futuros, restituta pace, quales antea fue-
runt, cum in mercatu conueniāmus. Vale, Calendis
Aprilis. Anno 1547.

Clarissimo viro, D. Chiliano Goldstein,
doctori Iuris, Senatus in Salinis
συμβάλω, S. D.

Eisī multa memini sapientum dicta, quæ & la-
ticias & mœrores iubent moderari: tamen inter-
dum opprimor dolore, ut penē exanimer. Sed eri-
go me utcunque hac uera sententia, quod nec casu-
res humanas uolui scio, & nos filio Dei curae esse
statuo. Eandem consolationem uobis quoq; propo-
nите. In conuentu Imperator hactenus contendit, ut
nostrī promittant, se synodi cognitionem contro-
uersiarum

uersiarum nostrarum promissuros esse: ex pollicetur se curaturum, ne iudicet Pontifex, sed homines delecti. Hæc uides esse insidiarū plena. Sed oremus Deum, ut nos gubernet, ex regat politias. Mitto tuis liberis precationem Stigelij uersibus uenustè comprehensam, in qua magis scio te acquiescere cæteris ullis. Scire cupio quid de epistola statueris, quam schola ad Senatum scripserat. Bene uale. Die Baptiste, collegæ mihi charissimi, qui agnum nobis monstrauit charissimum filium Dei.

Nicolao cuidam.

Valde optarim te unius anni laborem ex molestiam animo pertulisse, propter ipsas literas: que cum in summo odio sint apud indoctos, non posse sunt alia ratione conseruari ac restituiri, nisi professores sua patiētia, æquitate et studijs uoluntates hominū sibi concilient. Quòd enim de ualeitudine quereris, etas tua mihi quidem tantum habere robur uidetur, ut hos labores aliquandiu sine periculo ferre potuisse uidearis. Habes summā nostri consilij, ac mearum cogitationum: quas rogo ut in bonam partem interpreteris. Scripsi enim animo simplici, pro amore erga te meo. Nam propter has que relas uideris mihi de existimatione periclitari. Non impedio tamen uti te occasione, si contingat melior conditio. Vale.

B 2 D. Iusti-

D^HJustino Goblero, Consiliario illustrissimi ducis Erici Braunschweicensis,
S. D.

*Adhuc sum in sententia, mi Iustine, non esse abdicandam præsentem cōditionem: sed debere te τὸν
ταρπόντα τέρπειν. Idq; consilium tibi daturus sim,
etiam si frater esses. Non enim ignoro, quām difficile sit, a sperrimis temporibus commodas condi-
tiones inuenire: & quantum sit periculum, usq; ari
incertis sedibus. Habet meum consilium: tibi tamen
liberum relinquo, quid uelis facere. Opinor te in
hac conditiuncula plus habere ocij ad iucunda stu-
dia tractanda, quām si esses euectus ad maiora ne-
gocia propter Iuris pofessionem. Mihi crede, hæc
tempora parum ocij concedunt his, qui magnis ne-
gocijs implicantur. Ego titulum fugi semper: utinā
& negocia effugere potuissem. Francisci libellus
editus est, quem spero tibi gratum esse: uel quia ha-
bet non obscuram significationē nostri amoris: uel
quia ipsa Hermolai epistola noua, non est pror-
sus illepidè scripta, de qua & tuum & aliorum
iudicium mihi uelim perscribas. Etsi est breuior,
quām causæ magnitudo postulat. Sed id excusat
Franciscus in præfatione. Adami causam tibi com-
mendo: teq; oro ut, quod facis, Adamū summo stu-
dio defendas. Gratum tibi hominem obligabis. Be-
ne uale.*

D.Gaspa-

D. Gasparo Crucigero S. D.

Quicquid erit, superanda omnis fortuna ferendo est: inquit ille satis gloriose. Nos addamus, Bonos virtuosos et teos. Nam absq; diuina ope ne quidem sic stineri tanti fluctus possunt, quantis iam cymba nostra concutitur. Ideo consolationem hanc Deus toutes tradidit * domicilium afflitos esse, qui ipsum invocant. Duo certa signa propria Ecclesiae conspicuntur in nostro coetu. Sonat apud nos vox Euangeliij, invocamus ueris gemitibus: et hostium rabies extrema minitatur. Econtra hostes manifeste conantur extinguere lucem Euangeliij, et perfidio si amici arte opprimunt piorum invocationē, quae esse potest. Postremō securi triumphant, aut ex periculis se extricant, ut labrax ruptis maxillis hamo se eripit. Oremus igitur Deum, ut adsit nobis, et seruet Ecclesie reliquias. Bene et feliciter uale. Die 3 Aprilis, quo memoria celebratur pompa triūphalis, qua filius Dei Hierosolymam ingressus est, uectus mula: ubi multi cum excipiētes, magnificas spēcies habuerunt imperij noui, qui postea ab eo pendente in cruce defecerūt. Similia nunc etiam fiunt. Vale.

Amico cuidam.

Non dubito, huius temporis rumores similitudinem esse misericarum et certaminum temporis Ma

B 3 chabaco-

chabæorum. Quare triste fatum extremæ senectæ mundi agnoscentes, & ut possumus ferentes, petamus, ut dux filius Dei pro nobis prælietur, & mitiget nobis ærumnas publicas & priuatas. Ego etsi domestico luctu ualde excrucior: intuens publica Ecclesiæ uulnera, multo maiore dolore adficio. Redire ad uos eo magis cupio, ut consuetudine & sermonibus uestris animum à mœsticia abducam. Deum æternum patrem Domini nostri Iesu Christi oro, ut te Ecclesiæ domesticæ tuae, & cœmmuni seruet in columem: & à uestris liberis depellat diabolum, griffantē in liberos. Bene uale, & Aprilis.

D. Iusto Ionæ S. D.

Reuerēde uir, & amice colende. Quoties de Academiæ nostræ statu, qualis fuit ante hoc tempus, cum sedes doctrinæ celebris esset, cogitamus, tuæ consuetudinis recordamur; teq; propter ingenij, eruditioñis, eloquentiæ & uirtutis præstantiam singularare ornamentum nostri cœtus fuisse iudicamus, ac tuam assiduitatem in uarijs Ecclesiarum negotijs, in dandis consilijs, in iudicijs, in alijs laboribus grata cōmemoratione prædicamus: ac inter exempla inconstantiae rerum humanarum recensemus, & huius nostræ politiæ cōcussionem, in qua tam multa ornamenta amisimus. Etsi autem ab illustrissimo Electore, postquam ex tanto naufragio non solum

solim nostræ Academiæ, sed penè uniuersæ Ger-
 manie tanquā tabulas colligere coepimus, benignè
 adiuti sumus: tamen ærarij iacturam nondum sarcia-
 re poterimus. Coloni enim nōdum pendent usitata
 tributa, & Comes N. debet iam 1600 aureos. In
 hac ærarij inopia nouam scholæ dissipationem me-
 tuimus: quæ eo erit difficilior, quia in his ipsis re-
 gionibus, in quibus uiuimus, noua hospitia queren-
 da erunt. Vagantur passim exercitus. Itaq; te ora-
 mus, ut tu quoq; calamitatum nostrarum rationē
 habeas: ac responsonem boni consulas, quæ uera
 & simplex est: cūm nō sit in ærario tantum, ut sol-
 ui stipendia proximo quadrante anni possint, mit-
 tere nunc nihil potuimus. Nec ignota est hæc ino-
 pia illustrissimo Electori, qui nūc deliberat de pen-
 sione, quæ ex fundis, quos habuit Comes N. debe-
 tur. Hanc si non obtinebimus, ne nobis quidem sti-
 pendia solui poterunt. Ferenda igitur erit cōmunis
 calamitas, in qua hæc pecuniariū iactura multo le-
 uior existimanda erit. quia alia maiora toleranda
 sunt. Turbantur Ecclesiæ, pelluntur ex nidulis pīj
 pastores cū totis familijs, multi senes pastores cru-
 delissimè trucidātur, rapiuntur eorum cōiuges &
 filiæ, scribuntur edicta sanguine, & impie leges Ec-
 clesijs imponuntur. Hæc tristissima spectacula ma-
 gis excruciant hominum mediocriū animos, quam
 priuatæ æruminæ. sed si hanc doctrinæ sedem Deus

sua bonitate seruabit, benevolentia nostram erga te ex tuos cum alijs officijs, tum uero etiam hac in re, quam petis declarabimus. Vitebergae, 23 Ianuarij.

Reuerendo uiro, D. Casparo Aquilæ, patitori Ecclesiæ Dei in oppido Salueld, & uicinia episcopo, amico suo, S. D.

Venerande domine Caspar. Etsi magna disputationes quotidie fiunt, & impendent tristiores: tamen Deo iuuante, mea mens cum Ecclesijs harum regionum sonantibus uocem Evangelij, quam iua Ecclesia sonat, semper consentiet. De Academia nostra nihil certi scribere possum. Fortassis conuentus proximus nos noua exilia suscipere coget. Imperator enim postulat, ut omnes principes Concilio adsentiantur: & promisso dicuntur, se adsen-suros esse. Sed breui nos & tu certiora audiemus. Dialectici libelli primum in nundinis absoluenter: cum erunt absoluti, tuis dulcissimis mittam exempla. Gratias tibi ago, quod & nostro dolore adscriaris, & tua cōsolatione mederi meis uulnerib. stu-des. Plura scriberē: sed iam accepi literas de periculo meo cōiugis casu, & de alijs plurib. periculis. Deus mitiget publicas & priuatas ærumnas. Bene & feliciter uale. Salutem opto uiro integerrimo, patri Erasmi, quem hodie expecto. Die 18 Septembris, 1547.

Cl-

Clarissimo viro, prudētia & uirtute praestanti, D. Michaeli Meyenburg, amico suo præcipuo & charissimo,

S. D.

Clarissime & honestissime uir, et amice charissime. Toties prædictū est, non in fanaticis uaticinijs, sed in uerè diuinis oraculis, in hac ipsa mundi senecta, in quam incidimus, maiores imperiorū & Ecclesiæ mutationes futuras esse, quam fuerūt antea. Idq; uoluit Deus præmonere, ut simus diligenteres in quærenda ueritate, & firmiores, & ptemus & expectemus auxilium Dei. Etsi igitur terribilis est Aquilæ aduentus: tamen nos cōfulemur agnitione Dei, et conscientia recte uoluntatis, quod quæsiuimus ueritatem, & spe' auxilij diuini nos sustentemus. Nec dubito seruaturum esse Deum Ecclesiæ: etiamsi aliqui crucem cum Cyreneo gestabunt. Ego longè magis inter nostros interfici uolo, quam cum illis esse coniunctus, quorum talis est uoluntas, qualis est nostri ciuis, qui scripsit epistolam, quam huic chartæ inclusi. Statim à paschate ad uos cum filio decreui. Tamen in uijs periculum erit, si hostes proprius accesserint. filium possum in uicinā Marchiam ad fideles & perspectos amicos mittere, uel in oppida ducis Lignicij. Ego me in Marchiam non conferam, etiamsi amanter locutus est mecum Marchio nuper, ut in Francofordianā Aca-

B 5 demians

'demiam me conferrem. Deus haec pericula gubernabit, & ut gubernet toto eum pectore oro: etiam ut uos & nostros seruet in columnes. Bene & felicer ualete. Date die agonis filij Dei ad montem Oliveti, in qua pro nobis etiam Patrem placauit.

Clariss. & integerrimo uiro, prudentia & uirtute præstanti, domino Michaeli Meyenburg, amico suo chariss.

S. D.

Charissime & integerrime uir. Quadraginta Ioachimicos iam missos, mox tradidi Erasmo Benedicto, paedagogo filij uestri. Nam Dei beneficio adhuc aliquid uiatici habeo: & quod antea misfis, adhuc integrum est. Ago autem gratias uobis pro perpetua benevolentia, & multis beneficijs uestris. Filius uester nunc iterum mihi assidet in mensa: & cum hic occasionem habeat, studio eum recte institui. Discit enim diligenter Dialecticen & Arithmeticen: & utilius est eum manere in hoc loco, donec nobis hic tranquillitas coceditur, quam Deus hactenus mirabili bonitate nobis largitur. Etsi scio Mauricianos nominatim de me interficiendo locutus esse, cum quidem ego neminem unquam adiunctum duci Mauricio laserim, & ipsius Academie & Ecclesijs mediocriter seruierim. Sed scriptum est: Omnes capilli capitjs uestri numerati sunt. Hac consolatione

solatione uos quoq; sustentate, et bellum Deo com-
mendate, qui etiam dabit exitum aliquem, & ser-
uabit Ecclesiæ seminaria. Post paucos dies, ipse u-
nà cum filio ad uos ueniam. Pastorem Ecclesiæ ue-
stre indico Andream, qui est in Calicis:uir grauis,
& doctus, & prudens est. Eaq; de re scribam ad
eum. Bene ualete. Die 30 Martij, Anno 1547.

Clariss. uiro, D. N. N. amico & fratri
suo charissimo, S. D.

Tò μέλλον ᾧ τυφλὸν, ἔρπε: inquit Sophocles.
Quare quis sit exitus tam horrendi belli futurius,
pronūciare non possumus. Sed tamē quisquis erit
exitus, λαθμείηρ νίνηρ (ut ueteres dicebant) fore
certum est. Præstemus igitur animos ad ferendas
ea miseras, quæ bella ciuilia comitantur. Imò &
Deum æternum patrem Domini nostri Iesu Christi
oremus, ut poenas mitiget. • Marchio Elector
hinc heri profectus est, ut de pace agat: sed ipse
quidem sperabat N. ad pacem fleti posse, qui con-
fidit N. & N. auxilijs. Et in Electoris castris pro-
ditiones metuuntur. Cùm igitur crescant pericu-
la, sit inuocatio Dei ardenter. Teq; oro, ut uel quo
tidie scribas, ea quæ isthic audies digna memoratu.

Bauarus quem misimus ut publico ritu uocatio
eius ad ministeriū Euangelicū confirmaretur, nō
dum redijt. Hec sum gubernatorem Ecclesiæ Dei in

Urbe

urbe Vratislavia, ex hac mortali uita euocatū es-
se, certum est. Doleo & Ecclesiae, & generi, & fi-
lis causa. Camerarius heri cum principe Georgio
hinc abiit, secuturus suam familiam. At nos hinc a-
lij sicutientes ibimus Afros : Pars Scythia, & fortassis
Balthica litora adimus. Bene uale. Die 21 Ianua-
rij, 1547.

**Georgio Sabino, genero suo charis-
simo,** S. D.

Magnam uim esse paterni amoris erga uos, e-
tiam te animo tuo existimare non dubito. Quare
mihi facile credes, affirmanti, ualde me dilexisse fi-
liam Annam. Cum autem preclarè de te sentirem
propter scribendi facultatem eximiam, ut alij mul-
ti, qui iudicare de his studijs possunt, in quibus uer-
saris: & ex eo benevolentia erga te singularis in a-
nimo meo nata esset, non inuitus tibi uolenti filiam
despondi: utq; & tibi & uobis haec coniunctio fau-
sta & felix esset, optau. Sed cum ex doctrina cœ-
lesti causas didicerimus præcipuas humanarum ca-
lamitatum, & earum remedia: serimus iam, quæ ac-
ciderūt, sapiēter. Etsi igitur magno in dolore sum,
propterea quod filia extincta est, & quidem pro-
cul sine parentum amplexu, & prius de rebus ne-
cessarijs cum ea colloqui non potuerim: tamen eas
consolationes mihi propono, quæ diuinitus traditæ
sunt;

sunt: quarum haec præcipua est. Signa uera in filia
 pietatis erga Deum, et ante mortem præcesserunt,
 propter quæ spero, eam iam dulcissima consuetu-
 dine Dei, & filij eius Domini nostri Iesu Christi
 frui, cui etiam eam sëpe lachrymans commendauit:
 & ut spero, paulo post ibi eam amplectar. Nostræ
 uero inter nos amicitiam uolo perpetuam esse: &
 ego fideliter eam, si quibus potero officijs, tuebor.
 Tuos certè liberos, meos esse dicâ: et uerè mei sunt,
 quos non minus diligo, quam dilexi matrem. Euis-
 se autem magnum incendium amoris mei erga fi-
 liam, multi norunt: et id morte ipsius non extinctu-
 est, sed dolore & desiderio alitur. Cumq; fuisse
 eam admodum φιλότενον sciam, ipsius in me affe-
 ctus deriuare me iam debere iudico. Quid igitur
 de filiabus & filio deliberas? Non solum consilium
 do, ut ad me mittas puellas, seu omnes, seu aliquas:
 sed etiam te, ut id facias, ualde oro. Educabuntur e-
 nim, Deo iuuante, et fideliter, et suauiter, ut soror,
 ad agnitionem Dei, & ad honesta officia sedulò in-
 stituentur. Vides specimen institutionis in literis,
 quæ filiæ tuæ manu scriptæ sunt. Filium Albertum
 nō dubito iam isthic nutricibus commendatum es-
 se, quem Deus seruit in columem. Significabis igi-
 tur mihi tuam uoluntatem de filiabus, ut uel ipse i-
 sthuc ueniam: uel amicos fideles mittâ, qui huc ad-
 uenant uel omnes, uel aliquas. Martha quidē, quæ

est imbecillior, ualde te oro ut finas eam apud so-
rorem educari. Nec belli periculis deterreor, quo
minus mecum omnes uersari meos uelim. Texit nos
Deus hactenus magna cum clemētia, et spero pro-
tecturum esse nos deinceps: quodq; est officij, ut cu-
rem familiam in locis tranquillioribus collocari, si
erit opus non negligam. Pero igitur, ut mihi uolun-
tatem tuam de mittendis filiabus signifiques. Nunc
dedi reliquum mercedis. A' Camerario, cum nūcius
esset mecum, literæ allatæ sunt, quibus ex Tyrige-
tis proficiisci in Franciam scribit: quod cum nuncio
dixisse, tam procul sequendum esse non putau-
mus. Epistolam eius ad me scriptam tibi mitto.
Adiuncta est et altera Camerarij ad Scyurum. Fi-
lij literas ad Scyurum, quas nūcius attulit, ego in
Franciam missurus sum. Bene et feliciter uale, An-
no 1543.

Marco Crodelio, S. D.

Hi adolescentes, quibus hanc ad te epistolam de-
di, scholastici sunt Academie nostræ, uel præcipue
studiosi: et sunt honestissimorum et ornatißimo-
rum hominum liberi. Quare mihi non minus quam
mea uita chari sunt. Cum autem uidere principum
pompam isthic cuperent, non ualde eis repugna-
ui, uel ut expatiantes relaxaret paulisper animos,
ac recrearent: uel quod existimem aliquia ex parte

ad disciplinam pertinere, adolescentes uidere principum erga se officia, & significationes mutuae reverentiae. Proinde ualde te rogo, ut his adolescentibus isthic hospitium cures ipsorum pecunia: atque adiuues, ut sine periculo spectatores earum rerum esse possint, quas uidere cupiunt. Id officij dabis non solum nostrae amicitiae, sed etiam iuri hospitali, quod profectio postulat ut hospites bonos homines amanter complectamur. Præterea hi adolescentes etiam literarum communium ac studiorum causa amore digni sunt. Illud tibi persuadeto, me hoc beneficium maximi facturum esse, si eos amanter exceperis, et adiuueris. Si autem intellexero eos abs te desertos esse, maximam iniuriam te amicitiae nostræ fecisse iudicabo. Sed humanitas tua tales hospites (ut spero) libenter φιλοσεται. Bene uale. Datum Vitebergæ, die 8 Augusti, Anno 1539.

Clarissimo uiro D.N. Paulo Ebero,
ευμφιλοσόφῳ & fratri suo charissimo,

S. D. Sæpe multumq; cogito τερπὶ τῆς θέσεως, de qua non disputat, sed sycophatijs certat ille τῷ παρηγιτῶν uates: in qua cogitatione, quoties intucor matrem dimicantem pro liberis, prorsus acquiesco. Fingant, cauillentur, querant præstigias uehementi Margitæ. Omnes enim illæ fuitiles cauillationes

tiones eliduntur cogitatione maternæ et paternæ
τροφῆς. Sed illi uocem sonant parricidæ Cain, τι
μοι μέλει ἀστελφός, &c. Omittamus illas syco-
phantias, et speremus à Deo auxiliū: cui curæ sunt
tuus Paulus & tua Helena, quæ ipso nomine te ad-
monet Deum esse. Expecto doctore Vuenceslau,
& Christophorum Pannonium, quibus omnia fau-
sta precor. Gaudeo uirum doctissimum, & omni-
bus uirtutibus ornatum, D. Ioannem Aurifabrum,
ad honestissimam coniugem & sobolem reuersum
esse in columem: quem opinor me, de defensionis iu-
re ὄμοιχνφον habere, intuentem suos. Scripsi episto-
lam τῷ φίλῳ αὐτοῦ επεστίας: qua, si libet, ut amini. Ridebi-
musr à Iurisconsultis, quod adhuc speramus nostrā
Sareptam mansuram esse. Sed Deum oro, ut eam
defendat. Bene uale. 16 Aprilis, 1547. Seruete.

Ad quendam Iurisconsultum, Aca-
demiæ Rostochianæ profes-
sorem.

S. D. Cum non audiuerimus utraq; partem,
non facimus nos iudices inter doctorem Henricum
& Iurisconsultos: sed utrosq; adhortamur ad piam
concordiam. Sed de propositionibus hoc dicimus:
Non adfirmsat in genere, ualere sponsalia contra-
cta dissentientibus parentibus. De ea re in Eccle-
sijs & consistorijs harum regionum aliquid pro-
nunciatur.

nunciatur. Si Doctor defendit nostrarum Ecclesiæ
rum sententiam & consuetudinem, non possumus
eum improbare, quod ad hanc partem attinet. Ac sci-
mus interdum addiclos iuri Fontificio, libenter su-
gillare & irritare concionatores in hac materia;
nō tam ut uideatur acres propugnatores iuris pon-
tificij, quam ut exagitent istos. Talia ne in hoc cer-
tamino fiant, illustrissimi Principis autoritate pro-
hibeatur. Etsi occasionem dissidijs præbet hæc
questio de consensu parentum: tamen prodesset gu-
bernatorum consilio et autoritate certò constitui,
ut irrita sint sponsalia corum qui adhuc parentum
autoritate reguntur, facta sine consensu parentum:
ut in his regionibus omnes Ecclesiæ & consistoria
pronunciant. Hanc sententiam si ambae facultates,
Theologi & Iurisconsulti, amplectentur: non
solum inter ipsos hac de re certamen sublatum esset,
sed etiam in foro minus litium esset de sponsalibus.
Sed si reprehendit Doctor politicum morem legiti-
mationis, non recte sentit. Nam hæc exæquatio ha-
redum permissa est potestatibus, quæ hanc clemē-
tiam iudicant conuenire paterno & materno affe-
ctui, & inuitat tales ad unicum coniugij, & fra-
tres inter se coniungit. Hæc omnia sunt po-
litica, nec sunt digna repro-
fione.

C. Dō-

Doctiss. & opt. virto, domino Theophilo, gymnasiarchæ scholæ Hamburgensis, amico suo

S. D.

Vt in omni officio animaduerti singularē tuam
esse diligentiam, doctissime & humanissime Theophile: ita uideo te in leuibus quæstionibus exquisitam habere diligentiam, quæ profectò à me inter
principias uirtutes ponitur. et si ego quidem in hoc
occupationum & negociorum mari multa facio ē-
πιπολαցιονιστορια και μελεγιστορια. Quod uero de
uersiculis in postrema pagella Locorum commu-
nium adscriptis, authorem indicari cupis: scito eos
esse in Sophoclis Antigone, nimirū editionis Hage-
nauensis. Nam Aldinam editionem, & alteram Ita-
licam, non inspexi. Est autem Creontis oratio ad fi-
lium, concionantis de non soluenda maiestate im-
perij, de reuerētia præstanta magistratibus, de cō-
seruatione legum & tranquillitatib;
σώζει τὰ πόληα σώμαθ' οὐ τείθαρχία,
δέ τως ἀμυντέ· ἐγὶ τοῖς λοσιδαμένεις.

Seruat multas personas obediētid, ideo defendēda est honestis ciuibus. Hos enim sēpe uocat Sopho-
cles λοσιδαμένεις: quasi dicat, eos qui rectè guber-
nantur, debere fortiter tueri præsentem statum di-
scipline, harmoniam imperij, legum autoritatem.
Quia dissoluta obedientia, sequatur interitus ciui-
tatum,

tatum. Estq; ἀμωτέα, ut recte dicas, ab ἀμώῳ, for
ma Attici gerūdij, si sic appellare licet: ut λεκτέον.
Sed Attici solent uariare per genera, ut λεκτέος
ἢ λόγος, λεκτέα ἢ ληγυγία. Nec tu ignoras, has
uoces à tertia persona præteriti passiui fieri: λέ-
κται λεκτίου, ἀμωται ἀμωτέον. Et uariè u-
surpat uerbum ἀμώῳ, sed tamen significatio-
nes sunt uicinæ: defendo, ulciscor, propugno. Me-
ministi enim usitatiſſimum uerſiculum,
εἰς οἰωρὸς ὁρίγος ἀμώῳ θαῦσι τῷ οἴτης.

Est aliud locus ex Platone, de quo sæpe sum in-
terrogatus. Itaq; iam in recudēdo uerti plurib. uer-
bis: ὁ διὸ πολὺς μὴν αὐτοῖς πατέρων. Loquitur e-
nim de heroicis uiris, ut de Scipione, Augusto, The-
misto cle, Alexandro, qui magna felicitate in maxi-
mis rebus gerendis liberantur periculis, & habent
miros successus. Hanc prosperitatē uocat πατέ-
ρων. Fiunt enim facile dimicationes duce fortuna-
to, & exercitibus cum habent duces fortunatos. Et
hi Respublicas in tranquillū solent restituere, qua-
lem uides Augustum fuisse. Et talis est Cæsar Caro-
lus quintus. Quanta enim felicitate, quantas res cō-
fecit, quanta pericula superauit? Talibus uiris cum
procedunt consilia, dicit eos & sua & populorum
πατέρων imperare. Cetera in eo loco puto esse per-
spicua. Sed quid tu iudicas de eo libello? nam tuum
iudicium profectò facio plurimi. Saluta meis uer-

bis Matthæum, quem & uerè & ualde amo. Bent
& feliciter uale. 28 Martij, 1536.

Egregia doctrina & pietate prædicto D.
Martino Bucero, doceti Euangeliū in
Ecclesia urbis Argentinæ, suo ami-
co præcipuo.

S. D. Post nostrum redditum ex conuentu, con-
uuluit iterum Lutherus, satis feliciter. Ego in no-
uum periculum incidi. Est apud nos quidam homo
durus, nati æmores, cui nomen est Cordato. Is me
crudeliter insectatur, eo quod dixi, Bona opera ne-
cessaria esse ad salutem. Excitat miras tragœdias.
Semel homini respondi, satis facetè. Si perget fure-
re, uidero ubi me abdam, ne mihi perpetuò cum ta-
libus sycophantis litigandum sit. Satis est discordia-
rum & scandalorum. Utinam nos sanare, non exul-
cerare mala publica studeremus. Quis autem sane
metis negare potest hanc propositionem: Nouitas
spiritualis est necessaria ad uitam æternam? Hoc di-
co, cum dico nouam obedientiam necessariam esse
ad uitam æternam. Sed omitto disputationem. Tuas
literas audiē expecto, de omnibus rebus uestris, de
Gallico bello, & πορπι της Γεωργίας. Hunc tabella-
rium tibi commendō: est enim homo probus, & li-
terarum ac doctrinæ Christianæ admodum studio-
sus. amplius biennio nobiscum fuit. Ideo mores eius
nobis

nobis sunt satis noti, & probati. Proficiscitur ad uos, querens in Gallica uicinia aliquam conditum culam: aut sicubi in uicinia uestra aliquid negotij in officinis typographicis, aut in schola aliqua inuenire posset. Nomen est ei Ioanni Albergio Gallo. Notus est Sturmio. Queso te, non desis homini exuli. Saluta amicos. Bene uale: die diu:

Georgij, Lipsiae. 1537.

LECTORI S.

Initio tertij libri Epistolarum D. Philippi, Testimonia eruditionis ac morum, studiosis atq; eruditis hominibus siue ab ipso D. Philippo siue alijs data, ponere libuit: quorum tamen aliqua secundo libro etiam inserta alicubi reperies. Postea aliquorum doctorum uirorum Epistolæ aliquot subiungentur.

C • LIBER

LIBER TERTIUS.

PUBLICVM TESTIMONIVM AB
Academia Basiliensi, Ioanni Manlio
datum, Anno 1563.



O S Rector & quatuor ordinum
Decani Academiæ Basiliensis, no-
tum facimus omnibus literas præ-
sentes perlecturis, quod Ioannes
Manlius liberalium artium Magister à nobis disce-
dens, uitæ actæ, eo quo hic uixit tempore, studio-
rumq; testimonium petiuit: ut quemadmodum co-
ram Deo, cordium actionumq; inspectore oculatis-
simo, cōscientiæ bonitas responderet, ita (quod A-
postolus in Christi seruo requirit) exterorum e-
tiā apud eos quibus cum uitam esset deinceps actu-
rus suffragijs notæ melioris approbaretur. Quare
cum eam petitionem honestam & æquam esse cen-
suerimus, testificamur liquide, cum nouem ferè men-
sibus apud nos egerit, ueri timoris Dei, pietatisq;
signa confitua in eo eluxisse: ut qui syncerā Chri-
sti fidem professione oris, cultuq; sacro testatus sit,
nullo infectus sinistro, cumq; fide Ecclesiarum quæ
cum Augustana cōfessione sentiūt pugnare dogma-
te. Deinde innocentia, integritateq; uitæ talem se-
præstissem, ut esse magis quam uideri bonus uolue-

rit: id quod de Aristide, Poeta testatur. De studijs nihil necessum multa dicere, ut quorum nomine ab inclite Vuitebergensis Academie doctoribus & præceptoribus testimonium amplissimum retulit, & dati in publicum laborū sedulitatisq; ipsius frustis abundē probant. Conuersationem eius gratam habuimus, & piām eius uoluntatē Ecclesiā studiaq; quantum in ipso est iuuādi laudamus: atque precamur, ad quoscunq; uenturus est, ut haud ignauum Dei organum, propter Dominum, fauore suo complectantur, consilijs auxilijsq; iuuent.
 Rogamus interea patrem aeternum Domini nostri Iesu Christi, ut in his postremis difficilimisq; temporibus respicere Ecclesiam misericorditer dignetur, tempestatemq; exitium Ecclesijs et Rebus publicis minantem uerbo, quo perficit omnia, compescat: & largiatur pacem, sanctamq; in ipso iūo-
 rō, quō incorrupta doctrina, piaq; studia exco-
 coli, prouchi, adq; posteros lux ueritatis saluifice
 propagari queat: idemq; seruet, regat, & confir-
 met docentes & discentes, ad sui nominis gloriam.
 Valete. Datæ Basileæ, sexto Calendas Februarias:
 Anno salutis partæ 1563.

PHILIPPVS MELANCHTHON
 omnibus has literas lecturis,

S. D.

Euit nobiscum in Germania Dominus Michael
 C. 4 Aethiops

Aethiops diaconus: cum quo de doctrina Christiana familiariter colloquentes, audiuiimus cum cum symbolo, quod habet Ecclesia occidentalis, recte conuenire: nec de trinitate aliud sentire, quam quod sentit Ecclesia occidentalis. Ideo quantum nos quidem possumus, commendamus cum bonis uiris. Nam et si Ecclesia orientalis habet aliquas dissimiles ceremonias: ipse quoque iudicat quod dissimilitudo earum non tollat unitatem Ecclesiae, nec pugnet cum fide. Quia regnum Christi est spiritualis iusticia cordis, timor Dei, et fiducia per Christum. hanc sententiam et nos probamus. Comperimus etiam ex eo, quod ritus, quem nos obseruamus in coena Domini, et Missa, conuenit cum orientali Ecclesia. Optamus autem, ut omnes gentes agnoscant et glorifcent Christum, et ei obedient uera fiducia misericordiae ipsius, et dilectione proximi. Ideo rogamus bonos uiros, ut Christianam dilectionem etiam huic hospiti praestare uelint. Vuitebergae, Anno 1534, 4 Nonas Iulij.

Lecturis has literas, S. D.

In Argonautico carmine describitur immanitas τῶν μοσυωίνων, quos esse Muscouios consentaneum est. Et in Psalmo 120, querela est Ecclesiae, quod exulet inter Mesech: quod etiam Moscouios interpretor. Poterant enim noti esse uicini Phoenicibus;

elibus: quia tunc ea loca tenuerunt, que postea Ge-
late & Cappadoces occuparunt. At nunc quidem
crudelitatis exēpla Muscovij ostendūt in Liuonia,
ubi magnam multitudinem in Tartaricam seruitu-
tem abducūt, et honestis matronis ac uirginibus tu-
tantibus pudicitiam ubera præcidunt. Sed ut Psal-
mus dicit, semper habet aliquos Ecclesia hostes, q
eam persequūtur. Et similis crudelitas nunc in mul-
tis regionibus exercetur. Ut autem Deus protegat
has regiones, in quibus hospitia Ecclesiae tranqui-
lliora tribuit, crescat in nobis pietas, & simus offe-
ciosi erga miseros pastores: ideo cūm nuper incen-
dio Pirckitz conflagrauerit & pastoris domus, &
horreum & fruges hoc anno natæ:oro ut egēti pa-
stori opem feratis, & in hoc officio exerceatis pre-
cationem ad Deum, & fidem & spem pietatis, ut
Deus uobis & Ecclesiae poenas leniat, & uos et Ec-
clesiam protegat: ex hæc beneficia à Deo expecte-
tis propter Filium intercessorem. Et hac spe egrity,
mementote etiam gratitudinem erga Deum decla-
randam esse his eleemosynis, sicut scriptū est: Da-
te, & dabitur uobis. Et ad Corinthios scriptū est:
Qui suppeditat semen seminanti, præbeat panem
ad cibum, & augeat scimentem uestram. Datae No-
nis Septembris, Anno, 1555.

Philippus Melanchthon
manu propria.

C. S. S. D.

S. D. omnibus lecturis has
literas.

Scitis multos pios pastores rectè docentes cum familijs expulsos esse ex limitibas Bohemie: qua in re hoc quoq; dolorem omnibus augere debet, quòd laudata Bohemorum natio, que olim ex sapienter & piè errores Pontificios taxauit, ex fortiter armis defendit Ecclesias rectè docentes, nunc uidet gementibus multis, exerceri hanc asperitatē à paucis, qui ueritatem manifestam, quod scimus, contra conscientiam suam oppugnant. Magno autem cum dolore hunc senem Nicolaum, patrem quinq; filiorum & duarum filiarum, audimus inter cæteros in hac senecta, & cum misera familia ex limite Bohemico pulsū esse. Quare oramus omnes qui aliquid ei largiri possunt, ut aliquid ad uitium ipsius conferant. Certissimum est, Deum propter hec beneficia poenas publicas ex priuatas mitigare: & hanc fidem in hac beneficentia exerceamus. Date Calendis Iunij, 1558.

Philippus Melanchthon
manu propria.

S. D. omnibus lecturis has
literas.

Natus est hic Wolfgangus Fabricius, in oppido Saxoniae Vuiteberga, ex parentibus honestis & pijs.

pijs. Et quanquam oculos habet imbecilles, tamen
 et legere potest, et fungi ministerijs satris in tem-
 plo. Docuit etiam iuuentutem in schola Dantisca-
 na. Et in oppido uicino urbi Pomeranie Stettini,
 seruiuit in ministerio Euangelijs: suntq; ipsius mo-
 res honesti, placidi et pijs. Ac propter eruditione
 et uitae innocentiam, gradu magisterij philoso-
 phici ornatus est. Querit autem locum, ubi Eccle-
 siæ in docendo seruiat. Hanc habet causam pere-
 grinationis suæ: quia, præsertim hoc belli tempore,
 multi uagantur errones malis consilijs. Hic uero
 Fabricius et homo innocens est, et honestam ha-
 bet causam peregrinationis, et eruditione instru-
 atus est. Officiū autē Deo gratum est, præbere ho-
 spitalia officia hominibus innocentibus et inculpa-
 tis, ac præsertim ijs qui Ecclesiæ seruire cupiunt.
 Hunc igitur Magistrum Fabricium omnibus bo-
 nīs uiris commendō: eosq; oro, ut ipsum beni-
 gnè adiuuent, cum sciant uocem filij Dei: Qui u-
 ni ex minimis meis dederit potum aquæ frigidae
 propter doctrinam, habebit mercedem. Bene et fe-
 liciter uale candide lector. Anno 1551, Die quarto
 Septembris, Vitebergæ.

Philippus Melanchthon
 manu propria

S. D. lecturis has literas.

Ethnica uetusas pepercit sacerdotibus: ut ex-
 presse

presse scriptum est in Alcibiadis historia, dimisisse
 eum sacerdotes sine luteois. Et apud Homerum co-
 gitur Agamēnon reddere sacerdoti filiam. Hec bel-
 li iura non seruarunt barbari apud Carolum Im-
 peratorem, anno 1547. In hac vicinia uirum inte-
 gerrimum, pastorem Ecclesie Kembergensis Bar-
 tholomaeū, cūm domum spoliassent, postea ita per-
 cusserunt, ut iacuerit biduō inter cadauera tanquā
 mortuus. Hunc Deus tamen mirabiliter seruauit.
 Cumq; postea ad doctorem Germanicum consilia-
 rium Imperatoris adductus esset, triduō apud eum
 hospitaliter tractatus est, & in loca tuta dimissus.
 Alij similes latrones pastore Ecclesiae in vicino op-
 pido Damasco, Aegidium, ita percusserunt, ut post
 paucos dies mortuus sit. Misera uidua & surda-
 stra nunc cum quatuor orphanis à pijs petit ele-
 mosynas. Memores simus in hoc officio & man-
 dati diuini, de orphanis: & promissionis, Esto pa-
 ter orphano, tunc Deus magis te diligit quam dili-
 git te mater tua. Quid maius promitti potest a-
 more Dei tanto, qui uincat maternā cogylū? Nec
 dubitate, quin Deus uicissim pro talibus officijs ma-
 gna beneficia præstet publice & priuatim: quem
 oro, ut harum regionum Ecclesiæ, & earū hospi-
 tia seruet & gubernet. Date Calend. Martij, An-
 no 1558.

Philippus Melanchthon.
Testimo-

Testimonium Aegidij Carstorf.
Friburgensis.

Vtinam multe Ecclesie habere tales pastores possint, qualis est hic Aegidius Friburgensis, magna pietate morum & doctrina instructus. Quare gaudemus cum in hac uicinia præfici Ecclesie Nimeensi, in qua et antea pie & fideliter docuit Euangelium Christi. Explorari eius doctrinam non erat opus: sed tamen cum eo disputauimus, & iudicamus idoneum esse ad gubernationem Ecclesie: cumq; ijs qui ipsum promouere possunt, commendamus.

Caspar Cruciger D.
Philippus Melanchthon.

Ioan. Bugéhagius D. Pastor ecclesiæ
Vuitebergensis, & cæteri.

Litteras ad nos attulit N.N. quæ testabantur, cum honestis & pijs moribus præditum esse, & ad munus docendi Euangelium N.uocatum. Cum autem rogati essemus, ut explorata eius eruditione, adderemus publicam ordinationem, diligenter cum audiuiimus: & cōperimus cum rectè tenere summā Christiane pietatis, & amplecti puram Euangelijs doctrinam, quam Ecclesia nostra uno spiritu et una uoce cum Catholica Ecclesia Christi profitetur: ac à fanaticis opinionibus, damnatis iudicio catholice

lica & Apostolica Ecclesiae Christi, abhorre. Promisit etiam hic N. in doctrina constantia, & in officio fidem & diligentiam. Quare ei, iuxta doctrinam Apostolorum, publica ordinatione commendatum est ministerium docendi Euangelium, et sacra menta à Christo instituta administrandi, iuxta uocationem. Cumq; scriptum sit de filio Dei, ascendit, dedit dona hominibus, Prophetas, Apostulos, pastores & doctores: precamur ardenter uotis, ut sue Ecclesiae gubernatores det idoneos & salutares: ac efficiat, ut huius iam ordinati ministerium sit efficax & salutare. Ipsum etiam N. & suam Ecclesiam bortamur, ut curet Euangeliū Dei pure & fideliter cōseruari & propagari. Nam hoc officio Deus prēcipue se coli postulat, sicut inquit Christus: In hoc glorificatur pater meus, ut fructum copiosum feratis, et fratis mei discipuli. Et hac luce retēta manet Ecclesia, & aderit in ea Ecclesia Deus, dabit uitam eternam inuocantibus ipsum, & opitulabitur in crūnīs huius uite. Ibi enim adest & exaudit Deus, ubi ipsius Euangelium uerē sonat, sicut scriptum est Ioannis 15. Si manseritis in me, & uerba mea in uobis manserint, quicquid uolueritis, & petetis, fieri uobis. Date Vitenbergae, etc.

S. D. lecturis has literas.

Hic peregrinus Gutbertus Huganius, modestè
apud

apud nos hac tota hyeme uixit. Narrat se docuif-
se linguam Latinam & Græcam in scholis, & scri-
bit solutam orationem & carmen Latinè. Causam
se honestā peregrinationis habere inquit, quòd im-
pian tyrannidem & furias Poli & Vintoniensis
adprobare noluerit: quorum alter, uidelicet Polus,
scripsit: Si Cæsar cum exercitu in ipso freto Helle-
sponti iam esset cum Turcis præliaturus, se uelle ei
hortatorē esse, ut omisso Turcico bello, rediret ad
delendos Lutheranos. Quid potuit dici furiosius?
Huius igitur Gutberti uirtus laudanda erit, quòd
in exilio uiuere maluit, quam quòquo modo tali-
bus tyrannis assentari. Ac decet honestos uiros, &
propter honestam causam exulantes, hospitalibus
officijs uiuare. Cogitemus de communi exilio gene-
ris humani, quòd immortalem uitam, ueram scili-
cet patriam propter peccatum amissimus: ad quare
tamen reducimur per filium Dei, Dōminum no-
strum Iesum Christum, qui exul propter nos fuit.
Cogitemus & de inconstantia fortune hominum,
& simus officiosi erga exules. Date anno 1556.
Die uerni equinoctij, quo tempore cometam ter-
ribilem flagrantem uidimus, postea celeri motu ad
Arcton prouectum. Deus leniat publicas &
privatas calamitates.

Philippus Melanchthon.

S. D.

S. D. omnibus lecturis has li-
teras.

Accenderunt Pontificie furiae magnū bellum in Germania aduersus Imperatorem Henricum quartum. Interfecto autem Rodolfo, quem Papa fecerat Imperatorem missa corona, cui uersus inscriptus fuit,

Petra dedit Petro, Petrus diadema Rodolfo:

Factus est dux Saxonici exercitus Marchio Ebertus, qui tunc regionem ad Salam tenuit. Ab illo Ecberto nomen est arci & oppidi Eckerbergs: nec procul inde Ecbertus ille interfectus est, & postea sepultus in Neoburgo. In eo oppido Eckerbergs natus est hic Esaias Valla, qui adolescens fuit in Academia Francofordiana, ubi seruiuit reuerendo uiro Andreæ Musculo: postea ministerium Euangelij publica ordinatione ipsi commendatum est uoce reuerendi uiri Martini Lutheri, cum in urbe Isle bia esset anno 1546. Deinde uocatus ad limites Bohemiae, rursus inde cum alijs pijs pastoribus multis pulsus est. Iudico uirum honestum & intelligentem esse: & habet honestam coniugem, & duas filias. Est autem grata Deo pietas, talibus exilibus pijs & modestis bene facere. Quare oro omnes hoestos uiros, ut huic Esaiæ Eckerbergensi hospitalia officia præstent: & sicubi erit occasio, ipsi locum docendi, & exulanti familie nidum præbeant.

beant. Leniamus pijs exilibus aerumnas: & prece-
mur, ut Deus nobis omnibus calamitates nostras
mitiget. Date Calendis Septembris, Anno 1558.

Philippus Melanchthon

Simoni cuidam.

Memini hunc nostrum auditorem Simonem,
subditum uestrum, diu & feliciter in Academia no-
stra didicisse & philosophiam & doctrinam Chri-
sti. Postea etiam Norimbergæ in familia honesta iu-
uentutem erudiit. Laudatur testmonijs bonorū ui-
rorum, qui scribunt mores eius honestos esse, & ci-
ues quandam ei Ecclesiam in uicino oppido com-
mendaturos fuisse: sed ipsum amor patriæ mouet,
ut isthuc redeat. Quare cum uobis commendo, &
spero Ecclesie Dei fideliter & utiliter seruiturum
esse. Nam & mores eius sunt pijs, & doctrina præ-
clarè instructus est. Bene & feliciter uale, Die 21
Augusti.

Philippus Melanchthon.

Magnifico Cancellario inclytæ Electoris
Marchionis, præstanti sapientia & uictu-
te, Ioanni Vucinlawbio, patrono
suo colendo,

S. D. Magnifice domine Cancellarie, & ami-
ce colende & charissime. Non hoc mihi sumo, ut in-

D alieno

alienæ Republicæ negotia me ingeram: sed tamen
apud uirum sapientem et amicum, precibus locum
esse existimo. Oro itaq; ut N.N. Christophorū La-
sium, pastorem Ecclesiæ in urbe Sponda, illustris-
fimo Principi commendetis: & reuerenter petatis,
ut retineatur in eius Ecclesiæ gubernatione. Nam
exilium seni cum familia, quam sit aerumnosum, nō
obscurum est. Et fideliter docuisse eum scitis. Cer-
tè de grauissimis partibus adeò dextrè scripsit, ut
sperem eius labores etiam posteris profuturos esse.
Et uita honesta est, etiam si naturam uellem minus
iracundam esse: sed scitis in optimis naturis homi-
num, tamē multos morbos hærere, ut fateamur nos
esse massam peccati: & ita saluos fieri, quia massa
filij Dei inserimur. Obsecro, ut leniatis hoc nego-
cium. Dene ualete. Die 27 Martij, quo ante an-
nos 1521, filius Dei ex morte reuixit, & ostendit se
uictorem esse mortis & inferorum. Anno 1555.

Philippus Melanchthon.

Venerabili viro Georgio Bucholtzero,
præposito Berlinensi, amico suo
colendo,

S. Commendo tibi doctorem Ioannem Ponta-
num, insignem medicum, et compatrem mecum cha-
riſſimum, qui has adſert literas: is reliqua conditio-
ne, quam hic ſimul in aula, Academia, & tribus op-

piatis

hūi amplissimam habuit, reuertitur in Germaniam, ne sit spectator eorum quæ hic ab N. fiunt. Ex eo uaria cognosces non solum de Ecclesiæ, Academie & Reipublicæ nostræ statu: sed etiam de horrendis prodigijs, quæ publicam haud dubiè calamitatem portendunt. Nam & terra non procul ab oppido Rosenburgo sepe aperuit, magnamq[ue] uim ignis emisit: & in coelo plures soles saepissime apparent: ex in nonnullis locis homines à diabolo abripiuntur. Ad hæc, uaria habet olea ex succino alijsq[ue] rebus preciosis cōfecta, quarū usus in curādis morbis est mirificus: item uaria habet genera ueriorū pisciū depicta: quæ si uolueris uidere, omnia tibi ostendet. Neq[ue] prætermittere uolui, quin cum illuc iter habentem tibi commendarem: eo quod a arbitrabar eius noticiam tibi non iniucundam fore. Accersitus est à iunioribus Saxoniæ principibus ad conditionem honestam: quam tamen an ipse accepturus sit, sanè nescio. Evidem optarem, illustrissimum Principem Electorem Brandenburgensem habere medicū tam præclarū ac peritum. Meæ res eo hærent loco, ut nec manere, nec discedere possim. Desij prælegere ante duos menses, meq[ue] ad discessum parauit: sed nonnulla pericula me remorantur, ex quibus tamē breui me explicabo, Deo adiuuante. nam extrema iam tentabo: uosq[ue], ut spero, ui debo ante autumnum. Vale, & illustrissimo Ele-

D
ctori

ctori me commenda. Date decimo sexto Iulij, Anno 1554.

Honestissimo viro, D. Hieronymo Stauden, in oppido Stendalizæ, amico & conterraneo charissimo,

S. D. Hunc Magistrum Ioannem Francum mitto ad uos, ut audiatur in Ecclesia Vuerbens: quia spes est fore, ut ipsi ea Ecclesia cōmēdetur. Vir honestus, & satis doctus est: & antea biennio fuit in ministerio Ecelesiastico in Bernburg. Postea ad Academiam rediit, confirmandæ eruditionis causa: et coniugem habet, & filium. commendô uobis hominem. De D. Erasmo Albero scitote, cum proficiisci ad Francos. uocarunt enim eum Rotenburgenses. Mitto uobis exemplum meæ Epistolæ, missæ ad N. qui Francofordiæ satis duriter in nostrarum Ecclesiarum concionatores inuectus est. habet fortassis suum theatrū, cui dulce est audire cōuicia quibus nos laceramur, qui tamen neminem in Marchia læsimus: fortassis erga alios etiam officiosi fuimus. Sed hoc quoq; (Deo iuuante) Patri Domini nostri Iesu Christi commendô: quem oro, ut seruet & regat Ecclesia suæ reliquias: ut certè faciet.

Bene ualete: Die Palmarum.

Philippus Melauchthon.
Reueren-

III

Reuerendo uiro, eruditione & uirtute
præstanti, D.N.N. pastori Ecclesiæ in ue
teri urbe Bremi, fratri suo cha
rissimo,

S. D. Reuerēde uir, et charissime frater. Apud
Xenophontem dulcissima est narratio de Hippia,
qui cum ex longo interuallo Athenas reuersus es
set, audiretq; Socratem eadem docentem ac repe
tentem quæ tradiderat ante multos annos: deridet
eū, ac se se effert magnifice, ac dicit se subinde nous
excogitare, cùm Socrates fateatur se τὰ αὐτὰ τὸ πρὶ^{τῶν}
τῶν αὐτῶν dicere. Fortassis me quoq; multi deri
dent, eadem repetentē. Seā hoc puto rectius esse: et
optarim nos optimi propriissimiis uerbis, et qui
dem ijsdem syllabis in Ecclesia sonare. Vesta iudi
cia scio candida esse. Ideo pagellas proximæ Dispu
tationis uobis mitto. Queso etiam, ut mihi cures
emi, et mittas cultros, quales antea misisti: quos ex
peto Camerarij causa, et premium mitto. De bellis
non libet scribere: uagantur pœnæ per genus hu
manum, et Germanici imperij periodus circuacta
est. Oremus Filium Dei, ut pœnas leniat, et seruet
Ecclesiam, et aliqua Ecclesiæ hospitia.

Bene uale, et rescribe. Calen
dis Maij.

Philippus Melanchthon
D 3 Reue-

Reuerendo uiro D. Georgio Buchholz-
zero, amico suo, S. D.

Reuerende uir, & amice charissime. Est omnino uirtus ingēs, & quam Deus uult intelligi, gratitudo: & composita est ex duabus summis uirtutibus, ex ueritate & iusticia. Veritas profitetur, unde sit acceptum beneficium: iusticia obligat nos ad mutua officia. Sic nos profiteamur bona à Deo accipere, & uicissim ei obediamus. Hanc uirtutem, gratitudinem, comperi esse in Stanhusio, qui ualde laudat uestram erga se beneficentiam. Et gratiam uobis ipsius nomine habeo. Si discedet, commendabo nobis honestum & doctum hominē, natum in Marchia, in oppido Rupin, N.N. Et ipse ad uos accedit, cūm primum iter facere poterit niuibus resolutis. Audio huic uenturam esse illustrissimam dominam Principem, socrum Ducis Prussiaci: & adducturam esse Brentium, ut cōciliatio de dogmate Osiandri fiat. Pagellas uobis mitto, & peto ut illustrissimo Principi etiam suas tradatis. Bene & feliciter ualete. Calend. Februarij, Anno 1554.

Philippus Melanchthon:
Clarissimo uiro, D. Georgio Sabino, genero suo charissimo, in Academia
Francofordiana professori, &c.

S. D. Certissimum est, Deo cura esse famili-

liu

tia inuocantes eum. Quare te & tuos hactenus clementer protexit: & ut deinceps te & tuos protegat, toto eum pectore oro. Oro etiam, ut hic reditus tuus in patriam, tibi ac tuis faustus sit. Spero te tranquillus in his locis uicturum esse, quam in illa aurifabri tyrannide, seniori quam fuit figuli Agathoclis tyrannis. Literas a te expecto & flagito. Nunc tibi commendo adolescentem nobilem, natum in familia Pomeranica, honesta & splendida, Ebal dum Blucher, ualde ingeniosum & modestum, qui recte didicit Grammaticen & Dialecticen, & Latinè mediocriter scribit, & amat eloquentia & historiarum studia. Expedit & familiaritatem tuam styli causa, ut tuo iudicio formet orationem: ac pater uir honestus, ualde te orat, ut habitationem filio in ædibus tuis, & mensam tribuat: et pollicetur se gratu fore. Id si fieri non poterit, agas cum Christophoro Pannonio. De pecunia, scito me nihil ex aula Sigismundi accepisse: nec ualde contendi, cum te expectaremus. Bene & feliciter uale, & rescribe. Dic 18 Aprilis.

Philippus Melanchthon.

Venerando uiro, Georgio Buchholzero, amico suo charissimo,

S. D. Venerande Domine Georgi. Mitto illu-
D 4 strissimo

strissimo Principi et uobis, ac filio Nobis, pagellam; aliquanto post missurus historiam Ecclesie, contextam inde usq; à reditu ex Babylone ad natum ex virginie filium Dei. Nunc autem commendo uobis causam uidue D. Lutheri: & liberorum eius; egestatem in hac difficultate temporum indicare ueteribus patronis, non est inofficium. Et credo illustrissimum principem Electorem Marchionem, si adesset, propter uiri merita, libenter opitulaturum esse huic familie. Cum Lutherus spiritualia seminauerit, iustissimum est, pios Principes eius liberis impertire uictum. Quæso ut hoc negocium diligenter agatis. Spero & dominum Cancellariū adiutorē forte huius negotij. Bene ualete. Die 20 Februarij.

Philippus Melanchthon.

Eidem.

S. D. Reuerende uir, & charissime frater. Excellēs uirtus est gratitudo, cōposita ex duabus summis uirtutibus, ueritate & iusticia. Veritas fatetur unde profectum sit beneficium: iusticia obligat ad mutua officia. Vultq; Deus intelligi gratitudinem, ut ipsum agnoscamus autorem esse omnium bonarum rerum, & uiciissim præstemus ei obedientiam. Quare grati homines laude digni sunt. Cum igitur hic magister Ioannes Potticher grata commemoratione tua erga se beneficia prædicet, rursus cum ti-

bi commendō, & ut gratum hominem, & ut ser-
uientem utiliter studijs iuuētutis. Scriptum Norin-
bergense, ut scit magister Ioannes, est in officina typ-
ographica: mittam quamprimum fuerit editum.
Bene uale. Die decimo Nouembris, quo die 1483
Martinus Lutherus natus est, cuius uoce lucem E-
uangelij filius Dei Ecclesiae restituit: pro eo benefi-
cio immenso grati Deum & Dominū Iesum Chri-
stum celebremus.

Philippus Melanchthon.

Illustri & magnifico domino, D. Ioāni à
Cosnelitz, &c. Palatino Siradiensi,
&c. domino suo reuerenter
colendo,

S. D. Illustris & magnifice domine. Sunt ine-
pti, qui disputant utra ars excellat, peritiā ne mili-
taris, an eloquentia. Vtrāq; enim necessaria est ui-
te, & suus cuiq; locus est. Instruxit enim Deus
hominum uitam & multis & diuersis artibus.
Quantum autem decus sit eloquentia, uos guberne-
tores Reipub. optimè intelligitis. Quare hæc stu-
dia formandæ orationis & excitanda sunt à uobis,
& ornāda. Quo in genere cùm Christophori Pan-
nonij labores Reipublicæ seruant, reuerenter o-
ro, ut eum complectaris: præsertim cum nō ut mul-
ti, sine naturæ uiribus, tantum pueriles artium

D 5 libel

libellos didicerit: sed et ingenio valeat, et erudi-
tione instructus sit, ut et in explicandis materijs su-
matorationē ex ueris fontibus, et singularis sit in
ipsius scriptis in uersu et oratione soluta splendor
et suauitas. Hec bona sunt ornata integritate uitæ,
iusticia, modestia, et omnibus uirtutibus, quas uox
diuina flagitat. Nihil est amabilius uirtute, coniun-
cta cum doctrina et facultate dicendi et scriben-
di. Quare ubi hunc Christophorum uel corām uel
ex scriptis nosse cœperis, tuo iudicio diliges. Hec
autem scripsi eò, quod cum commendarē talem ui-
rum, cum à me amari intelligeres, et sic quoq; er-
ga eum benevolentia augeretur. Bene et feliciter
uale. Calend. Iunij, Anno 1555.

C. T. addictus

Philippus Melanchthon.

Reuerendo uiro, D. Georgio Buch-
holtzer, amico suo charis-
simo,

S. D. Reuerende uir, et amice charissime. Non
dubito unam et eandem esse Dei Ecclesiam in ue-
stra et nostra urbe. Ideo ordinationem tribuimus
Andreae petenti, non grauatum. Sed tamen hortatus
fuerā, ut istic peteret ordinationē, propter multas
causas. Verūm ipse sperauit nihil fore periculi. Vos
autem oro, ut cum tuorimi. Eruditè et piè respon-

dit de omnibus articulis doctrinae Christianæ : hoc uerè adfirmare possum. De Repub. multa scribere possem: sed tantum hoc narrabo. Ad Rhenum pastor Ecclesiæ cuiusdam sibi mortem cōsciuit, dolore recepti libri Augustani. Breui scribam plura, & mittam filij carmē, quod curabo eū excusare prælis, & ornatum. Bene ualeat. Die 3 Octobris. Mitto breuem orationem de tribus farinæ satis.

Clariſſimo uiro domino Cancellario salutem opto. Hodie ex Anglia literas accepi, ubi doctrina Euangelij purè traditur, & erunt iam conuentus de constitutis Ecclesijs.

Philippus Melanchthon.

Venerando domino, Blasio Odesholmio,
pastori Ecclesiæ Dei in Buco, amico suo,

S. D. Venerande uir. Magna pietas, & grata
Deo est, iuuare bona ingenia, quæ literis excoluntur, ut aliquādo seruant Ecclesiæ. Et commendat
Paulus præcipue singulis dōmesticos, id est filios et cognatos. Est autem in Noha Buchholzero ualde
bonum ingenium, & dignum quod liberalitate alii
cuius patroni iuuaretur, ut optimè inchoatis stu
dijs diutius exerceri posset. Et mores sunt honesti.
Extant eius scripta multa, quæ grauitate sententie
rum ostendunt, in eo considerationē et pietatē
esse.

esse. Ideo ualde uos ora, ut eū iuuetis, donec ei inueniemus honestum locum, ubi mercedem ex labore docendi mediocrem habere poterit. Talia ingenia Respub. debebat eligere ad conseruationem litterarum, pro utilitate posteritatis. Sed potētes hac cura parum adficiuntur. Deus tamen seminaria aliqua seruat: Et ut seruet, eum oremus. Sicut scriptum est: Orate, ut extrudat Deus idoneos ministros. Bene et fœliciter ualete. Die 6 Iunij, 1547.

Philippus Melanchthon.

Reuerendo uiro, D. Ioanni N. fidelis doctori Theologiæ in inclyta Academia Francofordiana, fratri suo colendo.

S. D. Reuerende uir, et charissime frater. Afirmat filius Dei, illum esse beatū, qui inuento margarito, id est agnita Euangeliū luce, id margaritum emit, uenditis omnibus possessionibus alijs. Hac uos consolatione, qui exulatis, et patriam reliquistis, confirmate, quod filius Dei uos tuebitur, et beatos faciet, etiam si cōmoda magna amisistis. Fruemini autem nunc margarito, id est, amara crustula, doctrina crucis. Talis est et hic Linus noster, qui natus est in gente Scotica: reliquit patriā et opes non paruas, ut ab idolis abesset, et doctrinæ limpidos fontes cognosceret. Comperi esse doctum uirum,

et

Quera pietate Deum colentem. Quare cum dili-
go, & quantum potero ei opem feram: tecq; etiam
oro, ut eum complectaris. Scis Deum uelle, ut ta-
lium hospitum cura afficiamur: & ego nos Germanos
nos præcipue debere gratitudinem Scoticæ genti
iudico, quia ab ipsis doctrinam Euangelij & lite-
ras olim accepimus, cum Ecclesiæ armis Henetorū
& Hunnorum in Germania deletæ essent. Bene &
feliciter uale, Calend. Augusti, 1556.

Philippus Melanchthon.

Reuerendo uiro, D. Georgio Buch-
holtzero, fratri suo charis-
simo,

S. D. Reuerende uir, & amice charissime. Hie
N. N. N. cum natus sit in Marchia, mallet seruire
studij patriæ: & cum audiuerit Stanhusium reli-
eturum esse scholam Berlinesem, ipse petit sibi eam
commendari. Recte doctus & modestus est, & mo-
deratis consilijs obtemperabit. Quare te oro, ut ihs
ad quos hec deliberatio pertinet, eum commendas.
Mitto tibi exempla de principe Georgio, quorum
unū trades illustrissimo principi Electori. Qui ue-
niunt ex Pannonia, adfirmant Turcicum tyrannū
promittere Pannoniae inducias in sexennium. Nam
ipse domesticis calamitatib. retinetur. interfecit fi-
liū maximū natu, falso accusatū à genero, homine
Ruiheno.

Rutheno. Nunc illum accusatōrē Ianizari deposcūt
ad suppliciū. Hęc ad me scripserūt homines digni si-
de, ex Pānonia. Bene ualete. Die 17 Februarij, 1554.

Philippus Melanchthon.

Reuerendo uiro, D. Georgio Bucholt-
zero, amico & fratri suo cha-
rissimo,

S. D. Reuerende uir & amice charissime. Ut
Lazaro caniculae cruciatus leniūt: ita miseris sacer-
dotibus & scholasticis aliqui tenues priuatis offi-
cijs opem ferunt. Facis igitur pię, quod complecte-
ris Ioannem N.N. Boticherū Rupinensem, qui isti
docet adolescentiā: qui quidem tua beneficia grata
commemoratione prædicat. Spero eius labores Ec-
clesię profuturos esse. Scripsi de eo ad senatum Per-
lebergensem. Te autem oro, ut addas tuam commē-
dationem. Mitto tibi pagellas, quarum lectionem ti-
bi non insuauem fore arbitror. Potes & illustrissi-
mo Principi exemplum tradere. Fuius Naobur-
gi, ut de cōtrouersia Prussiaca colloqueremur cū
Tubingensibus. Et audieram uestros quoq; eō uen-
tueros esse: sed nemo uenit, præter Hessicos. Disces-
simus sine ulla dissensione, Dei beneficio. Nec uene-
runt eō Tubingenses. Bene ualete. Die 9 lunij: quo
die natus est Alexander Macedo, ante mille non-
gentos & septem annos.

Philippus Melanchthon.

Eximia

Eximia pietate & doctrina prædito, D.
Gabrieli, pastori Ecclesiae Torgen-
sis, amico suo præcipuo,

S. D. Hic sacerdos mancus, mihi & ceteris,
qui hic sunt, diu notus fuit: manum in quadam ri-
xa sine sua culpa amisit, ut aulici sciunt. Habet uxo-
rem & filiam, pias & pudicas, & sub nobilibus du-
riter uiuit. Diu disputatum fuit ante hoc tempus,
an, quia mancus esset, possit fungi ministerio. Et cō-
cessum est, ut fungeretur: & scimus mediocrem in-
dustriam eius esse. Rogamus, D. Pastor doctor Po-
meranus et ego, si Ecclesiae in Vthusen opus est pa-
store, ut de hoc bono homine deliberes. Bene ua-
le. Die 6 Iulij, Anno 1542.

Philippus Melanchthon.

S. D. omnibus lectoris has
literas.

Ego Philippus Melanchthon testor, hunc hone-
stum & doctum uirum hospitem, natum in Panno-
nia, Christophorum Lippensem, amplius biennio
in Academia Vitebergensi, summa cum laude mo-
destiae & diligentie in literis cōmoratum esse. Stu-
diose autem didicit Latinam & Græcam linguam:
& ut fontes coelestis doctrinæ ei patērent, attigit
Ebræam linguam. Ingressus igitur in studia Philo-
sophia & doctrinæ Ecclesiastice, in utroq; genere
ita

ita profecit, ut usui Republicæ alijs erudiendis es-
se possit: ac de doctrina cœlesti piè amplectitur cō-
sensum catholicæ Ecclesiæ Dei, quem & nostra Ec-
clesia sequitur, ac à fanaticis & seditionis opinioni-
bus abhorret. Cum autem bellum ad Albim motum
fugeret, & loca tranquilliora quæsturus esset, ne
quis de eius peregrinatione secus suspicaretur, hoc
discedenti ex nostra Academia testimonium dedit: et
adfirmo eum honestis moribus præditum esse, &
doctrina rectè institutum. Quare & omnes hone-
stos homines adhortor, ut officia modestis hospiti-
bus debita, huic Christophoro etiā præsent: quod
& Deo gratum est, & cōueniens communi homi-
num societati, & naturæ foederi, ut cum peregrina-
tio propter doctrinam & multas alias honestas cau-
sas necessaria sit hominibus, & simul plena laborum
& periculorum, iuuentur & tegantur exteri, qui
probabiles causas habent itinerum. Sicut & uete-
res, qui iusticie officia magis intellexerunt & co-
luerunt, diligenter præceperūt beneficentiam er-
ga hospites, & quidem eos Deo curæ esse scripse-
runt. Notum est illud Homeri,
γίνεται πειριμήτως, οὐτέ αἴρει, τε φεύγει τε,
γείρος, οὐ φείροισιν αὐδοῖσιν οὐκολεῖ.

Date Vitebergæ, Die S. Martini Pannoniæ,
Anno 1546.

S. D.

S. D. **Omnibus lecturis has
literas.**

Cum doctrina uitæ necessaria, lumen sit à Deo
sparsum in genere humano immensa bonitate, nec
conseruari sine diuina ope posse: ~~Oramus~~ eum, ne
bellis & alijs hominum furoribus deleri suum be-
neficium finat: sed ut accendat doctrinæ amorem
& studia in multis, & det eis tranquilla hospitia,
ut ipse uerè agnoscatur & celebretur. Cum hic do-
ctus uir Sebaldus Munsterus (natus patre Norin-
bergensi, doctore Iuris, qui in Academia Viteber-
gensi fideliter didicit Iurisconsultorum doctrinam)
quærat hoc tempore Academiam in regione tran-
quilla: dedi ei testimonium, ut aditum ad gubernan-
tores studiorum in alijs Academijs habeat facilio-
rem. Pater uir integerrimus fuit, ac leges didicerat
nō tantum ut ea arte paci publicæ seruiret: sed si-
mul etiā ut illam iusticiæ normā in regēdis suis mo-
ribus sequeretur. Et adiunxerat ad ciuilia studia co-
gnitionē doctrinæ coelestis, ac uera pietate Deū co-
lebat. Quare liberos rectè erudiri curauit. Cumq;
in hoc Sebaldo natura sit placida, & boni mores
sint, & indoles omnis doctrinæ capax: spes est, Deo
iūuante, patris uirtutem imitaturū esse. Iamq; ad
lescēs didicit Latinā linguā, & initia Philosophiæ,
& summam doctrinæ Ecclesiastice: se'que parat,
ut olim Ecclesiæ Dei in ministerio Euangeliū ne-

Ecessario

cessario seruiat. Quare omnes bonos viros oro, ut cum propter patris memoriam, propter bonos ipsius mores, et piam in studijs uoluntatem amanter complectantur. Erit familiaritas eius omnibus, propter modestiam et integritatem ipsius, grata et suavis. Spero etiam Dei benignitatem maiorem erga hunc Sebaldum et fratres futuram esse, propter eximiam eius pietatem, ut scriptum est: Generationi rectorum benedicetur. quæ sententia ueteri uersu præclarè expressa est:

συντέλεως τοῦ λόγου, διαστέλλεται δέ.

Date Vitebergæ, Anno 1547, die Paschatos, quod fuit ab exitu Israelitarū ex Aegypto Pascha 3056. Tot annos continuò cum seruarit Ecclesiam Deus mirandis modis, speremus et deinceps seruaturum esse.

Philippus Melanchthon
manu propria.

Aliud.

Didicit adolescens Leonardus Munsterus Latinam linguā, et ad cæteras Philosophiae partes mathematica adiunxit: ac feliciter didicit doctrinam de motibus et effectibus siderum: cuius cognitio non solum dulcis, sed etiam uitæ hominū utilis est. Præparat autem se ad artem medicā. Interea et uerant agnitionē Dei ad cætera studia addidit: cum quidem et paterna institutione ad pietatem assuefactus

Aus fit, & uestigia Dei in natura uideat, quorū consideratio in philosophia bonas mentes ad quaerendum Deum exuscitat. Quare, &c.

Reuerendo uiro, D. Georgio Buchholtzer, amico charissimo,

S. D. Reuerende uir, & amice charissime. Dei beneficio speramus aerem fore salubriorem deinceps, & contagia luis cessura esse, quae iam raro sunt. Sed tamen uellem filios uestros expectare tempus aequinoctij: magis bella quam luem metuo. Sed nos Deo commendabo: quem oro, ut seruet harum regionum Ecclesias, & earum hospitia, & doctrinæ studia. Heri huc uenerunt scholastici Hungarici, qui narrat, in Pannonia iam propter lumen Turcica praefidiam non late uagari: sed tamè oppida hoc anno occupata, Temeswar & Lippiam, eos retinere.

De controuersijs Stancari & Musculi, Deo iuvante piè respondebimus. Vtinam de his tantis rebus pīj & docti inter se colloqui possent. Profectò maiorem controuersiam mouet Stancarus, quam antea Balticus orator. Sed de his copiosius alias. Bene ualete, Die 16 Ianuarij.

Philippus Melanchthon.

Eidem.

S. D. Reuerende uir, & charissime frater. Sum

E 2 hortatus

hortatus medicos uicinos fonti Saxonico, ut edant
ueram descriptionem scaturiginis, & effectuum. In-
telligo autem scaturiginem esse in terra metallica,
cuius usus est in emplastris: & uim habet dissipan-
di lento fluxus & tumores, ut Dioscorides etiam
dicit, & neruos recreat. Ideo fons ille sanat mem-
bra affecta paralysi, ut iam aliqua exempla testan-
tur; ac iudico sanationes physicas esse, et singulare
Dei beneficiū. Scio multa ineptè dici, sed uellem do
ctos & integros uiros edere ueras descriptiones:
idq; ut faciant, aliquos hortatus sum. Aqua nobis
missa est, in qua uidimus multam esse ῥχειν, uelut
arenam subsidentem, metallicā terram giluam. Est
& ciuis in oppido nostro honestus uir, qui habet
languefactos pedes paralysi: quem sum hortatus,
ut experiatur fontis illius naturam. isq; iam eò ue-
hitur. Bene ualete. Mitto uobis pagellas. 21 Apri-
lis, Anno 1556.

Philippus Melanchthon.

Amico cuidam, Theologiæ do-
ctori, S. D.

Memini quo arguento literas impetrari tibi à
duce Augusto uolueris. Sed video alio arguento
scriptas. Vocat te Dux in castra, ut ibi doceas: &
fortassis postea locum Antonij Musæ in ecclesia
Merburgensi tibi traditurus est. Etsi autem differ-

ri responsio poterat: tamen fui hortator honestissime coniugi tuae, ut peculiarem ad te nuncium mitteret: nō solum ut has literas Ducis mitteremus, sed etiam ut quo in loco esses, & quid instituisses sciremus. Deinde ut scias, Dei beneficio tuum filiolum rectè uiuere, edito grandiusculo calculo, quem magnis cruciatibus per aliquot annos parturijt. Nunc & ipse & tota familia bene ualent. De uidea Lutheri scire cupio, an in Cymbricam Chersonesum itura sit. Scriptum est ex Salinis, posse redire in urbem Vitebergam eos, qui inde discesserunt: quod si ita est (nondum enim mihi explorata sunt ea) spero Dominū rebus omnibus melius consulturum. Misit igitur cursorē, ut statū oppidi nostri exploraret. Beate uale. Die 28 Maij, Anno 1547.

Iusto Ionæ,

S. D. Quid hic geratur, scripsi Lutherο. Bonā pars principum non abhorret à cōfilijs: quidam homines plebeij sine nomine, sine censu, seditiosis clamoribus obruunt sententias principū: talibus nebulonibus nolunt credi illi itjs: qui rerum potiuntur. Nihil uidit unquā hic sol impudentius Fabro, & gregali illius N. Heri pro concione uociferatus est Faber, Turcos Lutheranis meliores esse: quia Turci iejunia seruēt, que violent Lutherani. Deinde pollicitus est, se de Turcica religione tota con-

E 3 cionatu-

cionaturū esse. Commemorauit barbarica nomina gentiū, quæ illius imperio parent. Et quidē honori fice de illis loquitur. Landgrauius adiunxit secum Sneppium, doctum sanè hominem, & copiosum in dicēdo. Scis autem me pressum orationis genus magis amare. Islebius et ille alternis cōcionantur. Neque diligentiam neq; moderationē desidero in Islebio. De exitu conuentus prorsus neq; diuinare, neque polliceri quicquam possum. Sed scribam post paucos dies, si quid erit. Erasmus litigat cum Hispanis, qui totius Lutherani tumultus autorem eum esse scribunt. Vale, Spiræ. Postridie Palmar. 1529.

Philippus Melanchthon.

Venerando uiro, D. Georgio Buchholzero, amico suo,

S. D. Venerande domine Georgi. Brentius scribit, dixisse Dominum de Naues, cùm de reditu suo ad Ecclesiam ageretur, Imperatorem decreuisse tolere disfidia doctrinæ & rituum: ac mandaturum, ut communi consensu amplectatur Germania de creta synodi Tridētinæ. in qua nunc acerrimæ contentiones sunt de doctrina iustificationis. Proponent cothurnos, aut suos errores stabilient: sed res ostēdet, quid agatur. Ego de iure defensionis, quod scripsi, sentio: nec unquam locutus sum aliter. illud deploravi, et adhuc deploro, Principes, qui defendere

dere Ecclesiam debabant, non congruere inter se se. Quantum incendium in patria excitauit dux Mauricius? Et alia multa sunt, quæ deploro. Si mihi istic maledicit noster uetus amicus, qui à me sèpe mediocribus officijs ornatus est, faciam quod ait filius Dei: Benedicite maledicentibus, ne plus sit publicarum dissensionum, si cum eo dimicarem stylo: quod mihi non difficile esset. Sed Deo & Ecclesiæ iudicium de utroque permitto. Quòd enarraturi estis Matthæum, laudo studium, & consilium. Et libenter præfationem delineabo. Bene ualete. Die natali Caroli Imperatoris, qui erat dies Matthiæ, seu
24 Februarij, Anno 1547.

Philippus Melanchthon.

Eidem,

S. D. Venerabilis domine Georgi. Negocium adfinis uestri agam diligenter & fideliter. Et promisit dominus doctor Martinus suam in ea re operaria, ac æquitate & episkopia leniendam sententiam esse censem. Hactenus consultò rem distuli, quia per D. Pontanum agenda est: quia fuit apud legatos ducis Mauricij. Mittam uobis responsum Principis per proprium tabellariū. Filij uestri epistolam & uer siculos legi, ac ualde laudo ingeniu. Et oro, ut Deus piorum sacerdotū liberis benedicat, et legem suam in eorum pectoribus obsignet, (ut Esaiæ uerbis

E 4 utar)

utar) ut ipsi ad posteritatem sint custodes & propagatores ueræ doctrinæ. Tridenti audio magnos exercitus esse Hispanorum & Italorum. Bene ualete. Die fausto, quo filius Dei ingrediens Ierosolymam, exceptus est à populo gestante palmarum et olearum frondes: ut testaretur hunc Iesum & uitorem esse, humanas æraminas superantem, & autorem pacis. Filio scribam alias, & mittam munusculum. Anno 1545.

Philippus Melanchthon.

Eidem,

S. D. Reuerende uir & charissime frater. Norinbergæ duo concionatores, N. & N. sparserunt nescio quæ deliria. Et hic quidem audacior & indoctior, dixerat Christum per accidens iustificare. Hi remoti sunt ab officio docendi: ac spero nunc nullam esse dissensionem in uoce docentium Norinberge. Scripsi quædam, quæ omnium aliorum subscriptione comprobata sunt: quæ mittam uobis, & edentur.

Quod uocabulum flagitatis de his qui contendunt diuinitatem mortuam esse, cogitaui elegatè compositionem, sed non scribam: quia nolo accendi odia, & potius silentio obrui illam controuersiam uolo, præsertim cum ueritas sanis omnibus nota sit. Epicedion honestæ & sanctæ matronæ cōiugi N. Islebij, scriptū est à quodam nostro auditore,

re, mediocre: sed curabo et aliorum scribi. Nec obli
uiscar huius officij, cum uirtutis eius matronæ non
obliuiscar. De N.N. scribā alias copiose. Miror cur
Paradoxa contraria Augustino spargat, titulo Au
gustini, sed hæc alias. Mitto libellum, quem legas ut
censor. Bene uale. Pridie Calend. Nouembris: quo
die primum Lutherus, anno 1517, proposuit pro
positiones, quibus imposturæ indulgentiarū taxan
tur, & doctrina de pœnitētia renouata est. In hoc
spacio 38 annorū, quæ spectacula et exempla iræ
& misericordiæ uidimus: quæ utinam sic intuere
mur, ut accenderetur in nobis cura conseruandæ
ueræ doctrinæ, & ueris officijs Deum celebrandi.

Philippus Melanchthon.

Eidem,

S. D. Reuerende domine Georgi. Nuper, quæ
Brentius nobis scripsit, tibi significaui. Postea intel
lexi, decretum impium in Synodo Tridentina de iu
stificatione editum esse. Articuli aliquot mihi missi
sunt, sed expecto integrum, quod tibi mittam: ut spi
ritum Synodi probent hi, qui ueritatem querunt.
Vnus articulus est: Anathema sit, qui statuit se esse
in gratia. Hic articulus est specimen impietatis il
lorum sophistarum, qui gubernant Synodum. No
bis magna consolatio est, uidere nos in uera Eccle
sia esse, etiam si scuitia aduersariorū subeunda est,

E s cūm

cum aduersarij talibus decretis ostendunt se esse ho-
stes Ecclesiae Dei. Editurus sum refutationem, Deo
iuante. Scripsi filio : et mitterem ipse Homerum,
si in oppido nostro essem. ac mittam quamprimum
rediero domum. Pro pomis ago tibi gratias. De ma-
ledictis, de quibus scripsisti, nuper tibi significavi
me nolle rixas publicas augere. Clariſsimis uiris do-
mino Cancellario, et domino Gregorio, et colle-
gæ tuo salutem opto: meq; eis commendato. Bene
uale, & Martij.

Philippus Melanchthon.

Cuidam amico

S. D. Literæ tue, in quibus de nostro silentio
quereris, magno nos dolore affecerunt. Scripsimus
enim satis copiose singulis septimanis: sed nescio
quo fato accedat hoc malum ad acerbissimas miser-
rimasq; curas, in quibus hic uersamur, ut culpā con-
trahere iudicemus, quo minus ad nos scribas. Cæ-
sar satis benignè salutat nostrum Principem: ac ue-
lum uiciissim nostros erga ipsum officiosores esse.
Ea de re utinam iuniorem principem nostrum lite-
ris admoneres. Nihil Cæsare mitius habet ipsius au-
la. Reliqui omnes crudelissime nos oderunt. Fui his
diebus apud Saltzburgensem, qui me bene longa et
rhetorica commemoratione cruciavit omnium mo-
tuum, qui his annis extuerunt: adscribit nobis om-
nia

nia hæc incommoda. addebat epilogum planè sanguine scriptum. Hodie primum, quod felix & faustum sit, exhibebuntur nostræ confessionis articuli. Nam hactenus omne tempus consumptum est in proœmijs conuentus, in propositione & commemoratione malorum publicorum. Romæ soluto Bononiensi conuentu, quædam mula peperit, & partus habuit pedes gruis. Vides significari exitum Romæ per schismata. Lantgrauius probat nostram confessionem, & subscripsit. Multum proficies, ut spero, si tuis literis confirmabis eum. Brentius assidebat hæc scribēti, unā lachrymans : is iubebat tibi adscribi salutem. Vale felicissimè. Postridie Ioannis baptistæ.

Philippus Melanchthon.

Reuerendo viro, D. Georgio Burcholtzero, fratri suo charissimo,

S. D. Reuerende vir, & charissime frater. Vellem me posse prolixè scribere, ac potius coram colloqui. Miserat Dux Prussiæ confessionis capita, de tota doctrina: sed scripsi ei, ne ederet suā illam formam, quia fortassis paritura esset disputationes nuas. Sed ut contentus esset Brentiana declaratione hic edita. Id consilium tunc placuit Principi. Nunc audio ad uos missam esse confessionem illam: fortassis

taſſis magis diſerte quædam poſita ſunt. Et decurri-
tur ad λογομαχίαν, de nomine Iuſticiæ. Alius facit
reconciliationē, alius iuſticiam Deum iſum in no-
bis agentem, nec dicit de personarum proprietati-
bus. De hiſ tantis rebus libenter tecum, & cum a-
lijs doctis uiris loquerer. Et ſi tempus cōcedetur, in
reſpoſione noſtra aliquid de hiſ quæſtionib. ſcribā.
Sed nobis alia materia, & non à Princiþe miſſa
eſt. Erit dies ſynodi ueſtræ, dies natalis illuſtriſimi
principis Electoris Marchionis: ac opto ut ſit fe-
lix deliberatio, ne pariat diſſenſiones inter ueſtros.

Audio Epifcopos ad Mœnum & ad Rhenum,
deliberare de Eccleſijs ſuis. Plura nunc ſcribere nō
potui, et propter temporis b̄reuitatē, et propter ma-
nus dextræ dolores, quæ nuper in itinere ex lapsu
grauiter quaffata eſt. Bene uale. Die 10 Ianuarij.

Philippus Melanchthon.

Eidem,

S. D. Reuerende uir, & chariſſime frater. Scio
in Polonia multos eſſe et nobiles uiros, et alios, qui
legunt & amplectuntur incorruptam doctrinam
Euangelij, & recte inuocant Deum. Ac nuper a-
pud me hospes fuit sacerdos Polonicus, uir doctus
& pious, qui aduenerat, ut de multis quæſtionibus
me cum ſuas cogitationes conſerret. Sed Epifcopo-
rum in Polonia ſciuitiam magnam eſſe, res oſten-
dit.

dit. Episcopus Culmensis uir nobilis, scholæ Culmæsis constitutionem adiuuerat. Nunc cogitur rursus dimittere pios lectores. Scripsit etiam rabiose contra nostras Ecclesias Episcopus, cui nomen est Hosius: sed uerius nomen esset avōsios. Defendit Pigiū scribentem, sacerdotes minus peccare aliorum coniugij insidiantes, quām coniugia cōtrahentes. Tanta est impudentia. Inde de cæteris iudica. Si ad me uenerit Polonicus secretarius, etiam propter tuam commendationem familiarius eum excipiam.

Heri mecum fuit quidam, qui rectā uenit ex Gallia: qui narrauit, Marchionem Albertum non procul à Lutecia abesse. Bene ualete. Die 25 Martij, cuius diei historias semper summa intētione cogitare debemus: quia eo die ἡ λόγος filius Dei adsumpsit humanam naturam, et pōst anno 34 filius Dei eo die in cruce uictima factus est: quem uitiam uera gratitudine celebremus.

Philippus Melanchthon.

Eidem,

S. D. Hodie cum clarissimo uiro, domino Pontano, de negocio adfinis uestri locutus sum, ac spero nos breui ex aula responsum clementer scriptum habituros esse: quod per peculiarem tabelarium uobis mittam. Scias in aula, in tanto occupationum concursu, aliquas mōras incidere, quas boni

ni consulere nos oportet. Sed tamen diligentia mihi
ad rem perficiendam nō deerit. Utinam possem uo-
bis, & alijs pijs doctoribus Ecclesiarum sēpe gra-
tificari. Incendere quidem odia aut discordias non
uolo. Oro autem toto pectore, ut Dominus noster
Iesus Christus, filius Dei (qui aditurus mortē pre-
catur, ut doctores Ecclesiæ unum sint, sicut ipse ex
pater unum est) flectat mentes omium docentium
Euangelium, ad concordiam salutarem Ecclesiæ.
Bene ualete. Idibus Martijs, Anno 1545.

Philippus Melanchthon.

Clatissimo & optimo viro, Martino Lu-
thero, doctori Theologiæ, instauratori
Euang. doctrine, &c. patri suo reue-
rendo in Christo,

S. D. Hac hora reddidit literas Franciscus pæ-
dagogus tuorum filiorum, die tertio Martij. De ini-
tio conuentus scripsi ad uos ante paucos dies : po-
stea aduenit orator Cæsareus, & mandatum attu-
lit liberius omni spe et expectatione: ut pacificato-
res suo iudicio nō solum inducias, sed etiam pacem
faciant. Id mandatum nostris publicè recitatum est:
iusseruntq; Electores duo, Palatinus & Marchio,
formam pacis componi, ut scirent quid in Nuren-
bergensi pacificatione prætermissum sit. Nostris for-
mulam iam exhibuerunt, in qua petunt securitatem
concedi

concedi non modò foederatis, sed etiam cæteris or-
 dinibus, qui amplectuntur Euangelijs doctrinā: pe-
 tunt & prohiberi iudicij N. tyrannidem. Nunc de-
 liberant pacificatores, ac uoluntatem C.O. aiunt
 nequaquam congruere cum liberalitate mandati,
 ιδλαὶ γαρ ἀχρεῖων, λανὰ φέσι βυρσοδουμόνει.
 id est, dicens bona, mala animo molitur, ut in-
 quit Homerus. Idq; unū putatur esse aulica sa-
 pientia. Hæc sunt acta usq; ad diem tertium Mar-
 tij. Noſtri, eſi ſedulò petant pacem, & quandam
 habeant ſpem poſſe rem ad oculum deduci: tamen
 uidentur animis parati ad omnes caſus. Tu orabis
 propter miseram iuuētutem, ut Christus pacem no-
 bis concedat & efficiat. Si non misericordia puer-
 rum mouerer, quibus disciplina & institutio opus
 eſt, que bella impediunt, non metuerem arma. Tan-
 ta eſt aduersarijs impietas, tantus furor, adde etiā
 tanta cōſternatio, ut nihil dubitem fatali aliquo tu-
 multu perituros. Episcopus N. consuluit N. nō pro-
 cul ab urbe Vangionū de bello mouendo: is ei opti-
 ma promiſit, ut ferunt. Talibus diabolicis ludibrijs
 ſe conſolatur, & tamen in ſummo metu eſt: nec in
 metu tantum, ſed etiam in odio: omnes ſummi atq;
 infimi eius artificijs conſlata eſſe hec pericula iudi-
 cant. Oremus igitur, ut Deus feruet noſtrōs, & ſi
 bi Eccleſiam ſanctificet inter noſ, & liberet noſ à
 ſatellitio Doeg. Non dum mihi conuentus ſuppedi-
 tat

tat longius argumentū: quare has literas boni consules. Salutem tibi precantur, doctor Pontanus, & Franciscus Cancellarius principis. Deus ac pater Domini nostri Iesu Christi, seruet te & familiam tuam. Meos tibi commendo. Francofordiæ, die tertio Martij. Dicas salutem honestissimæ coniugi tuæ meis uerbis.

Philippus Melanchthon.

Venerabili uiro, D. Georgio præposito Ecclesiæ Vrfinæ, amico suo,

S. D. Dedi ipse domino Pontano uestras literas de affine: ac oraui sedulò, ut causam Principi Sa xoniæ cōmendet. Studiū & diligentia suam nobis promisit, iussitq; doctorem Lutherum hodie principem ea de re coram alloqui. Dicebatur enim hodie huc uenturus. Scito mihi negocium tuum curæ futurum esse. nam & causa pia est: & ubi possum Euangelij ministris gratum facere, summa id uoluptate facio. Ex Italia mihi certò scribitur, Carolum Imperatorem prohibuisse Episcopis Hispanicis, ne in creatione tredecim Cardinalium, quæ nuper facta est, ipsi Cardinaliciā dignitatem sibi conferri paterentur. Laudo grauitatem Imperatoris, qui non uult Episcopis iniisci uincula, quibus libertas in cōsilijs publicis impeditur. Et hi regij tituli non

non augent Ecclesiae dignitatem, sed priuatum fa-
ustum. Bene Vale. Die x. Aprilis, Anno 45.

Philippus Melanchthon.

Eidem.

S. D. Hodie spero allaturum mihi nuncium,
quem misi Torgam literas de negocio ad finis tui:
certè illustrissimus Princeps clementer respondit.
sed in tantiis occupationibus scribae tardius mit-
tunt literas. Mihi tamen rem curae esse scio. De sy-
nodo Tridentina fortassis audistis. Misit Romanus
Pontifex aliquot Episcopos Tridentum, qui usita-
tis ceremonijs Synodum inchoarunt. Adfuerunt
ibi & adhuc adsunt legati Imperatoris & Regis
Ferdinandi, qui publicis orationibus ostende-
runt, suos dominos agnoscere hanc synodum tan-
quam legitimè congregatam: & promiserunt de-
fensionem. Hæc sunt initia. Reliquam historiam
postea audiemus. De plagiarijs, qui ex carcere ef-
fugerunt, nihil habeo quod scribam. Sed oro Deū
eternum patrem Domini nostri Iesu Christi, auto-
rem politici ordinis in societate humani generis,
ut Germaniae det pacem: ac politias, quæ sunt ho-
spitia Ecclesiae Dei, custodiatur. Bene uale: Die,
quo filius Dei triumphans, spectante Ecclesia a-
scendit in cœlum: ac ostendit, qualem gloriæ æter-

F nam

*nam Ecclesia habitura esset. Hac nos spe console-
mur. Bene vale. Anno 45.*

Philippus Melanchthon:

*Reuerendo viro, Hieronymo Schuol-
lio, docenti Euangelium & piè &
fideliter in Ecclesia Berlinen-
si, amico suo caris-
simo.*

S. D. Reuerende vir, et amice charissime.
Tueamur coniunctionem propter gloriam Dei,
& salutem Ecclesiarum: praesertim cum passim fi-
ant perniciose dilacerationes. Acerrima mihi cer-
tamina fuerunt cum Theobaldo Thannero, qui o-
lim professor fuit in Academia Francofordiana,
qui in unum chaos confudit Ethnicos & Ecclesias
Dei: ait & in Ethnici suis Christianos, qui le-
gem nouerint. Et cogitat divinitatem Christi esse
ipsam legis noticiam. Nunc illo τετυφομούσῳ rur-
sus dimisso: redeo ad Stancari disputationem, quā
mittam istuc. In Prussia quos tumultus pepererit
amici nostri N. conciliatio, audiuisse te arbitror.
Iam N. edidit prioris sui scripti declarationem seu
ἐπανέγθωσιν ualde tenuem, cuius exemplum mit-
to.

to. Plura scriberem, si aurige tempus concederet.
Bene uale. Die 29 Martij.

Philippus Melanchthon.

Clarissimo uiro, D. Christophoro
Pannonio, fratri suo cha-
rissimo.

S. D. Clarissime uir, & charissime frater:
Laudo equidem studium nostrorum auditorum,
qui tuum Ciceronem audiè emerunt. Atque uti-
nam tam audiè legant & relegant. Sed tamen o-
ptarim & nobis aliqua exempla relicta esse. Vni-
cum erat reliquum, quòd mittimus. Ac Bibliopo-
la Conradus adhuc Lipsie habet circiter uiginti,
quæ cùm allata fuerint, tibi mittimus. In ue-
stibulo est epistola ad Concilium, tuo nomine à
me scripta, quam an uideris nescio. αν' εσύ
βλεπεις λιγόσατος, δελ οὐ μάρτυρα τηρεις πόδας,
inquit Theocritus. Rectius esset nostram ieiunam
præfationem non esse præfixā tuæ narrationi, cùm
non referat tuæ orationis nitorem. & uoluerā à te
omnia prius inspici. Sed Peucerus, ut opinor, ty-
pographo chartas misit, à te non inspectas. Mitto
tibi epistolam meo nomine scriptā ad Conſticicū,
quā legi à te uolo: ac si iudicabis mittendā uel exhi-
bendā esse, obſignabis. Mitto & pagellas, in quib.

F 2 est

est præfatio mea w: el tūtραπελίας, & Hymnæ
næi carmen. Bene uale, & rescribe. Die 20. Maij,
Anno 1555.

Philippus Melanchthon.

Reuerendo uiro D. Pastori Ecclesiæ
Dei in ueteri arce Bremi,
fratri suo.

S. D. Reuerende uir, & charissime frater:
Sapienter feramus istos nouos Laconicos Harmo-
stas, qui paßim summam potemiam appetunt, le-
ges & dogmata condunt: & iugulati sine cogni-
tione, quos uolunt. usitata sunt hæc in Ecclesia. No-
stri uicini βλασphemoi conuocaturi sunt synodum,
ut decreta sua exasperent: fortassis attrahent &
eū qui iam est Bremæ, & alios, ut habeant maiore
exercitum. Et si doleo Ecclesiæ causa: tamen scio
hæc πολὺ πραγματουντινον nō perfecturæ esse, qd' co-
natur. Et Filium Dei precor, ut nos gubernet &
protegat. Quicquid ἀξιόλογον audiero, tibi signifi-
cabo: quia iustū est, esse λοιπὸν φίλων αὐχη: ac mul-
to iustius, λοιπὰς τῶν συστῶν γράπτων εὐχὰς.
Bene uale, charissime frater. Salutem D. Kittelio
& alijs amicis opto. Die 15 decembris.

Philippus Melachthon.

Eidem.

S. D. Reuerende uir, & charissime frater:
Nondum

Nondum audimus regem Ferdinandum uenisse.
 Et fortassis retinetur Hungaricis negotijs . nam
 Turcicus præfctus Budensis oppugnat arcem Zi-
 gat, in aditu Stiriae. Alibi totam Transyluiam occu-
 parune ductores copiarum filij Iohannis. Nunc ue-
 ro noui exercitus Turcici nulli adducuntur in Pan-
 noniam. nam Turcicus tyrannus ingentem classem
 instruit, mittendum ad Syriæ littus. Ideo scribunt,
 regem Ferdinandum facile inducias impetrare
 posse, si uolens relinquat Transyluiam filio Iohan-
 nis. Hoc etiam scribitur, magnam partem Byzantij
 terræmotu disiectam esse. Existimo & Turcico
 imperio fatalem inclinationem impendere: & no
 procul esse illum latissimum diem triumphi Filij
 Dei, in quo Ecclesiam uniuersam adducet ad æter-
 num Patrem coram cernendum. Bene & feliciter
 uale, & rescribe. Mitto uobis pagellas, in qui-
 bus narratio est de Cometa, conspecto ante Caro-
 li Burgundi mortem: cuius prorsus tale fuit curri-
 culum, quale fuit proximi Cometæ.

Philippus Melanchthon.

Iacobus Sadoleetus Philippo Me-
 lanchthoni S. D.

Carpentorati cum essem, quo in loco statutum
 habere me credens domicilium perpetuae uitæ, for-
 tunarumq; mearum omnium: repente tum inde

F 3 decede-

decedere, & Romam ire iussu Pontificis Maximini
 sum coactus. Sed cum ibi essem, accidebat mihi fer-
 me quotidie, ut aliquid nanciscerer de tuis scri-
 ptis, quae ego & propter excellens ingenium tu-
 um, & propter elegantiam styli et orationis, li-
 benter legere solebam. Id cum sepius ficerem,
 & magna delectione in legendo adficerer, sen-
 si paulatim mihi incendi animum usque ad quan-
 dam benevolentiam nominis tut, eò quidem, ut
 miro quodam studio tecum ineundæ amicitiae te-
 nerer. Etsi enim nonnulla inter nos erat op-
 monum dissensio, ea tamen animorum dissidium
 apud ingenuos eruditos minimè faciebat. iamq;
 erat deliberatum scribere ad te, primasq; amici-
 tie aperire fores. Cum subito, ut dicere cœperam,
 ad urbem accersitus, & per causam appropin-
 quantis Conciliij, carumq; rerum tractandarum
 et consultandarū, quas mox in Concilio agi propo-
 niq; oportet, è mea Ecclesia, ubi decennio man-
 seram, euocatus Pontificis huius optimi & pru-
 demissimi literis, tacite inscius atq; imprudens in
 amplissimum ordinem S. R. E. Cardinalium coo-
 piatus sum. Hæc res effecit, ut meæ uoluntati in-
 dandis ad te literis obsequerent tardius. Non e-
 nem dici potest, ut ex illa pacata atq; facilis, in
 hanc tumultuosam & plenam strepitus tradu-
 etus sum, quo sollicitudines, quam multæ & gra-
 ues cu-

ues curæ, eademq; permolestæ me exceperint: quod quidem necesse fuit mihi accidere. Hanc ego uitam & prius iudicio fugeram, & alteram illam fueram iudicio prosecutus: quarum nunc ultraq; cum mihi contra animi sententiam acciderit, nec letari possum habere me quod nolebam: & necessariò doleo, quod diligebam. Sed quoniam Deo parendum est, de nobis sic statuerit: dabitinus nos operam, quantum per eius auxilium opeñiq; licebit, ut honorem hunc rectè integrèq; administremus.

Quod autem nostræ institutæ scriptionis est passus, mi Philippe, in eo amor diutius hoc à me officium differri, quin ut primum è turba & molestijs animus emergere cœpit, literas ad te darem: si tamen, quod ego in te amando meæ existimatione de tuis eximijs uirtutibus tribuo, tum humanitati tue dandum esse duxeris, quod quidem rogo te ut facias, neq; me societatem familiaritatis tuæ desideras. non enim is sum, qui ut quisque opinionem à nobis dissentit, statim eum odio habeam. Arrogantis est hoc, & elati animi, non mansueti & comis: quas me potius ad partes natura mea uocat. Sed faueo ingenij, uirtutes hominum colo, studia literarum diligo: in quibus ut doctrinæ & ingenij, sic amoris non mediocres partes possides. Nec dubito, quintu eadem

mente ex uoluntate sis præditus. Isti enim animo,
qui tam liberaliter artibus ingenuis perpolitus fit,
nihil agreste, nihil asperū inesse potest. Quo etiā
maiorē spem mihi uirtus tua facit, meas hoc apud
te ponderis literas habituras, ut qui locorum spa-
cijs disiuncti simus, mente & beneuolentia coniun-
gamur: quod ego maximè aueo, expetoq; tibiq;
prorsus persuadetis cupio, in numero eorū qui te
diligunt, & florentem esse cupiunt (quorum ma-
gna est profectò propter tui nominis celebritatem
multitudo) me principem locum appetere: nihilq;
uehementius cupere, quam mihi dari locum pro-
bandi tibi reipsa, et declarandi amoris erga te mei.
in quo si ansam mihi occasionemq; meæ explenda
huiuscē cupiditatis præbueris, signo me absteb
neficio affectum arbitrabor. Omnia, quæ tibi gra-
ta sensero, tanto studio & diligentia exequar, ut
nec fide quisquam maiore, nec beneuolentia pos-
sit: sicuti & mei natura officij in primis colere, &
susceptus iam erga te amor, & perpetuum meum
erga doctos studium postulat. Vale doctissi-

me Melanchthon, & nos tui aman-
tissimos ama. Romæ, 15 Calen.

Iulij. 1557.

D.Phi-

D. Philippo Melanchthoni, præcep-
tori suo perpetua obseruantia
colendo, Ambrosius

Cl. S. D.

Quanta sit curæ Episcopis salus et concordia Ecclesiæ, Spirēsis recusatiōe sua satis declarat: quā spero istis incōmodo, nobis emolumento fore. Interea unum hoc quotidianis & ardemibus precibus à Deo patre Domini nostri Iesu Christi peto, ut alii qua saltem pax inter nostros doctores constituantur, præsertim ne certamen de Cœna Domini renouetur: sed nobis usitatam & aliquot annos receptam doctrinæ formam retinere concedatur. Ea si mutabitur, metuo secuturas in Ecclesijs nostris confusiones & turbas horrendas et infinitas, quas sedare nec sapientia nec potentia humana ulla poterit. Deus pater Ecclesijs harum ditionum, & uicinarum, benignè scruet. Videmus enim diabolum horribiter sœuire: cuius rei triste exemplum apud nos edidit, impellens miseros aliquot homines ad tetra flagitia. Fuit enim apud nos quidā abenarius nomine Erhardus, qui cum priuigna sua Anna quinq; annos consuevit. Quæ ex uago concubitu nata, prorsus corpore fuit monstroso, non cœca modò, sed oculos omnino nullos habens: qui, ea annūn unum ætatis nondum egressa, exulcerationib. purulentis corrupti perierūt, ita ut cœpta

F 5 tcs

tes uacue palpebris testae hiarent im pectore, e
dorso deformiter extuberans gibbus prominebat.
ea ex uitrico liberos suscepit quatuor, qui oes salui
& incolumes in lucē editi sunt. horū tres mater in
scio marito enecauit, et aut in flumina abiecit, aut
indumentis sepeliuit: quartū(ut audio) scitū infantē
masculū, ipsa filia cum in partu sola esset, ne pro-
deretur uagitu, præhenso gutture, fractaq; cruce
ipsius et brachio, trucidauit. Hi oes diuinitus rapti
ad supplicium, cum mater Vualburga adduceret
obstetricē, consultura eam de filiae morbo, quē non
ignorauit. Quæ, re cōperta, eius rei iudici et mihi
indictum fecit. Tum ille ex officio uitricum &
trem comprehendit, & in carcerē coniisci, puerpe-
ram catenis uinctam adseruari iubet: donec tādem
quæstione facta, ultimo supplicio sunt affecti, ex
sententia Lipsiæ dicta. Pater securi percussus, ma-
ter cum filio contusæ rota, eiq; impositæ, xiii die
seu idibus Augusti.

Alastores huiusmodi, etiam umbra sua alios læ-
dere pergunt: usq; adeò certam poenam accersere
nō est dubium. Spero tamē iram Dei leniore fore:
siquidem misericordia hominib. ueræ conuersionis rin-
uise et cōspicua fuerunt. Excepta matre anu, quæ
stupebat præ reliquis, aut metu poene, aut cōscien-
tia triū parricidiorū onerata. Respondit interro-
gata, breuiter quidē, sed ut nulla desperationis aut
impa-

Impatientie indicia subessent. Priuigna uero i-
psa capita doctrinae Christianae, que partes Cate-
chismi uocamus, exactè recitare poterat: et di-
ctum Christi Ioannis tertio sèpissimè repetebat,
eoq; se erigebat. Vitricus semper præsenterat a-
nimo, spectatores ad studium audiendi & discen-
di uerbi diuini, uigilantiam in regenda uita ad-
hortabatur: culpan deprecatus, intercessionem
fraternam implorabat, cumq; eum oppido egressiu-
rum admonerem, ne conspectu loci, in quo suppli-
cio adficiendus esset, animo frangeretur, respon-
dit: Ob Gott will nein, lieber herr, ich füle in mei-
nem hertzen daß ich schon sälig bin. Que vox
digna fuit uisa, qua prædicetur exemplum dicti:
Iustificati fide pacem habemus. Ne uero suspicio
esset, casu uocem hanc effudisse eum, non admoni-
tus rationem subiecit: & gratissimam mihi fidei
confessionem edidit, qua se erexit contra tentatio-
nem de indignitate & particularitate ex institu-
tione Baptismi & Coenæ Dominicæ: cùm in illa
mandet Christus, doceri & baptizari omnes gen-
tes: & in hac iubeat omnes bibere, non (inquit)
excludi nos miseros & sceleratos homines metua-
mus, receptis tantum ijs qui in mundo uirtutibus,
potentia, genere & opibus antecellunt, sed pro-
missionem de peccatorum remissione, quam doctri-
na Euangeli proponit, & communionem omniq;
be ne-

beneficiorum filij Dei Domini nostri Iesu Christi,
 cuius corpus & sanguinem uerum comedimus &
 bibimus, ad nos quoq; pertinere statuamus. Hanc
 consolationem, ut secum priuigna & uxor appre-
 henderent, obnixè eas rogabat. Ita in certam spem
 ueni, ueram hanc conuerzionem angelis Dei plus
 uoluptatis, quam nobis tristitiae attulisse: qui eoru
 corpora propter incoëstum & parricidia fœdissi-
 mè laniari, non sine gemutibus & acribus dolori-
 bus coram intueri sumus coacti. Deum Patrem to
 to pectore oro, ut diaboli furores, qui tetricoribus
 & tristioribus lapsibus nos implicare conatur, re
 primat: nosq; Spiritu suo sancto regat, ut in uero
 timore & fide ambulemus: & ex misera uita euo-
 cati, leti migremus in æternam Filij Dei, omniūq;
 sanctorum angelorum & electorum consuetudi-
 nem: Amen. Bene & feliciter uale, Mariæbergi,
 Anno M. D. L V I I , Augusti die xvi.

Eximia pietate & doctrina prædicto, D:
 Gabrieli Zwilling, Ecclesiæ Torgensis
 Parrocho, domino ac patrono suo
 in primis obseruando, Ioan.

Marcellus S. D.

Etsi, uenerabilis domine Magister, me omnino
 impudenter facturū satis certè scio, si te meis pue-
 rilibus literis interpellare ausim: tamen fretus tua
 humani-

humanitate, quam in omnes bonarum literarum
 studiosos habes, ad te uenio. Nunc quidem expo-
 nendam duxi mearum rerum angustiam: teq; ro-
 gandum, ut mihi hoc tempore autoritate et bene-
 lencia tua opem feras. Non te clam est, me nunc
 ferè per biennij spacium Vitebergæ sumptibus pa-
 rentum meorum sustentatum fuisse. Cùm autem
 res familiaris ipsorum magis magis q; exhauriatur,
 ut mihi nulla alia ratione amplius ad literarū stu-
 dia sumptus suppeditari possint: planè nunc nihil
 reliquum esse video, quām quòd me nunc mea stu-
 dia deserere necesse sit. hoc, ne omnino accideret,
 metuerem, nisi in tua beneuolenia et prudenter
 mi Senatus uestri liberalitate spem retinerem. Au-
 dio igitur Senatum habere unum adhuc stipendiū,
 quo pauperes et studiosos adolescentes iuuare so-
 let. Quare magnopere à te peto, ut mihi nunc sub-
 uenias, meq; Senatui Torgēsi commendes, ut mihi
 id stipendum ad studiorum meorum necessitatem
 conferre non dedignetur, donec iudicium in stu-
 dijs rectius confirmauero. Neq; uero decet me nūc
 tibi ostendere, quantum pietatis sit in tali tuo offi-
 cio futurum, cùm propter propagationem studio-
 rum et Ecclesiae me adiuueris. Spero enim, Deo
 dante, eò me progressurum esse in studijs, ut mei
 uici sim possit esse aliquis usus apud honestos ho-
 mines. Sed hoc dico, quòd ad me attinet: idq; san-
 ctè pro-

Eiè promitto tibi, me summam diligentiam adhibi-
turum esse, ut intelligas te in hominem non indi-
gnum tuo fauore, nec ingratum tibi pro officio, be-
reficium contulisse. Ac tibi & amplissimo Sena-
tui uicissim mea studia, & me totum deferro. Teq;
rogo, ut in hac re me tibi commendatissimum
esse sinas. Bene uale, 18 Kalendis Iulij, An-
no 1544.

Ornatiss. viro D. Ioanni Spangebergio,
Northusianæ Ecclesiæ pastori, ami-
co suo in Christo uenerando,
Fridericus M.

Gratiam & pacem à Deo Patre nostro & do-
mino Iesu Christo. Reddidit mihi ciuis noster fide-
liter literas tuas, mi ornatissime D. Spangebergi,
quibus ualde sum delectatus. Hæ enim sunt senum
delicie, garrire & scribere de rebus istis, quib. ma-
xime afficiuntur. Et Paulus iuuenis multas, senex
uerò frequentes scripsit epistolas de Christo, qui
est Deus benedictus in secula. Et me nunc senem et
infantem delectat uel cum Zachariæ nutibus &
stylo loqui, de cornu illo salutis, erecto in domo
Dauid pueri sui: per quod datum nobis, ut sine ti-
more de manu inimicorum liberati, seruiamus illi
in sanctitate & iusticia coram ipso, omnibus die-
bus nostris. Ego quidem, mi D. Spangebergi, uiuo
ad huc,

sedhuc, obambulo, spiro et spero, baptizo internum,
 audio confessiones, impertior absolutiones.
 Et ne nullus sit mei in Ecclesia usus, coepi superiore
 mente prelegere in scholis, comministris meis
 Ecclesiae et scholae, et satis frequenti auditorio
 eruditorum et pastorum uicinarum ecclesiarum,
 Sabbathinis diebus Euangelia Dominicalia, quae
 illis quanta possum uoce et natibus et sibilis ex
 plico. Et sunt qui putant, se inde fructum capere, et
 magis se inde edificari, quam ex publicis concio
 nibus. Deinde illi ea concionantur, ubi meliora non
 habent. Miraberis haud dubie hanc meam temerari
 tatem: sed placeret tibi coram uidere, etiam mutos
 loqui, et lapides clamare magnalia Dei in Chri
 sto: et etiam hodie non cessare infantes in tem
 ple acclamare, O sianna filio Dauid. Nostri enim
 quendam eodem spiritu cantare: Non moriar,
 sed uiuam, et narrabo opera Domini. Ita me
 nulla unquam raucedo, nulla phthisis, nullus mor
 bus, imo in ipsa etiam nouissima inimica mors
 impedit, quin Christum praedicemus: quia illa
 impedimenta destruentur: Ego autem in Chri
 sto consurrexi, concendi cœlos, con triumpho
 conregno. Et id ueritatis testabor, quod quia
 credidi, propter hoc et loquor. Admodum
 placet, quod in sinum meum effudisti de uocationi
 bus, quib. te alio uocat Spiritus sanctus. Sed quod
 omnino

omnino recusas obtemperare uocanti & iubenti,
 ut accepto talento etiam apud alios fœnus queras
 Domino, probare non possum. Nostri enim, in
 qua pericula se Iona propheta coniecit, dum Ni-
 niuitas non dignatur alloqui. Et Abraham in Ae-
 gyptum concedit, ne illi quoq; ignari sint diuina-
 rum promissionum, et decretæ in coelis benedictio-
 nis super omnes qui credituri essent in semen mu-
 lieris. Christus etiam, qui uenit querere & resti-
 tuere quod perierat, non uno, sed omni in loco o-
 mnia lustrat, ne alicubi hæreat dispersa aliqua o-
 uis, & pereat. Proinde ait: Nam alijs ciuitatibus
 oportet me euangelizare regnum Dei: in hoc e-
 nim missus sum. Et Paulus, cui non se facit debito
 rem? Græco, Iudæo, sapienti, insipienti? An' non ui-
 des Petrum accersiri ad Cornelium, & uenire Phi-
 lippum ad eunuchum, &c. rursus ad alios. Apo-
 stoli audientes, quòd Samaria accepisset uerbum,
 miserunt eò Petrum & Ioannem: nō expectassent;
 donec illi quenquam accersierint. Vides hodie e-
 xempla Pomerani, Ionæ, Menij, et plurimorum a-
 liorū, qui odorem noticiæ Christi manifestant in
 omni loco. Neq; unquam deest Dominus, qui det
 incrementum frugibus iusticie nostræ. Ego, si lice-
 ret mihi dare consilium, consulerem, ne omnino
 diuinæ uocationi resisteres: maximè cum ad ea lo-
 ca uocaris, ubi antea non est plantatus, fundatus

& eru-

& eruditus Christus. Neq; hoc debent impedire
 tui, quin & ipsi tenentur etiam pro fratribus suis
 animas, & omnia impendere, ut omnes saluos fa-
 ciant, omnes lucentur, & ne unus pereat de pusil-
 lis illis: ita tamen, ut liceat illis, ubi alibi plantaueris,
 aut rigaueris, & iam radices misit Christus, re-
 uocare te: ut substituas tibi in alijs locis Timotheos
 *quām quod non possum amplius currere & ira-
 rumpere in hanc iam congratam æternis igni-
 bus Sodomam, & unum aut alterum ex filiabus
 suis eripere. Christus in cruce, in ultimo mortis
 & uitæ discrimine positus, tamen latronē ex lanie-
 na & carnificina sathanæ eripit. sed de hac re sa-
 tis. Fortè aliquando, si uoleat Dominus, plura co-
 rām. Oro te tantum, mi Spangebergi, ut quando
 iam diu satis concessisti infirmitati quorundam, et
 factus cum infirmis infirmus, & cum illis pro mor-
 tuis diligenter fudisti preces, ut sinas aliquando,
 mortuos in Domino: & si nolunt conualefcere ex
 hac infirmitate sua, ut sinas mortuos sepelire mor-
 tuos suos, aut se se cum illis abdere in se-
 pulchra. Bene Vale,

1542.

Doctrina & pietate præstantiss. viro, D.
Ioanni Spangenbergo, Ecclesiæ Nor-
thusiensis episcopo, fratri in Chti-
sto charissimo & notissimo,
Fridericus M.

Gratiam & pacem à Deo patre, & Domino
nostro Iesu Christo. Accepi binas literas tuas, a-
mantissime & doctissime Spangenbergi, quarum
postremus in scriptū erat, Friderico, &c. amico cha-
riſſimo, licet ignoto. Quid uero hoc noui, mi Spang-
enbergi? An ego ignotus sum, à quo tot literas ac-
cepisti? Cui tot Psalmos, tot hymnos, tot epigram-
mata doctissima, doctissimus inscripsisti: et in cuius
ego sinum omnes meos dolores, genutus, suspiria,
rursus gaudia, risus & exultationes cordis soleo, &
fundere: & omnia ea quæ tot annis ad me scribis,
sanctè seruo? & tu te dicas ignoto scribere: de quo
ego lactare soleo, te mihi & me tibi notissimum es-
ses. Verum de hoc uultu paruo, & cadauerosa fa-
cie, ac caluo capite te scribere dices. quem non ui-
distus sed nec ego illum uidi nisi in speculo, et ubi o-
lim placidum esset mare, & ego me in mari cōtem-
plabar, umbra fallacissima et statim euanscente.
Sed condono tibi & hoc, & omnia peccata, pro-
pter meritata cum de me, tum de Ecclesia sancta.
Data 1546, die Stephani.

Habeo tibi gratiam pro uersibus, quibus inclu-
sum

sum est amicum donum de incendio urbis, & bello Mezentij.

Eruditione & pietate præstanti uiro, M.
Ioanni Spangenbergio, Northusianæ ec
clesiæ fidelissimo pastori, amico
suo ueteri & probato, Fri-
dericus M.

Gratiam & pacem à Deo patre nostro, & Do-
mino Iesu Christo. Redditæ sunt mihi literæ tuæ,
simil & Margarita illa uerè Euangelica. Per le-
gam, cum uacuum fuerit, cum doctore Crucige-
ro, cui datum est hoc negocium probandorum
scriptorum in hac urbe: & quicquid statuetur, re-
scisces. Nolumus spernere Prophetias, neq; ex-
tinguere spiritum. Imò quicquid in restitutionem
domus Domini instrui & meditari potest, facile
inseremus sacro ædificio. Nouarum rerum hic
nihil habemus, nisi quod hodie D. doctor Ioannes
præclarissima oratione commendauit nouum re-
storem M. Casparum Bernerum, uitrum
ad bona studia exornanda mi-
rum. Lipsiae.

Optimo & uerè pio cōfessori D. Ioanni
Spangebergio, Northusianæ ecclē-
siæ Christi pastori, fratri suo
in Domino charissimo,
Fridericus M.

*Gratiam & pacem à Deo patre nostro, & Do-
mino Iesu Christo: & ualeat mundus iste, qui in
maligno toto positus est, cum omni sua gratia &
pace, quam nec habet, neq; dare potest. Non est
ulla causa, mi ornatiſſime Domine Spangebergi,
cur irascaris contra mōrbos & infirmitates meas,
quæ me quotidie conficiunt. nam non sunt ad mor-
tem, sed ut filius Dei glorificetur per eas: nisi inui-
dere ei uolumus suam gloriam: aut non ferimus, ut
mortale hoc induat immortalitatem. nam siue mo-
rimur, siue uiuimus, Domini sumus. et uester Deus
enim, qui uester etiam Dominus & Deus est, quid
non operabitur nobis in bonum, utcunq; uideatur
nobis aduersum? Quid enim habemus, quod nō est
eius, qui suo uerbo creauit & restituit omnia? Et
uocat ea quæ non sunt, ut sint: qui non est mortuō-
rum, sed uiuorum Deus: imò uita ipsa, & lux ho-
minum.*

*Certavi uobiscum, mi amantissime & doctissi-
me Spangebergi, per annos uigintiquinq;, bonum
certamen. Iam tandem cursum consummavi, &
etenuis salua manet & inuicta fides & ueritas Iesu
Christi:*

Christi: & sum meo, quantum potui, functus ministerio secundum mensuram, quam mensus est mihi Deus. Sed uerè video, quòd seruus inutilis sum & fui, etiam si feci quod facere potui. Et si quid feci, non ego feci, sed gratia Christi, qui operatur omnia in omnibus, quæ in me uacua non fuit: & nunc ignoscit etiam delicta iuuentutis meæ, ignorationes meas, negligentias & reliqua peccata, quæ sunt supra numerum arenæ maris. Sed in me uult uobis ostendere diuitias bonitatis suæ, & exemplum quod facturus sit in omnes eos qui credituri sunt in illum per Christum. Non abijcio ullam gratiam Dei. Tantum Deum, tantum Regem, decent tanta gratia, tanta bonitas, tanta clemencia. Etsi ego indignus sum qui accipiam: tamen ille non est indignus, ut uocetur clemencissimus. sicut & uersiculi tui in misso nuper ad me Psalmo habent:

Sed bonitas Domini eternos perdurat in annos,

Et sine fine dabit iusticiam atq; fidem, &c.

Obambulo adhuc, ago quantum possum officium pastoris, admoneo, dirigo & urgeo etiam reliquos confratres, quos certè adiunxit mihi Dominus fidelissimos: & quantum possumus, una manu bella gerimus, & profligamus impedientes opus Domini: altera ædificamus, & qualicunq; modo domum Domini restituimus. Cùm Paulo cupio esse cum

G 3 Christo.

Christo, & certè nihil melius: tædet enim me hu-
ius uitæ. et satis uidi mundi improbitatem, qui nul-
lam suscipit disciplinam: & cum Christo scio ve-
nisse me propterea in hanc horam, ut quandoq;
destruatur corpus peccati, ex hac hora saluer: &
habeat sibi serpens in carne mea incorruptibili
suum uenenum, meum peccatum, corruptionem,
putredinem, mortem, & totum illud virus: & ha-
beant sibi similes sua labra lactucas, & comedat
terram omnibus diebus. Maledictus ille, qui am-
bulat super pectus suum. So will ich dann sagen,
wan ihr mich fragt, wo ist mein unflat hinkom-
me, sind, todt, hell: id est, si me in nouissimo iudi-
cio interrogaueris, Quò corruptio et illuuius tua
naturæ peruenit, nimurum peccatum, mors & in-
fernus? Respondebo: Diabolus hæc deuorauit: ma-
nebit ille nouus homo filio Dei similis, qui secun-
dum Deum creatus est.

Te uero oro, obtestor & adiuro, mi doctissime
& fortissime Spangenbergi, quando uides nos cum
emerito Davide non posse exire ad bella Domi-
ni, sed secedere ad præsidium: ut interim reliquæ
belli contra incircumcisos Philistæos, seditiones
Absolonitas, & reliquias portarum inferni, stre-
nuè perficiatis, & pugnetis fortiter, strenue & ui-
riliter. Certa est uictoria: & confosus est dux bel-
li istorum tribus lanceis, & uictus est princeps
mundi.

mundi. Et si qui cadunt in hoc prælio, nusquam est
mors speciosior, dulcior, præclarior, gloriosior,
quād cum tanto rege Christo cadere & resurge-
re. Cecidimus uno die Higenoæ, Urbanus Re-
gius & ego sed uicimus, quando certi suimus ui-
torem & triumphatorem esse Christum. Cecide-
runt Eobanus Hessus, Grynæus, Capito, Polyan-
der: sed uictores iam, conculcato & confosso ho-
ste per Christum, existunt. Imò non ceciderunt,
sed in uictoriā & uitam irruperunt, & illud
Psalmi cantant: ipsi obligati sunt, & ceciderunt:
nos autem surreximus, & erexit sumus, &c.

Psalmos tuos poenitentiales, & alios quos ad
me misisti, quotidie penè lego: & ualde delectat
me, Spiritum sanctum loqui in Ecclesia uarijs lin-
guis & sonis, in Psalmis, organis, & omnis gene-
ris modis & uocibus. Date 42.

Eximia pietate & eruditione prædicto
theologo, Ioanni Spangenbergio, Super
attendentī comitatus Mansfeldensis pri-
mario, domino suo uenerando, Io-
annes Forstherus superatten-
dens Mersburgensis
S. D.

Edidit Iacobus Ratz, concionator in Neunstat
G 4 oppido,

oppido, libellum Germanicum, cuius titulus est,
 Von der hell, in quo aliquot locos obscuriores ex-
 plicat, maximè uero de descēsu ad inferos. de quo,
 cūm Erphordiam transiens, ibi in bibliopolio per-
 contarer, forte aſſtebat mihi, qui se bibliopolam
 dicebat, ex ciuem Islebiensem, ex habere domi e-
 exemplaria quædam adſirmabat. Rogabam, ut per
 occasionem mihi duo aut tria exemplaria Mers-
 burgum mitteret, pro pecunia. Quod cūm interea
 temporis, dum hic fuit, non fecerit: Lipsiae percon-
 tari curauit per amicos de libello: sed non est inuen-
 tus. Quare cum obiter apud illum principem
 Georgium ab Anhalt, &c. mencionem eius face-
 rem, rogauit me uehementer, ut tuæ excellentiæ
 ſcriberem: ſe enim uelle curare nunciū, qui ad te li-
 teras perferret. Ego uero, etſi plane tui nullam no-
 ticiam habeam, licet uiderim & audiuerim te olim
 cum adhuc Northuſij ageres: tamen obtemperare
 Principis petitioni uolui, persuafſimum habens
 de tua humanitate, quod id officij uel principis o-
 ptimi nomine haud facile detrectaturus ſis, atque
 duo exemplaria aut tria hoc nuncio mittere: in
 hoc & Principi illuſtrissimo, & mihi haud parum
 gratificaturus. Valeat tua excellentiæ feliciter, &
 eam Christus ſuæ Ecclesiæ multos annos conser-
 uet ſaluam & in columem. Datum Mers-
 burgi, 9 Aprilis, 1548.

Eccle-

Ecclesiæ Dei in comitatu Mansfel-
densi, Philippus Melan-
chthon S. D.

Ecclesia inde usq; ab initio memoriam tradidit
 & eorum qui præcipui doctores fuerunt, & gene-
 ris doctrinæ: ut sciret posteritas, quam doctrinam,
 per quos traditam, quibus confirmatam testimo-
 nijs uel iudicijs accepisset: & normam certam ha-
 beret, ad quam conferret sententias sequentium
 doctorum. Ita Ireneus Polycarpum citat, qui fuit
 auditor Ioannis: & Basilius nutricis testimonium
 celebrat, quæ audierat Gregorium Neocæsarien-
 sem, de trib. personis diuinitatis. Et cum in Eccle-
 sia Antiochenæ, quæ à Petro apostolo doctrinam
 acceperat, & fuerat præcipua schola, Samosate-
 nus audacissimè corrumperet, dictum in Ioan-
 ne, cù αρχῇ λίγῳ λόγῳ: opposuerunt Malchion
 & Dionysius (alter Amiochenæ ecclesiæ, alter A-
 lexandrinæ) testimonia tradita per Apostolos, &
 eorum auditores. Hanc diligentiam conseruandæ
 memoriæ ueterum qui recte docuerunt, & eorum
 monumenta custodiendi utilem esse posteritati, ne
 quaquam dubium est: quæ etsi longo tempore in-
 termissa est, cum nec una uox doctrinæ certa esset,
 & pastores muti essent, ac nequissimis summum
 gradum, uidelicet munus docendi ceßissent, qui
 fabellas ad questum accommodatas circumfere-

G s bat:

bane: tamen nunc magna cura reuocanda erat. In
 publicis monumentis Ecclesiae et Republicae an-
 notare debebant per quos uiros emendata sit quo
 libet loco uox doctrinæ, et quorum iudicio singu-
 li approbati sunt. Habuit autem Ecclesia uestra gra-
 uem et honestissimum senem Gutelium, qui initio
 puram doctrinam nobis tradidit. Postea de Luthe-
 ri iudicio senex uenerandus Ioannes Spangenber-
 gius Ecclesijs uestris præfuit, cuius extant libri:
 ac fuisse eum probatum reuerendo donano Lu-
 thero, D. Langio Erfordiensi, D. Pomerano, et
 cæteris in tota Saxonia docentibus, meministis. Ut
 igitur posteri sciant, uos habuisse hunc testem ue-
 ræ sententia, et custodiane doctrinam ab ipso ac-
 cepta, ut iubet Paulus depositum fideliter custodi-
 re: hortor uos, ut eius nomen et administratio-
 nis tempus in monumentis uestris annotetis, et
 scripta conseruari curetis. Valde metuendum est
 in his ruinis imperiorum, maiores Ecclesiae dila-
 cerationes securitas esse, in quibus poterit uide-
 ri, quorum fuerit eadem sententia: et probandi
 doctores tanquam norma sequendi erunt. Iussi
 igitur et hoc carmen edi, ut memoria Spangen-
 bergij diuturnior sit, et ut doctrinam eius magis
 amplectantur iuniores. Est autem laudanda pie-
 tas Mencelij, quod hanc historiam recitauit, ut
 suam erga fidem pastorem obseruantiam decla-
 raret:

raret: & ut cæteris ostenderet concordiam in Ecclesiæ
 & schola uestra, & mutuam omnium docentium
 benevolentiam & fuisse & esse. Id exemplum &
 cæteris utile est. Etsi autem præcipue Dei benefi-
 cium est, quod habetis multos viros honestos &
 concordes in Ecclesijs & scholis uestris: tamen &
 Spangenbergij modestia multum ad concordiam
 proderat. Hic cum eruditione & multis uirtu-
 tibus excelleret: tamen ab ambitione alienissim
 us erat. Et candor in eo erat eximus. Mencelius
 uero scitis & amea benemeritum esse uestræ Ec-
 clesiæ. Huius officium in hac historia etiam candi-
 de probare uos decet. Bene & feliciter ualete:
 idibus Decembris, 1550.

Reuerendo viro, pietate eruditione &
 uirtute præstanti, D. Ioanni Spangen-
 bergio, pastori & superintendenti

Islebiensi, amico & fratri ob-
 seruando & charissimo,

G. M.

S. D. Quæ sit sententia nostra & illustris-
 simi Principis Domini D. Georgij ab Anhalt; &c.
 cum ea de re contulimus in causa mulieris, quæ li-
 teras reddidit, intelliges ex literis publicis Cōsisto-
 rij. Mihi hoc placet, ut maritus ipsius (cum sub ue-
 stra illu-

stra iurisdictione sit, & ut audio, praesens sit) con-
iiceretur in carcerem: & statuerentur tandem a-
liqua exempla, in tam nepharios & flagitosos ho-
mines. Quia in re ualde negligentes uidemus ferè
magistratus omnes esse. Itaque polluta terra ince-
stis & foedis libidinibus, necesse est oriri horren-
da bella, famem, pestem, & alia mala, quibus inter-
rim purgetur. Sed nos in nostro ministerio simus ui-
gilantes & seduli. Bene uale, mi frater charissime.
Mersburgi, Pridie Cal. Februarij, 1548.

Viro opt. ac doctiss. D. M. Ioanni Span-
gebergio, uerbi Dei apud Northu-
fanos ministro, amico sum-
mo suo, G. M.

S. Breuitatem literarum eadem ratio, qua tu u-
teris, uir humanissime, excusabit. Non minus enim
parum commoda ualetudine ab ijsdem Paschali-
bus ferijs, quam tu, ego quoq; nunc utor. febris qui-
dem nondum inuasit: sed languet tamen totū cor-
pus, ac ad cibum nauusat stomachus: sumq; alia
plurima imminentis morbi indicia. Neque tamen
scholasticus labor quicquā mihi imminuitur: imò
ex discipulorū frequētia quotidie augetur. Con-
fluunt enim nunc magno numero studiosi pueri.
Poterant quidam hypodidascalī multum leuare
laborem:

laborem: sed pauci admodum sunt, qui serio urgeant suum officium, nisi ego præsens monitor semper adsistam. Itaq; totus ferè labor mihi incūbit, quanquam decem habeam ouvēpyss. Sæpius mihi etiam molestiam auget hominum ingratitudo, qui pro immensis laboribus malam gratiam rese- runt: sed nescio quomodo in hanc querelam dela-psus sim, quam tu tamen pro tuo candore et huma-nitate boni consules. Bene uale: ac ualetudinem utriusq; curet ac tueatur, in cuius manu nostra omnia sunt sita. 18 Aprilis, 1534.

Optimo atq; clarissimo viro, D. Ioanni Spangenbergio, Ecclesiastæ Northusa-no, domino & amico suo in primis
obseruando, Erasmus
Reinholdus

S. D. Magnam mihi attulerunt uoluptatem literæ tuæ, quas filius tuus Ionas proximè reddidit, cū istinc rediret ad nos. Nam quòd sæpe in animo meo optauī, ut tecum propter singularem pietatē & studium ueræ doctrinæ in Ecclesiastæ et propter multiplicem eruditionem in omni genere artium conuaherem amicitiam, id mihi abs te ipso abun-dè iam oblatum est. Nam mercatores magnificiūt opes, & colunt, atq; amicitiam cum illis adiungūt
E con-

et conseruare student, unde cōmodum sperant, et
pr̄esidium suarum diuitiarum. Nobis uero, quos
opulenti despiciunt, qui nec dignitatem nec ueram
utilitatem optimarum artium intelligunt, quid in-
cundius esse potest mutua inter nos amicitia, et ue-
ra coniunctione animorum?

Quod autem filium tuum Ionam, commensa-
lem meum, mihi commendas, ego & opylū illam
paternam magis nunc quam olim intelligo: quam
Poeta in Aenea egregie pingit, cum inquit:

Omnis in Ascanio chari stat cura parentis.
Habeo enim aliquot iam liberos, Dei beneficio,
quos utinam possem ad pietatem & gloriam no-
minis ipsius educare. Sed de filio Ione possum hoc
uerē affirmare, eum propter insignem uerecun-
diam atq; modestiam, studiumq; in bonis literis ue-
hementer amari. Fuit & aliis filius mihi iam diu
cognitus, quod aliquando ex me publicē audiuit
Euclidem. Gratulor tibi clarissime uir ex ani-
mo, tales filios, qui quidem & pictatis studiorum
tale edum specimen, ut maximam spem de se præ-
beant Reipublicæ. Si quid possum utriq; ipsorum
prodesse ullo officio, nihil patiar in me desidera-
ri: id quod debent tibi omnes boni. Habeo tibi
gratias & pro uersibus, & pro caso, quem attulit
filius. Meum erit, data occasione declarare gratū
annū. Calendarium, quod edidi ante annum, re-
texo

texo nunc, ut separatum excudatur Lipsiæ: et adi-
cio ea quæ tunc ob importunam festinationem bi-
bliopolarum cogebat omittere. Velle me abs te
liberè admoneri, quid uel addendum uel emenda-
dum, aut quid de tota tractatione uideretur. Mea
conuixi ubi, et ornatissimæ tue uxori, optat ui-
cissim salutem. Bene ac feliciter uale. Vitebergæ,
in Virgilia Thomæ, 1544.

Valde optarim, me honorum virorum ope pos-
se adipisci scriptum exemplar Cenforni, de Na-
tali die.

Opt. ac doctiss. viro, D. Ioanni Spangen-
bergio, Northusensium parrocho,
amico summo suo, G. M.

S. D. Nisi iocari te uiderem, nō leuiter me offen-
disset proxima tua epistola. Quomodo enim nō do-
lerè, tibi viro doctiss. et absq; dubio sincerè candi-
do, tam sinistrā de me incidiſſe ſuſpicionē? Egó ne
Spangēbergij amicitiā fastidirem, de qua etiā ſa-
pe apud amicos me iactito? quē quoq; inter meos cha-
riſſimos principem habeo? Quare uide, ne ſatis fit,
quod ex literarū intermiſſione colligis. Neq; enim
cum te eſſe arbitror, qui ex literarū officio amici-
tiam metiare. Excellens atq; perspectiua tua erudi-
tio, pietas et fides, quib. meus erga te animus nitit-
ur, firmiora ſunt fundamēta, quam quæ per litera-
rum uel muſiōne uel interceſſiōne aut confirmari
aut

aut labefieri conuelliq; possint. At cogor tamen fa-
teri, esse partem literarum officium. Quare si hac
in re peccatum est, dabis hoc aut nostris occupa-
tionibus, aut (ut fatear) negligentiae. Quæ tamen
talis est, ut quanquam ad scribendum paulo sim-
tardior, nunquam tamen talium amicorum obli-
uionem obrepere sinat: quam tui gratiā apud me,
& memoriam honestissimam tuam, & optimas
exercitia atq; scripta, dum ea subinde contucore et
relego, quotidie ferè excitant & renouant. Me
enim, cui ista scribendi carminis facultas à Musis
denegata est, iua atq; aliorum similium scripta eo
magis delectant. Quare rogo, ut sic pergas tuas
lucubrationes nobis communicare. Eclogæ Vir-
gilianæ imitatio, & febris, atq; alia, non tantum
grata sunt: sed & exemplo scholasticis nostris e-
runt, qui hoc tempore in scribendo carmine exer-
cencur. Petrum Suederum Pomeranum, homi-
nem pium & doctum, tui habes studiosissimum
omnino: qui ad maiora exercitia, cùm in nostra
schola rationem conscribendorum carminum do-
ceat, tuo exemplo inuitatur: quē uelim interdū
à te prouocari. Puer, quē tanopere mihi comen-
das, re ipsa experietur, quæ tua apud nos sit existi-
matio atq; autoritas. Bene uale uir doctissime, cum
omnibus tuis, quos salutari cupio diligenter. & Ca-
lend. Martij.

De Eobano Hessō, rege nostro, rogo facias me
certiorem, quid agat, quid ualeat, &c. habes enim
tanquam uicinum.

Clariss. ac doctiss. uiro D. M. Ioāni Span-
genbergio, pastori Eislebiensi & super-
attendanti Ecclesiarum comitatus

Mansfeldensis, domino & a-
mico suo obseruando,

G. M.

S. D. Hic adolescens, qui reddit literas, ludimā-
gister est in oppido uicino, ingenio bono, & mori-
bus ualde modestis: & cum Ecclesiasticam condi-
tionem ante aliquot menses peteret, à nobis exa-
minatus, aptè et disertè ad interrogata de fidei ar-
ticulis respondit, ita ut ei spes sit facta à nobis de
comendanda ei aliqua Ecclesia. Quia autem iam
parochia in pago Golbick uacat, & eius patrona-
tus ad illustres Comites in Mansfeld pertineat, &
iam antea ab illustri Comite Gebhardo T. H. per
literas ante duos menses commendatus est, ut illi
per te proficeretur, rogo ut bonū adolescentem
in hac causa uiues, etiam propter nostram cōmen-
dationem: cuius tamen uirtus & eruditio per se me-
retur, ut eius habeatur ratio. Deinde etiam rogo,
ut mihi mittas cancionem illam Germanicē per te
translatam, cum alijs que à te edita sunt, de qui-

H but

hus hesterna die inter nos facta est mentio. Bene
uale, uir ornatusime. 27 Ianuarij, 1548.

Et pio & docto uiro, domino Ioanni
Spangenbergio, amico suo ueteri,
Georgius Aemylius

S. D.

Cum mihi Magister Octa, suam operam in per-
ferendis meis ad te literis ultrò obtulisset, non po-
tui prætermittere, quin eo proficisci, aliquid ad
te literarum darem. Iam diu enim optauit mihi oc-
casione aliquam dari ad te scribendi, cum pro-
pter amicitiam nostram, tum uero ut ea ratione ui-
cissim à te aliquid literarum extorquerem. Porro
cum mihi proxime promiseris tuos uersiculos, cui
dè eos penè singulis horis expecto. Quare te ro-
go, ut præstes id quod promisisti, et tuis promissis
satisfacias. Decet enim, præsertim illos qui sacra
Pieridum nocte dieq; colunt, promissam seruare fi-
dem, nec fallere quenquam. Sed spero te facile fa-
cturum esse hoc, quod recepisti facturum. Bene ua-
le. Mitto ad te carmen meum, scriptum cuidam
Magdeburgensi, quod quidem principio ad te scri-
bere constitueram: sed postea coactus inopia tabel-
liorum, alteri misi. Carmen illud flagitabis à Chri-
stophorō Ruellio: nam eius literis inclusum est. Re-
scribe mihi uir optime, et breuitatem boni
consulc. Vale, Iene 1535.

Petrus

Petrus Plateanus D. Ioanni Spangen-
bergio theologo.

S. D.

Et antea ex Iani Cornarij, uiri eruditissimi, li-
teris existimationem de te concepi non uulgarem:
eam proxima tua epistola non confirmauit mo-
dò, sed uehementer etiam auxit. Plena enim erat
elegancie, humanitatis, modestie, officiorum: quæ
tanto mihi in te fuerunt iucundiora, quanto ma-
gis ea hodie in quibusdam Theologis desidera-
mus. Tuam igitur mihi amicitiam ultrò delatam
(quam intelligo mihi ambiendam fuisse) toto a-
nimо arctissimè complector: meq; uicissim, ut tui
gregis albo inscribas, uehementer expeto. Ex car-
mine tuo hoc facile intellexi, te nostrata studia
minime spernere. Utinam ad eum modum mul-
ti Theologi essent occupati, potius quam profa-
nis negotijs se miscerent, mitius sanè multi de il-
lorum ambitione quererentur. Cognomen
tuum, Hassia te nostra oriundum declarat: hoc
iam aliud est, quod te mihi cariorem reddat. O-
lim enim diu apud Marpurgum uixi, & nuper ibi
liberali principis Philippi stipendio Rhetoricen
publicè docui: nec memini me usquam uixisse un-
quam libentius. Præterea Medicinam auspica-
tus, Ioan. Megapo, clarissimo medico, ciuetuo, sum-
sus præceptore. Hæc ad eruditissimam epistolam

H 2 tuam

tuam pauca subitò rescripti. eram enim occupatis-
simus: alias accuratius. Vale, & officiosè meis uer-
bis Iano Cornario salutem dicio. Cygneæ, Idibus
Augusti, 1535.

D. Mart. Luthero, M. Bucerus
S. D.

Posteaquam nostri exhibuerunt articulos de
fornia pacis, deliberatio Cæsareæ Maiestatis lega-
ti & pacificorum retracta est in diem undecimum
Martij. Postea exhibuerunt duas declamationes,
quarum altera legato etiam contumeliosè scripta
erat: altera mitior, quæ spondebat pacificatores a-
cturos esse, ut fiant inducæ aliquot annorum: &
interea ingressus instituantur, in quib. deliberetur
de concordia Ecclesiæarum & doctrinæ. Nam Im-
perator iam non facit synodi mentionem, nec ul-
lam futuræ esse sperat. Eam ob causam si uera nar-
rat legatus, tergiuersanti Pontifici succenset. No-
stri adornant responsionem: & fortasse præcisè di-
cent, quas conditiones accipere possint. Nam præ-
parato opus est, ne nostri imparati opprimantur:
synodi non fient. Et adhuc quidem speramus tran-
quillitatem. Initio hic erant atroces sermones de
Turcis, nunc subitò consilescunt: & dicuntur indu-
ciæ factæ per Gallum. In Belgico sunt magni appa-
ratus, & non obscure minantur N. Regi. Sed mul-
ta alia suspicantur. Deniq; nihil possum de Repu-
blica

blica certi scribere. Quare rogabis Deū, ut ipse gubernet et seruet nos. Macedo propter uariolos non prodit in publicum: sed iudicans à morbo nihil esse periculi. De te interrogat, quoties ad eum uenio, teq; amanter iubet salutare. Narrabat enim mihi nuper, se Deum precatum esse, ut uitam sibi proroget: si fiet, profuturum Ecclesiæ id spero. Bene et feliciter uale.

Deus seruet et te, et uniuersam familiam tuā. Salutant te reuerenter D. Pontanus, Sturmius, et alij. Datæ 14 Martij. Et ego reuerendæ paternitati tuæ salutem precor, ac diuturnam ualeitudinem, qui adhuc admodum afflictis Ecclesijs prodesse possis.

Cuiusdam ingeniosi & docti iuuenis epistola.

S. D. Charissime pater. Etsi magno in dolore sum propter indignationem tuam, teq; oro propter Deum, ne paternam benevolentiam tuam erga me deponas: tamen si coram spectator essem totius uitæ meæ, minus sperarem fore offendit. Certè uitam amittere mallem, quam tuam benevolentiam. Illa etiam quæ de uestibus scribis, non me iubente acciderunt: et deinceps ero cautior, et curabo ne uel tui uel quorumlibet honestorum oculi offendantur. Scio me et propter mandatum Dei, et propter naturæ ordinem, debere obedien-

tiam ex reuerentiam parentibus. Tibi autem eo plus
debeo, quia multa maiora beneficia a te accipio,
quam alij filij a suis patribus. Eximia liberalita-
te praebes mihi sumptus ad optima doctrinæ stu-
dia colenda, meq; curas ordine & rectè erudiri in
ijs disciplinis quæ sunt uera ornamenta & lumen
uitæ. Talem patrem si non toto pectore uenerarer,
monstrum essem, indignissimum consuetudine ho-
minum. Rursus igitur te uehementer oro, ut si
quid feci negligenter, mihi remittas: et bona fi-
de promitto, me in omni officio fore diligenter
rem: & perfecturum summa cura & pietate, ut
mores & studia mea primum tibi, deinde alijs ho-
nestis hominibus probentur. Sæpe audio, om-
nem dolorem naturæ hominum summum esse eum,
qui in parentibus existit, propter malorum cala-
mitates & delicta. Et hanc sententiam impressit De-
us naturæ hominum, ut sciamus ab ipso & nos
& ipsum dolore affici propter nostras miseras.
Vicissim igitur filij parentibus pro tanto amore
mutuum amorem debent: & iustissimum est, nos
summa uigilantia cauere, ne parentibus, alioqui
oneratis cura & mœstitia, augeamus dolores. O-
ro autem Deum, conditorem generis humani, ut
me & te, & charissimam matrem, & dulcissimos
fratres & sorores, seruet incolumes. Bene-
uale: die 9 Iulij.

Geor-

Georgius Dei gratia Princeps in An-
halt, &c. coadiutor in spiritualibus ec-
clesiæ Mersburgensis, ac Præpo-
situs Magdeburgensis, &c.

Egregio viro D.Iohanni Spangeber-
gio, pastori ac superinten-
denti Northusianæ Ec-
clesiæ, amico nostro
perquam di-
lecto.

Gratia à Deo patre, et Domino nostro Ie-
su Christo. Gratæ nobis fuerunt lucubratio-
nes tue in aliquot pias conciones à te editæ, ac
nobis misse, doctissime Spangenbergi. Sed
non sine animi commotione literas tuas, quibus
de quibusdam, qui sui gregis homines seduce-
rent, continebatur, legimus. Neque enim nos
talibus exemplis scandali plenis, leviter anga-
mur, cum passim miseris animis, precioso Chri-
sti sanguine expiatis et redemptis, per impio-
rum perniciosos ac temerarios conatus impo-
ni, ac denuò eas pessundari cernimus. Utinam
nos quoq; ab isto gravissimo malo possemus esse
securi et immunes: ac non inter nostros etiā inter
dum huiusmodi exēpla, sed ægerrimè ferre cogere
H 4 mur.

mur. Atqui si politicus ordo hac parte suum officium diligenter aliquam o recordaretur, certò sumus persuasi, et iam ex animo optaremus, nec adeò usq; cursus uerbi Dei impediretur. Nos, Christi saluatoris benedictione, de hac re deliberabimus, an aliqua ratio possit miri, qua uerus Dei cultus in illo Comitatu institui, ac tales feces extipari queant. Rogabimus q; cœlestem Patrem, ut is ad pia nostra consilia pro salute Ecclesie suam gratiam largiatur. Interim cupimus nostra instituta omnia pijs tuis precibus candidè commendata esse. Bene uale, dilecte Spangenbergi. Datæ Mersburgi, die Iouis post Epiphaniæ, 7 Ianuarij, 1546.

Idem eidem,

Gratiam & pacem à Deo patre, & Domina nostro Iesu Christo, Amen. Literas humanitatis tue, quibus & de incuria typographi, & de iactu ratiua cominebatur, intelleximus: nec leuiter de isto tuo malo, tangimur. Existimamus autem non incommodam esse rationem subleuandi damni si ad suspectam illam cautionem de uisitatione Marie, tua manu lectores tantum admoneretur, quod illa te nescio à typographo sit inserta: ideo liberū illis de lectione istius hymni iudicium relinqui. Sic enim fore speramus, ut quod residuum est exemplarium, facilius extrudatur. Quod ad nos attinet, possumus ferre ut uiginti exemplaria per occasionem

casionem ad nos mittantur. Recipimus nos operam datus, ut quam commode poterunt in nostra diœcesi parrochis uendita dispertiantur. Fuit præterea apud nos Doctor Martinus Lutherus, à quo sacro ordinationis mysterio per impositionē manuum initati sumus. Is fecit tuae humanitatis honorificam mentionem. Illud ut nobis placuit, ita pollicemur T. H. non solum hoc, sed etiam alio officij genere benignam & gratosam uolumatatem. Interim commendamus nostra negotia, quæ pro Ecclesiæ incolumentate suscepimus, uestris pijs precibus. Bene ualeat tua humanitas. Date Mersburgi, sabbatho post Sixti. Anno 45.

Clariss. viro, D. Ioanni Spangenbergio,
&c. suo chariss. in Christo patri ac
Domino, Ioannes Reiffenstein,
&c.

Gratiam & pacem à Deo patre, & Domino nostro Iesu Christo. Iucundissimæ nubi literæ tue fuerunt, doctissime ac clarissime Spangenbergi. Testantur enim, te mei memoriam, qua breui conuersatione cum his præsens apud nos essem utabar, retinere. Accepi commendationem, de Basilio Michael ciue Northusano. Et quod ex me consilium potissimum queris, intelligo tuam erga me benevolam uoluntatem & humanitatem. Ego uero et si ingenui tenuitate & ruditate tam grauium

H 5 causa-

causarum satis metior: tamen explorato iudicio
nostris consistorijs, proposita causa. confidentius ti-
bi eiusdem consilium aperiam. Atque doleo istius
boni uiri calamitosam conditionem. Sed exempla
illa, noua hic nobis non sunt, ex coram nostro tri-
bunali ea crebro conspicimus. Nostri hac mundi se-
necta Sathanam, illius tanti ordinis non leuem ho-
stem, illum miserum sexum nescio ad quae non scan-
dala exagitare.

Cæterum quod ad rem attinet, incertum est, an
nostra Ecclesiastica iurisdictio ad Northusanos
extendatur: cum non dubitetur iurisdictionem i-
stius loci secularem (ut uocare) ad Duces Saxon-
ie pertinere. Deinde in hoc casu non reperiuntur
causæ sufficienes procedendi in diuortium:
ita ut alteri parti, innocenciōi forsitan, libera fa-
cultas relinquatur uel ducendi, uel nubendi. Ori-
tur omne disfidium inter has partes (si recte me-
mini) aut ex bonis dotalibus, aut ex donatione
propter nuptias: et quod illa muliercula in re fa-
miliari, et cura mariti, seu etiam liberorum ui-
deatur esse negligentior. Consilium igitur adhuc
esset, tentare inter eos reconciliationem certa ra-
tione per cautionem aliquam, aut alium modum,
quam circumstantiae existimabuntur requirere.
Si tamen senatus Northanianus, consentientibus
et compromittencibus partibus suæ iurisdictio-
ni con-

in consistorium remitterent, non denegaretur iisdem partibus iusticia: seruato iudicario processu, qui in ducatu receptus, & per constitutiones uera bo Dei conformes, ac moribus his non tam com modas atq; etiam necessarias ordinatus est. Credo sic tandem istius boni uiri in columitati ac saluti parvulorum suorum posse consuli. Nihil hic certi definio, charifime domine: uos perspexeritis optimè, quid cause & partium ratio patiatur. Volui hæc ad postulationem tuam, quantum ego quidem iudicio nostrorum superiorum edocui, & causibus quotidianis expertus sum, breuiter respondere: non quod illa tanquam Apollinis responsum amplecti, sed potius aliorum etiam sententias rogare debeas. Hinc bene ualeas in Christo saluatore nostro, quem pro me piè inuoces, ac me tibi perpetuò commendatum habeas. Date raptim, in uigilia Trinitatis, Anno, &c. 46.

Georgius Princeps in Anhalt, &c. reuertendo uiro D. Ioanni Spangenbergio,
&c. pastori & superintendenti ecclesiæ
Eislebiensis, nostro in Christo
dilecto.

Gratiam et pacem in Christo saluatore nostro.
Humanissime uir, literas tuas legimus, in quibus
nobis commendas bonum optimè literis. in-
stitutum,

stitutum, Ioannem Rincken. Quantum ad hoc negocium attinet, quod scribis, prouinciam notaria eius aliquando uacaturam, & discessurum ab hoc officio M. Ioannem Reiffschneider: hactenus nihil ea de re constitutum est, nec suum animum patet cit M. Ioannes. adhuc in suo ministerio perseverat. Cum autem non sit in nostra, sed aliorum pontestate, recipere alium in suum locum: multi sunt, quibus antea spes de hac conditione facta est. Ideo nihil certi & huic Ioanni Rincken, cui tamen summa gratia & clementia bene cupimus, respondere aut promittere poterimus. His breuibus nos & Ecclesiam Christi, quae iam non leuiter premitur, & omnia negotia Ecclesiastica, quae sunt grauiissima, tuis pijs precibus commendamus. Bene & feliciter uale. Date Mersburgi, 27 die mensis Iunij,
1548.

Idem eidem.

Gratiam & pacem in Christo. Accepimus literas tuas, humanissime uir, in quibus pro N. intercessis iterum. Adhaec autem tibi iam nihil respondere possumus. Etsi illi plus permissum sit, quam aequaliter fuit: tamen tuis precibus fruatur, donec nostros Vuarndorfium miserimus. Quod fiet intra duodecim dies: ubi pro ratione negotij, & propter tuam intercessionem clemens accipiat responsum. His breuibus & nos & nostram Ecclesiam tuis

tuis pijs precibus commendamus. Vate in Christo.
Date Mersburgi, 5 die mensis Aprilis, 1548.

Reuerendo uiro, eruditione & uirtute
præstanti, D.Ioanni Spangenbergio, gu-
bernanti Ecclesiam Dei in ditione illu-
strium comitum in Mansfeld, suo
amico colendo, Philippus
Melanchthon.

S.D.Reuerende uir, & amice charissime. Hic
Wolfgangus Fulla Saltzburgensis, uir doctus &
honestus est, & D.Iusto Moenio & mihi diu no-
tus & probatus, poterit utiliter in schola uel in
templo seruire Ecclesiæ Dei. Quæso ut eum com-
pletearis & iuues: bene collocabis officium. Ego
nunc plura scribere non poteram, quia iter ingres-
surus eram ad quoddam scholasticum negocium.
Quare des ueniam breuitati literarum. Tibi et fi-
lijs carmina mitto. Bene uale, die 19. Martij,
quæ est cœnæ in Bethania cum La-
zaro resuscitato.

Clas-

Clarissimo viro, pietate, uirtute & erudi-
tione eximio, D. Ioanni Spangenbergio,
summo Ecclesiæ Islebianæ pastori
& superintendenti, domino & amico
suo in Christo plurimū obseruan-
do & amando, Philippus
Bechius S. D.

*Decet nos, qui Christiani dici aut haberi uolu-
mus, piros & adflectos exules nido & lecto suo
propter Euangelij confessionem pulsos, omni ope
& auxilio adiuuare: eosq; uiris pietate, doctrina,
& omni uirtutum genere præclarissimis, studiose
commendare. Quare non succensere nobis debes,
uir clarissime atq; optime, quod literas ad te meas,
nullo uerborum lenocinio comptas, dare non eru-
buerim. Me namq; picias atq; officium boni uiri,
& Euangelij amantis, spome quasi impulit, ut Io-
anni Valentino Deygero, amico meo summo, qui
uarijs atq; infinitis propemodum ærumnarum at-
que misericarum procellis expositus est, hac mea
commendatione gratificarer: quam eo quidem a-
nimò te, quo scripsi, suscepturum esse, non d ffa-
do. Commouebunt igitur te, mi doctissime D. Span-
genbergi, non mea solum, sed aliorum grauissimo-
rum uirorum commendationes, quibus illi adesse
quam promptissime uoluerunt. Puto autem illum
non*

45

non mea uel aliorum commendatione solum esse
dignum, sed etiam tua & aliorum pietate, doctrina
ac uirtute clarissimorum virorum: cum summa
animi constantiam inter suas calamitates atq; mi-
serias, quibus ille discruciat, perpetuo retineat,
nec quicquam contra Deum illorum causa facere
statuat. Nam Euangeli confessionem atq; uocatio-
nem ad docendum omnibus rebus humanis, uitæ et
fortunæ anteferre debemus, si modò regnum Christi
saluatoris nostri cohæredes esse uoluerimus. Qua-
re cùm illius desertionem ex mandato factam esse
uideamus, meritò illum tibi quàm commendatissi-
mum babere debes. Habebis autem illum tibi sum-
mopere commendatum, si uel tua uel alterius viri
ope & auxilio pro virili quisq; sua liberaliter fue-
rit adiutus. Cogitabis illius præcepti quod apud
Phocylidem extat, cuius uerba sunt hæc:

πάντως οὐδὲν δίδεις, μήδε αὐτον εἰλθέμενον εἴπεις.
πληρώσας σέο κεῖρε εἰλεον χρήσονται ταφάρχα.
εἴτε γονεὶς οἰνος δέξαι, ναὶ τυφλὸν οὐδέγει.

Sed non puto longiori sermone ad commendan-
dum illum, uel te potius hortandum, atq; tibi per-
suadendum, opui mihi esse: cùm sciam ex alijs, te
erga peregrinos, præsertim tuæ farinæ homi-
nes, & exules etiam pios, semper esse quàm o-
ptime effectum. Quare ut tandem concludam,
te mē

te mi humanissime atq; doctissime D. Spangenbergi, uehementer oro atq; obsecro iterum atq; iterum, ut latè et benignè exulem iam prænominatū hospitij tui iure suscipere, atq; illi ad uiaticum parumper præbere digneris, quò commodius ad suos liberos longè dulcissimos, Argentorati uitam agentes, redire queat. Sed non dubito, quin illi proueteri tuo more, sis omnem benevolentiam Christi nomine, quē dies noctesq; confiteris, exhibitus, cum sis ueræ pietatis quam amantissimus. Hæc sunt, quæ breuiter ad te scribere amici causa uolui. tu modò fac, ut quicquid à me profectū est, optime cōsulas, meq; et Valentinū tibi semp habeas commendatum. Vale, atq; in annos usq; Pythios cum omnibus tuis quam felicissimè uiuas. Datæ Lipsiæ, subito, Mense Octobri. 1549.

Pastori pio iuxta ac docto uiro, D. Ioanni Spangenbergio, apud Northusanos concionatori, domino & amico non uulgari, Ioann. Stigelius
Tyrigeta S. D.

Hec tibi præmissa Spangberge diserte salute,
Mittimus imparibus uerba ligata modis:
Hinc ubi ceruleas flauis lauat Albis arenas,
Albis in Arctoas qui uada uersat aquas.

Forsan,

Forsan, ut impressæ diuellis uincula ceræ,
 Vnde tibi hæc ueniat litera missa, rogas?
 Ne mirare, licet nullo tibi cognitus usu,
 Nec fuerim noto iunctus amore prius:
 Cùm tamē ingenuis faueas Spägeberge Camœnis,
 Quas odio nostro tempore uulgas habet:
 Cumq; sit inter se quiddam commune poetis,
 Non minimus quorum tu quoq; sacra colis:
 Hinc mea Musæ rumoribus excita famæ,
 Ardet amicitiæ fœdus inire tuæ,
 Adde quòd hic qui nostra tibi Georgius offert
 Scripta sibi à nobis exigit ista dari.
 Nec prius à nobis discedere sustinet, ad te
 Quàm faciam imparib. carmina clausa modis.
 Hunc tibi, cum doctos ueneretur ametq; Poetas,
 Ingenuasq; artes sedulus ipse colat:
 Sic commendando, ut eum, qui commendabilis ipse
 Ingenio cultis moribus esse potest:
 Edita cum placida tua carmina mente retracto,
 Iudicio soleo sæpe probare meo.
 Ingeniumq; tuum diuinis laudibus orno,
 Quòd tanta Musas sedulitate colat.
 Nam quamuis sacri tractet mysteria uerbi,
 Et doceat summi dogma salubre Dei:
 Non tamen Aonidum teneris fastidit in hortis
 Ludere, & ad ripas Pegasis unda tuas.
 Hinc tibi Pieriæ referent bona præmia Musæ,

Et ducent nomen posteritate tuum?
 Hinc merita ornabunt inuenes tua nomina laude,
 Quos iam Parnassi per inga raptat amor.
 In quorum numero si me digneris habere,
 Non hos, quotquot erum, ultimus inter ero.
 Interea aspiret dextrum tibi carmen Apollo,
 Sufficiens uires in tua uota, uale.

Clariss. viro, Domino M. Philippo Melanchthoni, seruo & discipulo Christi fideli, fratri charissimo, Martinus
 Lutherus.

G. & pacem. Mittimus ecce propositiones Disputationum, optime Philippe, quas nostro roga-
 tu digneris distribuere Theologiae candidatis: &
 simul nomine nostro inuitare omnes ad disputa-
 tionem, die & loco nominatis. Non enim opus
 esse credo, isthic in ualuis figere, nisi tibi consul-
 tum uidetur, cum peregrini sitis, non in loco V-
 nuuersitatis. Cum ueneritis autem, inuenietis in
 ualuis fixas, more & stylo solitis: tum etiam ad
 prandium solenniter uocabimus uos. licet (ut no-
 sti) cuperemus scire, quot uestrum sint uenturi.
 Erit Aula die 16 Crucis. Nos leti expectamus uos.
 Nam nunc altera coniunctio transiit innoxia: &
 in tribus diebus ne naturale quidem funus fuit.
 Hodie

Hodie unum fuit, sed nihil ad pestem. Ex A*la*
la nihil percipio de Synodo ista, quam significas.
Fortè mysteria tanta nos studiò cœlant. Et liben-
ter ignoro tanta mysteria. D. Bruck hodie ad-
uenit, quem cras adibo, si potero. Nam heri & ho-
die perpetua diarrhoea laborauit: ex debilitatu
sum corpore, eo quod somnus me fugit, ex cibum
nullum cupio. Et potu destituimur. Spero cras
melius me habiturum. Quindecim sedes habet
hoc biduo. Scribe mihi, an deuoraueris lite-
ras istas Principis: quibus (ut scripsi) uehemen-
ter fui, tua causa, perturbatus. Et quomodo ua-
leas. Ego (ut legisti) suspectos cœpi habere istos
legatos tuos. Nostri perfidum & perditum illum,
discipulum meum. Et habet ille multos communi-
cantes, non dissimiles ei. Dominus gubernet & con-
seruet te, Amen. Dominica post Bartholomæi,
Anno 1535.

Omnibus lectoris has literas, Rector, Ma-
gистri & Doctores Academiæ Vi-
tebergensis S. D.

Quisquis est hic peregrinus, qui se ait Persam
esse, et quidē filiū regis Persarū: tamē cūm peregrī-
nus sit et mancus, simus memores mandati diuini,
qd' præcipit hospitalia officia tribui peregrinis, q
menunē iniuria afficiunt. Sic enim dulcissime scripū

I n est in

est in Deuteronomio, capite decimo: Deus facit iudicium pupillo & uide, amat peregrinum, & dat ei uictum & uestitum. Et uos amate peregrinos, quia uos quoq; fuistis exules. Cogitemus de nostris miserijs. In tanta confusione uitæ accidere singularis conuersio fortunæ potest, ut dicitur:

Irus & est subito, qui modò Crœsus erat.

Narrat se Romæ baptisatum esse: & postea cum uoluisset militare contra Germanos, ademptam ei esse annuari pensionem, quam prius habuerat. De hac eius narratione nihil disputationis: tantum hoc affirmamus, Lipsiæ & Vuitebergæ honestè uixisse. Et quia nec Germanicè nec Latinè loqui potest, Italicè utcung; loquitur: dedimus ei consilium, ut in Italiā rediret. Et aliquid uiatici dedimus: & oramus alios, ut & ipsi homini misero opem ferant, propter Deum. Sicut semper gens Germanica fuit officiosa erga peregrinos. Si Persa est, cogitemus de Danielis exilio in Persia, & de Cyro: & de beneficio Persarum, quæ hoc tempore nobis præstauit. Toto hoc quinquennio retinuit Per-

se Turcicum tyrannum, qui alioqui in Panonia & Germania grassatus esset.

7 Iunij. Anno 1555.

Clariss. viro & domino, Cordato, Ecclesiae in Stendel Superintendenti dignissimo, domino suo, & fratri in primis uenerando, Ioann. Bugenhagius
Pomeranus.

Gratiam & pacem per Christum. Mittimus ad te, charissime D. Doctor, hunc meum Pomeranum, quem speramus gratum fore istuc Ecclesia Christi. De rebus uestris sic respondeo. Dum istuc Euangelium sincere prædicatur, & sunt qui libenter audiunt, gratias agite Deo, quod labor uester non est manus in Domino. Reliqua, quæ uos isthic forte grauant, patienter propter Christum fert: & donec Deus det meliora, pergite seminare. Deus dabit nutrimentum, & Deus pacis erit uobiscum. De nostris rebus omnia narrabit tibi hic noster Christophorus, mihi carissimus. Christus sit tecum, cum uxore & liberis, cumq; Ecclesia uestra in æternum. Salutat uos uxor mea, & liberi mei. Salutat te uenerandus pater noster Lutherus, & dominus Philippus Melanchthon, doctor Crucigerus, & alij mei adiutores. Ex Viteberga, 1544. altera post Michaelis.

D. Ioanni Cosnio Sebastianus
 Marsthouius
 S. D.

Postquam ueni in Germaniam, duxi ad te, quā-
 primū nactus essem tabellarios, scribendum esse
 & de meo itinere, & de ratione studiorum quam
 in hac Academia instituit: mentī enim te magnō-
 pere à me concendere, cārō isthinc discederem,
 ut quād sēpissimē ad te literas darem. Cūm au-
 tem me singulari amore complexus sis, & summa
 fide ac diligentia ingenium meum ad optimas ar-
 tes institueris ac traduxeris, facerem turpiter, ni-
 si intelligerem quantum tibi debeam, & tibi ui-
 ciissim gratificari omni officij genere studerem.
 Quare libenter scripsi ad te, ut gratitudinis meæ
 tibi specimen ostenderem. Ad id accedit, quod
 cūm ad amicos scribo, uideor mihi uelut domi &
 in patria esse: cuius recordatione mirificè dele-
 ctor. Sed ut de itinere breuius dicam: perueni Dei
 beneficio saluus & incolumis ad hanc Acade-
 miam. comites habui ad oppidum quoddam, quod
 in uicinia est, plenos humanitatis mercatores quo-
 dam, quorum mihi officia nulla in re defuerunt.
 Ingresso in urbem, casu fit obuiam Philippus. Id
 ego quidem uelut bonum omen interpretor: & ut
 fit

sit faustum & felix, Deum precor. Is, et si non
 dum inter nos esse noticia potuit, tamen comi-
 ter me salutauit. & cum peterem, ut mihi hospi-
 tis domum monstraret, mandat adolescenci, ut
 eō me deducat. Habeo autem hospitem cū pri-
 mis honestum hominem, tum etiam eleganter ui-
 uentem, & amantem Sarmaticæ gentis. Lite-
 ras tuas domino Philippo reddidi, qui mihi offi-
 cia sua liberaliter pollicitus est, cū quadam cont-
 memoratione sui studij erga nationem Poloni-
 cam. Et ut audio, tribuit ingenij nostræ genit
 singularem laudem acuminis & industrie. Po-
 stea ceipi audire prælectiones, ubi audio ma-
 gnam esse facultatem studiosis, quocunque in ge-
 nere doctrinæ uersari uelint. Nam Latinæ &
 Græcæ literæ diligenter traduntur, & tractan-
 tur singulari perspicuitate & felicitate omnes Phi-
 losophicæ partes. Quare quod faustum & fe-
 lix fit, huius Academiæ studijs me frui gaudeo.
 Ac de studijs quidem scribam copiosius, ubi mi-
 hi certam discendi rationem præscripsero. Nunc
 quidem, ut in primo aditu, degusto omnes præ-
 lectiones. Delectat etiam me huius urbis tran-
 quillitas, apta Musis. Et magna est hominum, &
 præcipue scholasticorum coruitas. In sacris riti-
 bus nihil uidi, quod magnopere dissimile sit à no-
 stris. Quare meritò succensandum est nonnullis.

qui his hominibus horribilem quandam et plus quam Cyclopicam barbariem tribuunt. Qui cum tales spargant fabulas, magis morbum animi sui declarant, quam prosum Reipublicæ. Sed de his rebus scribam alias. Ego enim haec communia literarum et humanitatis studia amplecti decreui, quæ coluntur hic satis feliciter. Nec admisceo me disputationibus, quarum dijudicatio non pertinet ad meam etatem. Illa tanum de moribus urbis commemorauit, ut intelligeres, meos etiam mores in tutto esse. Et professores solent magna cum grauitate de modestia in omni officij genere præcipere. Bene uale, 1536. Mense Maio.

Dilecto nostro Philippo Melanchthoni, Episcopus N Parisiensis, nunc Cardinalis, S. D.

Ex tuis literis, et eius qui has tibi reddidit, Fos sa sermone intellexi, quo sis in rempublicam Christianam animo, in ijs præsertim rebus quæ ad conjunctionem omnium gentium pertinent: quod nostrorum hominum nemini non fuit apprimè gratum, mihi vero etiam suprà quam dici potest iucundum. Nihil est enim quod tam uehementer cupiam, quam hoc, ut illa dissidia, per quæ iam diu labefactari Christi Ecclesia cœpit, aliquando recte componantur. In hanc pacificationem mi Melanchthon, propter

propter Deum, quantum potes, incumbe. Habebis consentientes bonos omnes: & in his, summae authoritatis hominem hunc Franciscum Regem, cum titulis ac nomine, tum uero (quod ego longe pluris facio) ipsa Christianissimum: cum quo si se mel nostra consilia mature comuleris, quod fore breui uideo, nihil est quod de uestro congressu non sperem. Faciat Deus, ut quam Romae interim, quo nunc proprio, operam cogito, eandem utroque praestare possim. Sed nunc deerunt, qui id munieris gnauiter exequantur. Reliqua ex hoc Fossa, eodem tuo, & eodem nostro, cognosces. Curabo, ut quam de me sentio, me excitasse apud te boni expectationem: eam Dei benignitate fertus uideor sustinuisse. Vale ex Fano Querini. Die 27 mensis Iulij. Anno post Christum natum 1535.

Georgij Sabini ad Principem quendam Epistola.

Cum Celsitudo uestra singulari me beneuolentia complexa sit, nihil magis uelim quam uicissim meam gratitudinem V. C. testatam effici. Non minus enim mihi laborandum esse statuo, ut pietatem ac fidem meam C. V. probem, quam ut de studijs meis bene sentiat. Itaque pollicor C. V. me per omnem uitam daturum operam, ut omnes intelligat, me nihil maius atque antiquius uestra beneuolentia

I s ducere:

ducere: quam quidem multis de causis plurimi fa-
 cio. Primum enim plurimum refert, tegi et defen-
 di à C. V. Deinde ipsa me uerustatis uestræ admi-
 ratio mouet, ut non possum non amare C. V. post-
 quam cognoui tantam humanitatem cum ceteris
 uirtutibus coniunctā esse. Quare statuo, mihi sum
 ma pietate et gratitudine per omnē uitam V. C. co-
 lendum esse. Cum aut̄ spes omnes studiorū in C. V.
 positas haberem, decreui exponere C. V. studiorū
 meorum conditionem. Diu iam molior profectio-
 nem in Italā, ubi et iuri discendo et eloquentiae
 studijs operā dare cupio: et ad hoc me multi pru-
 dentes et eruditi uiri hortantur, propterea quod
 hanc dicendi et scribendi facultatem putant ube-
 riorem et suauorem fore doctorum consuetudine
 in Italia, qui in hoc genere nostris hominib. longè
 antecellunt, et habet ipsa peregrinatio per se ali-
 quem fructū. Hactenus autem impedit hæc mea
 consilia, angustia rei familiaris: quæ non est igno-
 ta C. V. Quare supplex oro, ut C. V. subsidium ino-
 piæ mee ferat, ut inchoata studia absoluere pos-
 sim. Fortassis impudenter facere videor, quod cū
 ante à V. C. libris instructus sim, nunc ausim in-
 super maiora petere. Sed nouit C. V. uetus prouer-
 biū, Pudorem egenti inutilem esse. Et cum ne-
 mo intelligat uim et dignitatem artium, quam
 C. V. spero fore, ut C. V. boni consulat petitionem

meam

fieam studiorum causa suscep tam. Si quid autem profecero Dei beneficio, totum me addicam V. C. efficiamq; ut intelligat hec nostra beneficia apud hominem gratum posita esse. Valeat C. V.

Ad amicum quendam, Philippi
Meli epistola.

Quod faustum foelixq; sit, redit ad uos D. Antonius, cum quo mihi propter ingenij ipsius candorem uetus iam amicitia est. qui cum & humani tatem & officia tua erga me prædicasset, adiecit te mirum in modum amantem esse mei. Ego sane talis uiri amicitiae ualde gratulatus mihi sum.

Quanquam enim & nostra studia & illæ controver siæ, in quas fato quodam meo incidi, à popula ri laude abhorrent: tamen hoc mihi semper præcipuum fuit in ueris, ut probarer bonis & doctis uiris. Horum si candidos habere calculos potero, in doctorum iudicia magno animo respiciam. Dixi itaq; ad te scribendum esse, ut tibi pro hoc animo gratias agerem, ac ostenderem me amicitiam tuam plurimi facere, tecq; uicissim toto animo complecti. Etenim cum amicitia sit, ut Philosophi disputant, iusticia quedam, mutuam esse benevolentiam decet. Utinam uero præstare aliquid hoc amore dignum possem. Libelli aliquot mihi exciderunt, informes adhuc. Non enim con tingit ocium, aut tempus ad perpoliendum.

Si quid igitur horum legendum putabis, pleraque
 boni cōsulas uelim, quæ sunt inchoata uerius quam
 absoluta. Nunc recudo narrationē. Quāti Ethicorum:
 qui liber, ut scis, iusticie imaginem pulcher
 ram ac uerissimam pingit, planeq; talem, qualis
 Apellis est color in tabulis. Nemine autem rectius
 dedicauero, quām tibi, iusticie aut iuris professori.
 Itaq; curabo, ut exiet illud testimonium mei erga
 te animi. Multa in eo libro erui, atq; explicau lo-
 cos in priore omisso. Sed omnia perpurgare non
 potui. Erit igitur auspiciū nostrae amicitiae iusti-
 cia: que ut uniuersae societatis humanæ, ita maxi-
 mè uniculum esse debet nostræ cōiunctionis, quam
 amicitiam uirtutis causa colere debemus. Postre-
 mò ita me simul tibi cōmendo, ut tib: simul et pa-
 trocinium honestissimorum studiorum & litera-
 rum commendem: que si quando unquam, nunc
 maxime à bonus iuris opem & defensionem implo-
 rant. In Gallia immanis sauitia exercetur in homi-
 nes doctos & pios. G uideo uestrorum animos mi-
 tiores esse factos. Scis, nihil esse naturæ hominis
 ac iusticie inimicitius, quam uim & crudelitatem.
 Quantum igitur potes, hortaberis principes ad
 clementiam, & ad gloriam Christi. Bene
 uale. 13 Martij, Anno 1535.

Erasmus

Erasmus Roterodamus Philippo
Melanchthoni S. D.

Venerunt huc articuli quidam, sed omisis aliquot in libello, quos tamen pollicebatur catalogus. Id an casu factum sit, miror. Utinam D. Lutherus pari studio uitasset seditionum occasiones, et ad bonos mores prouocasset: ut fuit in defensione dogmatum uehemens. Ego, quoniam his tumultibus nullum video remedium, subuenio quantum licet bonis literis, quarum tamen exitium mihi uidetur præsigire. Hac in parte tu plus uales, quia iuuenis et doctior et fœlicior: quanquam promovimus et nos non nihil. Qui has tibi reddit literas, iuuenis est candidissimi pectoris, summo apud suos loco natus, cum eruditorum hominum, tum tui amantissimus. Quem plane bearis, si dignaberis tuo colloquio. Nomen illi Franciscus Dolsus, mihi domestico coniunctu probatus spectatutus: q; nihil eo integrius. Bene uale. Datae Basileæ, 19 Februarij,
Anno 1535.

Clarissimo uiro, D. Magistro Ioanni
Marcello, præceptoris suo ob-
seruando, H. B. N.

S.D. Non dubuo quin tibi nomine negligencie suspectus sim, præceptor humanissime, cum rarius ad te haec tenus accesserim, quam et te uelle sciā,

Et ratio meorum studiorum postulat. Et utereor
 sane, ne in me non modo diligentiam in studijs: ue-
 rumetiam gratitudinem erga te & obseruantiam
 requiras. Nam cum toties officia tua summa cum
 uoluntate mihi detuleris: decuit me quoq; insignē
 humanitatem tuam agnoscere, & Spartam meam
 (ut dicitur) ornare diligenter. Quare cum nihil
 prius & antiquius mihi fuerit unquam, quam stu-
 dia & mores meos probari: ex animo doleo, me
 in hanc suspicionem mea culpa incidisse. Peto igi-
 tur abs te etiam atq; etiam, ut mihi ueniam des: &
 quiduis de me suspicari potius uelis, quam aut con-
 tumacia aut stulto aliquo facto, me ad te non redi-
 se. Nam & nuper significavi, me aduersa ualesti-
 ne à studijs multipliciter abduci, propter quam et
 ab Academia M. Viti & patronorum aliquandiu
 absui. Et deinde, licet in Scholam rediisse, tamen
 exercitium styli omittere coactus sum, ut possem
 ea repetere que in absentia neglexeram. Hæ sunt
 cause cessationis meæ: quam ut æquo animo fe-
 ras, & benevolentiam tuam erga me conserues, o-
 ro. Ego uicissim & diligentiam meam in studijs, et
 omni officiū genere tibi probare conabor.

Cum autem patroni hoc tempore me horten-
 tur, ut petam gradum magisterij: duxi id tibi signi-
 ficandum esse. Etsi enim inscitiæ meæ mihi con-
 sciensum, & magno studio eorum uoluntati ha-
 cenus

Henus repugnauit: tamen cum accedat authoritas
 D. Philippi præceptoris nostri, cogor eis non si-
 ne magno meo periculo parere. Sperabam autem
 fore, cum tardius pecunia redderetur, ut possem
 per aliquot menses differre petitionem. Ideo uolui
 te hactenus ea de re conuenire. Neq; enim licuit
 hoc breui temporis spacio, ex quo redij, ea omnia
 repetere, quæ ad titulum requiruntur: & accede-
 bant multa incommoda, quæ merito me deterrere
 debuissent. Sed non potui impetrare. Nam heri ue-
 spera pecunia ex Lipsia missa est, & D. Philippus
 differri uetat, cum meo nomine ad senatum Norim-
 bergensem hisce diebus scripscerit, & sumptus pe-
 tierit. Quare necessariò mihi ad humanitatem tu-
 am configiendum fuit, & petendum ut tua com-
 mendatione & testimonio me iuuare uelis. Etsi te
 puitas ingenij & eruditionis mihi nota est, quam
 scio indignam esse tanto testimonio: tamen & me-
 diocribus ingenij aliquem locū fore spero. Et ma-
 res meos probari ut omnibus bonis, ita & in pri-
 mis præceptoribus cupio: in quibus regendis cam
 diligentiam, quam potui pro mea mediocritate,
 semper adhibere conatus sum. Cum autem semi-
 per ita senserim, iudicia præceptorum magnifi-
 cienda esse: profectò nihil nubi tristius accide-
 re posset, quam illos, quorum tot & tanta in
 me extant beneficia, secus de me suspicari.

Quare

Quare te quantū possum oro humanissime domine
ne præceptor, ut tua humanitas mihi præsidio esse
uelit. Ego uero, et si nihil præter sempiternam gra-
ti animi memoriam polliceri possum: tamen inter-
rim assiduis uotis ac precibus te & tuos Deo com-
mendabo: & oro ut pro sua infinita clementia, tibi
multiplici cum fœnore, hoc beneficium compen-
set. Vale.

Egregijs uiris, prudentia & uirtute or-
natissimis, consulibus & senatoribus ci-
uitatis Torgensis, dominis & patronis
suis summa obseruantia co-
lendis, N. N.

S. D. Clariſſimi uiri: multis argumentis mihi
cognita & perspecta est benevolentia uestra erga
meos parentes. Hac fiducia non ueritus sum uobis
per literas exponere meam necessitatem, & simul
opem uestram implorare ad sustentationem meo-
rum studiorum. Arbitror igitur, iam dudum pluri-
mis uestris notam esse uoluntatem mei patris, qui
tametsi re familiari, ut scitis, tenui est: tamen uir-
tutis amore me & fratrem adhibuit ad literarum
studia. Ac me quidem pater in Academia Viteber-
gensi aluit ferè per biennium, non sine magna dif-
ficultate, in hac sua inopia. Nec poterit pater meus
ut existimari facile potest, diutius ullo modo susti-
nere

nere sumptus, quos Vitebergæ studiorum causa fa-
cere cegor . Mibi etiam ipsi, quo magis per ætatem
accresco, acerbum est, diutius oneri esse parenti-
bus, eorumq; erga me & studia mea pietate prope
modum abuti. Sed magis niserum me iudico, cum
cogito hæc studia deponenda esse, & spemo em pa-
rensum de meis studijs conceptam, una cum sum-
ptibus & curis ipsorum inanem fore, nisi ulterius
progrediar in studijs, donec ad aliquam frugem
perueniam. Id autem omnino fore (quod Deus pro-
hibeat) video, nisi bonorum virorum beneficia
mibi opem ferat. Habeo autem præcipuam spem in
uestra erga parentes meos, & omnes honestos ho-
mines uobis netos, benevolentia. Pro ea igitur ue-
stra insigni humanitate uos uehemener oro, ut si
quam potestis concipere spem de studiorum meo
rum profectu, & mea erga uos gratitudine, deli-
beretis de aliquaratione, qua adhuc paucos annos
studia mea foueri possint in Academia Vitebergen-
si, donec ad maturitatem aliquam perueniam, un-
de & uos & Ecclesia fructum aliquem ex studijs
meis percipere possitis. Accipio autem adhuc ua-
care stipendium, quod pauperibus scholasticis so-
let conferri: eo si meis studijs consuletis, summo be-
neficio me affectum à uobis putabo. Ac policeor
bona fide, me summa diligentia daturum operam,
ut intelligatis hoc uestrum beneficium in me non.

K. male

male collocatum esse. Et hactenus quidem ita
spero me uersatum esse in studijs, ut precepto-
rum, et aliorum quibus uita et studiorum meo-
rum curriculum notum est, iudicium de me, facile
me sperem conseruaturum esse: quod ut retineam,
uel potius augeam, et uestrae in me beneficentiae
cum gratitudine et profectu in studijs respōdeam,
annutar sedulō. Quare ut me uobis in hac re com-
mendatum habeatis, etiam atq; etiam rogo. Datæ
28 Calend. Iunij, Anno 1544.

Amico suo Hieronymus B. S. D.

Non facile dixerim, quam molestum mihi tam
diuturnum silentium tuum fuerit. Quod eò scri-
bo, non ut tecum expostulem (sunt enim notæ tuæ
occupationes) sed ut meum erga uos omnes ani-
mum perspicias. Mirificè enim angebar de uestra
ualctudine. Itaque me maximo beneficio affectum
puto, quòd tandem respondisti. Misit enim mihi li-
teras tuas per proprium nuncium Ioannes post
Saturnalia. Gaudeo uos omnes Dei beneficio in-
columes esse: ex precor, ut uos perpetuò seruet
Christus. Sed Lazari tabellarius perquam inciu-
lis fuit. non enim concessit mihi tempus ad scriben-
dam longiorem epistolam. De Marcello scripsit
Eringius ante paucos dies, nosq; illa cura libera-
uit.

uit. Quod de meis uersibus scribis, ipse agnoscis,
me non satis propitijs musis uersus cedere. Sed te
men quia haec exercitatio ad absolutam orationē
prodest, in ea interdum experior ingenium: &
tu a reprehensio reddet me diligentiorum. Habet
aliquam laudem conatus honestius, ut ille ait: &

In magnis uoluisse sat est, si non datur ultra.

Noui nihil habemus, praeter literas Pontificis de
synodo, quas haud dubie uidisti. Ceterum de Cæsa-
rianis rebus omnibus hic magnum silentium est.
Tu si quid habes, nobis uelim impertas. Patruo
gratulor coniugium, & opto ut felix & faustum
sit. Matrem, fratrem & sorores, omnes meis uer-
bis saluta. Scriberem prolixius, nisi nuncius inter-
pellaret. Vale.

Dux Ernestus cuidam Episcopo
S. D.

Reuerendissime atq; ornatisime Princeps, pe-
tuit à nobis commendationem ad Reuerendissi-
mam paternitatem uestram, quidam nobilis adole-
scens, scholasticus huius Academiae, Petrus de Neu-
marck. Cum autem non dubitemus, quin R. P. V.
sua sponte & faueat ingenijs, & prouehere stu-
diosos ad Reipub. utilitatem cupiat, libenter de-
dimus huic iuueni literas, & ut haberet apud
R. P. V. testimonium morum & studiorum
suorum: & ut rogaremus R. P. V. propter nostrā

K 2 commen-

commendationem maiori benevolentia hunc insuenem complecti uelit. qui cum sit ex ditione Naubergensis episcopatus, existimauit se necessario suo tempore opem & auxilium à R. P. V. tanquam à principe suo, petere posse. Vixit hic triennum singulari modestiae fama: & in his communibus litteris, quæ prime ætati traduntur, profecit mediocriter, & nunc se ad Iuris studium conuulit. Hæc studia nullo in odio sunt, & ad humanitatem & tranquillitatem Reipublicæ prosunt, ut optimè R. P. V. iudicare potest. Nec etiam dubitamus, quin R. P. V. ad principis munus pertinere arbitretur curam tuendi atq; ornandi bonas & honestas artes, ac utiles Reipub. Commendamus itaq; R. P. V. hunc Petrum de Neumarck: & rogamus, ut R. P. V. conferat ei aliquod sacerdotium, unde studiorum sumptus tolerare possit. Reuerenda P. V. scit, hoc liberalitatis genus esse honestissimum, & hæc eleemosynam Deo gratam, et Reipub. utilem esse, iuuare studiosos honestarum artium, qui quidem pulcherrimum ornamentum sunt Christianæ religionis. In his causis speramus commendationem, præsertim à nobis profectam, plurimum ualiturā esse. Neq; enim hic recensere attinet, quæ necessitudo & coniunctio inter nos sit sanguinis. Tam illud dicemus, cum fuerit anicitia clarissimis maioribus nostris, cum R. P. V. ac singulare & honorificum

rificum iudicium de uirtute R.P.V. nos quoq; stu-
dia omnia et officia nostra ad R.P.V. deferimus.
Quare ut propter nos aliquid ad benevolentiam
erga hunc Petrum addat R.P.V. etiam atq; etiam
rogamus. Bene ualeat R.P.V.

Amico cuidam N.N.

S. Utinam amicitia tua frui possem, mi amice.
Animi duxisti enim, ad cæteras animi pulcherri-
mas dotes, & ad doctrinam egregiam, te addidis-
se summam humanitatem. Quid autem fingi aut
perspectius aut amabilius hac coniunctione & so-
cietate potest? Quare uelim tibi persuadeas, te à
me ualde amari, & fieri plurimi. Hunc animum si
possem aliquo officio declarare, profectò effice-
rem, ut exiguum & studium & amorem erga te
meum cognosceres. Mihi quoq; persuasi, me tibi
charissimum esse. Quare te rogo, ut amicitiae no-
stræ memoriam conserues, ubiq; gentium eris. For-
taffis & literæ meæ, si erunt tempora nobis æquio-
ra, testabuntur, me præclarè de tua uirtute sensif-
fe. Scripsit ad me tuus Hieronymus Papiensis, de
itinere Italico. hunc ut comitem adiungas, etiam
atq; etiam rogo. Scis illud Cyri apud Xenophon-
tem: Cum bonis uiris esse nauigationem tutiorem.
Ita & ille te expetit comitem, & fausti ominis
ducem: tu quoque talis uiri eximia probitate, fi-

K 3 de, pu-

de, prudentia & doctrina præditi consuetudinem
expetas. Habet Patavij amicum Damianū, ad quē
proficiisci decreuit. Hunc talē esse virū scito, ut ne
minē usquā ei prælaturus sis. Nec tibi Hieronymus
erit oneri. Quæso ut respondeas. Die Palmerū, 35.
Instructio pro Casp. Steinbach ministro
uerbi, ad expeditionē Turcicā 1542.

Quoniam proficiscitur commissione Republi-
cæ Argentinensis, quæ Euangelio nomen dedit, cū
alijs protestantibus: Prima cura sit, ut ipse præ-
co uerbi, & qui sub uexillo Argentinensi militant,
doctrinam seruatoris Dei ornēt in omnibus. Se-
cundò, concionator ornabit, si firmus fuerit in ser-
mone sano, conuersatione irreprehensibili, dile-
ctione, spiritu, fide, puritate. Subiecti uexillo Ar-
gentinensi ornabunt, si doctrinæ Ioannis (Ne quē
concutiatis, né ue calumniemini, et comenti estote
stipendijs uestris) paruerint: tum in terra amicorū,
tum in hostiū agris obtemperarint capitaneis,
ac huius legatis, item uexilliferis: qui uiri sunt ueri-
tatis ac honestatis amantissimi. Casparus etiā con-
cionator iam nominatis se iungat, illorum sodali-
tio intersit, quos & patronos & tutores habebit:
horum consilio & deliberatione, quando & quo-
t:es putat utile, et ædificaturū uerbū, cohortationē
habeat, maximè diebus Dominicis. Quarta: ne
uero cōciones sacrosancti Euangeliū cōtemptui ha-
beantur,

Beantur, curet ne sint nimium prolixæ, aut nimiae.
 Quinta: ita poterit proxima Dominica Caritate
 in Bischoffen concione sacra auspicari profectio-
 nem. percutatur locus in templo, qui non denegabitur,
 quando Dominus à Bitsch suos nostris iunget. Sex-
 ta: quoniam uero fidem & prudentem oportet esse
 dispensatorem mysteriorum Dei in tam promiscuo
 auditorio: uideat diligenter cōcionator, ceu bonus
 pater familiæ, ut illis demensum det etiam in tem-
 pore. Maior pars lanceatorum sine Deo, sine Chri-
 sto, sine timore Dei, et sine poenitentia uiuit. Igitur
 à gradib. uitæ impiæ, qui sunt uanitas, mentis obte-
 nebratio, excæcatio cordis et indolentia (quæ est
 ein uerrucht lebē) diligētissimè dehortetur eos, et
 obtestetur ut Christū audiāt, discāt: deponāt uete-
 rē hominē, et induātur nouo, si uelint cōtra hostes
 Christiani nominis feliciter pugnare, memores ar-
 maturæ Dei, ad Ephesios ultimo. Septima: est qui-
 dem tota Biblia epistola omnipotētis Dei, ad crea-
 turā suā: quo in ruinæ & milites pro patria pu-
 gnantes collocare libet. In Euangelio & in Paulo
 nusquam nō occurrūt argumēta copiosa, quib. cōcio-
 nator bellicus militē mactationi destinatū ab impu-
 ritate uitæ, mētione uitæ æternæ, resurrectionis et
 iudicij reuocare posset ad resipiscētiā et timorē
 Domini. Octaua: Articuli fidei, decē præcepta, ora-
 tio Dominica, primū locū habeat in concionibus,

qua de re Lutheri sermo die heerpredig mem'.
 Nona: Cum ex exercitus imperij Budæ, aut alibi confluxerit, concionator Casparus se iungat Euangelicis concionatoribus, quos haud dubie Saxo, Land grauius, et alij principes ac ciuitatum protestantes cum suis muttent. Cum ijs placide, mansuetè et modestè conueretur, colloquia misceat, que ad edificationem faciuntur: à curiosis quæstionibus abstineat, ne nomē nostrae ciuitatis propter ipsum male audiat. Neq; sit imminemor articuli, quem comitia Spirensia statuerunt, de concionatoribus utriusque partis. Quid, quo quis tempore et cum frustatu, ac apud quos aliter fieri possit ac debeat, ani madueret.

De cœna Dominica in bello administranda.

Decima: magnū est Christi carne pasci, et Christi sanguine potari; item ad hæc sacra mysteria, cù salutem purificati debeant admitti, cautissimè circumspiciendum est, ne quosuis ad Dominicā mensam admittat in tanta colluuiu hominum, ne sanctū detur canibus, et margaritæ proieciantur ante portas. Si forte conflitus cum Turca habendus est, instet, ut parati sint animi aliquot concionibus ad uerum usum cœnæ Dominicæ. Non uero admittantur promiscue ad eucharistiam, nisi de quorum fide in doctrina Christi et fide constet: qui enim indigne sumunt, sibi propriū iudicium accersunt.

Et

Et inhonorant sacramentum, non tantum indignè accedentes, sed et indignè admunistrantes. Hic nero opus fuerit simplici prudentia, et prudenti simplicitate. Aliter autem agendum est cum rudibus et cum uulgo, aliter cum ijs qui in fide Christi cruditi sunt. Undecima: ut decorum suum seruet minister uerbi et praeco Euangelij: ac ut ita maiori autoritate habeatur apud insulsum militem, nihil agat uulgarium aut sordidorum officiorum, unde se contemptui exponat: nisi summa necessitas, que legem non habet, exposcat. Habebitur enim in precio a capitaneis, uexillifero et legato, nisi ipsi met se nihili faciat.

De historia belli.

Duodecima: quod ad consignandam futuri belli Turcici historiam attinet, paret capellanus dia-
ria, et consignet quicquid singulis diebus agetur:
et communicet cum ijs, qui in similibus argumen-
tis se exercent. satis enim ocy habebit. Vbi domi-
nus Zebaoth successum dederit, ut in uetus as Hun-
garie, Thracie, Græcie bibliothecas uenerint, at
que adeo in Constantinopolim, curet modis omni-
bus ne optimis libris damnum inferatur: in quos alioqui stolidus miles sine iudicio sœuire solet. cuius
rei ingeniem iacturam in seditione agricolarum
(in der auffrur der Bauren) tulit nostra Germa-
nia. Decimatertia: tandem non obliuiscatur D.

Casparus, dicti Ambrosij, qui dicit: Dolere potero,
fletere potero, gemere potero aduersus arma, mili-
tes, Gotthos, lachrymae quoq; meæ arma sunt, talia
enim munimenta sunt sacerdotum: aliter non de-
beo, nec possum resistere. Dominus custodiat
introitum & exitum, Amen. Argentine.

D. Casparus Hedio subscripsit: Et Gerbe-
lius precatur tibi felicissimam pre-
fessionem.

Deprecatio.

Charissime pater. Etsi magno in dolore sum
propter indignationem tuam: teq; oro propter
Deum, ne paternam benevolentiam erga me de-
ponas: tamen si coram spectator essem totius nite
meæ, minus sperarem fore offensionis. Certè ui-
tam amittere mallem, quam tuam benevolentiam.
Illa etiam quæ de uestibus scribis, non me iuben-
te acciderunt: & deinceps ero cautior, & cura-
bo ne tui aut aliorum honestorum oculi offendan-
tur. Scio me & propter mandatum Dei, & pro-
pter ordinem naturæ, debere obedientiam & re-
uerentiam parentibus. Tibi autem eo plus debeo,
quia multo maiora beneficia à te accipio, quam
alijs filij à suis parentibus. Eximia liberalitate præ-
bes mihi sumptus ad optima doctrinæ studia co-
lenda, meq; curas ordine & rectè erudiri in ijs di-
sciplinis,

sciplinis, quæ sunt uera ornamenta & lumen uite. Talem patrem si non toto pectore uenerarer,
monstrum eſſem indignissimum hominum conſuetudine. Rursus igitur te uehemener oro, ut si quid
 feci negligentius, mihi remittas: & bona fide pro-
 mitto, me in omni officio fore diligenterem: &
 perfecturum summa cura & pietate, ut mores &
 studia mea primū tibi, deinde alijs honestis ho-
 minibus probentur. Sæpe audio hunc dolorem
 in natura hominum summum esse, qui in parenti-
 bus existit, propter malorum calamitates & deli-
 cta. Et hanc ropyli impreſſit Deus naturæ ho-
 minum, ut sciamus ab ipso etiam diligi filium, &
 ipsum dolore adſici propter nostras calamitates.
 Vicissim igitur filij parentibus protanto amore
 mutuum amorem debent: & iustissimum est, nos
 summa uigilantia cauere, ne parentibus alioqui o-
 neratis cura & mœſticia, augcamus dolores. Oro
 etiam Deum conditorem generis humani, ut me
 & te, & etiam charissimam matrem, & dulcif-
 simos fratres & sorores, seruet incolu-
 mes. Bene uale. Die,

Julij.

Episto-

Epistola ad amicum quendam, cuius status est: inter cætera officia Principum esse, arcere à subditis suis uim priuatam & publicam.

Sicut licita est defensio contra parem inferentem iniustum bellum in aliqua ciuili causa: sic est licita defensio contra inferentem iniustum bellum, & stabilientem impias religiones. Quia sicut innocentes in alijs causis, ut aduersus latrones: sic & in religione aduersus latrones defendendi sunt. Hoc docet ius naturæ, & ius diuinum ad Rom. 13. Eadem est ratio contra superiores in iniuria notoria. Si pater filium uelit occidere, iuste conceditur filio defensio, ut iura expressè docet. Imò princeps mandato diuino debet defendere subditos in talibus casibus, etiam contra superiorem: & omnes subditi principis eum adiuuare debent. ut si sub Turci imperio aliquis Christianus princeps esset, si Turca ei inferret bellum, nec uellet pacem facere, nisi princeps ille à religione deficeret: princeps mandato diuino debet armis tueri subditos, quantum potest. Sed quodd dicitur, Christiani non debent uti uim dicta: hoc dictum non tollit ius potestatis, quod Deus ordinavit: sed prohibet Christianis priuatis prætextu religionis inferre alijs bella: sicut Anabaptistæ inferebant. Item quodd dicitur,

dicitur, subditis non licere ut resistant' superioribus : hoc dictum habet locum, sicut in alijs causis ciuilibus, quando superior non infert iniurias notorias. Sed si superior rapturus esset ciuius alicuius filiam, ciuius posset in comiteme defendere suam filiam, & interficere superiorem. Quia haec sententiae non tollunt ius naturae. Et regula tenenda est, Quod Euangeliū non tollit magistratum & ius naturae. Hac de re scribam aliās copiosius. Bene uale. pro munere ago gratias. 1546.

Dehortatio de solitudine fugienda.

D. M. L.

Plura & grauiora peccata committuntur in solitudine, quam in societate hominum. Euam in paradiſo decepit serpens solitariam: homicidia, latrocinia & furtū committuntur in solitudine: locus & occasio datur satanæ. Deinde autem in frequentia uel societate hominum pudet committere flagitium. Christus promisit se affuturum esse medium, ubi duo uel tres in nomine suo cōgregati fuerint. Diabolus tentauit Christum in solitudine, David lapsus est in homicidium, & adulterium, tum cum erat solus & ociosus. Et ego expertus sum, nunquam s̄apius incidere me in peccatum, quam solitariè uiuens. Deus creauit hominem ad societatem,

tem, non ad solitudinem animalium & rationalium
ac irrationalium. Conitus autem est homo, ut si-
mul essent duo, masculus et foemina: ex quorū con-
iugio Deus aeternam Ecclesiam sibi colligit. Et o-
mnipotens Deus non propter solitudinē, sed pro-
pter coetus hominum sacramenta, et sacras concio-
nes, ex quibus consolationes durabiles percipiun-
tur, in Ecclesia ordinavit. At erregionē solitudo pa-
rit pessimas tristias: quæq; in mentem nobis ue-
nient, accuratius omnia mala consideremus. Et si
quid est aduersi in rebus nostris, id quam maxime
ipsi nobis amplificamus: atq; ita quasi nemo nobis
sit infelior, pessimum euenum rerum omnium
fingimus, breviter, alia ex alijs cogitamus, eaq;
omnia in peiorem partem interpretamur. Econtra
felicissimos alios esse fingimus: & grauiter angi-
mur, quod his bene, nobis autem male sit.

**Dehortatio, ne puellæ in gyros ducan-
tur: & causa cur choreæ insti-
tutæ sunt.**

Intelligimus quosdam in choreis publicis sibi li-
centiam permittere quarundam ineptiarum, que
non decent, et interdum affrunt periculum puel-
lis saltanibus. Cum autem choreæ non debeant
esse barbarici aut turpes ludi, sed institutæ sint
discipline causa, ut honesta officia adolescentes di-
scant

scant exhibere foemineo sexui: habent honestas causas choreæ. Quare non est permittendum, ut mos ad disciplinam & humanitatem institutus, deo prauetur obscenitate uel scurrilitate. Prohibemus igitur, inter saltandum in gyros circumduci puerulas, ut fit à quibusdam. Prohibemus et alia in honesta exempla. Choreæ habent nomen à choris, qui non tantum constant harmonia cantus, sed etiam gestuum & morum. Hæc harmonia non est perturbanda. Sed mos honestus, honestè colendus est. Si quis contra hoc edictum fecerit, in hunc scuere animaduertemus. Postremò petimus, ut memineritis scholam esse officinam uirtutum: et præcipue nos in Christiana schola decet piè præstare, ne propter mala exempla, doctrina religionis male audiat. Mandamus igitur, ut in omni consuetudine uitæ modesti sitis, ac tranquilli.

Rector Academiæ Vitebergensis.

Reuerendo uiro, &c. D. Doctori Iusto Io
næ, &c. Rector, Magistri & Doctores
Academiæ Vitebergensis.

S. D. Reuerende Domine doctor, et amice ca-
rißime, hodie mane tristissimas literas acceplimus,
quarum alteræ ad illustrissimum principem Ele-
torem, alteræ ad reuerendum dominū pastorem
Eccle-

Ecclesie nostre, de morte reuerendi viri et charissimi patris et preceptoris nostri doctoris Martini Lutheri, cum magna significatione modestie ingenitis scriptae fuerunt. Erat ille omnino currus et auriga Israhel, a Deo excitatus, ut Euangelij doctrinam instauraret et repurgaret, ut res ipsa ostendit. Necesse est enim fateri, per eum patet factam esse doctrinam, quae supra cōspectum ingenii humani posita est. Tali doctore et gubernatore orbati, magno dolore afficimur, non solum propter nostram Academiam, sed etiam propter universam totius orbis terrarum Ecclesiam, quam doctrina, consilijs, authoritate, et Spiritus sancti cōfilio regebat. Ac plurimum cogitatione periculorum ac tempestatum, que postquam ille ab hac statione tempestatum auocatus est, impendent, mouemur. Scimus autem te quoque magno in luctu esse propter similes causas, quibus nos angimur. Oremus igitur Dominum nostrum Iesum Christum, qui dixit, Non relinquam uos orphanos, ut deinceps Ecclesiam suam regat et seruet: et pro beneficiis, que nobis per Lutherum exhibuit, gratias agamus, et Lutheri memoriam grati retineamus. Hunc autem ad te nuncium misimus, ac petimus, ut mox nobis signices, quo die hic adfuturi sitis.

Bene et feliciter uale. 19 Februarij

Anno 1546.

Querela

489

Querela de calamitate belli.

S. D. Nihil accidit noui hoc mihi tempore & tua sollicitudine & uoluntate. Nam s̄epissimè maximum & singularem erga me amorem tuum per spexi, cùm quidem aliquando commouerint curas de me tuas, & laborem tibi abiecerint, officijs tuis gratiam nunquam. Sed hæc omittamus. Quòd in trepidatione incredibili & perturbatione omnium rerum, & confusione extrema actionum atque consiliorum urbem reliquerint, & quæ occasio fuerit discessioneis meæ, & quòd huc uenerimus cum familia mea, cognouisti siquidem, ut spero, nostri familiares istuc peruererunt. Nunc in urbe, ut ad spem defensionis, omnia sunt explicatoria & paratoria: ita maior est miseria, & calamitas gravior inter munitionum & militum damna. Nihil possum de his scribere præterea. uincit enim res omnem narrationis atrocitatem: & Syluester cùm Lipsiae fuerit, referre poterit quæ ipse uidit & audiuit. Franciscus Cramius, uir optimus, apud principem in urbe est: à quo heri literas accepi, honeste scriptas. Sed honestis consilijs locus neq; antea relictus fuit, neq; nūc ferè relinquitur. Idem ad me transmisit literas Lantgrauij, quibus respondet tuis. additæ erant & alteræ ad principem Georgium, quarum exemplum inclusimus his literis. Tuas, dubitans sanè multum ac diu, me tandem co-

L hortame

hortante resignauit Princeps: & perquam sollicitè mandauit mihi, ut hoc factum excusarem literis meis: cui quidem dixi, me arbitrari. nisi factum hoc fuisset, te molestè fuisse laturum: atq; omnino existimare, excusatione apud te non egere. Me contemplatio tam horribilis iræ diuinæ grassantis im- dies latius, & respectus meorū, & metus presen- tium atq; impendentiū insuper periculorū miris- cē perturbant: atq; sentio motus interdum animi, quales minime uellem. interdū cōsternor cōscientia cōmōrtuū mātūrū te hāc wāxōtā mātūrū: & tamē sustento, ut possum. Teq; oro, ut tuis sanctissimis precib. commendes nostrā salutē Christo. Mibiq; ueniā des, quod sine dubio dolorē tuū augeo rāwthē tñ̄' oμολεγόσαι. Mea siue fuga siue discessio data est familie meæ, quorum percusione mollicebatur an- nīmus w̄t̄: w̄t̄ cāp̄ evīcte w̄t̄ p̄t̄ w̄t̄ cāp̄. Sed te alia mihi ingentem formidinē obijciebant, de quib. scri- bendum non est: & occultus & ignotus terror qui- dam me uehemener exagitauit. Quid statuam, prorsus non habeo. Nam in patriam deuehi, quod uellem, quonodo familia mea, de qua maxime sol- licitor, posuit, non video. Dicuntur etiam Cæsareae copiae illa loca tenere, & per ea transire, subsidio uenire duci Mauritio. Etiam ex Bohemia ad- duci ferunt. In his igitur lateb̄, donec deseuiat paululum apud optimum principem. Sed quando

erit

erit hoc tempus? hoc nimirum permittendum Deo
 est. Heri putabatur aliquid copiarum buc esse uen-
 turum: sed traductæ omnes dicuntur in Salinas. La-
 te autem sunt conditiones, de quibus, ex deinde de
 nobis quid futurum sit, nescio. Optimus princeps
 Georgius ingentibus curis planè conficitur: & sua
 benignitate dum pericula auertere studet, pericu-
 lis se se inuoluit. Non enim est nunc ullus uirtuti,
 humanitati, moderationi locus. Literas misit ad ua-
 trūq; principem: quas, in quam partem accepturi
 sitis, sanè ueremur. Nos adhuc inter tam multo-
 rum afflictiones, & in publica quadam clade, pro-
 texit quidem Deus: quos etiam postbac misericor-
 dia sua defensurum esse, quam um possum, cōfido:
 & ago ei qualescumq; gratias cum meis, & illi cō-
 mendo Rempublicam: cui utinam possim opis ali-
 quid adferre iuxterit meo. Nihil fere, quod scribe-
 rem amplius, in mentem ueniebat. Transibit Syl-
 uester tuus copias Electoris. nihil spacio ei periculi
 fore: et si à militari manu hoc tempore omnia sene-
 metuenda. Vale, mi suauissime Philippe. Nostra fa-
 milia te & tuos saluat. Bornerus uir optimus, &
 pietatis ac studiorum amantissimus, mirificam o-
 peram nauat Lipsiæ: quem hoc nomine à te magis
 quam amea amari cupio. Date Mersburgi. Die 2

Januarij, Anno instauratae salutis

1547.

L 2

D.Er.

492

D. Erhardo Holtzariensi , amicissimo
suo Stolbergæ, Vitus Amer-
bachius S. D.

Ut nunquam de tua fide & amore erga me du-
bitavi, ita ante paucos admodū dies mirari coepi,
qui fieret, quod tot nuncios huc mitteres sine tuis
literis ad me, præsertim cum nonnullis huc scripsis-
ses alijs. Semper enim iustis de causis putauit, nemio-
nem te hic me chariorem habere: & id tu etiam
nonnunquam non obscurè tulisti Erharde. Quare
fac ut me tuis eleganissimis literis à tali affectu li-
beres. Volo autem ut mihi significes de tota tua
fortuna copiosissime. Est mihi aliquoties indica-
tum de tuis rebus, quam in bono & fœlici statu es-
se: eo nihil potui audire neq; iucundius, neq; gra-
tius. Rectè dictum est à doctissimo poeta: Quon-
dam Cithara canemem suscitat Musam, neq; sem-
per arcum Tendit Apollo. De rebus meis proxi-
mè satis Fuerunt hic aliquot Islebienses in nuptijs
Ambrosij: qui, quia nahi non fuerunt ualde bene no-
ti, cum isthic essem, neq; à me ipsi, neq; ego ab ipsis
appellatus quidem sum familiariter. Loguleius il-
le Crassus, & per omnia pinguis, salutabat quidem
stantem me apud alios, sed tanquam ignotissimū.
Ursam audio relictam hic iri, & propositam iri
uenalem. Magne eius opes esse dicuntur. Olfacio
non

non frustra id fieri: possit aliquis eam comparare non magna pecunia, non magno labore, precibus aut eloquentia. Nouus homo, cui quondam eram unicæ deliciæ, uix aspexit me: qui, præterquā quod est pessimè de me meritus, cum ego uicissim non leuisima beneficia conculerim in eum, nondum etiā cessat (ut audio) meam mihi existimationem quæ alioqui satis parua est, labefactare. Si is tuus est erga Vrsam animus, qui olim fuit, accelerat: fortasse redetur tibi. Ego istam gentem nihil moror, neq; etiam ei male cupio. Argenteum poculum uide breui ut habeas. Ego parturio nunc: ubi peperi, faciat primo quoq; tempore ut scias. Vale, et nos amamus. Commendo tibi Martinum, hominem profectò dignum melioriualeitudine Vitebergæ.

Franciscus Vinariensis D. Petro Suaueni,
Equestris ordinis uiro, in aula
regis Daniæ, amico suo
S. D.

Cum arbitrarer Erhardum nostrum ad te perueniatur esse, dedi ei has literas, cum quidem præter uulgaria, quod scriberem non haberem. Nam Erhardus ipsi coram exponet tibi omnem statum rerum nostrarum multo copiosius, quam in breui epistola fieri potuit. Est enim homo aulicus, quod genus scis solere moluisse; proferat. Narrabit tibito

tam historiam apparati belli, ex alia multa. Nisi Deus admirabili casu prohibuisset, bellum horrible suscipiebatur. Sed hactenus misertus est nostri Deus, ne scandalo tanto oneraremur. Te rogo, ut nos precibus tuis iuues. Benevolentiam erga me tuam, queso te, pro tua humanitate atq; fide, ut retineas. D. Ioannes Bugenhagius instaurat Ecclesias Saxonicas Brunsurgæ & Hamburgi. Ea de re arbitror illum tibi multo amè scripsisse. Est apud uos pellio quidam, cuius legi aduersus Ambisdomum criminationem ualde ineptam. Eius consuetudinem uereor tuo Principi obfuturā esse. Scis il lud, σοφεὶ τέραννοι τῷ μ σοφῶν σωστοῖς. Optarim igitur, uti Principem meliori familiaritate. Quām sit fanaticus, tale scriptum arguit. Vale fœliciter.
Pridie diui Iacobi, 1528.

Patri suo carissimo Hieronymus B.

S. D. Intellexi ex quibusdā, pater amātissime, quosdam sermones de meis moribus ad te perlatis esse. Nihil certè mihi potest accidere tristius, quām si animus à me tuus alienaretur: ac planè uitam malim amittere, quām tuam erga me benevolentiam. Intelligo enim me tibi plurimum debere, super id quod omnes filij pariter debent parentibus. Suppeditas enim mihi ocium ad colenda optima studia literarū: quod hoc quidem tempore paucissimi

eisimi p̄ tres faciunt. Quare te summa pietate et
 amo, et uero : teq; uicissim oro propter tuam
 excellente humanitate, si quid peccavi, mihi con-
 dones. Etsi spero in meis moribus nullam herere
 infamiam: tamen et hoc tibi polliceor, me in posterū
 in omni officij genere faturū diligentiores. Meā
 salutem, uitam ac studia tibi, nū pater, commendō:
 teq; oro, ne animum tuum à me alienes. Ego uicissim
 cauebo per omnem uitam, ne quid cōmittam,
 in quo uidear uiolare pietatem, quam tibi debeo.
 Bene uale.

Hieronymo B. Philippus Melanch-
 thon. S. D.

Periucundæ mihi fuerunt literæ tuae, Hierony-
 me suauissime, quod mihi memoriam nostri sum-
 ma cum benevolencia te retinere ostendis. Mi-
 rificè me constancia tua in amicitia delectat. Neq;
 uero difficeret fidem præstanti, qui neq; mer-
 cedem præstolantur in amicitia, neq; cæco impetu
 feruntur: sed uirtutis atq; humanitatis causa colunt
 amicitias. Semper autem animaduerti, nullam a-
 liam ob causam te expetere nostram consuetu-
 dum, nisi quod ingenij suavitas inuitat te ad
 complectendos studiorum tuorum socios. Ego ui-
 ciſum perpetuo quodam iudicio meo in amicitiam
 te recepi. Videba exi te non solum delectari his

meis studijs, sed uelut ab ipsa natura ad humanitatem factum esse. Nec me iudicium refellit. Nam postquam familiariter introspxi ingenium tuum, mea de tua uirtute ac fide opinio ualde confirmata est. Quamobrem, quoad uoles, hanc in amicitia conseruabo. Tcūq; adhortor, ne finas illa aut temporum aut fortunæ iniuria obrui atque extingui. Vale.

Sodali suo carissimo H. Firerius
S. D.

Cognoui te à pueris semper suisse bonarum literarum admodum studiosum, & ingenuo acri. Cùm te autem propter suavitatem morum unicè semper amauerim, non possum facere quin de studijs tuis interdum cogitem. Postquam autem scholæ in patria ne scio quo malo fatō desertæ sunt, & studia literarum nunc frigent, uehementer doleo deesse tibi præceptores ad formandum ingenium tuum idoneos. Quare duxi hac de re meum consilium scribendum esse: quod, te rogo, ut in bonam partem accipias. Nihil enim præscribo: sed singulare quodam amore tui adductus sum, ut quod tibi maximè profuturum arbitrabar exponerem. Plurimum refert, à teneris & ecclè institui in optimis. Eius rei magna facultas est in nostra Academia, in qua florent omnium artium ac disciplinarum studia: & cùm eloquence, & cum philosophia professores

sores habemus non contemnendos. Ad hoc accedunt et sacræ literæ, quarum homini Christiano cognitio necessaria est. Valde igitur optarem te
huc quam primam aduolare. Quia de re ages cum
patre tuo: qui et si sumptus fortasse metuet, tamen
expugnari poterit a te, si diligenter et magnitudi
nem utilitatis exposueris, atque ostenderis quantum
studijs tuis haec prosectorio collatura sit. Bene uale.

Patri suo carissimo. H. F.

S. D. Sperabam me literas in Lipsicis nundinis
Januarij a te accepturum esse. Ea spes cum me se-
fellisset, mirum in modum angebat. Sed paulo post
Liberasti me omni sollicitudine molestiaq; Na bre-
ui post redditæ sunt mihi literæ tuæ 10 Januarij.
Fuitq; optatissimum atq; iucundissimum, quod si-
gnificas te bene ualere. Non dubium est mihi, quod
scribis te de mea salute sollicitum esse, cum non-
dum intellexeris quicquam certi de meo itinere.
Facio enim coniecturam tui amoris: de meo uero
arbitror quoq; hac cura liberatum esse. Dedi enim
ad te literas Stephano, in quibus historia est rerum
mearum omnium. Quanquam autem non habebam
hoc tempore certum tabellarium ad uos: tamen
hanc epistolam dedi cuidam proficienti Norin-
bergam, qui si ad te peruenit, facile cognoscet me
nullam scribendi occasionem negligere. Scio enim

L 5 nullum

nullum officiam hoc quidem tempore gratius me
tibi facere posse: nec ego ulla re magis delector,
quam hoc genere epistolarum, in quibus quasi te-
cum coram videar colloqui. Et alit hæc exercita-
tio scribendi facultatem, de qua tu grauiſſimè ad-
mones, ut stylam exerceam ſtudioſiſſimè: ac for-
mam orationis, ad quam me præceptor adsueſcit,
retineam. Ego uero confilium tuum ſuauissimum,
pater, magnopere probo. Nulla enim res in stu-
dijs utrum habet maiorem, quam stylas: quem pre-
lare Crassus apud Ciceronem, uocat optimum di-
cendi effectorem ac magistrum.

De genere autem orationis ita ſtatuo, procul
ad huc me ab ea forma abeſſe, quam expeſto: &
ad quam effingendam, acerrimo studio, ſumma cu-
ra, deniq; omnibus animi atq; ingenij uiribus en-
tendum mihi eſſe intelligo. Et congerunt mihi
Dei beneficio ad hanc ſtudiorum rationem duces
probabiles. Quare tibi optima fide pollicor, me
operam daturum, ne adhortationem tuam aut illo-
rum præcepta contempſiffe, & in tanta occaſione
descendi mihi defuisse videar. Bene uale.

Patri ſuo A. R.

S. D.

Cum omnino literas à te ex Lipsico mercatu
expectaremus, uenit abs te Nicolaus miſſus, quem
non

non secus ac uiuam epistolam maximā cum leti-
 cia omnes excepimus, qui quidem uberior res om-
 nes domesticas exposuit, quām à te præscribi, præ-
 scribam tanta occupationum mole, poteram. Itaq;
 hoc tuum officium non minus nobis gratum fuit,
 quām solent esse literæ tue, quibus nihil iucūdium
 atq; carius comingere potest. Intelleximus ex Ni-
 colao, uos Dei beneficio recte ualere. Id maximā
 nobis uoluptatem attulit: & precamur Christum,
 ut uos omnes diu saluos atq; incolumes seruet. Mit-
 terem tibi meorum studiorū specimen: si id quod
 in manibus babeo, absoluissim. Institutui enim car-
 men, iussus à domino Philippo, in quo uituperem
 Coclæū, quōd hospitem Alesium indignis modis
 tractet. Nec ego eam fabulam eo nomine: sed ip-
 sius Alesij personā repræsento, ne mihi* per bel-
 lum accersam cum homine maledico. Tantum styl
 li exercendi causa ludo. Id uidebar maiore cum fru-
 etu facturus in materia primū honesta, deinde
 facunda, quæ plurimum recepit ornamenorū: sed
 sum ineptus, qui carmen nunc prædico, priusquā
 uideris. Verū non ignoras genus poeticum in pri-
 mis esse φιλαρτον. Nec quisquam est, ut inquit
 Catullus, quem non aliqua in re uidere Suf-
 fenum possis. Bene uale.

Parens

Parenti suo carissimo I. w. R.
S. D.

Nullus mercator ex nundinis Lipsicis tam audi-
dè lucrum expectat, quām nos solemus literas tuas
expectare: uerū p̄eclarē satisfecisti nobis mās-
so Nicolao. Itaq; tibi agimus gratias ingentes pro
hoc tuo officio, quōd libros nobis, quos uoleba-
mus curasti. Magnum onus imponi nobis intelligi-
mus, ut demus operam, ut tuæ summæ liberalitati
nōstra in studijs diligentia respondeat. Atque ego
quidem pollicor, me pro uirili officium facturum
esse: pudet plane uersuū, quos tibi nuper misi men-
dosiſſimos, ac factos non propitijs musis. Nam
cūm Ambrosius hinc abiret, non concedebat emen-
dandi ſpacium. Misimus tamen non ut uersus ipſos,
ſed ut ſtudium atq; aſſiduitatem meam tibi proba-
rem. Bene uale.

Sturno H. B.

S. D.

Eſi mūhi literæ tuæ gratiſſimæ fuerunt, doctiſ-
fime Sturne: tamen dicam uerè quod res eſt, pu-
duit me in hoc officij genere anteuerſti. Nam cūm
de me p̄eclarē meritus ſis, decuit me multò antē
ſpecimen aliquod meæ erga te gratitudinis mitte-
re. Malo autem ſimpliciter fateri culpam, apud te
hominem prudentiſſimum, quām desidia mea p̄e
texere inceptam aliquam excuſationem. Illud tan-
tum

tum oro, quamlibet aliam causam tamen diuturni si-
lencij, potius esse dicas, quam obliuionem tuorum
meritorum aut ingratitudinem. Haberem enim
plus quam ferreum pectus, si huiusmodi beneficio-
rum obliuisci possem. Etenim et si omnes pari fide
summa docuisti: tamen uisus es me summa semper
beneuolemia complecti. Quare tibi multo plus de-
beo, quam cæteri commilitones mei, ac uelut tibi
persuadeas summa te pietate à me coli. Atq; ego,
ut hunc meum animum re testari malim quam uer-
bis, si fortuna mea sineret. Quæ si olim dabit mihi
facultatem referendæ gratiæ, perspicies clarus be-
neficia tua apud gratissimum hominem posita esse.
Interim has literas ceu σωγαρίου mei erga te offi-
cij habebis. Quòd uero te amauer me ad studia
hortaris, gratissimum mihi est. Nec dubitas, quin
plurimum apud me ponderis adhortatio habeat
cum propter autoritatem tuam, tum propter tuū
erga me amorem. Cui enim de studijs libentius as-
seminiar quam tibi homini doctissimo? Et tum pro-
pter etatem atq; usum maximè intelligentiū ac
dignitatē literarum? Deinde si est humani inge-
nij amicorum monitis magis adfici, quam aliorū:
profecto apud me plurimum ualere debet eius ora-
tio, quo mihi secundum parentem nemo fuit unquam
amicior. Ex N. intellexi te tua epigrāmata æditu-
rum esse: quod ut facias, te etiam atq; etiam adhor-
tor,

tor, non solum ut nominis tui memoriam ad posteros extendas: sed ipsius Republicæ literarie causa, cui plurimum uelitatis acq; ornamen tuas scripta adferent. Bene uale.

Ioanni Riuio H. B.

S. D.

Quod mibi mandas, ut cum ijs commercium habeam, quorum consuetudine melior fiam: improbos uero et à literis abhorrentes fugiam, tanquam pestem: primum, ut debeo, magnas habeo gratias, quod tam officiosè res meas curas. Sequare autem hac in re Hesiodi cōfiliū, qui πολυφιλίαν improbat: quæ si unquam, imò maximè perniciosa est in his corruptissimis moribus. Cum paucis mihi familiaritas est, quibus utar sociis horum nostrorum studiorum: quæ res quantum prosint, admonet nos sapientissimis uates, cū ait: οὐρτε δυ' ὅρχουεντω, nosti enim uersum.

De sodalitio meo facile potes conjecturam facere, pro tua singulari prudentia ex hac oratione mea: in qua si quæ comparent notæ doctrinæ & studij, intelligi potest, nihil esse mibi negotijs cum ijs, qui per inertiam omnia honesta studia fugiunt. Bene uale.

Patri

103

Patrio carissimo N.
S. D.

Charissime pater: Et pro epistola tua, et pro via
tico misso, tibi gratias ago. Non nihil audiui his
diebus, quod dignum literis uideretur: nisi quod
Dryander scribit, se recens Moguntiae apud Epis-
copum fuisse: quem narrat Academiam nostram
laudesse, qui Ecclesijs conseruat studia: ac deter-
statum esse negligentiam querundam Episcopo-
rum inscholis tuendis. ac dixisse, magnas et Ethni-
cas tenebras in Episcoporum ditionibus ex ea in-
scitia scruturas esse. Hanc narrationem, quia tibi
non iniucundam fore arbitrabor, scribendam esse
duxi. Et eternum patrem Domini nostri Iesu Chri-
sti solum sapientiae oro, ut mea et publica studia
regat: et te, carissima matrem, et dulcissimos fra-
tres et sororem seruet incolumes. Bene et feliciter
nale. Dic 22 Maij.

Commendatoria.

Etiam si nulla mihi uobiscum intercedit noticia:
tamen cum intelligere Adamu nostri fortunas oes in
magno discrimine positas esse, non dubitauit ad uos
scribere, praesertim rogatus ab Adamo. Idque ut bo-
ni consulatis oro. Non dubito quin Adamum pro-
pter eximiam ingenij modestiam, fidem et dili-
genciam in omni genere, postremo etiam propter eru-
ditionem

ditionem non vulgarem ametis. Itaq; spero uobis
eius negotia ac salutem curæ fore. Sed tamen ut
intelligatis, quam opere expetat uestrum consilium
hoc tempore, et quantum sibi præsidij in fide et
amicitia uestra positum esse existimet contendit a
me quoq; ut suam causam uobis commodarem.
Quæso igitur ut optimum iuuenem tucamini ad
uersus curatoris iniquitatem. Totum negocium ex
ponet uobis ipse in suis literis. Huma. animi est, ad
fici periculo animi tanto. Tribuit autem uobis sum-
mam humanitatem Adamus. Quare rem dignam
feceritis homini docto, et officia humanitate me-
tiente, si confugientem ad uos Adamum defende-
ritis. Tali ingenio est Adamus, ut pollicear gratu-
fore. Hæc scripsi, adductus benevolentia erga Ada-
num, et commemoratione uestrarum uirtutum ac
doctrinæ, quas liberalissime prædicat Adamus.
Valete.

Amico suo Hieronymus B.
S. D.

Statim ut huc redij, bibliopolas accessi, explo-
ratus quid adferrene nouorum librorū. Ibi cum
de Bembo audio, mirifice gauisus sum, non solum
quod mihi arbitrabar contingisse, ut frui elegantissi-
mis eius uiri scriptis possem: sed etiam ut fidem
meam apud te liberarem, tibiq; promissum munus
mitterem. Sed cum iubeo promi, narrat bibliopo-
la se

la se subito uendidisse omnia exēpla. Non credas,
quām ipse mihi succensere cōperim, quōd serius
adueniſſem. Inueni tamen apud comilitonem quen-
dam meum: quod quidem sic amabat, ut nulla pe-
tunia ab eo impetrare potuerim. Sed expugnauis
eum mentione tui nominis. Etenim cūm tua in stu-
dijs illustrandis atq; ornandis diligentia ac fides
minimē sit obscura, neminem existimabis nostri or-
dinis, qui te non propter uirtutem ac doctrinam
tuam plurimum amet. Mitto tibi codicem, ut a-
liquod habeas meae amicitie m̄uūpōuwo: quod
ſpero tibi non ſolum propter scripti elegantiam
ſed etiā propter noſtrā amicitiā fore gratissimū.
Evidē agnosco, me tibi pro tuis immortalibus be-
neſicijs, non minus quām parentibus iſpis debere.
Quamuis autem in referenda gratia non possum
te cum paria facere: tamen efficiam ut intelligas,
me animo erga te gratissimo eſſe. Philippus polli-
citus eſt ſe eius rei, de qua collocuti ſumus, occa-
ſiones ſumma diligentia obſeruaturum eſſe. Intel-
ligo cum de ingenio tuo ac ſtudijs tuis honorificen-
tiſſimē ſenire. Bene uale.

Patri ſuo chariſſimo. S. D.

Chariſſime pater. Et animi gratitudinem tibi
perpetuam, Deo iuuante, præſtabo: Et nūc pro pe-
tunia miſſa gratias ago: perficiāq; ſumma dilgen-
tia, ut mei mores et ſtudia tibi probentur, ut ſepe

M ualit

mibi illud Epaminundæ dictum propono, qui inquit hunc se maximum fructum suorum laborum capere, qui adhuc haberet parentes spectatores sua glorie, qui uerè letarentur filij uirtute. Iudicauit enim dulcissimum esse, probari à parentibus. Mihi quoque summae curæ erit, ne ulla in re voluntatem tuam offendam.

Inchoavi Iuris studium, quod felix & faustum fit, nec tamen exercitia lingue Latine & Philosophiae omittam. Scio enim hac doctrina illustrari scripta Iurisconsultorum. Expectamus autem tuum aduentum, ut de tua sententia eligatur aliquis, qui me familiariter docere possit. Bene uale.

Alia.

S. D. Charissime pater. Etsi magister Erasmus in patriâ profectus est: tamen studia doctrinæ non intermitto. Abiturus enim adiunxit mihi suum concerraneum doctum & modestum uirum, cum quo repeto doctrinam de circulis cœlestibus & exercitia computationum, quæ necessaria sunt ad loca Planetarum inuenienda. Incœpi autem & institutiones quæ continent elemenra Iuris audire, quæ cognoscenda sunt non idco tantum, ut ad sīrum & ad lītē instruātur,

mer : sed multò magis ut ciuilia officia & metas rectius intelligamus, & ordinem iusticiæ in omnibus actionibus magis custodiamus. Spero me, Deo iuuante, utilem laborem in utroque generi sumere. Nam cognitio cœlestium motuum deducit mentes ad naturæ & Dei opificis considerationem, & legum sapientia mores gubernat. Et olim in Republica, Deo iuuante, instructus, hac arte melius seruire cōmuni uitæ potero. Scio autem sine auxilio Dei nullius hominis cursum felicem esse. Ideo Deum eternum Patrē Domini nostri Iesu Christi oro, ut & te & nos omnes regat & defendat.

His diebus Poloni h̄ic fuerunt, qui magnos aceruos librorum theologicorum emerunt, ut eos in Poloniam uehant. Hos audiui in mensa nostra narrantes multos doctos & nobiles viros in Polonia piè amplecti doctrinam Euangeliij, & uera invocatione Deum colere. Quare etiamsi Germaniae Ecclesiæ dissipabuntur: tamen lux Euangelij non extinguetur. Deus te & carissimam matrem, fratres et sororem seruet in columnes. Vale.

Doctrinæ uerae commendatid.

S.D. Etsi antea uerbis qualemcumq; tibi significationem ostendi gratae mentis: tamen ut me perpetuò circumferre in animo & uirtutum tuarum, & beneficiorum quæ in me contulisti, memoriam tester: hanc etiam epistolam ad te scribendam esse duxi, quam uelut ob sidem perpetuae uoluntatis mee apud te esse uolo. Nam mihi nihil prius est, quam ut patris mei & præceptorum beneuolentiam recorder & tu car. Sæpe autem mecum de literis, & de tota uitæ humanæ gubernatione cogitans, & meam et reliquæ iuuemutis stulticiam deploro: qua non satis intelligimus, quantum bonum sit uera & salutaris doctrina, qua homini nihil melius à Deo datum est. Nam hæc nos ad Deum reducit, & imaginem Dei in nobis restituit. Profectò statuendum est, post Deum plurimum deberi fidis præceptoribus, qui & custodes sint in terris rei optimæ, & diuinū munus nobis incorruptum impertunt. Et quidem in hac schola non solum eruditio docentium, sed etiam eorum fides, assiduitas, constancia in perficiendis multis magnis laboribus, quarum uirtutum spectatores simus, nobis prædicanda sunt.

Reliqua pars huius epistolæ defuit. nam describenti eam, quidam in absentia rotum exemplum huius epistolæ abstulit.

Reue-

Reuerendo viro, eruditione & uirtute
præstanti, D. Georgio Buchholtzero, pa-
stori Ecclesiæ Dei in urbe Arctoa,
fratri suo colendo, Philip-
pus Mel. S. D.

Reuerende vir, & charissime frater: scio hoc
tempore inclytum principem Electorem, et curis
& negocijs maximis occupatū esse: & oro filium
Dei custodem Ecclesiæ, ut gubernet consilia prim-
cipum. Sed tamen cūm uoluerit inclytus Elector,
me responsionem de Stancari controuersia mitte-
re, scire cupio an acceperit. Si legisti, uides mul-
tas magnas res in quæstione illa contineri: teq; o-
ro, ut significes mihi, an exhibitum sit scriptum
meum Illustrissimo Electori, & quod sit tuūm iu-
dicum. Hic tabellarius Rostochium profecturus
est, missus à senatu Norinbergensi, ut accersat do-
ctorem Ioannem Aurifabrum. Quæso ut cures
nuncio indicari iter ad Rostochium, ab ijs qui no-
runt. Mitto tibi concionem Mathesij. Bene uale,
& rescribe per hunc tabellarium, quem in redditia
iussi literas à te flagitare. Die natali Mariæ virgi-
nis matris, quam scribit Nicephorus ut-
xisse annos nouem & quin-
quaginta.

Cuiusdam excellentis & docti iuuenis
epistola, ad suum Tutorem
scripta.

Non dici potest, charissime Tutor, quam mihi
iucundæ fuerint literæ tuæ: quæ non tantum officijs
ac studijs erga me tui plenissimæ erant, uerum
etiam salutarem ad pietatis studium & honestæ
rum rerū cohortationem adferebant. Quare tan-
tum profectò mihi addidisti calcar, ut ex animo cu-
piam meam tibi probare diligentiam: ac efficere,
ut tuæ uoluntati mea officia cumulate responde-
ant. Eisi quidem benemeritis gratia est referenda,
nec tuo gratius officio nunquam mihi accedit quic-
quam: ego quoque, quantum possum pro pio in
me studio, toto pectore tibi gratias ago, quod tan-
ta me benevolentia complecteris, & optimi pa-
rensis uicem tam diligenter & studiosè agis.
Porrò etiā te uehemener rogo, ne quid prætermittas,
quod ad me pertinere existimabis: commone-
facias sedulò, ut retineas in officio eum qui tuæ
fidei est commendatus. Id ego ut hactenus à me fa-
ctum esse censeo, summi beneficij loco ducam: &
tuis monitis lubens obtemperabo, ne quod pupilli
officium desiderare queas. Et utimam omnes sic
statuerent, nihil esse magis conueniens nostro or-
dini, ac pulchrius, quam aures præbere benignas

spicu-

11

sapienter consulentibus: in me certè eam senten-
tiam tua grauissima præcepta nō mediocriter con-
firmant: quoniam, quantum reserat à teneris rea-
ctè adsuefieri, intelligo. Perge modò mi Tutor,
ut, si qua (ceu nullia homini acciditum) displice-
bunt, reprehendas. Non temerè dictum est à sa-
piencie: Meliorem esse manifestam reprehensio-
nem oculta dilectione: & fidelia uulnera diligen-
tis, quam oscula inimici contumeliosa. Quæ sen-
temiae omnium animis infixæ esse debent: ut intel-
ligamus, multum nos debere ijs, à quibus non uitæ,
sed rectè uiuendi principia accepimus. Maxima di-
camus beneficia ea, quibus ad ueram pietatem eru-
dimur: ea, quia abs te mihi sedulò sunt præstata, fa-
cile agnosco, quanis tibi sim deuinctus nonini-
bus: & quam mihi sit difficile, tecum certare offi-
cijs. Id uero agam quod mei munerus esse censeo,
ac omnibus connitar uiribus, ut tui amoris qualem
cunq; percipias fructum, & in pupillum gratissi-
mum taxum te contulisse officiorum intelligis, ut
uehementer gaudes. Vale mi Tutor, & me ut a-
imes cura.

Patri charissimo suo N. N.

S. D. Charissime pater, non dubito te & alios
multos honestos homines ualde consternatos es-
se Lutheri interitu, & quia ipsum propter e-
gregia merita erga Ecclesias boni omnes dili-

gunt: & quia metuendum est, maiores fore dissipations Ecclesiarum, postquam tantus gubernator à specula sua remotus est: tamen cum filius Dei dixerit, Non reliquam uos orphanos; hac nos uoce consolemur, & a Deo defensionem & gubernationem petamus & expectemus. Te quoq; oro, ut à luctu animum abducas: ac potius, quod sepe facis, cum Ecclesia tuas preces coniungas. Quod uero me hortaris, ui doctrinam Theologicam rectè discam: talem mihi patrem gratulor, qui mea studia referre uult non ad questionem, sed ad illustrandam gloriam Dei, & ad mores meos honestè pieq; regendos. Hunc mihi studiorum finem cum semper proposuerim, gaudeo meum consiliū cum tuo congruere. Et Deum sapientiae fontem oro, ut me gubernet. Sæpe toto pectora execror Cyclopes illos, & Epicureos, qui cum se Deus tot illustribus testimonij patefecerit, tamen eum contemnunt, & nec impiorum poenis terrentur: nec immensa bonitatis cogitatione mouentur, quam Deus ostendit prodiens ex suis arcanis, ubi se se humano generi patefecit. O ferrea pectora, quæ tanas res negligunt. Me uero, quantum possum, ad ueram agnationem & invocationem Dei exuscito, & doctrinam à Deo traditam rectè & integrè discere conor, ut sim in hoc cœtu de quo scriptum est: Ex ore infancium et lactentium perfecisti tibi laudem.

Oro

Oro etiam Deum, ut meam sororem seruet incolumem, et adiuuet ut feliciter pariat. Postremo rogo, ut telam mihi ad faciendum thoracē et caligas mittas. Bene uale.

Alia.

Charissime Pater. Postquam hic nunciatum est, quatuor & uiginti horrea incendio perisse, quorum pleraque adhuc frumenti plena fuerunt: et in his tuum horreum una conflagrasse, ualde consternatus sum: & incœpi (ut fit in dolore) gemens & lachrymans, animo repetere detrimenta quæ antea accepisti, et publicas difficultates huius temporis, ac nostræ ciuitatis inopiam: quarum rerum omnium cogitatio mihi mœsticiam ualde auxit. Moueor & priuatis & publicis incommodis: sed multo magis de te & matre sum sollicitus, ac ueror hanc mœsticiam uobis morbum aliquem allaturam esse. Etsi autem scio te uirum præstanti uirtute & robore animi præeditum, res aduersas moderatè ferre: tamè ad te scribendum esse duxi, quo te hortarer, ut uel propter matrem tuum dolorem fortius reprimas, & illam eregas illis consolatiōnibus quæ nobis in cœlesti doctrina proponuntur, quas optimè nosti. Castigat nos Deus, non ut funditus nos opprimat: sed ut ad iuocationē nos excusat. quam si præstabimus, Deus haec damna nobis sarciet: ut & lobo & multis alijs amissas fa-

cultates restituit. Hæc et sepe cogitato, et matr̄ recitato, eamq; à cogitatione huius aduersi casus tua suavitate abducito. Ego quoq; Deum orabo, ut leniat uobis difficultates omnes propter filium suum: quem ad nos misit, ut foedus cum humana natura faceret, ut hac eterna copulatione testaretur se uera cura adfici generis humani. Bene uale.

Alia.

Charissime pater: Cūm sciam te pericula praesentia ante aliquot annos præsensisse: spero te etiam præparasse animum ad ea sapienter ferenda, quæ iam accidunt. Teq; oro, ut te ab dolore abducas, quando omnino potes: et cogites, nec omnia humanis consilijs regi posse, et uoluntatē Dei esse ut petamus, ut ipsæ res inextricabiles sua mirabiliter bonitate extricare uelit. Spero certè nūc exauditurum esse gemitus nostros. Hoc igitur cogibis, ubi filius Dei inquit: Nemo rapiet oves meas ex manibus meis. Hanc meam commemorationem, etiamsi non est necessaria, tamen scio tibi nō ingratam fore. Nec argumentum aliud hoc tempore habebam. Ex Hamburga scribitur, Gallicum inferre bellum Anglis tanta classe, quanta in ea Oceani parte nunquam uisa est. Cætera desiderabantur.

Alia.

Charissime pater: Deo æterno patri Domini nostri Iesu Christi gratias ago, quod te reduxit domum: ac toto pectore eum oro, ut nos omnes immensa misericordia sua seruet et regat. Ni si enim auxilio Dei iuuemur, neque cœtus hominum seruari, neque uitam tueri singuli possunt. Adfirmat autem filius Dei, se custodem et Ecclesiae et omnium inuocantium esse. Et sicuti in hæsterna concione de Samaritano audiuimus, imponebit nos filius Dei suis humeris gestandos, sicut ille Samaritanus saucium uiatorem iumento impo suit: et sua manu uulneribus nostris medetur. De studijs meis uoluntatem tuam sequar. Ego quidem decreui iuris doctrinam discere, et in ea uocatione Republicæ aliquando seruire: si tamen et sententia et authoritate tua hanc meam uoluntatem probabis, et tua beneficentia me adiuvabis. Ac oro filium Dei, ut totum uitæ meæ cursum regat. De negotijs publicis, et si multa hic feruntur: tamen hanc unam historiam literis dignam esse iudicavi, cuius lectionem tibi etiam non iniucundam fore speravi. Venit huc quipiam ex Gallia nobilis vir ac doctus, qui narrat honestissimam matronam uiduam Budæi, unam cum filiabus Lutetia migrasse ad Calvini Ecclesiam, ut ibi et uocem Euangeliū audiat: et lon-

gius absit à sæuitia, quæ in regno Gallico aduersus Euangelijs studiosos exercetur. Hoc exemplo matronæ valde moueri multos homines in Gallia, idem affirmat: propterea quod mortui mariti sui, doctissimi & grauissimi uiri, iudicio existimatur hanc doctrinam amplecti, de qua ipsum multa piè differuisse ante mortem constat. Nos quoq; talibus exemplis confirmemur: neq; fracti animis, confessionem ueritatis abijciamus. Deus æternus pater Domini nostri Iesu Christi, scruet te, & carissimā matrem nostram, & fratres & sororem. Bene uale: Die 16 Septembris.

Clarissimo pariter & doctissimo uiro,
D.Ioanni Hessō, theologo eximio,
& patrono suo, P.Mosel-
ianus S.

Puer ille Ioannes Seidliceus, quē superiore anno nobis accuratè commendasti, iam sumptum fecit hic annum totum et amplius, Camitianū, hominis ut mihi egregiè amici, sic insigniter docti, conuictu. ei enim adolescentulum curandum commendaram. Sumptus autem quos fecit hactenus, surgunt in aureos quadraginta. nam tantum expensum est pro cibo, potu, uestib. libris, medicinis, sine quibus uita humana transfigi non potest. Iam tu cogita quām indignum sit, bonum uirum Camitianum

tianum pueru diutius credere. Semel atq; iterum
 scripsit super hac re Mattheolo nostro, scripsit et
 alijs, sed hactenus frustra: ut planè suspicio &
 mhi & Camitiano oboriatur, aliquid monstri ali-
 nempe adolescentem natura præferocem, à parte
 subinde pecuniam quidem accipere, sed magistro
 suo non numerare: ut est inuenitus ad eas artes plus
 satis ingeniosa. Iam cogitare facile potes, hic pe-
 ricitari fidem cùm mean, tum maximè tuam. Tu
 mhi bona fide commendasti puerum: ego eadem
 tradidi Camitiano erudiendum. Iam officij nostri
 est, operam dare, ut quod debetur homini, persola-
 uatur. Bonus est uir, nec minus doctus ex fidus. Ur-
 ge itaq; patrem, ut creditum soluat. Porrò quòd ad
 adolescentem attinet, Camitianus negat ultra se
 eius curam gerere aut uelle, aut posse. In causa est
 adolescentis incredibilis ferocia: quam frangere,
 quando flecti non potest, saepe frustra conati su-
 mis multi. Breuiter, ut est adolescens egregie inge-
 nosus, sic indomitus. Discit tamen, Martē interim
 spirans. De rebus nouis nihil, nisi quòd regem Gal-
 lie aiunt magno exercitu in Allobrogum finibus
 castra metiri. Quo consilio, quā ue spe, nescitur
 adhuc. Martinires in tumultu sunt. Ipse nescio quòd
 abductus est ab amicis, ne præda fiat hostibus. Re-
 tum facies tota mhi dispergit: sed fiat uolum as Do-
 mini. Vale, Lipsiae, 1521. pridie corfornis Christi.

Erudi-

Eruditione & uirtute præstanti uiro, M.
Andreae Kegel, gubernanti studia litera-
rum in oppido Eisleben, amico nostro:
Rector, Magistri & doctores Aca-
demiæ Vitenbergen-
sis S.

Valde dileximus uirum clarissimum Casparum
Crucigerum, doctorem Theologie, sacerđtuum,
collegam nostrum, propter ingenij, eruditionis et
uirtutis præstantiam: ac dolemus, & nos & Eccle-
siam uoce ipsius eruditissima & consilijs orbatam
esse. Quanquam igitur Academia nostra tecum lu-
get eius mortem: tamen hac consolatione leniamus
moestitiam, quod non dubium est eum in Acade-
miam multo pulchriorem & tranquilliores ab-
ductum esse, uidelicet ad consuetudinem Dei, & fi-
lij eius Domini nostri Iesu Christi, in cœtum An-
gelorum, Patrum, Prophetarum & Apostolorū:
cum quibus iam dulcissimè de ea doctrina, cuius
hic clementia didicit, colloquitur. Memoriam igit-
tur ipsius grati conseruemus, & benevolentiam
erga eum liberis ipsius præstemus: quod te qui-
dem præcipue facere decet: cui cum famulam uir-
tute & forma præstantem, quam ualde diligebat,
despenderit, ostendit se de te quoq; amanter senti-
re. Cum autem diuisio hæreditatis iuxta testamen-
tum, quod sacer indicavit æquum esse, facta sit,

Et tua coniuncta suam partem ex hereditate ad te
adferat: te uicissim hortamur, ut (quod iustissimum
est) uicissim et donationem propter nuptias con-
stituas: Et in hac re honestissima cum iusticiam
coniugi debitam, tum uero pietatem erga sacerdotum
declares, quem te quidem propter adfinitatem pa-
tris loco uenerari et amare existimamus. Nos ue-
ro excellens ingenium eius, eruditionem, iudicij dex-
teritatem, grauitatem et pietatem tanci facimus,
uix ut desiderium eius lenire in nobis possumus. Be-
ne uale, die conuersionis Pauli, 1549.

Adolescentis cuiusdam.

Sæpe decreui ad te aliquid literarum dare, a-
mice charissime, et specimen tibi studiorum meo-
rum exhibere. Ideo gaudeo mihi nunc commodissimum
argumentum oblatum esse. Nam cum pro-
uocaris me ad scribendum, missò munere: non so-
lum ingratus, sed etiam impius essem, si tibi nul-
lam gratitudinis significationem uicissim ostende-
rem. Adhæc pater in proximis literis iussit, ut ti-
bi gratias agerem. uult enim nos non solum lite-
ras, sed etiam communia haec officia diligenter
colere. Gratissimum igitur nobis tuum benefi-
cium est: ex quia nobis necessarium est, ex quis
declarat, te de studijs nostris bonam spem ha-
bere. Gaudemus etiam, tha liberalitate sumptus
nostros

nostros leuari, quos pater in nobis docēdis iam facit nō exiguos. Ago itaq; tibi gratias: ac pollicor, me, quamcum ingenio ac diligentia præstare possum, daturum esse operam, ne te beneficiorū tuorum pœnitentia. Vnde.

Marchionis Brandenburgensis Electoris
ad Sigismundum Poloniæ regem Epistola.

Sereniss. atq; inclyte Rex, et carissime pater, cum scirem Regiā dignitatem uestram ut ceteris heroicis uirtutibus, ita et amore Christianæ pietatis ac ueritatis excellere: non dubitauit ad eam de mea uoluntate scribere, me pio consilio, et ea moderatione quæ Christianū principem decet, in Ecclesijs meæ editionis quedam manifesta uitia correcturum esse. Quia in re non populi affectib. aut alienis exemplis moueor: sed existimo ad eorum officium pertinere, qui præsunt, inspicere Ecclesiam, præsertim tali tempore, cum dissensionibus motis præfici idoneos doctores necesse est: et ratio incunda, ut ueris modis autoritas religionis et disciplinae retineatur. Eaq; moderatione uti decreui, ut non solum nihil contra Catholicam Ecclesiam Christi sententiam recipiam, à qua nulla unquam uis me auellet: sed etiam ne quid autoritati Episcoporum detrahatur. In hanc sententiam cum Germanicè ad R. V. D. nuper scripserim, fortasse quidam

durius interpretati sunt literas, nec satis exposuerunt R. V. D. consilij mei rationem. Quare accidisse iudico, ut paulo aliter quam expectaram responderetur. Cum autem R. V. D. capitate amare et colere perpetuo decreuerim, quam filius optimo debet patri: maximè cupio cum reliquam uitam meam, tum uero et consilia mea in Republ. R. V. D. probari. Itaque duxi copiosius R. V. D. exponendam esse meam mentem, et purgandam inconstitiae aut mutati iudicij suspicionem. Proinde rogo, ut hanc meam Epistolam paterno animo R. V. D. legat: sibique persuadeat, me ab officio filij nunquam discessurum esse. Semper ita sensi, nullum esse maius decus, quam in uera religione, ueroque cultu Dei constantiam. Quæ sententia sic est infixa animo meo, ut non simulatis aut fuscis officijs, sed uerè colendam esse Christianam pietatem semper statuerim. Quare non raro deploro Ecclesiae morbos cum ueteres, tum nouos: et ardentissimis uotis emendationem optau. Nec enim negari potest, quosdam etiam ueteres morbos in Ecclesia haerere. Disciplina uetus laxata est, multæ superstitiones in tanta pontificum negligencia et pastorum inscitia receptæ sunt. Nonnihil etiam præsentes discordiae concusserunt Ecclesiam. Ego igitur hactenus eam gravitatem praestigi, ut nec abusus probarem, aut crudeliter defende-

N rem, ut

rem, ut faciunt alij: nec fanaticis opinionibus in
 mea ditione locum preberem. Habeo utriusq; rei
 honestam, grauem & piam causam, nec muto hoc
 iudicium. Cum q; video opus esse ut sanctiatur disci-
 plina, & præficiamur ut Ecclesijs boni doctores,
 suscepit eam curam, ut sciat populus in tantis di-
 scordijs, quid amplecti, quid fugere debeat. Quia
 in re quedam in utraq; parte ita moderor, ut à ca-
 tholica Ecclesia Christi non discedam, nec de au-
 toritate Episcoporum quidquam detraham. Nam
 nisi aliquid moderari uelim, manifesta flagitia pro-
 banda essent, & iniusta scœnitia exercenda: quarū
 utrung; ab ijs alienissimum esse debet, qui uerè, nō
 simulatis aut fuscis officijs religionem colunt.
 Hæc cum ita sint, spero me constantiam præstare
 dignam bonis uiris, & uerè amantibus religionē.
 Nusquā enim discedam à scopo, uidelicet à senten-
 tia catholica Ecclesiæ Christi. Quod uerò mihi
 exempla quorundam uiciorum principum pro-
 ponit R. V. D. qui multam mutationem adiuserūt;
 sepe cū illisipsis de tota religione collocutus sum.
 idemq; uterq; optabat, ut æquitate pomifacia resti-
 tueretur Ecclesiarum concordia, emendatis qui-
 busdam abusibus. Sacer meus etiā paulo ante mor-
 tem grauiſſ. de ea re deliberationes habuit. Vide-
 bat enim solitudinem fieri in Ecclesijs suis, nisi uel
 let iniustā scœnitā exercere: à qua abhorrere eum;

ut

ut erat iusticie amans, animaduerti. Nec moderationem illam iudicabat esse aut secessionem ab Ecclesia, aut sejunctionem ab iis qui præsumunt, aut à reliquo nomine Christiano. Quare existimet R. V. D. me non ita in hanc causam ingressum esse, ut a liorum bonorum principum iudicia aut exempla non attenderim. Si qui autem fortasse aut asperiores sum, ut esse non multos uidemus, qui sine discrimine omnes abusus, omnia errata immanitate suppliciorum stabiliunt: horum exempla nec ante secutus sum, nec unquam imitanda esse duxi. Nec prosector cōsensum Ecclesiæ conspirationē esse, ad iniustā sœvitā exercendā, unquā existimau. Quare etiā leuior alicubi uideor, nō propterea uel ab Ecclesia, uel à reliquo nomine Christiano disiunctus. Nā et uerū cōsensum catholicæ Ecclesiæ Christi amplector, q[uod] extat in scripturis Apostolicis, in ueterib. canonib. et probat[e] fidei scriptorib. et pollicitus sum me Synodo, si quādō ritè cōueniret, nō defuturu esse. Nec desunt mea officia ulla in re cōmuni tranquillitati. Nec fortūas tātū meas ad societatis defensionē Christianu orbis, sed etiā operā in remilitari contuli antea, et adhuc offero. Nec à me ipse discedā, neq[ue] unquā uoluntatē hāc mutabo. Quare si uoluptati fuit R. V. D. antea mea coniunctio et affinitas, quā quidem mihi dulcis. et honorificam ei. Je profiteor: spero hāc quoq[ue] meam uoluntatem

perpetuò iucundam R. V. D. esse debere, quæ semper habebit (Deo dante) generum amantem Christianæ religionis, concordię Ecclesiasticę, tuentē consensum catholicę Ecclesiæ Christi, synodis assentientem, abhorrentem toto pectore à fanaticis opinionibus, damnatis iudicio Ecclesiæ catholicae, Christi gerentem arma pro communi nomine Christiano. An qui sic affectus est, accusari poterit desertionis Ecclesiæ? Aut illi uidetur potius coniuncti Ecclesiæ, qui sine ulla ueteri autoritate receptos abusus defendunt, ignotos ueteri Ecclesiæ: qui Neronianā sœ uitiam in pios exercent? Nos non uidemur, qui non nullo cum periculo tuemur uerum Ecclesiæ consensum: qui populo ueros cultus proponi curamus, et ab iniusta sœ uitia abstinemus. Spero planè iudicium ex R. V. D. & Synodi nobis æquius fore, quam ut moderationes & leuitatem nostram improbet. Quod uero hortatur R. V. D. ut expectem Synodum: fateor me hæc consilia aliquandiu Synodi expectatione distulisse. Quid enim communi concordia optatius esset? Sed hanc moram Ecclesiæ expectare non possum, quæ interea dissiparentur, & in solitudinem ac uastitatem redigerentur, si eas non constitueremus. Explorata mihi est uolumen Caroli Imperat. Domini nostri clementissimi, quem scio magna contentione à Clemente & Paulo III. petitisse,

tuisse, ut quamprimum Synodus haberetur: et rite cognitis rebus, concordia constitueretur. Sed Pontifices non ualde appetunt Synodos, & fortasse regum iudicia non sine causa metuunt: sed tamen si quæ erit alioqui Synodus, non deerit ei meum officium. Habet R. V. D. meam purgationem, et perpetuae uoluntatis testimonium. Illa pars Epistole maiorem etiam dolorem nobis attulit, quæ queritur nos rem indignam à R. V. D. petiisse: ac uide mus eam partem non in eam sententiam intellectā esse, in quam à nobis scripta est. Nos semper, etiam ante hanc nostram affinitatem, laudare magnitudinem animi et constantiam R. V. D. soliti sumus, quam postea multo magis esse prædicauimus. Sed scio etiam R. V. D. ad hanc uirtutem adiunxisse alias multas, bono principe dignas: amorem uirtutis, Christianam pietatem, iusticiam, clementiā: propter has uirtutes libenter meum consilium significavi R. V. D. ac spero eam non improbaturam esse hanc meam uoluntatem in moderandis abusibus quibusdam: ob illam grauiſſimā causam, ne diſipentur Ecclesiæ nostræ. quod futurum eset, si manifesta uitia defenderentur. Cum autem cupiam consuetudinem cariſſimæ coniugis meæ mecum, suauissimam esse ipsi, quæ semper fuit (et Deo dante, futura est) perpetua, petiui ut ei consilium nostrum exponeretur, quæ quidem ita mo-

res meos habet perspectos, ut sciat me & religio-
nis studiosum esse, & abhorrire ab iniustis consi-
lisis. Cumq; in hoc nostro coniugio celebrari e-
tiam Deum cupiamus, sape preces coniungimus,
saepē de diuinis mandatis, de spe uite & eterne, de be-
neficijs Christi colloquimur: in his sermonibus e-
tiam pietas ipsius mihi magno solatio est. Si quis
autem amet ritus, his suo arbitrio uti potest. Nam
mihi maxime curæ est, ut nostrum coniugium u-
tricq; iucundum sit, & salutare: & Deum oro, ut
utriusque mentem gubernet ad suam laudem. Oro
autem & obtestor R. V. D. ut hanc nostram com-
memorationem boni consulat: & ut paterno amo-
re nos complexe est, ita nunquam sinat animum
tuum ab alienari. Nos uicissim pietatem quan
filius optimo patri debet, summa fide prestabi-
mus: ac ualde rogamus, ut R. V. D. mittat aliquem
huc, cum quo copiosius de his rebus colloqui pos-
sim, qui exponat coniugi meæ cariss. benevolentia
R. V. D. erga me nihil mutatam esse. Bene ualeat
R. V. D. quam Deus diu seruet incolumenti. 1539.
Mense octobri.

De usu arteriarum disputatio.

Nisi cōsuetudo scholæ nobis nota esset, magno-
pere uererer, ne me sumpsissem hunc locum,
aut

aut has dicendi partes impudentia aut fiducia ingenij iudicaretis. Sed quia scitis, præceptorum con filio hic quasi suas operas singulis attribui, quæso ne de mea uoluntate aut natura secus suspicemini. Et enim necessarium, honestæ consuetudini, quæ discipline causa instituta est, morem gerere. Ego autem cum in omni uita, tum uero præcipue hoc loco, magis cupio uobis mores meos & uoluntatem probari, quam doctrinam & eloquentiam. Et in hac imbecillitate ætatis, ne quidem requirienda est eruditio aut facultas dicendi eximia, quæ etiam felicissimis ingenij non potest contingere, priusquam per ætatem licuit immorari studijs, & adiungere rerum usum, & iudicium acuere, & confirmari omni genere exercitationis. Etsi autem poeta tribuit adolescenti studium rerum magnarum, & generosam iuadolem, inquietens,

Ante annos animumq; gerēs, curamq; uirilem:

Tamen ante tempus iudicium firmum de magnis rebus & perfecta doctrina nemini contingit. Sed hæc consuetudo in his scenis instituta est exercitijs causa. Quare uos rogo, ut me patienter audiatis, idq; officium ad conseruationem publici moris pertinere existimetis. Et quia aliquid dicendum erat, institui brevē disputationem de hac

N 4 questio-

quæstione: Quem ad usum arteriæ inuenient e sunt,
 uenit meantibus per uniuersum corpus. Etsi autē
 huius explicatio tota magis petenda est à medi-
 cis: tamen cum harum materiarum initia & ele-
 menta etiam in physicis tradantur, delegi hoc ar-
 gumentum, adductus quodam studio paterna ar-
 tis, & ipsarum rerum suavitate. Quoties enim a-
 spicio & considero opificium humani corporis,
 ipsa me distributio artificiosa admonet, has (ut di-
 cam) machinas in humano corpore nequaquam
 casu, sed ab aliqua æternamente extitisse. Sed ue-
 nio ad quæstionem. Venæ orientes in epate, san-
 guinem inde euehunt ad nutriendum corpus. Ar-
 teriæ uero sunt uehicula spiritus: eoq; densiores
 canales sunt, ne spiritus exhalet. Græci aiunt, no-
 men esse arterijs ab ἀρτη & τρόπῳ, quod custo-
 diane halitum: hoc est, spiritum uitalem. Hæ pri-
 mū ex corde oriuntur: & caput seu truncus, qui
 & amplitudine & densitate uincit reliquam pro-
 paginem, uocatur σάρπη. Huius appellationis pri-
 mū autorem aiunt Aristotelem fuisse, sumptag;
 ferūt à uagina: quia ille canalis sit uaginæ similis,
 hoc est densior & amplior ceteris ramis. aiunt
 enim, σάρπη significare uaginam. Dicuntur au-
 tem rami utriusq; canalis ita conserti esse, ut pas-
 sim mutuis orificijs exilibus iungantur ad hunc
 usum, ut arteriæ uenis impertiam spiritum, ad ca-
 lefaciendum

le faciendum sanguinem, ad natriendum spiritum, qui ut alatur, rapit sanguinem, sicut in lycno flama rapit alimentum ex oleo aut cera. Nam & sanguis sine vitali calore aut spiritu, non esset efficax ad nutriendum: & spiritus sine alimento citò extingueretur ac deflagraret. Quia in re subit admirari imaginē diuinitus propositam, que admonet nos de mutua officiorum communicatione. Nam hic et si nihil est nobilius spiritu: tamen sine beneficio alieno, & quidem sordidioris naturae, non potest durare. Ita principib. in republica opus est in firmiorum officijs, summæ artes ministerijs infirmorum. Rursus spiritus in corde ortus, quem uehunc arteriae, addit uitam sanguini: sic gubernatores regunt & tuentur populum: sic summæ artes tueri debent inferiores, non eas opprimere. Porro illa uicissitudo in arterijs non sit casu, sed habet gubernatorem, uidelicet motum cordis: quo dilata&e arteriae attrahunt, contract&e regerunt. Sed hinc longior disputatio nascitur, quam omitto. Porro contra hanc communicationem obijcitur: Arteriae an uideatur hæc communicatio uel necessaria, uel perpetua. Quia autem hæc questio plena est eruditionis, & utilis uitæ & moribus: rogo, ut eam dominus Decanus nobis diligenter & uberioris explicet. Dixi.

De Demosthene in Scholis præ- gendo admonitio.

Toties admoneo, ad iudicandum de genere ser-
monis opus esse cognitione bonorum scriptorum,
et quadam mediocri exercitatione scribendi. Est
et eloquacia opus in Republica: et artes sine
linguarum cognitione nullum lumen habent.
Quare ex Grecis authoribus Demosthenem po-
tissimum uolui scholasticis in manibus esse, quod
ex eo non solum lingua discitur: sed etiam ipsius
dispositio, figura orationis, inuenientio, consilia in
dicendo, ualde acuunt lectorem. Multa etiam
ab eo ornamenta ad nostras materias transfe-
ri possunt. Denique in schola publica nullum es-
se locum Demostheni, admodum turpe uidetur.
Sed ualde reprehendenda est negligentia schola-
sticorum nostrorum. Quidam quisque iam Grae-
cè discit, aut suscipit praestantes authores? Ra-
ti studia uerè amant. Magna pars putat qualcum-
cunque doctrinæ opinionem sufficere: quo errore
nihil est perniciosius. Non dum tamen indico coti-
sium de enarrando Demosthene. Quare hodie
inchoabo enarrationē orationis περὶ οἰοσεῖας:
ad quam audiendam si conuenerint studiosi fre-
quentius, pergam libentius. Certè Reipublicæ cau-
sa hunc laborem suscipio: et notos esse hos autho-
res,

res, propter multas grauiſſimas cauſas prodeſt.
29 Auguſti, Anno 1538.

Oratio à M. Marcelllo habita, cùm ei gra-
dus magisterij decerneretur: De
necessitate Stoica, di-
ſputatio.

Cum pro eximia humanitate uestra, ornatiſo-
ſimi uiri, honoris nostri cauſa hīc conueneritis:
peto à uobis, ut ad id beneficium, hoc quoq; adda-
tis, ne me ingenij fiducia potius quam officio addu-
ctum, has dicendi partes ſuſcepiffe existimetis.
Deinde ut iuuenilem orationem boni consulatis.
neq; enim tam ridiculē inceptus sum, ut confidam
me in hac et ingenij et etatis imbecillitate quic-
quam adferre posse dignum ueſtris auribus. Tan-
tum officium meum probari uobis opto. Nihil
enim ab incunee etate mihi prius ac potius fuit,
quam ut preceptorum authoritati religioſe parē-
rem. Eamq; laudem non minus quam doctrine ex-
petendam bonis mercibus existimaui. Nec uero
dubito, quin et uos pro excellētē sapientia uestra,
magis à nobis diligētā in officio, quam eloquen-
tiam requiratis, que ne mediocris quidem in ado-
lescente existere potest. Mihi uero, etiamſi has co-
munes literas utcūq; guſtaui, tamen aliqua ex par-
te et natura repugnat. Itaque cùm alij hīc enco-

mia artium dixerint: ego, quoniā neq; pro dignitate ornare Philosophiam, neq; noui quicquam inuenire potui, questionem huc adferendam esse duxi, ut leuaret fastidium uarietas. Nam id quoq; in more est, controuersias hoc loco dicere. Queso itaq;, ut patienter me audiatis. Præstabo enim ex breuitate orationis, ne facilitate uestra abusus uidear. Est autem hæc controuersia: An probanda sit Stoicorū sententia, quam illi quidem acerrimè propugnarunt, Omnia necessariò fieri. Magna causa est, ex difficilis explicatio: sed tamen admodum utile censeo, de re tanta quid sentiendum sit, certò constituere. Neq; enim certè intelligi potest, quomodo retinendæ sint religiones, quomodo regendi mores, si illa Stoica necessitas mordicūs retinetur. Atq; hic uel præcipue, etiam in Philosophicis studijs, scopus nobis propositus esse debet, ut inuestigemus opiniones moribus utiles: præterea, ut etiam uestigia diuinitatis in natura queramus, aut pijs opinionibus animos ad religionem excitemus. Verissimum enim est illud quod Xenophon ait: Totum mundi opificium simile esse operi sapientis artificis ac φιλοσόφου, hoc est curantis et amantis homines, ut agnosci author atq; opifex possit. Sed quæ fuerit præcipua Stoicorum ratio, dicendū est. Ea est causarum connexio, ut inferiores cause non agant sine prima. Prima autem impediri

non

non potest: ergo cum cetera moueantur, mouente prima, necessariò fiunt omnia. Id argumentum nescio quo modo peruersit etiam Theologicas schoolas, atq; ibi non minores tumultus ciet quam inter Philosophos. Reclamante autem Stoicis ceteri, qui dexterius philosophantur: & defendunt, non omnia necessariò fieri: non esse tollendam contingit, ut uocant. Nec uero in hac parte rationes omnes recensere possum. Vnam recitabo, qua & prudenteribus Philosophis ualde probatur, & certè apud Christianos ualere plurimum debet.

Deus non est causa mali, seu peccati. Eset autem causa peccati, sublata prorsus contingentia. Quare absurdum & falsum est, omnia fieri necessariò. Ita & Philosophi indignum existimant diuinitate, causam flagitorum ac scelerum in Deum conferre. Et meo quidem iudicio opinio est auditu crudelis. Citant Philosophi uersiculum ex Euripide, ac magnis laudibus euhunt, estq; hæc sententia: si dij authores sunt turpitudinis, dij esse non possunt:

εἰ θεότι δρῶσιν αἰχμὴν, ἢν εἰσὶν θεοί
Iam si omnia immutabilia sunt, quare Deus inuocandus aut placandus est? His autem labefactatis, religio funditus tollitur. Deinde quid legibus aut disciplina opus est, si hanc tyrannidem possidet. αὐτέγγυ, quam ei tribuunt Stoici. Recitè seru-

514

*Ius Zenonis, cum obiurgante hero se excusaret,
ait se coactū illa necessitate magistri sui peccasse.*

Itaq; et si ego quidem auribus atq; animo à Stoicorum opinione abhorreo: tamen quoniam controversia difficultis est, & ratio Stoicorum non sine negotio dissolui ac dilui potest, defero hanc totam controversiam ad doctissimum iurum D. Melichium: cumq; rogo, ut pro sua & erga me benevolentia, & singulari fide erga uniuersam scholam, dijudicandam causam & explicandam suscipiat. Quia in re ex mihi pergratum faciet, & de uniuersa schola benemeretur: quam prosector plurimum refert, quam maximè aduersus opiniones parum utiles diligenter munitam esse. Dixi. ;

Clarissimo & optimo viro, Domino Iohanni Bugenhagio, pastori Ecclesiæ Vitebergensis, amico suo charissimo,

Philip. Mel. S. D.

*Integrali historiam eorum quæ hic hactenus
in conueniu acta sunt, petes à domino Doctore N.
Animaduertimus esse crebras & uarias aduersariorum deliberationes: sed spero Deum eorum
consilia dissipaturum esse. Nondum inchoarunt
publicam disputationem. Illud agunt, ut nobis arti-
culos dilutos ex sophisticos proponant. Sed iam
dissen-*

dissentient ab Eccianis, etiam Principum legati, Pa-
latini, Marchionis Electoris, et Iuliacensis. hire-
pudiarum articulos ab Eccianis compositos. Nam
ad nos nondum allati sunt: sed uidi descriptos. In-
ter nostros, Dei beneficio, consensus est. Certatum
est acriter his diebus de disputationis exemplis.
Nam praesidentes significarunt, se non concessu-
ros, ut principes nostri exempla haberent di-
putationem. Ita necluntur merae fantasiæ, ut in-
terim alias fraudes struant. Sed orbis Deum,
ut Ecclesiæ nostræ ac nos seruet et gubernet,
propter filium suum Iesum Christum liberatorem,
qui pro nobis uictrix factus est. Bene et felici-
ter uale, et pro nobis ora. Die 17 Decembris.
Vormatiæ.

D. Cælario Georgius Aemilius
S. D.

Etsi de fide et constancia tua in colenda ami-
citia nunquam dubitavi: tamen quia tecum, si
queam, uel quotidie colloqui cupio, literas tuas
ualde desiderabam. Sed mora, ut sit in usuris, a-
liquamulum lucri mihi attulit. Scripsisti enim co-
piosius quam antea, et addidisti xenium non
aspernandum: hoc tuum officium adeò gratum
est mihi, ut magna facta sit ad meum erga te
amorem, quam uix fieri fore arbitrabar, accessio.
Quanquam enim nullum munus pluris facio,
quam

quam tuas literas, testes et amoris ex iudicij de
 me tui: tamen habet ipsum xenium singularis cu-
 iusdam benevolentiae significationem. Ago igitur
 tibi gratias: ac polliceor, hunc libellum perpetuo
 fore apud me tanquam unum oculos ac pignus tui
 amoris. Quoties aspiciam codicem, ueniet mihi in
 mentem et amicitiae nostrae, et virtutum tuarum
 memoria: ac iuuabit, me talem virum et amicum
 et studiorum hortatorem habere. Praeterea Gel-
 lium ipsum tua causa pluris faciam, et legem audi-
 dius: quia mihi memoriam tuam subinde reuoca-
 bit. Illud autem in tuis literis iucundius fuit mihi,
 quod significas te nostri desiderio maxime teneri.
 Ego uero uicissim magnopere opto, ut me aliquan-
 do bona fortuna tecum coniungat. Neminem enim
 possem habere ducem ad optimas artes ac ueram
 philosophiam aptiorem, quam te, qui propter ex-
 cellentem eruditionem docere potes optima, et
 propter summum tuum erga me amorem liben-
 tius mibitui copiam faceres. Hec de te cum pa-
 renibus saepius iam egit: eisque demonstravi, quan-
 tum mei intersit, lustrare alias Germaniae scholas:
 maximeque quantum utilitatis mihi allatura sit tua
 consuetudo. Facile igitur eos in meam sententiam
 adduxi, prescritim cum intellexerint me nusquam
 malle esse quam apud te. Magna enim est apud te
 autoritas tua. Quare non despero, quin non ita mul-

to post

917

to post in Academiam prosectorus sim. Erit autem
mihi Academiae uice tua consuetudo, ubiunque es.
Interim te etiam atque etiam oro, ut consuetudinem
nem ad me scribendi non intermittas. Vale.

D. Cæsareo, Georgius Aemilius
S. D.

Si non ueritus fuisssem, ne si non opportuno tempore, in tam occupationum tuarum concurso meae literæ redderentur, te offendere, hactenus saepe ad te scripsissem, uir ornatissime: sed nunc facile passus, sum plus in me patris autoritatē ualere, quam illam meam uercundiam. Nam pater, una cum optimorum studiorum literis, etiam uirtutis officia colere studens, uult ut pro eo beneficio, quo nos iter ingressos affecisti, gratias agerem. Cum enim nos hospitio exceperis, et liberalissimè tractaueris, si nullam significationem gratitudinis ostenderem, non solum ingratus erga te, sic meritum, sed etiam iniustus aduersus Deum essem, qui singulari pietate iura hospitij conseruari uult. Ago itaque tibi gratias immortales: ac si quo officij genere, quo declarare aliquam meam erga te benevolentiam potero, efficiam profectio ut intelligas, me tui esse amanissimum. Cum autem te nobis non solum sanguinis coniunctio, sed etiam uolumas tua et religio deinceps:

O ret:

ret: rogo, ut quod est humanitate tua dignissimum, uicissim nos ames, et commendatos habeas. Vale.

Idem eidem.

Quod in maximis occupationibus tuis duxisti nobis scribendum esse, magnum specimen singularis benevolentiae erga nos prebueristi. Quare et officium tuum mihi iucundius est: Et ipsis literis, cum sine humanitatis plenissimae, uehementer delectoreasq; tanquam pignus perpetui tui erga me amoris mecum in sinu circumfero et asseruo. Itaque tibi gratias ago, qui nos hoc tempore, quod uides plus quam ferre cum esse literarum studiorum complexus es, et significas te studijs nostris non defuturum esse. Nec uero aut nobis quicquam optabilius est, quam habere patronum, cuius et authoritas sit præcipua, et in amicis tuendis fides: aut tibi honestius, quam literarum amantes adiuuare et prouochere. Maximè enim decet te, cum tanta doctrina prædictus intelligas, quanta uis et dignitas sit bonarum artium, dare operam, ut quam maximè florent literæ. Et cum Respublica tibi defensionem omnium ornamentorum commendauerit, quibus opus habet: petit etiam, ut has disciplinas, in quibus uersamur, omni ope tuearis et conserues. Quarū quanta sit utilitas in Republica, tu optimè perspicis. Quare te rogo,

rogo, ut quod facis, nos in hæc studia cum quadam spe ingressos, ames, & authoritate tua iuare pergas. Quod enim me adeò amans et hortatus es ne desim meo officio in discendo, & amore tuo & authoritate ualde moueor: tibiq; polliceor, me, quantum orinibus ingenij neruis contendere possum, daturum esse operam, ne aut spem patris fecellisse, aut grauiissimam admonitionem tuam contempssisse uidear. Hæc rescripsi ad tuas literas, quod uerebar silentium meum non solum ingratitudinis, sed etiam negligentie suspicionem apud te allaturum esse. Et hoc literarum nuncio utar saepius ob has ipsas causas, ut studium erga te meum & diligentiam in discendo cognoscas. Etsi autem mihi tuis literis nihil gratius esse potest: tamen non postulo ut ad me, nisi cum uacat & liber ab occupationibus atq; curis es, scribas. Reliqua officia, quibus magis nobis opus est, ut nobis patrocineris apud principem & patrem, spero te non intermissurum esse. Addes uero etiam literas pro tua summa humanitate, si quando uacabit. Vale.

Parenti suo charissimo H.B. S.D.

Accepi literas tuas, charissime pater, in quib. me protua autoritate acerrimè Lipsiam reuocas. Primum autem exponam tibi historiam totius negotij, que (ut spero) si non culpa, tamen suspicio

O 2 ne sce-

ne sceleris me liberabit. Nam quicquid huius rei
 est, intelligas errore magis quam improbo consi-
 lio accidisse. Nusquam uixi libentius, quam Li-
 psiae: & contigerat à te præceptor Sturmius, quem
 non solum propter excellentem doctrinam, sed e-
 tiam propter ætatis autoritatem uenerabar ut
 patrem: & ille me perinde ut filium amplexus e-
 rat. Quare nemo me ab eo auellere potuisset un-
 quam si ipse domesticam scholam retinere uoluis-
 set. Sed postquam impetravit à generoso & ma-
 gnifico D. Alberto N. uocationem muneris sui,
 propter ætatis imbecillitatem dimisit scholam do-
 mesticam: quare uix accidit mihi acerbius quic-
 quam. Huius meæ uoluntatis tu mihi optimus te-
 stis es. Sum enim per literas conquestus de hac
 fortunæ iniuria. Fortè autem accidit, priusquam
 tu rescribis, ut Lipsiam uenerit Sabinus, cuius ge-
 nus uersuum in primis laudari intelligebam non
 solum ab alijs, sed etiam ab ipso Sturmio. Ad hunc
 ueni cùm alijs doctis & modestis iuuenibus, quo-
 rum consuetudine liberius utebar, gubernatorem
 certum non habebam. Cùmq; semel atq; iterum au-
 diuissim eum cùm de ratione scribendæ solute o-
 rationis, tum uero præcipue de optimo genere
 poematum ea differentem, quæ maximè proban-
 tur omnibus: ita me delectauit eius oratio postea,
 ut nusquam ab eo discesserim, quamdiu ibi fuit.

Et quia eum omni officij genere, quod quidem
præstare potui, colebam: ostendit mihi, quoq; se-
non abhorre à mea consuetudine. Exhibui ei
meos uersiculos, ut monstraret mihi uiam & ra-
tionem melius scribendi. Ille uero respondit, ne-
que se professorem artis esse, neq; præceptis mul-
tum profici posse: dominari hac in re exercita-
tionem & imitationem, ad quam instituendam plus
rimū proficere atebat conuersionem assiduam:
cum ijs qui suauiter & eleganter scribunt. Ro-
go igitur, ut me sibi adiungat, futurum ministri lo-
co. Itaque mansi apud Sabinum, eumq; postea Vi-
tebergam secutus sum. Nec me alia res Lipsia ab-
duxit. Narravi rem ut gesta est: Quare te pri-
mū hoc oro, ne me ulla cupiditate ac studio ri-
xarum theologicarum, quas ne Sabinus quidem
intelligit aut agitat, profectum esse in eam scho-
lam putas. Nihil secutus sum nisi poetices stu-
dium, quod est innoxium: nec arbitrabar fore, ut
haec migratio te offenderet, præsertim consilio
meo cognito. Valde autem perturbatus sum ob-
iurgatione tua, ut nunc quid agam planè nesciam.
Non detrectabo tuam auctoritatem, donec uiuam:
sed in hac deploro patriam clementiam atque æ-
quitatem tuam: ac peto, ne me subito hinc auel-
las. Spero enim & uitæ genus, & studia mea te
probaturum esse. Ago in ijsdem ædibus apud Sa-

binum, iuuenem modestissimum, qui quidem non
uetat me mox recurrere Lipsiam. Sed non pos-
sum eum sine inconstancie nota deserere, præser-
tim postquam sum pollicitus me ei ministrum fo-
re. Interim me in scribendo carmine exerceo,
quod studiū teadhortatore amo, & annis iam ali-
quot colo: idq; genus literarum scis alienissimum
esse à disputationibus Theologicis. Oro itaque, ut
hanc migrationem boni consulas, mihiq; erratum
condones, quod te incōsulto Sabinum secutus sum.
Policeor enim, me semper in tua potestate futu-
rum esse. Tu tamen, pro tua prudencia atq; æqui-
tate, de meis studijs statues: quibus melius con-
sulueris, quamcum ego quidem iudicare possem, si
me ex hoc curriculo non reuocabis. Bene uale, pa-
ter suauissime, ac rescribe.

Docto & honesto iuueni, D. Michaeli
Voicio, musico & cantori Torgēsi, ami-
co suo charissimo Georgius Fa-
bricius S. D.

Ieremias ad te mittit literas & pecuniam, quā
stato tempore accepisses, nisi obstitisset certi &
fi delis nuncij inopia. Feres igitur hanc moram &
quo animo. Opus musicum, quod apud nos inchoa-
sti, id credo te quotidie excolere atq; perficere,
eūm adolescentium studiosorū gratia, quibus ope-
ra tua

rā tua multū proficurus es: tum etiam, ut tuum
 nomen cum utilitate aliorū propages ad posteros.
 Iucunda est iūstigatio ueritatis in quāvis arte:
 sed multo iūcūdior esse potest his miserrimis tem-
 poribus, quibus cum ueritas ex humano genere
 explosa penē sit, circa ocium nostrum & litera-
 rum studia errat, & in scholis cogitur delitescere.
 Id etiam te intelligere, & in eadem mecum esse sen-
 tentia existimo. Perigitur Musas perge, & omne
 tuum studium confer ad illustrādām hanc artem:
 ita tamen, ut interdum tantum ocij sumas, ut scri-
 bere ad nos crebrō possis. Nihil enim mihi erit illa
 cōsuetudine inter nos absentes gratius. Clariſſimo
 viro D. Leuschnero gratias age, quōd prodigium
 ad nos miserit, prope Vitebergam in aere uisum.
 Multo plura & tristiora hoc ipso mense Pragae et
 in finitimiis urbibus uisa narrant: aperte diuinam
 iram, nisi meliores fiamus, denunciantia. Irascor l-
 pse mihi, quōd data proximē facultas nō fuerit, di-
 uertendi apud hospitē tuum. nimis enim breues in-
 ter nos sermones fuerunt. Reliqua deerant.

D. Ioanni Buchnero, pastori in Ecclesia
 Osenhacensi, Philippus Me-
 lanchthon S.D.

Venerāde uir, et amice chariss. hāc epist. scripsi in
 Epiphājs quo die celebratur memoria admirādæ
 patefactionis Dei, q̄ in baptismo filij Dei facta est.

O 4 Agamus

Agamus autem gratias Deo, quod se tum & aliis illustribus testimonij patefecit: & eo nos exemplo consolemur in nostris magnis periculis. Cum enim prodierit ex arcana sede Deus ipse, & filium misserit, ac promissionem nobis tradiderit: non dubitemus, eum inter impiorum etiam tumultus seruaturum esse doctrinam suam, & Ecclesiam. Hac spe difficultates et erumnas ministerij Euangelici toleremus. Mitto igitur ad te hunc Philippum Saltzungensem, honestum & doctum hominem: quem uelim te prius audire, & postea (si tuo iudicio probabitur) eum commendare Ecclesiae Thuringicæ. Ingenio ualeat, & eruditione rectè institutus est: & modestum esse comperi. Quare cum tibi commendo. Bene uale. In Epiphanijs.

Commendatoria,

Cum Martinus Heinricus a uobis ad ministerium Euangelij uccatus sit, & testimonium publicæ ordinationis ueteri Ecclesiae more a nobis petitum sit, diligenter explorauimus eius eruditionem: & comperimus cum rectè tenere summam doctrinæ Christianæ, & abhorrire a fanaticis opinionibus, damnatis iudicio catholicæ Ecclesie Christi, & amplecti cōsensum catholicæ Ecclesie Christi, quæ & Ecclesia nostra profitetur. Quare cum promitteret in doctrina constantiam, & in officio fidem & diligentiam, commendatum est publica ordinatione

tione, iuxta doctrinam Apostolicam, ministerium docendi Euangelij, & Sacra menta à Christo instituta administrandi iuxta uocationem. Cumq; scriptum sit de filio Dei, Ascendit, dedit dona homini bus, Prophetas, Apostolos, pastores & doctores: precamur ardentibus uotis, ut suæ Ecclesiæ gubernatores det idoneos & salutares, & efficiat ut huius Martini Heinrici ministerium sit faustum & salutare. Et Ecclesiæ ipsius hortamur, ut curet Euangelium pure & fideliter conseruari, & propagari. Nam hoc officio Deus præcipue se coli postulat, sicut inquit Christus: In hoc glorificatur Pater meus cœlestis, ut fructum copiosum feratis. & fratris mei discipuli. Et hac luce retenta manet Ecclesia, & aderit in Ecclesia Deus, & dabit uitam æternam in uocanibus ipsum: & opitulabitur in ærumnis huius uitæ. Ibi enim adest & exaudit Deus, ubi ipsius Euangelium uerè sonat, sicut scriptum est Ioannis XV. Si manseritis in me, & uerba mea in uobis manserint, quicquid uolueritis petetis, & fieri uobis. Et quanquam horribiliter quaf satur Ecclesia Dei in his tanis ruinis regnorum, & mutationibus imperiorum: tamen Deus eos qui Euangelij puritatem retinere student, proteget & defendet. Datae Vitebergæ, anno 1543, die Septembri 27, quo arca Noe post diluvium consistere primum. antè annos 3831 cepit. Nec du-

O 5 bitemus,

bitemus, Deum Ecclesiae sue quietem daturam;
etiam in horum temporum tumultibus.

Patri suo chariss. S.

Etsi per paucis ante diebus, quam tue literæ
mihi redditæ sunt, de meis rebus ac studijs ad te
scripsi: tamē in uitatus tuis suauissimis literis, idem
argumentum repetam. Ac primò habeo tibi gra-
tiam chariss. pater, et quod singulari liberalitate
studia mea soues, et quod tam amante mihi scri-
bis, meq; ad uirtutem et decus hortaris. Quibus
in rebus elucet uis paterni animi atq; amoris. De
consilio Philippi Melanchthonis præceptor mihi
electus est iacobus Mulichius, qui hic profitetur
Sphæram, et hoc genus cetera elementa uera
philosophiæ homo in literis Latinis et Græcis et
in Philosophia preclarè eruditus, cuius consuetu-
dimem spero mihi admodum profuturam esse. Ha-
bito in ipsis ædibus. Philippus propter negotio-
rum uarietatem, quibus impeditur, non habet do-
mesticam scholam: et tamen aditus mihi, ut ple-
risq; alijs, ad eum patet: meq; iufit sibi interdum
exhibere specimen aliquod meorum scriptorum,
ut suum mihi iudicium de ratione formandæ ora-
tionis indicet. De aere quod mones, agnosco planè
paternam sollicitudinem. Hactenus contagia nul-
la hinc animaduersa sunt. Et adiungunt adhuc Princi-
pes,

pes, frater Electoris, et aliorum Principum et ho-
nestorum virorum liberi: qui si quid incederit peri-
culi, scholam aliquo transferre cogerent. Ego etiam
me aduersus illas febres, que iam omnia locare red-
dunt infestiora, temperantia et moderatione ui-
ctus munio Nunc etiam expaciari constitui ad affi-
nem nostrum D. Doctorem Philippum, cuius offi-
cia nulla in re mihi desunt. Vale.

An credendum sit, animam Christi sepa-
ratā dolores inferorū passam esse,
iudicium.

Quia articulus inquit, Descendit ad inferos: id
non significat, passum esse dolores in hac vita, ut
David. Quia enim inquit, Descendit: non descen-
dit tanquam ut victor aut triumphator, sicut aliqui
enarrant: sed addit, Ad inferos. Inferi autem, signi-
ficane horrendos illos cruciatus. Conuenit dictum
cum Psalmo: Non relinques animam meam in in-
ferno. Cur peteret se non relinquiri in inferno, si no
fiat in poenis inferorum? Hæc mihi uidentur esse
præcipua argumenta Aepini. Alij coneradicunt.
Articulus, inquiunt, Descendit ad inferos, nō est in
ueteri Symbolo: sic tamen recipiunt articulum,
et dicunt: Non oportere restringi dolores infa-
torum ad tempus post separationem. Chri-
stus passus est dolores inferni in agone, sudans
sanguinem, et saepe alias. Dicunt item, unicum
esse

esse sacrificium, et sufficiens, filij Dei passionem usq; ad mortem crucis. Et quanquam urgent uocabulum Descendit: tamen descendisse dicunt, ut uiostorem, siue sola anima, simq; resuscitatū esse, ut resuscitaret multos, quibus se Christus ostendit, et docuit eos multa de suo regno, et de intellectu promissionum. Est enim consentaneum, hoc uelle Petrum in epistola sua. Ambsdorfius breuiter hunc nodum fecit, cum dicit, scripturam nusquam loqui de ulla separata anima uel Christi, uel aliorum.

Amico suo N. N. Philip. Mel. S. D.

Deo æterno patri Domini nostri Iesu Christi, conditoris generis humani et Ecclesiæ sue, gratias ago, quod ex coniugem tuā honestissimā in partu seruauit incolumē, et filiola fam. tuā auxit: totoq; eum pectore oro, ut ex domesticā et cōmūnem nostræ Sarepta ecclesiā seruet et regat. nam profectò sine coelesti præsidio hæc infirma natura saluare esse nō potest. Et filius Dei, ut testaretur se custodem esse, inducit nostrā naturā. Ac me ualde ipsius uox in magnis doloribus erexit: Nemo rapiet oues meas ex manib. meis. Hunc orgo, ut te et tuos defensat. Genesim filiæ libeter uidimus, de qua singula re fuit D. N. iudiciū, qui iuxta uersum οφοι μηδε πρότερον σοφῶν ανθρώπων. Consuetudine Erasmi et mea sit astrologus. Cūm Orionē uidisset scriptū in no-

in noua luna uicinū, dixit fore egregiā uenatrice,
ac alteram Danam. Bene uale. 4. Calend. Iunias,
Anno 1548.

Patri suo obseruando S.

Charissime pater: Causam, cur tardius expeditatione tua nuncius redeat, ex literis aliorū intelliges. Absuit enim D. Philippus diebus 12. Quanquam enim in Pega breue colloquiū fuit: tamē Lipsiae postea triduo propter publicas disputationes retentus est. Nam & Theologi & Medici luculentas disputationes proposuerunt. Ego ad studia Latine linguae incipio iam elementa mathemetatum adiungere, & Arithmeticam ac Spæricam doctrinam exerceo in erigendis figuris cœlestium motuum: ex quo labore duplicum fructum capio. Nam & paro me ad fontes Philosophiae, & ipsa dulcedo harum artiū mirificis illecebris me ad cognoscenda penetralia doctrinae inuitat. Etsi autē scio derideri Philosophiam à populo: tamen quid potius faciam, præsertim in hac adolescemia, & in tanta temporum mœstitia? Semper homines ingeniosi & modesti tumultuantibus imperijs dediderunt scatibus studijs, ut lenirent mœstitudinem. Oro autem Deum æternum patrem Domini nostri Iesu Christi, ut te et charissimam matrem seruet in columbus, nosq; spiritu suo regat.

Bene uale.

Alia,

Alia, ad patrem:

S.D. Dedi nuper ad te literas, suauissime pater,
 quas spero ad te peruenisse: neq; facile dixerim,
 quantum me animo cruciet expectatio tuarum li-
 terarum. Oro igitur te per summum erga me amo-
 rem, primum ut errori meo des ueniam: deinde, ut
 pro tuo more iterum ad me scribas. quod si facies,
 planè tibi iterum uitam dabo. Tanti enim beneuo-
 lenciam facio tuam, ut non ipsam uitam magis o-
 ptandam mihi esse statuam, quam ut te habeam æ-
 quum et propitium. Nam secundum Deum, in u-
 no te spes omnes opesq; meæ sitæ sunt. Quare ma-
 xime liberabis me ab ærumnis ac miserijs, si mihi
 placatus rescriperis. Res(ut spero) declarabit, nul-
 lam hærere in meis moribus ac uita infamiam. Plus
 ra scriberem, si præ dolore animi possem: quem
 nulla res leuare potest, nisi significatio aliqua redi-
 ditæ gratiæ. Acerbiſſimum mihi fuit uidere literas
 ad Vuolfgangum datas, cum ad me nihil esset scri-
 ptum. O me miserum, si priori loco quisquam apud
 te est, quam ego. Obsecro te per Omnipo-
 tentem, ut me in gratiam recipias.

Bene uale.

F I N I S.



BASILEAE PER PAVLVMI
QVECKVM, MENSE
MARTIO, ANNO
M. D, LXV.

